

AVGVSTINI

STEVCHII





Cim 6272 — 6274

G. IV. 34 a, b, c  
d wycięte (Cim. 4376)



# PHILIPPICÆ

QUATVOR IOHANNIS

Cochlei, in Apologiam Philippi Melan-

chthonis ad CAROLVM V. Im-

peratorem Romanorum, pium,

foelicem, triumphatorem, sem-

per Augustum.

LIPSIAE.

M. D. XXXIII.

## AD LECTOREM.

**N**on quis dicat, sed quid dicatur, attende pie Lector. Neq; inter legendum hic, artem aut ingenium (quæ laudis gratia ostentari solent) obserua, sed ueritatem potius & iustitiam, de his enim non de illis cum Philippo contendo, quas & unice hac in causa præ oculis habendas duco, ne ulla te fallat personarum acceptio, aut fauor humanus, odiumue iniquum. At quatuor tantum Philippicas, quas ante triennium scripsi, nunc edo: multo plures sane editurus, si Deus dederit, ubi Ecclesiæ causa exigere uidebitur. Bene uale, & animam tuam in Ecclesiæ gremio custodi.



*Lim 6273*



# REVERENDISSI-

MO IN CHRISTO PATRI AC DOMINO,

Dn. Petro Episcopo Cracouiensi, ac Inclyti Regni POLO-

NIAE summo Cancellario, Domino suo Gratioſo,

Iohannes Cochleus S. D.



EVERENDISSIME IN CHRISTO

Pater ac Domine, Ornatissime Præſul, etſi nulla mihi apud Reuerendiſſ. Dignitatem & Celſitudinem tuam ſit meritorum prærogatiua, aut ullius officioſi obſequi commendatio, nec ulla intercedat notitia familiaris, quæ mihi fiduciam præbere poſſit ſcribendi citra ruborem ad tantum Præſu-

lem, tantæ autoritatis & eminentiæ uirum: Chriſtiana tamen charitas & urgens conſcientiæ meæ ſollicitudo, cogunt me hoc periculoſo tempore, & ad pleroſq; magnos uiros, poſthabita uerecundia, ſcribere, ut à uulpiū fraudibus & luporum inſidijs, quæ nunc longe lateq; tenduntur, in tempore præmoneantur. Iubet enim lex diuina, ne diſ-

*Deut. 22*

ſimulem aut negligam, ubi uidero bouem aut ouem fratris mei errantem, etiam ſi non ſit propinquus frater meus nec nouerim eum, illi animal ſuum reducere, aut ſi ceciderit in uſa, ſubleuare cum eo. Et quod amplius eſt, ait in alio loco. Si occurreris boui inimici tui aut aſino erranti, reduc ad eum. Si ergo ne bouem quidem aut aſinum fratris, etiam ignoti & inimici, negligere, ſed reducere aut ſubleuare debeo, quem aberraffe aut cecidiſſe uidero, quanto minus diſſimulare aut præterire debeo, ubi uidero homines errare aut cadere? Ait enim

*Exo. 23.*

Apoſtolus. Nunquid de bobus cura eſt Deo? An propter nos utiq; hoc dicit? Nam propter nos utiq; ſcripta ſunt. Cum igitur intelligam quosdam Nobiles è Poloniæ regno adoleſcentes, Vuſſtenbergæ iam diu audire & Lutherum & Philippum Melancthonem, publicos & manifeſtos fidei & religionis Catholicæ hoſtes & impugnatores, & per hoc aberrare & in damnabilem ac damnatam hæreſim cadere eos metuam atq; exiſtimem, urget me per legem diuinam conſcientia, ut uobis ouium Chriſti paſtoribus & catholici regni ſpeculatoribus, indicare ſatagam, quo curetis oues ueſtras ex tanto periculo reuocare ac domum reducere, quas ego uobis reducere non poſſum. Quoniam

*1. Cor. 9.*

uero



uero longa est inter nos terrarum intercapedo uiarumq; distantia,  
quæ non præbet mihi commoditatem præmonendi uos Dominos  
Prælatos & Pastores literis priuatis, decreui publicis ista denunciare  
libellis, qui per Bibliopolas in Regnum uestrum exportari poterunt.  
Video enim hoc maxime moliri Philippum istum, ut ad externas na-  
tiones Lutheri doctrinam quouis modo propaget. Cum autem sciat,  
Regio apud uos cautum esse Edicto, ne Lutheri libri in Regnum ue-  
nales importentur, reperit astuta uulpecula aliam decipiendi uiam, al-  
liciens ad se adolescentes politiorum literarum cupidos, per quos possit  
externis Regnis Lutheri sui uenena immittere. Quod si quis eorum  
proditus fuerit, scribes nomine eius Apologiam, qua & illum excu-  
sando suis reconciliet, & per eum multos alios in Lutherismum trahat.  
Nunc enim similem cum Scotis ludum ludit. Etenim nactus est Scotia  
anno superiore Apostatam unum, mox cepit sub nomine eius scri-  
bere (sicut multis indicijs & argumentis cognoui) ad ipsum Scotorum  
Regem uisulentam aduersus quoddam Episcoporum decretum Epi-  
stolam, quam Apostata ille in occulto per nuncios suos in Scotiam  
transmittit, ut Regem ac Regni proceres aduersus Episcopos & Mo-  
nachos concitet odioq; accendat & inflammet, plausibile nactus scri-  
bendi argumentum, de Nouo Testamento in lingua uernacula le-  
gendo. Quod cum audiat ab Episcopis illius Regni prohibitum esse  
publico decreto, amarulentis in eos uociferationibus inuehitur, tan-  
quam in lupos, tyrannos, homicidas, & Epicuros, qui uerbum Dei  
prohibere ausint, ne pii homines domi legant. Quid hac practica ef-  
fecturus sit, nescio, Vereor certe uehementer, ne per eiusmodi libellos  
in occulto plurimos Scotorum inficiat, priusquam Rex & Episcopi  
sciant, unde ignita illa serpentis iacula tam longe in Regnum suum  
peruenerint. Audio quidem odiosum ac detestabile esse apud Scotos  
nomen Lutheri, ac diligenter in omni portu totius Insulæ obseruari,  
ne qui ex Germania uenenati importentur libri. At dolosa uulpes  
ista, ab Apostata eius rei admonita, studiose abstinuit per totam Epi-  
stolam à nomine Lutheri, simulans se à Lutheri doctrina esse alie-  
num, maxime uero dissimulans, quod Apostata Vuittenbergæ de-  
git, ut eo astu incautos & nihil mali suspicantes facilius decipiat. Ve-  
reor itaq; ne propediem uobiscum similia aut etiam peiora ludat &  
attentet. Quod & facilius poterit, nisi uos Prælati diligentius aduigi-  
laueritis. Nam multo plures habet secum Polonos quam Scotos, &  
Regnum uestrum longe amplius est quam Insula Scotiæ, nec ita por-



tubus custoditum ac mari circumseptum, neq; etiam tam longe distans à loco insidiarum. Hæc est Reuerendissime Domine Præsul & Cancellarie præcipua causa, cur nunc tam multos & in Lutherum & in Philippum eius emitto in publicum libellos, quod uideo callidi Rhetoris astutia, per blanda uerborum lenocinia & per nequissimas Lutherisimi dissimulationes, externis Regnis (quæ hactenus Lutheri dogmata haud secus atq; presentissimi ueneni aconita diligenter & constanter reiecerunt & euitauerunt) periculosiores ac maiores parari insidias, ad subuertendos in fide populos, quam unquam antea. Reliquum est igitur, ut suppliciter uos omnes Episcopos & Prælatos catholici Regni Poloniæ oratos habeam, ne fidelem admonitionem hanc meam contemptim reiiciatis in uentum, quam mihi sola charitas & legis diuinæ mandatum extorquent, pro qua nihil boni à Lutheranis expectare possum. Forsitan & à Polonis, qui Philippo adhaerent, haud unum imminet mihi periculum, licet in nullius odium, sed longe potius in eorum utilitatem & animarum salutem ista scripserim. Sed consolatur me recte & pte intentionis conscientia. Faciant homines ut uelint, ego quod meum est facio, sciens à Domino nostro Ihesu Christo nobis dictum esse. Nolite timere eos qui occidunt corpus, animam autem non possunt occidere. Rogo igitur R. D. T. non alia mente ista accipiat quam ego scripsi. Dominus Ihesus te incolumem ac florentem indiesq; magis ac magis in omnibus bonis proficientem conseruet Ornatissime Pontifex. Ex  
Dresda Misnizæ ad Albim VI. Idus Augusti. Anno Domini. M. D. XXXIII.



ARGVMENTVM Philippice I.

- 1 Confessio Lutherana subdole contra Edicti citatorij intentionem scripta.
- 2 Errores Lutheri reticuit callide Philippus.
- 3 Cæsaris clementia circa eam dissimulationem.
- 4 Errores Lutheri XV. contra primum articulum.
- 5 Errores Philippi IX. contra Nicenam Synodum.
- 6 Multa in scripturis non prodita ab Ecclesia sunt pie & sancte recepta.
- 7 Facilis foret concordia, si Lutherani primum & tertium articulos ex animo assererent.
- 8 Cursum Philippus Augustus ad Catholicos.
- 9 Fraudulenta eius petitio ad Card. Legatum scripta.
- 10 Mendacia Philippi de Legato in publicum sparsa.
- 11 Fraus Philippi in conficta Cochlei nomine epistola.
- 12 X. reprobi articuli Philippi contra Ro. Pontificem.
- 13 Dissimulatio eius de Ro. Pont. in Confessione.
- 14 Fictio eius ad Cæsarem in Confessione, & alibi.
- 15 Philippus aperte seditiosus est, dum iuxta exemplum Iehu indicat Cæsarem contra Papam & Clerum.
- 16 Machinatio Philippi periculosa, ut cadente per fraudes eius Cæsare aut Legato, omnes pariter caderent.
- 17 Sic Arrius quondam unius presbyteri uasfricie ab exilio reuocatus fuit perniciosissime.
- 18 Edictum Constantini quo acerrime prius Arrius condemnatus fuerat.
- 19 Expositio fidei, quam fecte scripsit Arrius ad Imperatorem.
- 20 Fraus Valentis in sua confessione apud Ariminense Concilium.
- 21 Atrociora Lutheri & Phil. quam Arrii scripta contra Trinitatem.
- 22 Quinq; errores Philippi contra Christum in cruce.
- 23 Phil. per rhetoricam superbus & lubricus est sicut paulus Samosatensis.
- 24 Ecclesie articulis simpliciter standum est contra omnes uerborum fucos.
- 25 Non fidendum Philippo, licet in Confes. quedam uera scripserit.
- 26 Responsio Theologorum ad primum articulum Confessionis.
- 27 Responsio Theologorum ad III. articulum Confessionis.

ARGVMENTVM Philippice II.

- 1 Calumnie Philippi in Theologos de peccato originali.
- 2 Hypocrisis eius, qua fingit se suosq; nihil noui & alieni de peccato originali docere,



- 3 Hæretici deprauant & in peruersum sensum trahunt tum scripturas tum patres.
- 4 Superba censura Phil. in patres, in Parisien. & in Academias.
- 5 Philippus nemini parcit, non Christo in cruce, non spiritui sancto, non Concilijs, non scholis &c.
- 6 Phil. Apologiam sine causa & contra Edictum edidit.
- 7 Fingunt Luth. & Phil. Recessum contra & citra uoluntatem Cæsaris editum esse.
- 8 Vulpina fraude laudant Cæsarem.
- 9 Nec Cæsar ipse negare potest, à Cæsare damnatū esse Lutherum.
- 10 Errores Lutheri de peccato originali XXI.
- 11 Mendacia Philippi Lutherum excusantis.
- 12 De uaria significatione peccati.
- 13 Quomodo concupiscentia peccatum est.
- 14 Argutia Lutheri & Philippi in æquiuoco de peccato.
- 15 Sententiæ XV. Augustini de concupiscentia.
- 16 Aug. de concupis. tenet medium inter Manichæos & Pelagianos.
- 17 Antithesis sententiæ Aug. & Luth. de concupiscentia.
- 18 Loci XV. scripturæ de baptismo, quod omnia peccata tollat, non radat.
- 19 Anabaptistis à Luthero datam esse ansam errandi, dum negat sine fide propria baptizandos esse paruulos.
- 20 Sententiæ Augustini de aliena fide pro paruulis.
- 21 Nihil peccatorum remanere post baptismum.
- 22 Impie defendi à Phil. 21. art. Lutheri de peccato originali positos.
- 23 Parricidalis immanitas Lutheri contra infantes.
- 24 Lutherus excitauit Anabaptistas in perniciem paruulorum.
- 25 Errores Philippi XXVI. de peccato originali.
- 26 Philippus à Radino & Cochleo reprehensus tacet uelut conscius sibi & errores tacendo agnoscens.
- 27 Particeps culpæ Phil. quod excitati sunt Anabaptistæ.
- 28 Sententiæ Philippi longe discordant à patribus.
- 29 Mendacium Philippi de S. Thoma quasi consentiat ei.
- 30 Inturiæ Lutheri & Philippi in S. Thomam.
- 31 Sententiæ XV. S. Thomæ de peccato originali.
- 32 Verborum portenta de peccato originali, quid sit diffidere, odisse, blasphemare deum &c.
- 33 Immane est, talia portenta paruulis ascribere.
- 34 Anabaptistæ mitiores sunt in paruulos quam Luth. & Phil.



35 Duplex responsio ad secundū Confes. articulum, una Imperialis,  
altera Theologorum.

36 Epilogus.

ARGUMENTVN Philippicæ III.

- 1 Philippus malæ fidei, defensor est quia aliter ad Imperatorem, aliter ad populum scribit.
- 2 Augustæ facile concordatum fuit super. 4. 5. & 6. art.
- 3 Concordia illa à Philippo & socijs eius ficta inita.
- 4 Blasphemie Lutheri in Epistolam S. Iacobi.
- 5 Initium huius controuersie sumit Philippus à calumnijs.
- 6 Hæc de sola fide controuersia maximi est momenti.
- 7 Philippus hic non modo Theologos sed & Cæsarem, & totum Imperium reprehendit, dum solam fidem defendit.
- 8 Minacissima uerba Luth. de sola fide, contra omnes.
- 9 Atrox calumnia Phil. in Theologos, quos ait trucidare sacerdotes & sanguine scribere leges.
- 10 Responsio Theologorum Augustæ ad 4. art. data.
- 11 Rhetorica Phil. huius schismatis in Imperio præcipua causa est.
- 12 Christo & gratiæ dei omnia bona opera nostra adscribenda sunt.
- 13 Theologi scripturis coguntur de sola fide contradicere Luthero.
- 14 Phil. attritæ frontis est, dum sic mentitur ad Cæsarem.
- 15 Calumniæ Phil. XX. in Theologos, & breuis ad eas responsio.
- 16 Ars calumniandi & superba in eos censura Philippi.
- 17 Maledicta & calumniæ eius in Parisienses.
- 18 Errores de sola fide, Lutheri XX. & toridem Philippi.
- 19 Christus & apostoli de poenitentia coeperunt prædicare, Lutherus de sola fide.
- 20 Quanta barbaries Lutheri in sermonibus contra bona opora.
- 21 In Visitatione Saxonica Lutherus & Philippus non de sola fide, sed etiam de poenitentia prædicandum censuerunt.
- 22 Philippus in Apologia subdole tacet opera poenitentiae.
- 23 Christus & Paulus de poenitentia contrarij sunt Luth. & Phil.
- 24 Duplex iustificatio, una per baptismum, altera per poenitentiam.
- 25 Dicta prophetarum & apostolorum de operibus, poenitentiae contra Phil.
- 26 Luth. & Phil. dicunt populo placentia, quia amara est poenitentia.
- 27 Multa commemorat Paulus quibus iustificemur, non sola fide.
- 28 Iustificant etiam spes & charitas, ut patet ex Paulo.
- 29 Iustificari gratis, sicut non excludit fidem, ita nec spem nec charitatem, quia hæc omnia gratis accepimus.



- 30 Iustificans fides dilectionem & opera non excludit.
- 31 Ridicula Phil.expositio Grátis, id est, sola fide.
- 32 Duplex crimen falsi per Phil. & Luth. in textu Pauli.
- 33 Falsa excusatio Philippi, dum ait, per solam fidem non excludi sacramenta.
- 34 Ad iustificationem impij multa donantur à deo.
- 35 Propositio simpliciter falsa, sola fides iustificat.
- 36 Quæcunq; à Philippo excogitur fides, tamen sine charitate nihil proderit, quia Paulus ait, si habeam omnem fidem &c.
- 37 Inane de noua fide commentum Philippi.
- 38 Paruuli iustificantur baptismo, & tamen de fide Philippi in promissiones nihil sciunt neq; interrogantur de ea.
- 39 Meretrix baptizata olim, non sola fide iustificatur, sed indiget etiam operibus poenitentiae.
- 40 Philippica fides sæpe regeneratur, quod est contra scripturam.
- 41 Atrox & ea gemina in S.Hieronymum calumnia Philippi.
- 42 Cypriano & Hiero. plus credendum quàm Phil. temere certificanti peccatorem de remissione peccatorum per fidem.
- 43 Multi scripturæ loci, quod homo de salute & gratia certus non sit.
- 44 Phil. tot scripturis contrarius, certificat per solam fidem.
- 45 Maximæ in Christū & Euang. cõtumeliæ Philippi per solā fidem.
- 46 Certa quidem est dei promissio, sed incertum est, an nos ea promissione digni simus, quia peccata indignos reddunt.
- 47 Verboſitas Philippi in sua responsione ad dictum Pauli. i. Cor. 13. Si habuero omnem fidem &c.
- 48 Charitas nō sequitur sed simul cum fide & spe infunditur à deo.
- 49 Renouatio hominis non fit per solam fidem.
- 50 Vana somnia Philippi de Corinthiis & de modo iustificandi, ad eludendam Pauli sententiam, si habuero omnem fidem.
- 51 Manifestum mendacium Philippi, dum ait, Theologos unum illum locum citasse.
- 52 Confusio Lutherica de operibus legis uct. & no.
- 53 Nec sola fides nec sola charitas iustificat.
- 54 Verboſitas Phil. dimittenda, ne Cæsari tædium pariat.
- 55 Sola fide excluditur Christus & Euangelium.
- 56 De bonis operibus loci ex sermone domini XX.
- 57 Loci Lutheri XX. contra bona opera.
- 58 Similes Philippi contra bona opera sententiæ.
- 59 Sententiæ Christi & Luth. ac Phil. contrariæ de operibus.

Lutherus



- 60 Lutherus sibiipſi contrarius de ſola fide & operibus.
  - 61 Lutherus in Chriſtum blaſphemus, dum aſt, bona opera eſſe peccata, quia ea operatur Chriſtus in nobis.
  - 62 Amariffimi fructus nouæ de ſola fide doctrinæ.
  - 63 Philippus retractat quædam, ſed in hypocrifi & fiſte.
  - 64 Philippus fatetur premia & mercedem bonis operibus deberi.
  - 65 Bona opera ſunt digna uita æterna per gratiam.
  - 66 Facile fieret concordia, ſi modo una hæc uox ſola omitteretur circa fidem.
  - 67 Teſtimonia B. Auguſtini. xxiiij. contra ſolam fidem pro gratia & charitate.
  - 68 Magna charitatis præconia ex Ser. Aug. de laudibus charitatis.
  - 69 S. Thomæ ſententiæ xxiiij. de iuſtificatione impj.
  - 70 Laudes charitatis ex S. Tho. à quo & lex ignea dicitur.
  - 71 Sancti patres longe præferendi ſunt Philippo, quem Lutherus omnibus præfert ut ſit Paulo proximus.
  - 72 Phil. multis modis conſtringitur, ut elabi non poſſit.
- ARGVMENTVM Philippiæ IIII.
- 1 Quàm benigne à Catholicis reſponſum & actum ſit Auguſtæ ſuper Confeſſ. Luth.
  - 2 Error Vualdenſiũ, Dulcinistaꝝ, Vuiclephiſtaꝝ &c. de Eccleſia.
  - 3 Quàm amarulentus conuſiator ſit Philippus.
  - 4 Philippus criminis læſæ Maieſtatis reus.
  - 5 Error Huſſitarum Conſtantiæ damnatus.
  - 6 Idẽ antea damnatus fuit in Fraticellis, in Leoniſtis, in Donatiſtis.
  - 7 Reprobatio Donatiſtarum ex Aug. ſuper Pſal. 10. & 85.
  - 8 Similes Donatiſtis Lutherani, qui propter Lutherum in Eccleſia & in Imperio ſchiſma excitant.
  - 9 In multis excelluerũt Donatiſtæ Lutheranos, præſertim in quinque
  - 10 Donatiſtis multo deteriores eſſe Lutheranos. (rebus.
  - 11 Errores. 17. Philippi de ſacramento baptiſmi.
  - 12 Luth. & Phil. rebaptizant ſæpius quàm Donatiſtæ & Anabaptiſtæ.
  - 13 Maximi & innumerĩ errores Lutheri ultra omnes omnium ætatum hæreticos.
  - 14 Damnatio Lutheri à Cæſare & cunctis Imperij principibus Vuor-  
maciæ & Auguſtæ facta.
  - 15 Doctrina Lutheri longe actius damnata eſt à Regibus & principibus quàm Auguſtæ à Theologis.
  - 16 Atroces & impiæ Lutheri iniuriæ in Eccleſiã & omnem ſtatum.



- 17 Lutherani multo deteriores schismatici sunt q̄ Donatistæ fuerūt.
- 18 Vane contendit Phil. quia nostræ reip̄a consentit sententiæ.
- 19 Ecclesia recte dicitur sancta, licet in ea bonis admixti sint mali.
- 20 Sic & gens sancta dicit̄ in uet. & no. test. licet in ea multi sint mali.
- 21 Sancti etiam dicuntur Episcopi & presbyteri ab officij dignitate.
- 22 Nemo hic pure sanctus & sine omni peccato.
- 23 Ecclesia etiam dicitur corpus, regnum & hæreditas Christi, non obstantibus in ea malis.
- 24 Luth. pharisaice alijs meliores se reputāt, præsertim q̄ papistæ sint.
- 25 Ecclesiam Lutherani apud se, non apud Papistas esse contendūt.
- 26 Reprobatio huius præsumptionis ex Tertulliano, quia hæretici aliena inuadunt.
- 27 Oēs heretici de Euan. se iactitāt, sed euanescent in uanitatibus suis.
- 28 Nullū ius successionis est Luth. ad Ecclesiā & hæreditatē Christi.
- 29 Papa uero habet legitimū ius & successionē certā ad sedem Petri.
- 30 Papæ regimen successionis certitudine omne regimen superat in terris.
- 31 Sedes Petri incorrupta & diuinitus fundata, iā cunctis est stabilior.
- 32 Ro. ecclesiam à Deo fundatam testatur B. Anacletus.
- 33 Ro. ecclesiam omnibus præferendam dicunt Ignatius & Irenæus.
- 34 S. Augustinus certissimum affirmat ordinem episcoporum in Ro. ecclesia ab ipso Petro.
- 35 Minime igitur decet à Ro. ecclesia ad Lutheri sectam deficere.
- 36 A Ro. ecclesia nequaquā discedendū esse affirmavit Lutherus ipse.
- 37 In Ro. ecclesia esse omne bonum Christianum & ueram Christianitatem testatur Lutherus.
- 38 Damnatio Lutheranae sectæ ex ore ipsius Lutheri.
- 39 Damnatio Lutheri ex ore eius proprio.
- 40 Phil. Augustæ confusus ac redargutus proprijs uerbis Lutheri.
- 41 Damnatio omnium schismaticorum ex B. Cypriano.
- 42 Descriptio Lutheranorum ex eodem.
- 43 Descriptio Lutheri ex eodem.
- 44 Malignitas Phil. in Apologia dū citat autores & græca interserit.
- 45 Hieronymus aliter loquitur de militante aliter de triumphante Ecclesia.
- 46 Arca Noë typus fuit Ecclesiæ.
- 47 Triticum & zizania in eodem agro.
- 48 Sententia Hieronymi contra hæreticos pro Ecclesia.
- 49 Ro. ecclesia tenacior ueritatis est quam Orientis Ecclesiæ.



- 50 Ro. ecclesiæ autoritas & maxima & antiquissima.  
51 Obedientia Græcorum erga Ro. ecclesiam in Concilio Florentino.  
52 Sub necessitate salutis tenemur obedire Ro. ecclesiæ.  
53 Calumniæ Phil. in Apologia contra Papam & Theologos.  
54 Iura Ro. pontificis & Ro. Imperatoris distincta sunt.  
55 Phil. Ro. pontificem seditiose spoliare nititur sua potestate.  
56 Luth. utranq; potestatem seditiose sustulit.  
57 Quisquis à Ro. ecclesia discedit, is & à Catholica discedere con-  
uincitur.  
58 Principatus Ro. ecclesiæ ex Canonibus & Legibus probatur.  
59 Quales dicendi sunt Ro. ecclesiæ desertores.  
60 Phil. maxime reus animarum, quæ per schisma Lutheri pereunt.  
61 Quanta malitia & impietas Philippi fuerit in suo Didymo con-  
tra Ro. pontificem.  
62 Verba Radini contra Philippum pro Ro. ecclesia.  
63 Maxime in Ecclesiam iniuriæ Lutheranorum, quia Mathema-  
ticam & Platonicam ac plane fictam ex ea faciunt Ecclesiam.  
64 Ecclesia Dei non est occulta, sed ciuitas supra montem posita.  
65 Decem insignes Lutheranorū iniuriæ in Ro. & catho. Ecclesiam.  
66 Quanta iniquitas & impietas Phil. in S. Victorem propter pascha.  
67 Quantum iniuriarum contra Ecclesiam, in XII. faciebus Anti-  
christi, quas ponit Lutherus.  
68 Adhuc plus iniuriarum ponit in exhortatione ad Episcopos.  
69 Imperatoris est Ecclesiam à talibus iniurijs uindicare.  
70 Quanta est Imperatori iniuncta necessitas defendendi Ecclesiam  
contra hæreticos.  
71 Iudicium posteritatis metuendum est in permissione tot malorum.  
72 Quomodo agendum Cæsari contra Luth. & non bello, sed legi-  
bus decernere & exequi.  
73 Apprehendenda est Cæsari disciplina contra Ecclesiæ dissipatores.  
74 Exempla piorum regum, qui in impios seueritatem exercuerunt.  
75 Qualis est ecclesia Lutheranorum & quales Episcopi eorum.  
76 Qualis apud Lutheranos religionis cultus in templis.  
77 Non potest Imperator conuiuere, ut tam pia Ecclesiæ instituta,  
per Luth. aboleantur.  
78 Qualis Lutheranorum uita & conuersatio.  
79 Maximus Luth. error de potestate Ecclesiæ circa ceremonias.  
80 Epilogus in quo declaratur quam ardua sit ista de Ecclesia disputa-  
tio.



CONFESSIO IOHAN. COCHLEI.

**C**onfiteor tibi Domine cœli & terræ, Rex regum Ihesu Christe, uere Deus creator & redemptor meus, quoniā fidem Ecclesiæ sanctæ Catholicæ, quam infans per patrum in baptismo professus sum, tua assistente gratia, in morem usq; non negabo, neq; aliam unquam acceptabo, etiam si totus mundus post Lutherum, post Zuinglium, post Anabaptistas, aut post quaslibet sectas nouas curreret, & ab antiqua Ecclesiæ fide totus (quod absit) deficeret. Quia multo plures sunt filij Ecclesiæ iam triumphantis tecum in cœlo, quàm sint hodie filij Ecclesiæ militantis in terra. In ea igitur fide, in qua tui Apostoli, tot centena Milia Martyrum et Confessorum, tot Millena Examina Nonachorum & sacrarum uirginum, tam immensa coniugum uiduarumq; sanctarum & infantulorum multitudo, hæcenus per M. D. annos saluati sunt, me quoq; saluatum iri spero, non sane ex meritis meis, quæ sine gratia tua nihil omnino sunt, sed ex gratia & misericordia tua, per quam iustificasti me primum in baptismo. Deinde miserum me nimisq; ingratum in te atq; in peccata lapsus & relapsus, misericordissime releuasti, & per uenerabile sacramentum poenitentia iterum iterumq; iustificasti. Vt igitur conserues me poenitentem à malo per gratiam tuam, ne relabar, per mortem & resurrectionem tuam te precor. Non enim Pelagianus sum, ut confidam stulte & impie in brachio carnis, quasi sine gratia & ope tua possim purus & ab omni peccato immunis uiuere super terram in corruptibili carne, nec Manicheus ut credam à malo principio, & non à te Deo Opt. Max. creatam esse carnem. Multo minus ausim esse Lutheranus, ne tua in iustis tuis opera bona propter carnē blasphemè peccata dicam, neue sanctorū tuorum gloriosa merita perfide contra tot scripturas tuas negem, ne item stulta præsumptione cōfidam me sola fide iustificari, sine gratia & charitatis dono tuo, sine sacramento poenitentia, sine merito et uirtute passionis tuæ. Breuiter ex te uno & in te uno est salus mea tota. In te Domine spero, in te credo, te unum super omnia diligo, non mea quidem uirtute, sed dono gratiæ tuæ. Hæc enim mihi per gratiam tuam uoluntas est, ut ubi uolueris, animam meam pro te ponam, & non modo pro te, & pro nomine sancto tuo, sed etiam pro honore tuo Genitricis, omniumq; sanctorum tuorum, & pro fide Catholicæ tuæ Ecclesiæ. Siue igitur superueniat Turcarum exercitus, siue hereticorum armata manus, per omnia tormentorum genera interfici ac discerpi mallet q̃ unum iota de Ecclesiæ tuæ fide sciens prudensq; uel adimere uel abnegare. Tantum abest, ut Lutheranorum cōtumeliosa in me scripta aut facta, debeant me ab ista fide ulla ui aut ullo mortis aut iniuriarum terrore dimouere, si modo tu hanc mihi fidem misericorditer per gratiam tuam confirmaueris, ut dicam finaliter, In te domine speraui, non confundar in æternum, Qui es Deus benedictus in sæcula sæculorum.

A M E N.



# PHILIPPICA PRI-

MA IOHANNIS COCHLEI IN APOLO-

giam Philippi Melanchthonis, de primo & tertio Art-  
culis Lutheranae Confessionis Augustae admissis.



EMOREM TE ARBITROR, IN-  
uictissime Imperator CAROLE Auguste,  
uerborum tuorum, quibus usus fuisti in Edicto ci-  
tatorio, quo ad Comitata Augustana conuocauit  
sacratissima Maiestas tua uniuersos sacri Ro. Im-  
perij Principes & Status anno superiore, Nempe,  
ut in ijs præcipue ageretur de tollenda illa discor-  
dia, quæ apud nos Germanos in fide & religione nostra (proh dolor)  
oborta est. Ea enim uerba non semel repetita deinde sunt à M. T. in  
generali Comitiorum conclusione, quam Recessum uulgo dicimus.

Philippus uero Melanchthon, Lutheranae sectæ Antesignanus,  
ut uulpina uaficie M. tuæ imponeret, conscripsit quandam fidel suæ  
Confessionem, in qua errores & praua dogmata sectæ suæ, in quibus  
maxime à Catholicis omnibus discordat, ita callide uel dissimulauit  
subtlicendo, uel pietatis specie colorauit, ut bona pars auditorum, dum  
publice recitaretur illa Confessio, existimaret, non admodum iuste  
damnata fuisse Lutheri doctrinam, tum à M. T. Vuormaciæ, tum à  
Sede Apostolica Romæ. Scit enim uulpecula ista præ omnibus Lu-  
theranis egregie & simulare pietatem, & lingua sua dolose agere, atq;  
in hypocrisi mendacium (ut ait Apostolus) loqui. Vnde factum est, ut 1. Tim. 4.  
eius & lingua & calamo, uelut idoneo quodam ad decipiendum or-  
gano, serpens ille antiquus, qui mendax est & pater eius ( uti Christus Ioh. 8.  
Deus & Dominus noster ait) præ omnibus libenter utatur in dolo, ad  
excitandas turbationes & dissensiones hominum in fide & religione  
publica. Nouit enim ingeniosus Rhetor iste, tum odiosis ueterum he-  
reticorum erroribus (quos hæc secta ex fauilla resuscitat) callidæ com-  
mendationis fucum oblinere, partim ex scripturæ sacræ locis improbe  
detortis, partim ex Rhetoricæ artis persuasionibus: Tum aduersarios,  
sectæ suæ contradicentes, acriter perstringere scommate aliquo, festiuis ir-  
ridere dictis, coloratis pregrauare mendacijs, cauillis & ladorijs con-  
temptibiles atq; odiosos reddere, calumnijs deniq; amarulentis inuis-  
A diose ad



## DE FRAVDVL. HAERET.

diöse ad populum traducere, uelut impios & ineptos, & his artibus qualibet hæreses indocto ac mobili uulgo persuadere.

Vt igitur commendabilior tum M. tuæ, tum reliquis Principibus proceribusq; ac statibus Imperij fieret sua Confessio, admiscuit nonnullos articulos, quibus Catholicorum nemo unquam contradixit, eosq; mox primo loco recitari curauit, ut per eos captata beneuolentia, auditorum animi ad cætera, quæ sequuntur, redderentur æquiores minusq; suspiciosi. In primo igitur præclaræ illius Confessionis suæ articulo sic ait. Ecclesiæ magno consensu apud nos docent, Decretum Nicenæ Synodi, de unitate essentiæ diuinæ, & de tribus personis, uerum, & sine ulla dubitatione credendum esse &c. Post pulchram huius articuli (in quo nullos unquam è Catholicis aduersarios habuit) declarationem, ut per omnia purus ac syncerus in fide Catholica uideatur, damnat omnes hæreses contra hunc articulum exortas, utpote Manichæos, Valentinianos, Arrianos, Eunotianos, Machometistas, & omnes horum similes. Atq; ut adhuc maiori cum gratia habeatur sibi fides, damnat & Samosatenos, ueteres ac Neotericos, qui de Verbo & Spiritu sancto astute & impie rhetoricantur, quod non sint personæ distinctæ.

De hoc articulo, ait deinceps in Apologia sua, quod probauerint eum aduersarij sui, quos fingit esse Theologos quosdam priuati, quasi cæteri Catholici sectæ suæ non aduersentur, quum uulgo constet omnibus, Lutheranam sectam iam olim damnatam esse, non priuatim solum à quibusdam (ut uideri uult Philippus) Theologis, quos scholasticos contemptim uocat & sophistas, uerum etiam auctoritate publica, non modo summi Pontificis (quæ uel sola sufficeret) uerum etiam sacratiss. M. T. omniumq; Principum & itacum sacri Ro. Imperij in Edicto Vuormaciensi, quod & nuper in Augustanis Comitijis repetitum ac per omnia ualidum executioniq; demandandum M. T. simul eum omnibus Imperij Ordinibus, qui M. T. circa religionem rebelles non sunt, recognouerunt. Et post summos istos utriusq; Potestatis in ecclesiâ Dei uertices, aduersantur aliæ quoq; Nationes potentissima Regna, latissimæ prouinciæ, clarissimæ Vniuersitates, è quibus Parisiensis ab ipsometuthero iam olim fuerat in iudicem causæ suæ delecta Lipsiæ. Philippus tamen serpentino astu hæc omnia dissimulans, paucos duntaxat Theologos, qui Augustæ in Comitijis fuerant, sibi aduersarios fingit, ut populus inde cogitet, maiorem partem Christiani orbis sectæ Lutheranae non aduersari, sed consentire magis, & applaudere.

Sed



## PHILIPPICA I.

Sed & altam nequitie machinationem callidus hinc elicit serpens, nempe ut populus libertate Lutherana inescatus non solum irascatur paucis istis Theologis, qui Augustæ Confessionem Lutheranorum non approbauerunt, uerum etiam obloquatur & Sedi Apostolicæ & M. T. quod ante decennium Lutheri doctrinam publice damnauerint, antequam fuerit audita aut rite ( uti falso queritantur ) examinata, ut odio inde in superiores cōcepto, plebs eo facilius queat in seditionem concitari contra utranq; potestatem.

At meminisse poterit, Imperator Auguste, M. T. sacratissima, Theologos illos, quos aduersarios uocat Philippus, hanc fraudulentam hypocrisin mox in primo articulo detexisse, atq; locos aliquot ex libris Lutheranorum longe contrarios ei articulo produxisse, quibus mendacij argueretur serpentina ista dissimulatio. Verum simulata eorum humilitas, & fictum pacis desiderium, egregie imposuerunt M. T. ut iusseris contraria eorum scripta reticere, ne in conspectu omnium Imperij Ordinum, rubore confusi Lutherani. Principes, & in faciem publice redarguti, magis exasperari, quam benigne ad pacem & reditum inuitari uiderentur. Egregia quidem erat illa Clementiæ tuæ bonitas, sed rerum euentu compertum nunc habemus, eam in ingratos (ne quid durius dicam) collatam fuisse. Tantum enim abest, per eam Clementiæ tuæ bonitatem eos ad agnoscendos Lutheri sui errores adduct, ut longe magis inde indurati, ferociioresq; ac magis inobedientes fiant, quippe ab hoc Philippo & Luthero eius persuasi, Theologorum confutationem adeo uanam & absurdam esse, ut nihil habeat, quod ipsorum Confessioni recte opponi queat.

Ne igitur frustra insultent nobis incircumcisi Philistæ isti Lutherus & Philippus, qui confutationem Theologicam, iussu M. tuæ mitiorem breuioremq; à nobis factam, noctuam uocant & uespertilionem, operæ sane precium uidetur plerisq;, ut detecta fraudulentæ Confessionis hypocrisis, errores eorum, quos alibi in uulgus nouarum rerum cupidum disseminauerunt, recenscantur, ut inde intelligat M. T. totusq; orbis Christianus, nihil esse hac uulpe fraudulentius, nihil hoc hypocrita simulatius, nihil hoc calumniatore impudentius, qui aliud loquitur, aliud cogitat, aliud exhibet Cæsari & Principibus, aliud uulgo suisq; complicitibus, alijs deniq; falso imputat, quod ipse met perpetravit.

At itaq; in Confessione sua Philippus iste, Decretum Nicenæ Synodi uerum & sine ulla dubitatione credendum esse. At subticet,

A si quid







## PHILIPPICA I.

- XII** Nec est, quod mihi Homoussion illud obiectes, aduersus Arianos receptum, Non fuit receptum à multis ipsq; præclarissimis, quod & Hieronymus optauit aboleri.
- XIII** Adeoq; non effugerunt periculum hoc inuento uocabulo, ut Hieronymus queratur nescire, quid ueneni lateat in syllabis & literis.
- XIII** Quod si odit anima mea uocem Homoussion, & nolim ea uti, non ero hæreticus. Quis enim me coget uti?
- XV** Et si Arriant male senserunt in fide, hoc tamen optime, siue malo siue bono animo, exegerunt, ne uocem prophanam & nouam in regulis fidei statuere liceret.

ERRORS Philippi de synodo Nicena.

5  
In Locis com-  
munibus.

- I** De fide non habent ius neq; Pontifices neq; Concilia, neq; uniuersa Ecclesia quicquam mutandi aut statuendi.
- II** Nec habendum est pro articulo fidei, quod citra scripturam proditum est.
- III** Quod præter scripturas proditur, ambiguum est, utrum à spiritu Dei an à spiritu mendaci proficiscatur.
- III** Temere tribuitur Concilijs autoritas condendi articulos fidei, uel hoc nomine, quod fieri potest, ut in toto senatu Concilij nemo sit qui spiritum Dei habeat.
- V** Quæso te, Cur Nicenæ synodo potius quàm Ariminensi credis? Num quia eam Ro. Pontificis comprobauit autoritas? At hac ratione Pontificis autoritatem & Concilio & scripturæ præfers, Quod non modo impium, sed & stultum est.
- VI** In synodo Nicena constitutæ sunt quædam pœnitentiæ formæ, non pronuncio, quo spiritu decreuerint patres, At uideo, bonam Euangelij partem, immo uim germanam Euangelij, obscuratam esse ea traditione.
- VII** Obscurata gratia est, & quod Euangelium fidei tribuit, corruptum est satisfactionibus tribui. Quo quid est & impium magis & perniciosius? Et his malis certe occasionem dedit Nicæna synodus.
- VIII** Deinde quibusdam uiuendi generibus addita est intolerabilis sarcina Coelibatus, actumq; de Coelibatu est etiam in Nicæna synodo. Quid autem per eam traditionem profectum sit, nihil attinet referre, quando non alio consilio uulgari libidinis indulgentius potuere.

A. iij      Vides



## DE FRAVDVL. HAERET.

**IX** Vides in his exemplis, nullam fuisse tam piam traditionem in speciem, quæ non magno malo fuerit rei Christianæ.

Hæc è multis pauca, exempli gratia, recitata sint, E quibus M. T. Princeps Auguste facile perspicit, quàm longe diuersa atq; etiam contraria sint hæc ab ijs, quæ in primo Confessione suæ articulo hypocritica fictione posuit Philippus. Si enim nulla sit autoritas Concilij de fide quicquam statuendi, ut asserunt isti ambo, Cur obsecro futurum Concilium etiam in sua Confessione appellant? Si Satanæ additamentum sit, quod in scripturis non habetur, ut ait Lutherus, Nec pro articulo fidei habendum sit, quod citra scripturam proditum est, ut ait Philippus, Necessario certe hinc sequeretur, non esse fidei articulum, quod sint tres personæ & una essentia diuina. In scripturis enim nusquam habetur his uerbis proditum, tres esse personas aut Trinitatem personarum in una essentia: Quinimmo sequeretur, hæc sacra uocabula, tres personæ, tres hypostases, una essentia, trinitas &c. prorsus reiicienda esse, uelut Satanæ additamenta, quia in scripturis non habentur. Quemadmodum de Homoussio Lutherus ipse tam scelerate quàm perfide sentit ac docet. Quid igitur fingunt hic coram M. tua se probare Nicenam synodum, de qua alibi non minus infuriose quàm impie & sentiunt & scribunt? Quandoquidem Lutherus affirmat in ea & fidem & Euangelium defecisse, & male receptam fuisse prophetiam (si ei creditur) hanc uocem Homoussion, cui iuste contradixerint Arriani. Et Philippus asserit, in ea obscuratam esse bonam partem, immo uim germanam Euangelij, obscuratam gratiam, multisq; malis datam fuisse occasionem, maxime uulgandis per Celibatus constitutionem libidinibus. Minime igitur egerunt in Confessione sua Lutherani isti uel probe uel uere uel iuxta M. tuæ Edictum citatorium. Maiestas namq; tua præceperat, uti conuenirent Augustam ad tollendas in fide discordias, illi autem, dissimulatis plerisq; suis impietatibus & erroribus, quibus perquam maxime ab uniuersa Ecclesia Dei discordant, ea M. T. in articulo suo proposuerunt, in quibus Christianorum neminem habent aduersarium aut discordantem, præterquam seipsos & plerosq; antiquitus damnatos hæreticos, qui uocabulo tantum Christiani erant.

Si ergo uere simpliciterq; & absq; fraude & hypocrisi, credunt Trinitatem personarum cum Latinis, & tres Hypostases cum Græcis, eamq; Trinitatem Homoussian, hoc est, unius ciuidentis substantiæ tres personas, corrigunt impios errores suos, complurimos, quos  
ex uno



## PHILIPPICA I.

ex uno hoc & fallaci & falso fundamento deducunt, nempe, quod nihil recipiendum sit, nisi quod habetur in scripturis expressum. Nam neq; Trinitas neq; tres personæ aut tres hypostases, neq; Homousion aut consubstantialia, neq; essentia aut Vsa, neq; ingenitum, neq; coæquale, neq; ab utroq; procedens, habetur in scripturis. Quod si ista nobiscum credunt, credant eadem ratione & alia quàm plurima, quæ sancti patres in Concilijs & pia mater Ecclesia Catholica uel in laudem & cultum Dei instituerunt, uel contra hæreticorum importunitates constituerunt, licet in scripturis non habeantur expressa, Qualia sunt receptissima uerba ista, duæ naturæ Christi in una persona, Maria Dei genitrix & perpetua uirgo, Receptissima item Ecclesiæ instituta, Observatio festorum, Quadragesima, Vigiliæ & certa ieiunia per circulum anni, sacrorum ordinum gradus & officia, uasa & uestimenta sacra &c. Impia sunt igitur & falsa, quæcunq; Lutherus & Philippus complicesq; & degeneres filij eorum dicunt aut scribunt, ex falso fundamento isto ( quod nihil recipiendum sit nisi quod in scripturis proditum est ) per quod sane non minus furiose quàm inique & impie debacchantur in Ro. Pontificem, in Episcopos & presbyteros, in omnem Clerum, in septem sacramenta, in sacrificium missæ, in festa & ieiunia, breuiter in omnes ceremonias nostras, quas per traditiones Patrum & Conciliorum, non in scripturis expressas habemus. Nam si hæc omnia reiicienda essent ( ut ipsi contendunt ) eo quod in scripturis prodita non sunt, eadem profecto ratione reiicienda essent ( ut dixi ) & ista, receptissima alioqui & sacratissima uocabula, Trinitas, tres personæ, Homousion, Theotocos &c. Nam & ista in scripturis nusquam habentur prodita seu expressa.

Vides ergo, Imp. Auguste, quàm friuolo & falso nitatur fundamento tota pene Lutheranorum Tragœdia, eo scilicet, quod nihil recipiendum sit nisi quod habetur in scripturis proditum. Si enim arenosum & aquosum sit ( ut est ) hoc fundamentum eorum, mox sane corruit omnis impietatum structura, haud secus atq; turris Babel, quam Gigantice contra Deum super illud ædificauerunt. Qua enim ratione & autoritate nobiscum concordantes recipiunt Trinitatem personarum, Homousion, Theotocon, uirginitatem Mariæ perpetuam ante & post partum &c. eadem sane ratione & autoritate, cogentur ista sua confessione, nobiscum concorditer & alia omnia, quæcunq; per Ecclesiam, citra scripturæ determinationem, per spiritus sancti iunctum & suggestionem instituta aut definita sunt, recipere, si modo uere &



## DE FRAVDVL. HAERET.

uere & ex animo, non fide aut ex hypocrisi. Confessionem suam M. tue exhibitam uelint. Si enim acquicuerint nobiscum auctoritati Ecclesiae (ut debent) in reliquis quae in scripturis non habentur expressa, sicut acquiescunt aut saltem acquiescere se fingunt in ijs, quae primo & tertio articulo Confessionis suae commemorant, nihil profecto reliquum erit, in quo à Catholicis (qui sanctam matrem Ecclesiam deuote ac obedienter iuxta Christi praeceptum audiunt in omnibus, sicut bonos decet filios) discordent. Aut igitur uel sero concordent nobiscum in omnibus, quae uel praecipit uel prohibet sancta mater Ecclesia, aut fateantur se non modo rebelles esse filios Ecclesiae, uerum etiam sceleratos & impios hypocritas, qui nequissima fitione & M. tuam & omnes Ro. Imperij Ordines, tot mensibus Augustae frustra delassare & uexare ueriti non fuerint.

Math. 18.

3 Inprimis uero agnoscat hic turpitudinem hypocrisisq; & nequitiam suam Philippus, qui Augustae non solum publice simulabat se pacis & concordiae amantem & audum, uerum etiam priuatum cursabat hinc inde, perreptans ac penetrans non modo priuatorum domos & diuersoria, uerum etiam Cardinalium aliorumq; Principum aulas atq; adeo & M. T. Curiam, insidioso nimirum circuitu quaerens, quem hypocrissi sua deuoraret, Et fefellit profecto non paucos blanditijs deprecationibusq; simulatis, dum passim in conuiuijs & colloquijs facillime pacem Ecclesiae recuperari posse affirmaret, si modo suis permitterentur haec tria duntaxat, Populo inquam utraq; species sacramenti, sacerdotibus coniugium, & missae usus & communicatio. In caeteris omnibus fore suos Episcopis & Praelatis per omnia subditos dictoq; audientes. Operae precium sane fuerit, pauca hic repetere ex ijs, quae ille Reuerendissimo Patri, Cardinali Campegio, Sedis Apostolicae Legato, uiro summae & pietatis & eruditionis, manu propria scripsit ac tradidit, & postquam ea traderet, precibus multis ac lachrymis eum in secreto pertentaui, ut uel inde intelligat M. T. quam improba fuerit huius uulpeculae hypocrisis.

Recita.

SCRIBA. Verba Philippi ad Card. Campegium.

I Romana Ecclesia nihil faceret alienum sua clementia, si permitteret nobis uti utraq; specie sacramenti, praesertim cum non damnemus alios, & fateamur in specie panis uerum corpus Christi contineri, & per concomitantiam sanguinem, adeoque integrum Christum, in specie uini itidem integrum Christum. Et post pauca.

Cum

## PHILIPPICA

- II** Cum presbyteri plerunq; cum offensione populi & contra Canones, habeant male moratas concubinas, dignum & hoc esset clementia pontificia, concedere eis honestas & legitimas coniuges.
- III** Si quis hic disputet, quid de digamis faciendum sit, id potest iuxta Canones constitui, postquam Episcopi recuperauerint obedientiam. Et infra.
- III** De missa retinemus publicas ceremonias, tantum numerus non est par. Si cetera impetrari poterunt, non diffido, quin etiam controuersie de missa componi possint. Certe prodest ecclesie, ut hæc ceremonia religiose fiat, & sit apud nos religiosissime.
- V** De cibis & similibus rebus leues sunt controuersie. Cum contigerint rursus Episcopis obedientia & Iurisdictio Ecclesiastica, plurima alia quoq; constitui poterunt.
- VI** Nec grauantur nostri parere Episcopis, modo recipiant eos.
- VII** R. D. V. sine magno negotio poterit constituere concordiam & pacem, his tam paucis rebus uel dissimulatis uel relaxatis. Christus pacificos ait beatos esse & uocat filios Dei. Hunc titulum, hanc laudem uere dignam ista uestra & autoritate & uirtute consequi in hac causa facillime potest R. D. V. Ideo oro eam propter Deum, ut in his rebus aliquid de summo iure remittat, & mitiget Canones, qui & ipsi sæpe fatentur, se temporibus cedere.

Hæc ad Card. Campegium Philippus.

Ex quibus plane intelligit Augustissima tua Imperator Maiestas, hominem istum blandiloquentia hypocritarum sua uulpina improbius egisse Auguste in Comitibus, quam apertis conuiuijs & amarulentijs egit procul delitescens & abiens Lutherus. Hic enim consueti more conuiuabatur, plebisq; odium in Clerum excitabat, instar Leonis rugientis ferociens. Ille uero instar Draconis insidiantis fraudes intendens, non plebem, sed magnates hypocritarum sua circumuenire satagebat. De quo sane quidam, ut erat uir doctus & perspicacis iudicij, dicebat, Quo gratiosior est apud eruditos Luthero Philippus, quo modestior in docendo, hoc grauius lædit Ecclesie causam. Cumq; nos aliquid quando quereremur Auguste super uiolentis & seditiosis libris Lutheri, quos unum post alium mittebat illuc, eo quoq; tempore, quo nobis non parua erat spes tollendæ discordiæ, Philippus blandius re-

**B** spondebat,

*non minus vbi  
hunc Lutherum*



# DE FRAVDVL. HABERE T.

spondebat, non attendendum esse quid Lutherus scriberet, sed quid Principes Lutherani Cæsari proponerent, quid facere, quid acceptare, quid agnoscere uellent.

Quam subdole uero egerit cum Legato, nemo melius nouit quam Legatus ipse, qui lachrymis primum precibusq; illius non satis fidens, iussit illum petitionem suam in scriptis tradere, nec tamen omnem per hoc uulpeculæ fraudem præcauere potuit. Didicit enim paulo post, illi nihil fidendum esse, posteaquam audiuit illum apud plerosq; & in odium Theologorum, quibus respondendi negotium commiserat M. T. & in gratiam suorum quos defendebat, iactitasse, Legatum ea admisisse, in quibus maligne aduersarentur Theologi, Vnde factum est, ut Legatus conuocatis Theologis longa commemoratione uerborum inter ipsos ultro citroq; dictorum, questus fuerit de uana illius iactantia, quam & rei exitus uanam conuincit, & uerba Lutheri uanam fuisse ostendunt, quibus affirmat Campegium dixisse, malle se discerpi frustatim, antequam uelit permittere, aboleri missas angulares. Tanta tamen est utriusq; impudentia, ut & Philippus Lutheri suo dixerit priuatim, & Lutherus publice scripserit, Legatum illum dixisse, Admitti quidem posse Lutheri doctrinam, sed non oportere, ne forte ab alijs quoq; Nationibus approbetur. Quam impudens uero sit mendacium istud, M. T. probe nouit, quæ per sepe audiuit ex ore ipsius Legati, quid Lutheranis tribuat, quantum dogmata eorum detestetur ac reprobet, quantum doleat, Germaniam (in qua diutissime uersatus est) sic ab eis & turbam & perdi.

Luth. contra  
Edictum Au-  
gustense.  
Luth. in com-  
monitione ad  
Germanos.

Ego autem, ut uidi subdolam eorum iactantiam, qua rudi plebeculæ doctrinam suam commendatiorem reddere conantur, edidi uerba Philippi simul cum responsione mea, quam Augustæ iussu Legati scripseram, Quæ cum negare non ausit Philippus, alium subornauit, qui sub nomine meo fictam ederet epistolam, in qua confiterer, me tantum fragmenta quedam petitionis suæ recensere, quæ forent ad rationes meas accommodata. Atqui tam uerum est hoc, quam uere illius ego sum auctor epistolæ. Habeo enim apud me proprium Philippi Chirographum, quod ipse tradiderat Augustæ Legato, ex quo scire ne docere perspicue possum, ne unum quidem uerbum totius eius petitionis à me prætermisum fuisse in editione. Nunc tamen coram M. tua breuitatis gratia quedam consulto prætermisi, quæ ad rem non magnopere faciunt.

Vt uero M. T. adhuc clarius hypocrisin illius in ijs ad Legatum uerbis

## P H I L I P P I C A . I .

uerbis eius intelligat, afferenda mihi sunt aliunde quædam illius dicta his longe diuersissima, penitusq; contraria, quibus petulantissime simul & impijssime Ro. Ecclesiam calumniatus est iam olim.

Recita.

SCRIBA. Verba Philippi contra Ro. Ecclesiam.

II

I Docebimus autem, id quod in hac re potissimum est, primo *In Didymo* loco. Non esse debere penes Ro. Pontificem rerum Christianarum summam. *Faentino.*

II Deinde obiter capita malorum recensebimus, quæ hufus Tyrannidi debemus.

III Quin Aluaros etiam & Caietanos allegabas, qui quid non tribuunt Ro. Antichristo? Et hos calumniatores diuinæ scripturæ fertis principes?

III Quid enim Papæ cum Euangelio? quid Beliali cum Christo? quid tenebris cum luce?

V Nondum auditis Principes, Beatus es Papa Romane, uastator orbis terrarum. Sed beatus es Simon, uerum cur? quia Christum agnoscis.

VI Aut si Petrus à peccato & morte liberat, quin Christo longum ualere dicimus, & puppas Romanas adoramus.

VII Hierosolymis istam ignobilem gentium Ecclesiam præferemus?

VIII Reges gentium, immo ne reges quidem, sed publicæ orbis terrarum pestes sunt, qui nunc sese sanctissimis nominibus uendicant. Atq; hi tales quo iure, qua iniuria sibi primas Ecclesiæ arrogant.

IX Parum referre putat Lutherus, quod opes nostræ, pecuniæ Europæ Romam mittuntur, Hoc dolet, legibus pontificijs & regno Papistico animas hominum non dico in discrimen adduci, sed plane perdi.

X Vel tandem recordamini, uos & Christianos esse & Principes Christiani populi, & ab Antichristi tyrannide miseris Christianissimi reliquias asserite.

Hæc & id genus multa non minus seditiose quam impie uel in uno libello ante X. annos ad M. T. scribere Philippus iste ausus fuit, Qualia uero deinceps X. annis continuis in Apostolicam sedem dixerit & prælectionibus, & scripserit in libellis uarijs, referemus longum foret.



# DE FRAVDVL. HAËRET.

13

Et tamen iſs omnibus hypocritice diſſimulatis, Confeſſionem ſuam ita temperauit, ut maximæ illius diſcordiæ, atq; adeo maniſeſtæ & inimicitæ & hoſtilitatis, quam Lutherani gigantice contra Ro. Pontificem ſuſceperunt, ne uno quidem uerbo fecerit mentionem. Et in petitione ſua ad Legatum Ro. Pontificis, tantam fingit humilitatem, ut per pontificiam clementiam oret Legatum, quo dignetur ſuis utranq; ſpeciem permittere, ſacerdotibus pro concubinis honeſtas concedere uxores, controuerſiam de miſſa componere, & his tam paucis rebus uel diſſimulatis uel relaxatis, concordiam conſtituere & pacem, de ſummo iure aliquid remittere, Canones mitigare &c. Quid obſecro his uerbis blandius, quid modeſtius, quid ſubmiſſius? At nulus eſt Lutheranorum, qui eum ex animo talia ſcripſiſſe credat, Et niſi ipſe fateretur inter ſuos, ea omnia fictæ & circumueniendi ſtudio atq; fiducia à ſe ſcripta fuiſſe, pro ſtipendio utq; ſuſtuarium iamdudum recepiſſet, fuiſſetq; à Luthero reſectus ad Papiſtas. Sed & Apologia eius ſatis clare indicat, qua mente ad Legatum ita ſcripſerit, nempe intentione fallendi, uerbis fictis, humilitate ſimulata. Ad Legatum enim ſcribens, alios ( qui utranq; ſpeciem non dant aut ſumunt ) non damnat. In Apologia uero damnat eos atrociter, tanquam præuariçatores ordinationis & Teſtamenti Chriſti. Et de coniugio ſacerdotum, quum ad Legatum contra Celibatum nihil dixiſſet, in Apologia maxime arguit impudentiæ aduerſarios, quod in tanta inquinati ( ut ait ) celibatus infamia auſint legem Pontificiam defendere.

14

Iam uides opinor, Auguſte, quid gratiæ à te mereatur iſte, qui M. tuæ clementia tam indigne abutitur, nunc ſeditioſis incitationibus contra Ro. Eccleſiam, cuius te ſummum aduocatum eſſe non ignorat, nunc fallaciſſimis ſubdolæ Confeſſionis ſuæ ſimulationibus, quibus M. T. aut in partem ſuam trahere, aut ſi id non queat, odioſam ad populum reddere conatur, tanquam eam damnaueris tum Vuor-  
maciæ tum Auguſtæ doctrinam, quæ nihil mali præ ſe ferat, Cumq; nuper ediderit quandam de M. T. epiſtolā, mira hypocriſi nimumq; ſubdola duplicitate in ea eſt uſus. Primum enim uirtutes tuas ad cœ-  
lum uſq; extollit, atq; adeo ſemideum te facit, Deinde uero ſcelera-  
tiſſime & M. T. & omnes alios Principes tyrannidis arguit, quod eam Auguſtæ damnaueritis doctrinam, quæ nihil aliud ſit quàm ue-  
rum & purum Euangelium Chriſti ac uerbum Dei merum & ſynce-  
rum.

15

An uero ſeditioſus tibi non uideatur iſ, qui ad M. T. publice ſcri-  
bere

# PHILIPPICA 1

bere aufit, Ro. Pontificem (cuius dignitatem & honorem te uelut Ecclesie aduocatum defendere decet) esse Tyrannum, esse Antichristum, esse puppam Romanam, esse uastatorem orbis terrarum, publicam pestem, esse regem gentium, exitum animarum, & quid non? Quin etiam qui aufit M. T. aliosq; Principes manifeste ad cædem & exitum summi Pontificis cohortari, ut ab Antichristi Ro. tyrannide miseras Christianisimi reliquias asseratis, idq; faciatis sacre scripture prætextu, sic enim subluxit. Nam qui spiritus animauit Iehu aduersus sacerdotes Baal, idem nunc quoq; cohortatur uos prisco illo exemplo, ut extingatis illam multo tetriorem Baalis idolatria Romanam superstitionem.

Phil. In Didymo.

16

Post has tamen & plerasq; alias tam aperte & impias & seditiosas uoces, quas in publicum edidit, auius est uenire Augustam, & iis omnibus dissimulatis, non dubitauit, nec ueritus est nequissimis machinationibus, uarijs mendacijs, fucatisq; per hypocrisin uerbis tentare non solum M. T. & alios Principes per Confessionem fraudulentam, uerum etiam Legatum Ro. Pontificis ficta petitione, ut suis blandicijs mendacibus uos omnes aut saltem aliquos deceptos, in partem pertraheret suam, atq; unico illo auiu nefario maiorem ederet Ecclesie ruinam stragemq; animarum, quam tot milibus librorum per XIII. annos edidit ipse Lutherus. Quis enim casurus non fuisset, si dolis hypocrite huius circumuentus uel Romanus Imperator uel Ro. Pontificis Legatus cecidisset? O audacem & improbam Satanæ machinationem, quæ nonnihil forsitan effectura fuisset, nisi Christus uerissime promississet, portas inferi aduersus Ecclesiam præualituras non esse.

Quantos enim uitros ab hæreticis circumuentos huiusmodi dolis legimus? Etenim tempore Constantini Magni, tui CAROLE Auguste antecessoris, Arius, impius ac sceleratus hæreticus, cum fuisset in Niceno Concilio à patribus condemnatus, & à Constantino Imp. in exilium actus, uafrice unius presbyteri Arriani meruit restitutionem. Quippe soror Imperatoris, Constantia, quæ fuerat Licinio Cæsari nupta, per presbyterum illum doloſe circumuenta, in mortis articulo à fratre uisitata, rogauit eum, ut & presbyterum illum nomine suo commendatum haberet, & à sanguine innocentium (exules Arrianæ sectæ intelligi uolebat) sibi temperaret. Hinc igitur presbyter ille Augusto familiariter notus, maxima in Ecclesiam Dei mala effecit, qui non solum ipsi Arrio reuocationem ab exilio, uerum etiam

17  
vide hist. Eccl. lib. 10. c. 12  
& seq. Item, histo. Tripar. lib. 3. c. 6. & seq. Et Hiero. contra Lucian. ferianos.

B in

Eusebio



## DE FRAVDVL. HAERET.

Eusebio Nicomediensi Episcopo cum plerisque alijs Arrianæ sectæ signiferis restitutionem impetrauit, sed & filio Augusti Constantio ita sectam Arrianam commendauit, ut ille post mortem patris non modo in exilium proscripserit sanctissimos uiros Athanasium Alexandrinum, Hilarium Pictauensem, Paulinum Treuerensem, Eusebium Vercellensem &c. simul cum Ro. Pontifice Liberio, uerum etiam plerisque conuocatis Episcoporum synodis, reuocauerit acta sacratissimi Concilij Niceni, suaq; persecutione in eas Catholicam Ecclesiam angustias redegerit, ut omnes pene Episcopi totius orbis (perquam paucis exceptis) facti fuerint Arriani. Qui enim in Catholica fide persistebant, eiciebantur in exilium, & Arriani sufficiebantur in locum & dignitatem eorum.

*1. Timo. 4.*

Non noua res est, Cæsar, hæreticos in hypocrisis (ut S. Paulus nos præmonuit) mendacium loqui, aliudq; in corde retinere, aliud ore proferre. Imposuerunt hac fraude maximis olim uiris, Arrius & amicus eius Eusebius, Theogonus, Valens & plerique alij Episcopi. Certe Constantinus Magnus (qui & Maximus publica autoritate dicebatur, id quod arcus Triumphalis Romæ adhuc hodie testatur) Arrium Nicææ à patribus CCCXVIII. condemnatum, breui quidem illo sed perquam acerrimo Edicto insectabatur, haud mitius sane aut segnius quam M. T. Lutherum Vuormacæ à Leone Decimo Papa legitime condemnatum, seuerissimo Edicto insectata est. Hæc enim erat Edicti formula, quam M. T. recitandam deuote exhibeo.

*Hist. trip. lib. 2. c. 15.*

Recita.

18

SCRIBA. Edictum Constantini Imp. contra Arrium.

Victor Constantinus, Maximus, Augustus, Episcopis & populo. Malignos & impios Arrius imitatus, dignum est, ut illorum quoq; suscipiat ultionem. Sicut igitur Porphyrius, diuinæ pietatis inimicus, iniqua uolumina contra religionem proferens, dignam promeruit inuentre mercedem, & talem, per quam in posterum esset opprobrio, & plurima compleretur infamia. Et nunc placuit Arrium & conseditores eius uocari Porphyrianos, ut quorum mores imitati sunt, eorum uocabulo perfruantur. Super hæc autem si qua conscriptio ab Arrio facta reperitur, igni tradatur, ut non solum doctrina praua eius depereat, sed neq; ulla eius possint remanere documenta. Hoc etiam præcipio, si quis conscriptiones Arrij celasse comperitur, & non repente proferens igne consumpserit, mortis supplicio subiacet. Mox enim cum in hoc fuerit captus, capitalem suscipiet ultionem. Deus uos custodiat.

Ecco

## PHILIPPICA - I.

Ecce tibi, Cæsar, acce, licet breue, potentissimi quondam Monarchæ Edictum, quod certe maxima præcauisset Ecclesiæ illata ab hæreticis mala, si non fuisset gloriosissimus Imperator ille unius priuati homuncionis fraude circumuentus. Quippe presbyter ille latenter partibus Arrii fauens, per Constantiam Constantino suggerebat, Arrium non ob errorem ullum, sed per inuidiam & similitatem priuatam sui Episcopi, eo quod plebi satis charus esset Arrius, damnatum ab Episcopis in Concilio fuisse. Eius igitur instinctu reuocatus ab exilio Arrius, iussus est fidei suæ confessionem scribere. Is autem fallendi oportunitatem ita nactus, callidissime suam scripsit confessionem, uerbis quidem rectam, sensu autem deprauatam, Quam sane M. tuæ ideo recitandam profero, ut inde cognoscas, quàm nihil synceritatis & ueritatis sit in uerbis & fermentis hæreticorum.

*Hist. eccle. lib. 10, c. 12.*

Recita.

SCRIBA. Expositio fidei Arrii ad Constantinum Imp.

Piissimo & Deo amantissimo Domino nostro Imperatori Constantino, Arrius & Euzoius presbyteri. Sicut præcepit Deo amabilis pietas tua Domine Imperator, exponimus nostram fidem, & scriptis profiteamur, coram Deo sic credere & nos & omnes qui nobiscum sunt, sicuti subiectum est. Credimus in unum Deum patrem omnipotentem, & Dominum nostrum Ihesum Christum, filium eius, qui ex eo ante omnia secula natus est, Deum uerum, per quem omnia facta sunt quæ in coelis & quæ in terra, qui uenit & carnem assumpsit, & passus est & resurrexit, & ascendit in coelos, & iterum uenturus est iudicare uiuos & mortuos, & in spiritum sanctum, & carnis resurrectionem, & uitam futuri seculi, & in regnum coelorum, & in unam sanctam Dei ecclesiam Catholicam, quæ a finibus usque ad fines est. Hanc autem fidem percepimus ex sanctis Euangelij, dicente Domino discipulis suis. Euntes decete omnes gentes, baptizantes eos in nomine patris & filij & spiritus sancti. Si autem non hæc ita credimus, atque suscipimus uere patrem & filium & spiritum sanctum, sicut omnis Ecclesia & sanctæ edocent scripturæ, quas per omnia sequimur, iudex noster erit Deus & nunc & in futuro seculo. Quapropter tuam pietatem rogamus Deo amabilis Imperator, ut dum Ecclesiastici simus, & fidem & sensum Ecclesiæ sanctarumque scripturarum habeamus, uniri nos per pacificam & Dei cultricem pietatem tuam matri nostræ Ecclesiæ iubeas. Quippe quæstionibus & superfluitatibus inquisitionum sublatis, & ut nos & sancta Ecclesia ad inuicem pacificati, solemnesque orationes

*Hist. trip. lib. 3, c. 6.*



## DE FRAVDVL. HAERET.

orationes pro pacifico pioq; Imperio & omni tuo genere omnes com-  
muniter celebremus. Hæc Arrius.

Nunc inspice, precor, & tu Deo amabilis Imperator CARO-  
LE, Philippicæ Confessionis duos articulos, primum & tertium, in  
quibus Arriani recte quidem damnantur, quia de Trinitate non recte  
sentiebant nec de Christo. Et tamen si uerbis Arrii iuxta literam cre-  
datur, nihil mali (sicut & Philippi confessio in dictis duobus articulis  
mali nihil habet) præ se fert eius Confessio, per quam tamen non so-  
lum Imperatorem, uerum etiam Episcopos quàm plurimos atq; adeo  
totum pene mundum nequissime decepit.

Sic post eum eodem uerborum fuce & inuolucro sexcentos ( ut  
affirmant nonnulli ) Episcopos Ariminensi Concilio congregatos  
scelestissime decepit Valens, Mursensis Episcopus, Qui cum reuera  
Arrianus esset, fraudulenta hypocrisis, uerba alter intelligebat quàm  
communi sensu ab omnibus acciperentur. Cuius rei testem M. T. pro-  
duco S. Hieronymum, qui prudenter ab hæreticorum callidis uerisus-  
tibus cauendum docens, historicum perscripsit exemplum, quod M. T.  
recitandum exhibeo.

Recita.

SCRIBA. Verba S. Hieronymi contra Luciferianos.

20

*Regem hic in-  
tellige Cōstan-  
tium Imp. Cō-  
stantini filium.*

Valens Mursensis Episcopus, qui eam Confessionem conscripse-  
rat, præsentem Tauro prætorij præfecto, qui ex iussu Regis Synodo ade-  
rat, professus est se Arrianum non esse, & penitus ab eorum blasphemias  
abhorrere. Res secrete gesta, opinionem uulgi non extinxerat.  
Itaq; alia die in Ecclesia, quæ est apud Ariminum, & episcoporum &  
laicorum turbis concurrentibus, Muzonius episcopus provincie By-  
zantinæ, cui propter ætatem primæ ab omnibus deferrebantur, ita lo-  
cutus est. Ea quæ sunt iactata per publicum, & ad nos usq; perlata, ali-  
quem è nobis sanctitati uestre legere præcipimus, ut quæ sunt ma-  
la, & ab auribus & à corde nostro abhorrere debent, omnium una  
uoce damnentur. Responsum est ab uniuersis Episcopis, Placet. Itaq;  
cum Claudius Episcopus provincie Piceni, ex præcepto omnium  
blasphemias, quæ Valentis ferebantur, legere cœpisset, Valens suas  
esse negans, exclamauit & dixit.

Si quis

# PHILIPPICA I.

negat, Christum Deum Dei filium ante  
secula ex patre genitum.

negat filium similem patri secundum scri-  
pturas, filium Dei non dixerit æternum  
cum patre.

Si quis

dixerit creaturam filium Dei ut sunt cæ-  
teræ creaturæ.

dixerit de nullis extantibus filium, &  
non de Deo patre.

dixerit, Erat tempus quando non erat  
filius.

Anathema sit

Et responde-

runt uniuersi,

Anathema sit.

Cum ergo cuncti Valentem ad cælum laudibus tollerent, & suam  
in eum suspensionem cum poenitentia damnarent, idem Claudius, qui  
supra legere coeperat, ait. Adhuc sunt aliqua quæ subterfugerunt do-  
minum & fratrem meum Valentem, quæ si uobis uidetur, ne quis  
scrupulus remaneat, in commune damnemus. Siquis dixerit filium  
Dei esse quidem ante omnia secula, sed non ante omne omnino tem-  
pus, ut ei aliquid anteferat, Anathema sit, dixerunt cuncti Anathe-  
ma sit. Multaq; alia quæ suspiciosa uidebantur, ad pronuntiationem  
Claudij Valens condemnauit, Quæ si quis plenius discere cupit, in  
Ariminensis synodi actis reperiet, unde & nos ista libauimus. His itaq;  
gestis, Concilium soluitur, leti omnes ad prouincias reuertuntur. Idem  
enim Regi & bonis omnibus curæ fuerat, ut Oriens atq; Occidens cõ-  
munionis sibi uinculo neq;erentur. Sed diu scelera nõ latent, & cicatrix  
male obducta, incocto pure dirumpitur. Coeperunt postea Valens &  
Vrsatius cæteriq; nequitiæ eorum socij egregij uidelicet Christi sacer-  
dotes, palmas suas iactitare, dicentes, se filium nõ creaturam negasse,  
sed similem cæteris creaturis. Tunc Vrsæ nomen abolitum, tunc Nice-  
næ fidei damnatio cõclamata est. Ingemuit totus orbis, & Arrianum  
se esse miratus est. Concurrerant Episcopi, qui Ariminensibus dolis  
irretiti, sine conscientia hæretici ferebantur, contestantes corpus Do-  
mini & quicquid in Ecclesia sanctum est, se nihil mali in sua fide suspi-  
catos. Putauimus (aiebant) sensum congruere cum uerbis, nec in Ec-  
clesia Dei, ubi simplicitas, ubi pura confessio est, aliud in corde clau-  
sum esse, aliud in labijs proferre timuimus. Decepit nos bona de ma-  
lis existimatio.. Hæc ex Beato Hieronymo.

Hinc ergo facile cognoscis, Imperator, quàm caute agendum sit  
cum hæreticis, si omnes eorum fallaciæ subterfugi aut præcaueri de-  
beant.

C



## DE FRAVDVL. HAERET.

*Vbi supra.* beant. Subtilis est (ait B. Hiero.) hærelis, & ideo simplices animæ facile decipiuntur. Cumq; hoc non ignoret Lutherus, mauult scribere Teuthonice ad decipiendam plebem, quàm latine, scit enim eruditos non tam facile capi posse quàm plebem. Et ex supradictis uidere potest M. T. Lutherum atq; etiam Philippum eius, longe atrociora dixisse alicubi contra Nicenam synodum atq; etiam contra Trinitatem personarum quàm uel Arrius in sua Confessione, uel Valens in Ariminensi Concilio dixisse comperitur. Certe non ait ibi Arrius, Satanae additamentum esse, quicquid in scripturis non habetur. Nec ait, Euangelium funditus euertere Papatum & Concilia, nec prophanam uocat uocem, Homouision, nec mentitur in Hieronymum aut alium e Catholicis, quasi dixerit uenenum latere in literis & syllabis illius uocis, sicut dixit & scripsit publice Lutherus. Nec item blasphemauit sic in Ro. Pontificem Arrius, nec in Concilia, nec in spiritum sanctum, sicut extra Confessionem suam fecit Philippus iste. Vbi enim dixit aut scripsit Arrius, Papam esse Antichristum? Vbi, obscuratam esse gratiam & uim germanam Euangelij per Nicenam synodum? Vbi, Spiritum sanctum non alia docere nisi quæ scripturis sunt prodita, & a Christo prius dicta? Recte quidem damnat Philippus tum Arrianos tum Paulianistas & horum similes hereticos, qui de Christo non recte senserunt, sed per hoc minime ab eadem culpa excusatur ipse. In quo enim alios iudicat, seipsum condemnat, ut ait Apostolus. Nam & ipse de Christo pessime alicubi scripsit, Quod ut euidentius cognoscatur, ipsius uerba recitanda subiiciam,

Rom. 2.

22

Recita.

SCRIBA. Verba Philippi contra Christum.

Phil. in Anno. I  
in Matt. in fi.

II

III

Idē in Annot.  
5. Cor. I.

III  
V

Tertia, eademq; summa, causa pauoris Christi erat, sensus quidam desertionis & iræ diuinæ, quo fluctuabat Christus inter infernum & uitam.

In hoc pauore facta est despoliatio donorum in Christo, ut iam non concludat argumentum de charitate, quod ubi sit perfecta charitas, ibi non sit timor.

In hac afflictione & angustia despoliatio quædam charitatis facta est.

In Christo, subtrahente se diuinitate, non flagrauit charitas. Facit & patris & Christi mentionem Apostolus, ut significet, non tam Christum Deum esse, quàm per Christum omnia donari, Hæc Philippus.

At nihil

## PHILIPPICA I.

At nihil horum in Confessione fidei suæ dixit Arrius, nihil Valens, Ne Paulus quidem Samosatenus, licet reuera pessime de Christo senserit, ac ueterem Artemonis hæresim instaurauerit, quæ purum hominem, id est, absq; Deo fuisse saluatorem nostrum affirmat. Idq; antiquitus ab ipsis etiam Apostolis traditum fuisse mentitur. Quam sane impietatem & hodie ex germine Luthericæ ac Philippicæ doctrinæ renouat serpens antiquus in Catabaptistis, qui Christum non Deum uerum, sed Prophetam quendam & purum hominem fuisse delirant. Quod si Christus non debeat dici Homousios, id est, consubstantialis patri, ut Lutherus contendit. Et si uerum sit, non tam Christum Deum esse quàm per Christum omnia donari, ut Philippus rhetorizatur, quid obsecro aliud inde sequatur, quàm quod noui ueterum hæreticorum discipuli, Catabaptistæ concludunt, Christum, non Deum uerum (heu nefas & blasphemiam) sed purum fuisse hominem?

Quamuis uero error iste de Christo maxime sit & absurdus & blasphemus, Paulus tamen Samosatenus, qui erat & Patriarcha Antiochenus & Orator eloquentissimus, tam callide potuit cum celare ac palliare, ut in multis Episcoporum collationibus deprehendi non potuerit, donec Malchion presbyter acerrime instans & urgens, lubricum rhetorem, detecto tandem errore comprehendit. Qua de re sic habet in Historia Ecclesiastica Eusebius Cæsariensis. Temporibus Aureliani Imperatoris ultimum apud Antiochiam Episcoporum Concilium congregatur, In quo Paulus arguitur manifesteq; conuincitur hæreticus, & damnatur ab omnibus quæ sub coelo sunt, ecclesijs Christi, insistente plurimum & disceptationibus ualidissimis perurgente Malchione presbytero Antiochenæ ecclesiæ, uiro fidelissimo & omnibus uirtutibus adornato. Cui accedebat etiam hoc, quod erat disertissimus & potens in uerbo, atq; in omni eruditione perfectus, deniq; Oratoriam in eadem ipsa urbe docuerat. Huic igitur ab omni Episcoporum Concilio permittitur disputatio cum Paulo, excipientibus Notarijs, quæ ita magnifice ab eo & accurate habita est, ut scripta ederet, & nunc quoq; in ammiratione sit omnibus. Solus etenim potuit dissimulantem & occultantem se Paulum confessionibus proprijs publicare. Hæc Eusebius. Qui & epistolam Episcoporum illius Concilij recitat, quæ testatur illum antea promississe Firmiliano ex Cappadocia Episcopo, se correcturum esse errorem, quum tamen dolo disferret & hominem falleret, Deumq; negaret, ac fidem in qua renatus fuerat, uiolaret, Qui & tantæ erat peruiaciæ, ut per Concilium ab

C ij      Episcopatu

Vide Histo. ec  
cle. lib. 5. c. 27.  
& lib. 7. c. 25

Luth. contra  
Latomum.

23

Lib. 7. c. 25.



## DE FRAVDVL. HAERET.

Episcopatu depositus & excommunicatus, de domo Ecclesiae noluerit exire, donec manu publica inde pelleretur. Interpellatus enim de hoc Aurelianus Imperator, religiose satis sancteque decreuit ( licet Paganus esset ) his praecipiens Ecclesiae domum tradi, quibus Italiae sacerdotes & Romanus Episcopus scriberent.

24

Quorsum uero haec omnia tendunt, Imperator CAROLE: huc profecto, ut M. T. nullis haereticorum uel probationibus uel excusationibus, quamlibet fucatis & scripturae locis in speciem munitis, fidem habeat, sed regia uia secundum limites fidei antiquos, a sanctis patribus positos, & tot seculis religiose obseruatos, simpliciter ( ut facit ) incedat. Scriptum est enim, Qui ambulat simpliciter, ambulat confidenter: Qui autem deprauat uias suas, manifestus erit. Et iterum.

*Prover. 10.*

*1b. 11.*

*1b. 28.*

Abominabile Domino cor prauum, uoluntas eius in his qui simpliciter ambulant. Et rursus, Qui ambulat simpliciter, saluus erit: Qui peruersis graditur uis, concidet semel. Sic concidit Paulus ille Samosatenus, sic Arrius, sic Pelagius, sic Nestorius, sic Eutices, sic & alij, quotquot fuerunt, haeretici, quamlibet facundi, eruditi, astuti, lubrici, ac peruersis gradientes uis. Concident igitur & Lutherani, ac quicumque alij nouarum sectarum adinuectores, quamlibet uersuti sint & uerbofi. Solidae enim ueritati ( quam spiritus sanctus suggerit Ecclesiae ) resistere in finem usque non poterunt. Scriptum est enim. Veritas magna est & fortior praeter omnia. Omnis terra ueritatem inuocat, coelum etiam ipsam benedicit, & omnia opera mouentur & tremunt eam, & non est cum ea quicquam iniquum. Item. Forte est unum, fortior est Rex, super omnia autem uiuincit ueritas. Et alibi ait rex Salomon. Iustitia simplicis dirigit uiam eius, & in impietate sua corruebat impius. Iustitia rectorum liberabit eos, & in insidijs suis capientur iniqui.

*3. Esdrae. 4.*

*1b. c. 3.*

*Pro. 11.*

25

Quamuis igitur Philippus iste in nonnullis Confessionis suae articulis ( licet perquam paucis ) inculpabiliter scripserit per hypocrisim, ut eo uerborum fucio & suis gratiam & Catholicis inuidiam pararet, minime tamen fides per omnia adhibenda ei est, quandoquidem in praeteritis alijs articulis grauius errat, & in istis, quos admisimus, alibi haud semel impegit, impiusque ac blasphemus fuit. Certe quam impie scripserit alicubi de Christo, de Nicena synodo, de spiritu sancto &c. ex praememortais intelligere licebit. Quam impie uero saepissime scripserit de Deo patre atque adeo de tota Trinitate, M. T. clarius uidebit, ubi de libero arbitrio illius Apologiae responderimus.

Nunc ea tantum subiungere liber, quae ego Augustae quorundam peti-

## PHILIPPICA I.

dam petitione ex communi Theologorum responsione, quam M. T. iussu in Luthericam Confessionem adornarant, ad M. T. referre uolebam, si non obstitisset quorundam consilium, qui iudicabant eiusmodi responsionem fore nimis & acrem & prolixā. Metuebant enim ne forte prolixior foret quā ut absq; fastidio perlegi tota uno in consessu publico possit, submonebant item, M. T. nolle, ut absurdis concionatorum Luthericorum erroribus aut percellerentur aures aut confunderentur uultus Principum Lutheranorum, qui uidebantur pacis auidi, & errorum grauiorum ultro pertæsi. Quum uero Lutherus & Philippus nunc eiusmodi M. T. clementiam iniquissime interpretentur, & Theologis, quos M. T. respondere iussit, improbissime insultent, uelut noctuis uersperilionibusq; lucifugis, quasi responsionem suam in lucem edere non ausint, ego hinc Epilogi uice M. T. ea recitanda exhibeo, quæ in primum & tertium Confessionis eorum articulos, de quibus ad longum supra egi, Augustæ ex Theologorum responsione conscripsi.

Recita.

SCRIBA. Confutatio Luthericæ Confessionis Augustæ exhibitæ.

Articulus I. de Trinitate,

Inuictissime Imperator, Domine Clementissime, Princeps Deo dilecte, nobisq; sacrosancte ac semper Auguste, Confessio Illustrissimorum Principum eorumq; Concionatorum, in primo articulo, ab omnibus Orthodoxis procul dubio probabitur, & cum gaudio ac debita congratulatione suscipietur, ubi fatentur, Decretum Nicenæ Synodi de unitate essentiae diuinæ & de tribus personis, sine ulla dubitatione credendum esse.

Ex qua sane Confessione poterit Cæsarea Maiestas uestra illos benigne admonere, Primum, ut quæcunq; approbat Ecclesia Catholica communi consensu, etiam si in literis sacris expressa proprijs uocibus non fuerint, ipsi quoq; pro approbatis habere uelint, utpote sacrificium Missæ, ieiunium quadragesimale, Inuocationem sanctorum, exequias mortuorum, & id genus alia. De quibus nouæ ab eorum Concionatoribus contentiones, magno cum scandalo infirmorum, graniq; commotione populorum, in uulgus temere dispersæ sunt, hanc præcipue causam prætendentibus illis, quia Euangelium & sacræ literæ ista nō habeant. At si causa ista ualeret, utiq; confessio hæc de unitate essentiae diuinæ & de Trinitate personarum nihil ualeret.

C iij

Quando



## RESPONSIO THEOLOGORVM

*Matth. ult.*  
*1. Ioh. 5.* Quandoquidem in sacris literis & in Euangelio, nusquam sub istis uerbis reperitur. Et cum Græci dicunt citra scripturam tres hypostasēs, quod latine ad uerbum sonat tres substantias, Latini tamen nequaquam tres substantias, sed tres personas confitentur. Sacræ autem literæ docent quidem nos dicere tres, Patrem, filium, & spiritum sanctum, sed dicere tres Hypostasēs aut tres personas, nusquam docent. Et tamen recte sic dicimus, quia Ecclesia communi consensu ista recepit & approbauit, Ergo & alia dicere & obseruare debemus, quæ Catholica Ecclesia docet, recipit, seruat, præcipit, aut instituit, etiam si in literis sacris expressa non reperiuntur.

*In Auc. Collatione. 9. cōsti.*  
*6. in principio* Deinde pie admonendi sunt Principes isti, ut sacratissimam Synodum Nicenam, quæ sub Constantino Magno, An. Do. CCCXXIII. Episcopos CCC. & XVIII. sanctissimos ac cruditissimos uiros in unum congregatos habuit, in reliquis quoq; Canonibus nobiscum reuerenter agnoscant & sequantur. Quemadmodum & ipsi olim, & ante ipsos Patres eorum, ac omnes retro Principes ac Reges Catholici, laudabiliter fecerunt. Nam in publicis legibus Imperatores Ro. religiose alicubi sanxerunt, ut Regulæ Ecclesiasticæ, à quatuor sanctis Concilijs, Niceno, Constantinopolitano, Ephesino primo, & Chalcedonensi, aut expositæ aut firmatæ, pro legibus habeantur, & eorum dogmata sicut scripturæ sanctæ recipiantur. Ergo sacri Ordines Episcoporum & Clericorum in suis officijs retinendi sunt, obseruandi dies quadragesimæ, celebrandæ Episcoporum & presbyterorum Synodi peragenda poenitentia, seruanda Ecclesiæ statuta, & cætera quoq; recipienda, quæ sanctissima Synodus Nicena recepit ac statuit, & tota Ecclesia foeliciter hactenus obseruauit.

*Luth. in Sermone, Attendite à falsis prophetis.* Tertio, admonendi sunt iidem Principes, ut Concionatores & Doctores suos nouos, ad Palinodiam adigant & compellant, in ijs quæ perperam contra prædictam Synodum docuerunt & scripserunt. Notum uero Martinum Lutherum & Philippum Melancthonem, qui publice contra leges & bonos mores, in graue populorum scandalum ac piarum aurium offensionem, Nicenum illud Concilium calumniati sunt. Lutherus quidem in hæc uerba. In Synodo Nicena fides & Euangelium defecerunt, & inualuerunt traditiones hominum. Item. Sæpe in Concilio nullus adest uir, qui diuinum spiritum uel monicum olfecerit, sicut contigit in Concilio Niceno, ubi tractabant & leges condere uolebant super statu Ecclesiastico, ne essent in matrimonio, ibi iam omnes erant falsi &c. Item. Anima mea odit hoc uocabulum

# AD ARTICVLVM I.

cabulum Homouſion, nec foeliter eſt receptum, & Hieronymus *Luth. contra Latomum,* conuenitur eſſe neſcio quid latentis uenient in literis & ſyllabis eius, à magnis quoq; & doctiſſimis uiris non fuit receptum, &c. Quàm Arrianum uero impiumq; & falſum ſit hoc dictum eius, quis non uidet? Cur enim damnatus fuit Arrius à CCC. & XVIII. Epiſcopis, & à Constantino Imp. in exilium actus, niſi quod uocabulum hoc recipere noluit: prætendebant ſane Arriani idipſum quod prætendunt modo Lutherani, nempe nihil recipiendum eſſe quod in ſcripturis non habetur expreſſum, Vnde dicebant nos Catholicos per irriſionem Homouſianos, ſicut nunc à Lutheranis dicimur Papiſtæ. Cum igitur Principes iſti hic ultro damnent Arrianos, neceſſarium eſt, ut ſuum quoq; Lutherum damnent, qui idem in Catholicis male reprobatur, quod reprobauit olim Arrius, quem hic damnant. Melanchthon uero ſic ait. In Synodo Nicena conſtitutæ ſunt, quædam poenitentia for- *Phil. in locis communibus,* mæ, non pronuncio, quo ſpiritu decreuerint patres. At uideo, bonam Euangelij partem, imo uim germanam Euangelij, obſcuratam eſſe ea traditione. Nam inde primum natæ ſunt ſatisfactiones, quæ principio fortasſe tolerabiles erant, cum adhuc purior eſſet Euangelij intellectus penes Eccleſiam, Sed paulo poſt, ex ſatisfactionibus, quæ conſcientiarum carnificina facta eſt, obſcurata eſt gratia, & quod Euangelium Dei fidei tribuit, coeptum eſt ſatisfactionibus tribui, quo quid eſt & impium magis & pernicioſius? Et his malis certe occaſionem tribuit Nicæna Synodus. Hæc ille. Et hinc igitur uidere poſſunt iſti Principes, quàm miſere ſeducantur populi eorum, ab ijs quos inter Doctores ſuos alunt & præcipuos habent. Cui uero parcant tam ſuperbæ cenſuræ homines, qui tot & tam ſanctos Patres ſimul cum Imp. Constantino ac tota Eccleſia arguunt impietatis & obſcuratiſſionis Euangelij: Qua ergo fronte citant nunc Concionatores eorum Nicænam Synodum, quam iſi quos præcipuos habent, tam foede calumniantur & arguunt? Niſi igitur ad Palinodiam adigantur, ſuſpicari merito poterimus, nihil hic ſerio à Principibus iſtis, in quorum & manu & menſa calumniatores iſti ſunt, coram Cæſ. M. V. proponi, intendi, aut agi in ſua Confefſione, quamuis meliora ſperemus.

Quarto deniq; poterit eos Cæſ. M. V. ſalubriter admonere, ut ſuis Concionatoribus, quamlibet eruditis & eloquentibus, contra uniuerſalem Dei Eccleſiam nihil credere poſthac uelint, eo quod certi ſumus ex Euangelio, Chriſtum & promiſſiſſe & miſiſſe atq; dediſſe Spiritum ſanctum Eccleſiæ, qui ſuggerat ei omnia, omnemq; doceat ueritatem, *Ioh. 14. & 16.*  
Vnde



## RESPONSIO THEOLOGORVM

Vnde fit, ut Christus dicat, Ecclesiam suam fundatam esse super fir-  
*Math. 16.* mam petram, & Paulus nomet eam columnam & basim ueritatis.  
*1. Tim. 3.* Ideo à ueritate & recta fide (custode ac ductore Spiritu sancto) aberrare  
 nunquam poterit. Quilibet autem homo quantumuis doctus aut  
*Psal. 115.* ingeniosus, errare potest, scriptum est enim, Omnis homo mendax.  
 Cum igitur longe à scopo ueritatis aberrauerint olim doctissimi ac  
 eloquentissimi homines, Valentinus, Paulus Samosatenus, Arrius,  
 & plerique alij, quos Principes isti hic recte ac merito damnant. Cur  
 non credamus, Lutherum quoque & Melancthonem eorumque com-  
 plices potius errare quam totam Ecclesiam, cui paracletum dedit Chri-  
*1. Pet. 5.* stus spiritum ueritatis? Scriptum est enim, Deus superbis resistit, hu-  
 milibus autem dat gratiam. Quis autem non uidet, quam impudens  
 & immanis sit horum hominum superbia, qui Nicenam Synodum  
 (in qua Athanasius quoque & Eusebius Cæsariensis, uiri omnium eru-  
 ditissimi ac eloquentissimi, adfuerunt) tam proterue in publico iudicare  
 audent? Et tamen eandem prius persæpe collaudauerunt & sacratissi-  
 mam prædicauerunt. Merito igitur admonendi sunt principes isti,  
 ut de cætero his hominibus contra Ecclesiam nihil prorsus credant.

27

### Articulus III. De duabus naturis in Christo.

Quamuis multa complectatur articulus iste membra, nos tamen  
 omnia uelut pia, uera, & Catholica, libenter & cum gaudio agnosci-  
 mus & amplectimur, suppliciterque Principes istos in Domino adhor-  
 tamur, ut in cæteris quoque nil nisi Catholicum à suis Concionatoribus  
 acceptare aut admittere uelint. Poterit itaque & hic Cæs. M. V. illos pie  
 ac salubriter admonere, ut sicut istum articulum in omniibus membris  
 suis recte iuxta Ecclesiæ determinationem asserunt & affirmant, licet  
 huiusmodi uerba in scripturis non habeantur: Ita & in reliquis Eccle-  
 siæ determinationibus fideliter cum patribus suis persistant, & ac-  
 quiescant potius, quam ut permittant se longius à ueritate per nouas  
 Concionatorum suorum adinventiones abduci.

Sequitur itaque ex huius articuli confessione, iure ac merito damna-  
 tum esse Lutherum, qui publice scripsit & docuit, quod pia conscientia  
*Luth. de abro-* nouit nec dubitat, Ecclesiam nihil statuere aut ordinare citra aut ultra  
*ganda Missa.* uerbum Dei. Item. Quod in scripturis non habetur, hoc plane Satanae  
 additamentum est. Item. Mira nostra peruersitas est, ut alijs testimo-  
 nijs quam scripturae nostra uelimus probare &c. At clarum est, in scri-  
 pturis non haberi pleraque uerba huius articuli, uerissimi alioqui &  
 minime

# AD ARTICVLVM III.

minime in dubium reuocandi, ergo falsa sunt dogmata ista Lutheri. Vbi enim habetur in scripturis expressum, duas naturas Christi, Domini & saluatoris nostri, diuinam & humanam in unitate personæ inseparabiliter coniunctas esse? Verissimum quidem est hoc, at non in scripturis in hæc uerba expressum, sed ab Ecclesia, suggerente spiritu ueritatis, recte determinatum, & omnibus fidelibus necessario credendum & approbandum, licet nusquam in sacris literis ita declaratum aut expressum. Nusquam item in sacris literis scriptum legitur, Symbolum istud, quod Apostolorum dicimus, ab Apostolis uel compositum uel conscriptum fuisse, Et tamen recte pie ac uere ita credimus, non quod in scripturis habeatur expressum, sed quia sic per spiritum sanctum edocta tenet pia mater Ecclesia.

Restat igitur circa hunc articulum, ut Cæs. M. V. clementer Principes istos adhortari, atq; efficaciter sua autoritate inducere uelit, ad standum ac acquiescendum in omnibus definitioni ac unanimi consensu uniuersalis Ecclesiæ, quam supra firmam petram ueritatis ædificatam esse, & à spiritu ueritatis regi ac duci, ex sacris literis comperit habent, Ac damnare proinde uelint nobiscum, quicquid ab eorum Concionatoribus contra Ecclesiæ scita & decreta usquam aut unquam enulgatum est. Hic uero potissimum damnent (uti faciunt Catholicæ) diras eorum blasphemias, in Christum ipsum & in gloriosam genitricem eius sceleratissime diuulgatas. In primis damnent hunc Lutheri errorem, quo asserit, in sacramento altaris sub specie panis tantum modo corpus Christi uere adesse, sanguinem uero & animam deitatemq; eius à Theologis ibi incantari aut præstigio induci. Principes enim ipsi hic bene & laudabiliter fatentur, contrarium, nempe, duas naturas Christi in unitate personæ inseparabiliter coniunctas esse. Damnent suum Pugenhagium Pomeranum, Episcopum (ut iactitant) Vuittenbergensem, qui publice scripsit, Christum expertum esse terrores animæ usq; ad desperationem. Damnent Melanchthonem suum, qui scripsit in hæc uerba. Summa causa pauoris Christi erat sensus desertionis & iræ diuinæ, quo fluctuabat Christus inter infernum & uitam. in hoc pauore facta est desolatio donorum in Christo, Nam in hac afflictione & angustia, despoliatio quædam charitatis facta est, quod scilicet subtrahente se diuinitate, non flagrauit charitas. Damnent Antonium Zimmerman, hominem insigniter Lutheranum, qui ait, Christus conquestus est se derelictum esse à Deo, hoc est quod ipse de uita & beatitudine & ab omnibus bonis fuit derelictus. Da-

D. muerat

Matth. 16.

Ioh. 16.

Luth. ad Vuall  
den. & cōtra  
mandatū Epi-  
scopi Misnen.

Pomer. in psal-  
terium.

Phil. in Anno.  
in Matt. in fi.



Luth. in sermo  
ne de natiuita  
te Mariæ.

## DE PECCATO ORIGINALI

ment studiosum Lutheri discipulum Burguerum, plebanum S. Galli, qui dicit duas naturas in Christo fuisse commixtas, secundum olim damnatam hæresim Eutycetis. Et quis omnes eorum errores & impietates in Christum euulgatas, facile dinumeret: Damnent denique cunctos illos (quorum infinitus, proli dolor, numerus est) qui blasphemant & inhonorant beatam uirginem Mariam, Dei genitricem. Nam Lutherus ei abrogat consuetos hymnos, Salve Regina, Regina cæli &c. alius uocat eam ancillam rusticam, alius gramineam, alius lotricem, & quid non? Aequum est igitur, ut iuxta hanc confessionem suam Principes isti eiusmodi libros, adeo impios, scandalosos & blasphemos, de medio tollere & exurere, autoresque eorum ad Reuocationem compellere merito debeant,

## PHILIPPICA SE-

CVNDA IOHANNIS COCHLEI IN

Apologiam Philippi Melancthonis, de secundo

Confessionis Luthericæ articulo, In quo Augu-

ste actum fuit de Peccato originali.



Vdisti iam Imperator Auguste, quam callide simulator iste circa primum & tertium Confessionis suæ articulos, impijs & suis & Lutheri sui erroribus, quos simulando reticuit, Catholicam pietatem, in qua neminem habet aduersarium, prætexuerit. Nunc audi obsecro, qua calliditate tractet articulum secundum, in quo agit de peccato originali. De quo sane proluxa uerbositate contra nos in sua hic queritur & contendit Apologia, non solum in hypocrisi mendacia loquens, uerum etiam calumnijs maligne nos aggrauans.

Ait enim in ipso statim uestibulo deprehendi, non solum iudicium sed etiam candorem nobis defuisse. Ait, nos acerba interpretatione conficta, sententiam per se nihil habentem incommodi, arte deprauare. Ait nos hac in causa magna ex parte non intelligere quid loquamur, sepe dicere pugnantia. Ait nos nec formale originis nec defectus recte ac Dialectice expedire. At probe nouit sacratissimæ M. T. quam benigne ac expedite sit Lutheranis circa hunc articulum publice responsum. Nouerunt item Principes & Iureconsulti, qui

utriusque

## PHILIPPICA II.

utriusq; partis consensu in delectum concordatq; tractatum deputati fuerant, quàm facile ibi concordatum fuerit, dum Philippus iste admitteret nobis, originale peccatum esse carentiam originalis iustitiæ, eiusq; culpam tolli per baptismum, fomite, quem concupiscentiam dicimus, remanente. Nequaquam uero nobis ibi obiecit, quæ nunc in Apologia obijcit, neq; irrisit ibi scholasticos, ut hic, Theologos, quasi non intelligant definitionem peccati Originalis, Quos ut ineptos faciat, se mendacem reddit, dum ait illos disputare, utrum qualitas illa, fomes scilicet, contagione pomi, an ex afflatu serpentis contracta sit, utrum augeatur medicamentis &c. quibus sane questionibus oppreserint principale negocium. Nihil profecto talium à nobis audiuit unquam, nec in libris nostris legit usquam. Confingit autem, ut cum inuidia irrisioneq; nostri suam lectori causam commendatiorem reddat. Quum igitur Augustæ hunc articulum, ad normam & sensum Catholicorum emendauerit in concordatæ tractatu, & hic insuper in Apologia sua pluribus uerbis iactitet, suam descriptionem consentire cum usitata & ueteri definitione, quid tam odiosam in nos logomachiam frustra, inimo maligne, tam inuidiosis querimonijs intentat? Si re consentit, cur uerbis inaniter pugnat? cur toties ignorantiam & nobis peculiariter, qui Augustæ M.T. iussu respondimus eorum Confelsioni, & scholasticis Doctoribus generaliter petulantius & obijcit & exprobrat, si eandem, quam ueteres docuerunt, sententiam de Originali peccato nobiscum tenet? Memento igitur Cæsar, M. tuæ alijsq; Christianis Principibus iampridem à spiritu sancto dictum serio esse, Can. 2. Capite nobis uulpes paruulas, quæ demoliantur uineas. Vulpecula enim ista, uerbosa fraudulentia sua nihil aliud querit, quàm ut simpliciores uerborum compositorum fucò circumueniat. De quo non abs re sane scriptum intelligitur, Culmus stans, non est in eo germen, Osee. 8. non faciet farinam.

Finxit Augustæ in Delectu, fingit & hic in Apologia sua, se Lutherumq; suum, nihil hic sentire alienum aut à scriptura aut à Catholica Ecclesia, fingit & Concionatores suos nihil tradere noui, sed sanctam scripturam & sanctorum patrum sententias proponere.

Non noua est hæc fraus, Augustæ, sed antiqua uulpecularum astutia, & solitus decipiendi pretextus, tum scripturas, tum patres corrupto & peruerso sensu, quamlibet etiam inuitos ac renitentes, per mendaciorum præstigia in partem trahere suū. Quis enim sanctorum Ecclesiæ Doctorum de hac uulpium fraudulentia non queritur? Quid

D h aliud



## DE PECCATO ORIGINALI

*Vide Aug. in  
lib. de natura  
& gratia, &  
in 6. lib. contra  
Iulianum &c.  
Tertul. de præ  
script.*

2. Pet. 2.

2. Tim. 3

4

aliud fecit insignis hypocrita Pelagius, quid Iulianus, quid Celestius? Nonne Ambrosij, Hieronymi, Chrysostomi atque etiam Augustini dicta sinistro sensu ipsimet Augustino, qui eos oppugnabat, obiecerunt? Quantis præterea usi sunt scripturæ testimonijs? At de hac hæreticorum decipula etiam antiquissimi palam conquesti sunt scriptores Tertullianus, Irenæus, Cyprianus &c. atque adeo & ipsi Apostoli Petrus & Paulus. Nulli igitur aut fidendum aut credendum est, quamlibet multis utatur uel scripturæ uel patrum testimonijs, quisquis contra antiquam fidem nouitatem ullam adducit, & à singulari dogmate aut doctrina nomen sibi parare præsumit, fallit enim & fallitur. Fallit incautos & nouarum rerum cupidos, fallitur opinione propria, suæ innitens prudentiæ, ac se unum superbe cunctis doctiorem reputans.

Hoc utique, tametsi omnibus hæreticis commune sit, in hoc tamen Philippo ita insigne uidetur, ut ei proprium uideri queat, quum uix ullus inter omnes retro hæreticos reperiri queat, cui uel superior maiorum præ se contemptus, uel audacior in claros eruditione uiros censura fuerit. Superbissimi quidem fuere Paulus Samosatenus, Dioscorus Alexandrinus, Nestorius Constantinopolitanus, uiri ætate graues, sermone disertis, dignitate Patriarchæ. Nullus tamen eorum tam arrogantem in maiores censuram scripsit, qualem Philippus iste scripsit ante annos nouem, ipse annos nondum triginta natus, nec Doctor nec sacerdos, nec in ulla uel dignitate uel reipublicæ administratione constitutus. Quod ut mihi credas, Auguste, ipsiusmet uerba ex scheda recitanda offero.

Recita.

SCRIBA. Verba Philippi, in locis communibus.

I Ex Origene si tollas inconcinnas allegorias, & philosophicarum sententiarum syluam, quantulum erit reliquum? Et tamen hunc autorem magno consensu sequuntur Græci, & ex latinis qui uidentur esse columnæ Ambrosius & Hieronymus. Post hos fere quo quisque recentior est, eo est insyncerior, degenerauitque tandem disciplina Christiana in scholasticas nugas. De quibus dubites, impie magis sint an stultæ. Breuiter fieri nequit, quin cauto etiam lectori sæpe imponant humana scripta. Et alibi, ante annos X.

*Phil. in Apolo II  
gia contra de-  
cretum Pari-  
sienſe.*

Videtur Lutetia non peccare nunc primum, sed iam olim inceptire, cum ecclesiastica doctrina humanis disputationibus uitata, philosophari coepit. Cõstat enim natam esse Lutetiæ prophanam illam

## PHILIPPICA II.

illam scholasticen, quam Theologiam uocari uolunt, Qua admissa, nihil salui reliquum est Ecclesiæ. Euangelium obscuratum est, fides extincta, recepta operum doctrina, & pro Christiano populo, ne legis quidem, sed moralium Aristotelis populus sumus. Et rursus in alio loco.

III Sed ne nullæ essent in Christianismo scholæ, Academiæ generalium studiorum, quas modo Vniuersitates uocant, conditæ sunt. Atq; hoc consilio mirum est quàm placeant sibi, quàm salutare putent, quo non aliud unquam repererunt neq; perniciosius neq; magis impium, & quod uideo non Pontificibus, sed ipsi debere Satanæ. Qui si quo unquam, hoc certe casu egregie imposuit Christiano populo. Eiusdem sapientem uirum fuisse iudico Vuilesum Anglum, qui omnium primus, quod ego sciam, uidit, Vniuersitates esse Satanæ synagogas. Et quid dici uel pium magis uel sapientius potuit? Hæc Philippus.

*Phil. in Didymo Faentino.*

Audis hic, Imperator, quid iste tribuat uel columnis & probatissimis Ecclesiæ Doctoribus, quid Academicis, quid Luteris, quam sibi iudicem paulo ante delegerat, ipso conscio, in Lipsica disputatione Lutherus. Et hori audisti, quid tribuat Conciliis, quid sacratissimæ Synodo Nicenæ, quid deniq; Christo ipsi & spiritui sancto. Ne mireris igitur, nihil ab eo tribui ijs Theologis, quos Augustæ uelut aduersarios odio habuit. Cui enim parcat aut deferat, qui audet Christum in cruce spoliare tum alijs donis tum etiam charitate, immo & deitate, Qui spiritui sancto edicit nequid sanciat, quod scripturis proditum non sit, Qui Nicenæ Synodo imputat Euangelij obscuracionem, Qui Concilijs Romanisq; Pontificibus, immo & uniuersæ Ecclesiæ propria temeritate abrogat ius statuendi de fide, autoritatemq; condendi articulos fidei, Qui procaciter arguit sanctos Ecclesiæ Doctores, ueteres quidem insinceritatis & Philosophiæ, scholasticos uero, non solum nugacitatis & stultitiæ, uerum etiam impietatis & imposturæ.

*Phil. in Anno. in Math. in fi. Et in Ioh. c. 14. Et in locis cōmunibus.*

Non hæc commemoro, Auguste, in eius uel inuidiam uel odium, quin maxime cupio & sanari salubri resipiscentia & saluari fide Catholica, sine qua impossibile est placere Deo Heb. xj. sed in defensionem ueritatis & in excusationem nostri, quos improbe calumniatur sine causa. Si enim reuera nobis contentit de peccato Originali, uti simulauit Augustæ in placita collatione, quid opus est hac mordaci ac uirulenta nugacitate, qua contra nos in sua contendit Apologia? Satis ei esse debuerat, Confessionem suam, quā sciebat à M. T. improbatam

D iij & relectam



## DE PECCATO ORIGINALI

& reiectam, proterua rebellione, contra M. T. Edictum Vuormaciense, in publicum euulgasse, Contra quam à nobis nihil editum uidebat. Ita enim festinata fuit Confessionis illius editio, ut Augustam uenerit impressa, priusquàm solueretur M. T. decreto ( quod Recessum uulgo dicimus ) Principum statuumq; Imperij Conuentus. Quid igitur opus erat prolixa Apologia ulterius edenda, quum contra editam Confessionem nihil à nobis editum uideret ?

7 At dolebat ipsi & Luthero suo, M. T. autoritate & decreto editum esse generalem Recessum, in quo secta eorum, iuste, iuxta & Bullæ Apostolicæ & Edicti Vuormaciensis tenorem, rursus damnatur. Quum autem sciant, M. T. tantæ esse & gratiæ & autoritatis apud omnes bonos, ut eam nullis uel conuictijs uel calumnijs infringere queant, fingunt nequiter ambo, cuncta peracta esse non solum præter & citra, uerum etiã contra & ultra uoluntatē tuam. Lutherus Teuthonice in seditiosis libellis suis, Philippus in hypocritica ista Apologia sua, idq; uersuta plusquàm uulpina, qua populis exosos reddere conantur non modo Theologos, aduersarios suos, uerum etiam Cardinales, Episcopos & religiosos Principes, quotquot nolunt fraudibus erroribusq; eorum assensum præbere. Quid igitur aliud est hypocrisis ista uersutæ blandiloquentiæ, quàm nouum decipiendi sementum, nouum seditionis seminarium, nouum Satanæ (qui ex perditione pascitur animarum) pabulum, quo operans iste subdolus transfigurat se in Apostolum Christi, instar Satanæ qui se transfigurat in angelum lucis, ut eo plures ex Catholicis circumueniat ac deuoret, dum longo Rhetorices artificio persuadere satagit, nos contra eius Confessionem nihil neq; uere neq; digne respondere potuisse, eamq; proinde à M. tua inique, immo & impie reiectam fuisse, quum nihil aliud sit Lutheranis illa confessio, quàm uerum & syncerum Christi Euangelium, Vnde & factum sit, ut M. T. Euangelium ( si eis credatur ) Augustæ damnauerit.

2 Hæc est, Domine Imperator, & Lutherica & Philippica prudentia, qua circa cereuissiam Vuittembergensem pergræcantes, fremunt in damnatores suos ac meditantur inania. De quibus sane Dominus in **Luc. 16.** Euangelio ait, filij huius seculi prudentiores filijs lucis in generatione **Esa. 30.** sua sunt. Et Propheta, Loquimini nobis placentia, uidete nobis errores, auferte à me uiam. Et alius item Propheta. Sapientes sunt ut faciant mala, hene autem facere nescierunt. Quamuis uero M. T. non modo rebelles, uerum etiam insensu & inimici existant, qui dic no-

Aug.

## PHILIPPICA II

Quicquid cogitant, uariisque praeconijs moluntur, fideles M. T. subditos populos in partem trahere suam, ac M. T. rebelles exemplo suo facere, uulpina tamen fraude & uirtutes tuas praedicant, & tuam in ipsos clementiam subdolis extollunt praconijs, quibus nituntur uel palpando te circumuenire, uel laudando tuos sibi conciliare Consiliarios, aut saltem populis persuadere, ut credant contra seu contra uoluntatem tuam ab inimicis eorum edita esse, quaecumque haecenus à M. T. in eos sunt seuerissime publicata.

Nos autem eiusmodi fucis fumisque & uersutis eorum, opponimus sacrum M. T. os proprium, cuius sermo instar oraculi cunctis Nationibus habetur, sacram linguam, sacram manum, sacrum sigillum, sacras literas, sacrosancta Edicta tua, quae sane omnia, certissima sunt mentis pie & Catholicae uoluntatis tuae testimonia, quae omnem eorum fumum, quo mendacia sua contegunt, uelut nebulam inanem dissepunt. Negare enim non possunt, quod tu ipse quoque negare nequis, os linguamque tuam Lutheri dogmata iam olim publice damnasse, hodieque adhuc extare subscriptiones dextrae tuae sacratiss. integra sigilla, quibus & Edicta & Recessus Imperiales, literae & mandata complurima, euidenti confirmationis munimine ac documento, contra Lutheri sectam, sunt corroborata.

Desinant igitur improbae uulpes M. T. falsis fido corde palpare laudibus, quae pietati tuae neque gratiae neque honorificae esse possunt, sed dicant potius aperte, quid sentiant de Originali peccato. At scripserunt alibi tam absurde & impie de illo, ut quamlibet impudentes existant, uereantur tamen in oculis M. T. talia uel uoce proferre uel scriptis exhibere. Quamquam uero & mihi non libet ea coram M. T. pronuntiare, compellit me tamen improba eorum hypocrisis, breuem ea de re Catalogum ex scheda recitandum exhibere.

Recita.

SCRIBA.    Errores Lutheri de peccato Originali.

- I    In puero post baptismum negare remanens esse peccatum, est Paulum & Christum simul conculcare.
- II    Vere in omnibus peccatum est concupiscentia, sed non debet regnare.
- III    Hoc malum furens & indomitum, baptisinate incipit tolli, durat tamen usque ad mortem carnis, licet in alijs minus, in alijs magis.
- III    Parabola de Samaritano, qui semiuitium non subito sanauit,

*Luth. in assertionione art. 2.*

[ed]



## DE PECCATO ORIGINALI

- sed alligauit tantum & sanandum suscepit, nonne ostendit, ne-  
minem subito ab omnibus peccatis sanum factum?
- V Qui aduenire regnum Dei petit, certe seruum Diaboli se ex  
parte confitetur.
- VI Si sola nos uerbi controuersia haberet, facile admitterem, ut  
defectum uocarent quicquid id est mali, quod in nobis relin-  
quitur. Verum quod defectum sic appellant, ut peccatum esse  
negent, & non culpam, sed poenam tantum peccati esse uelint,  
admittere non possum.
- VII Si ergo huic resisti debet, oportet ut peccatum simpliciter hic  
accipiatur pro uero peccato, aut eludamus totius scripturæ au-  
toritatem.
- VIII Quomodo persuasisset Apostolus, intentiones & opiniones  
cordis peccata esse ijs qui nondum persuaderi uolunt, concu-  
piscenciam esse peccatum, & contra crassissimum sensum ex-  
perientiae, & apertissimam legem sapiunt?
- IX Rursum dicent. At nos reatum hunc proprie uocamus pecca-  
tum, non illud quod remanet. Respondeo. In re ista scia & sa-  
cra, non licet argutis sophisticis cauillari, quibus effingunt,  
reatum esse respectum inter Deum & peccatorem, quo hic de-  
putatur ad poenam.
- X Fautor Dei nos suscipit & sustinet, non imputans ad mortem  
quod reliquum est peccati in nobis, licet uere peccatum sit &  
imputari possit.
- XI Ita simul uerum est, Iustum non peccare, & tamen peccatum  
habere seu malum facere.
- XII Quare perseverandum est in usu scripturæ & antiquorum, &  
non defectum, sed uere peccatum appellandum, libidinem &  
alias passionem reliquas baptismo.
- XIII Et aliud est, omnia peccata remitti, aliud omnia tolli. Bapti-  
smus omnia remittit, sed nullum penitus tollit, sed incipit tolli-  
lere.
- XIII Sed & eo peruenerunt insanæ, ut etiam libidinem inexcusabilem  
parentum sanctorum, dum generant, quantumuis indo-  
mitam & summo inuictoque furore contra legem Dei concupi-  
scentem, defectum uocare sint coacti. Hoc est uere nimis exte-  
nuare peccatum, dicere tam atrocem libidinis imperum esse  
defectum.

Fomes

## PHILIPPICA II.

- XV** Fomes peccati, etiam si nullum absit actuale peccatum, moratur à corpore animam ab ingressu cœli. *Ibidem art. 3.*
- XVI** Quamuis hanc conclusionem sæpius testatus sim non assertam sed disputatam, tamen iam non disputo sed asserto eam.
- XVII** His addo, quod illi fingunt, & ego per impossibile posui, fomitem esse posse sine peccato actuali, cum assidue lex membrorum captiuetur & repugnet legi mentis, ut Paulus conqueritur.
- XVIII** Vnde fit, ut cum ipsimet concedant actuale peccatum morari ab introitu cœli, cogentur concedere, quod & fomes moretur, qui origo uiuacissima & inquietissima actualium peccatorum est.
- XIX** Omitto hic dicere, quod Originale peccatum, ut omnia peccata, ita & incredulitas est.
- XX** Ideo fomes uere est actuale peccatum, actualis priuatio siue defectus eius rei quæ adesse debet, & actualis positio seu præsentia infirmitatis & aliorum affectuum qui deesse debent.
- XXI** Sumus ergo partim iusti, partim peccatores, hoc uno saluti, & ab impijs discreti, quod peccatum agnoscimus, confitemur & expugnamus, cui illi potius obediunt.

Hic M. T. Imperator suppliciter oro, ut hos 21. articulos, quos ex uno Lutheri libello haud ita prolixo (reliquis interim breuitatis gratia omisissis) excerpti, examinandos tradas quibullibet in Regnis tuis aut in aliorum Regum Principumq; prouincijs Theologiæ professoribus, ut ab eis super hac contentione nostra iudicium, ac ueritatem audias & cognoscas.

Quod si eos approbauerint, calumniatoris profecto crimen ultro agnoscam, & de eo sententiam libenter excipiam: Si uero reprobauerint, inde sane intelliges, quid Philippus iste & audire & pati mereatur, qui de tam absurdis & impijs erroribus & Lutherum suum impie excusare, & nos nequiter calumniari publice ad M. T. non ueretur, Inculpans nos etiam in eo, quod asserimus, hunc articulum, qui primo loco supra recitatus est, nempe, Peccatum originis manere post baptismum, iure damnatum esse à Papa Leone X. In quo M. T. manifestam calumniam deprehensiuam esse affirmat, Quia Lutherus semper ita scripserit, quod Baptismus tollat reatum peccati originalis, etiam si materiale peccati maneat, uidelicet concupiscentia. At impudens hoc eius mendacium manifeste conuincitur ex pterisq; supra commemoratis Lutheri articulis, præsertim uero ex 2. 7. 10. 12. 14. 15. 18.

E In quibus



## DE PECCATO ORIGINALI

In quibus apertissime affirmat, post baptismum quoque manere in nobis uere peccatum, reatum & culpam, non defectum aut poenam ut nos dicimus. Ait Philippus, Lutherum semper scripsisse, quod baptismus tollat reatum peccati Originalis, at constat hic ex articulo. 13. illud sic dicere, Baptismus omnia peccata dimittit, sed nullum penitus tollit, sed incipit tollere.

Addit & aliud insigne mendacium, nempe, ad eundem modum, quo de peccato Originali loquitur Lutherus, & Augustinum loqui, Et cum Augustino ex postulandum esse, siquid habeat incommodi hæc Lutheri sententia. Et quod adhuc impudentius est, ait, citra controuersiam sic sentire patres. At extant libri & B. Augustini & aliorum patrum, ex quibus citra controuersiam contrarium ostenditur, Quemadmodum iam pridem bene prolixis disputationibus contra Lutherum ostendimus Episcopus Rossensis, Ambrosius Catharinus & ego. Ad quas hactenus per tot annos nihil Philippus, nihil Lutherus, nihil Lutheranorum quispiam respondit, tacite consentientes nobis erroribus & mendaciis suis.

**II**  
**Peccatum.**

Rossen. contra  
2. art. Assertio  
nis Lutheri.  
Catharinus in  
excusatione di  
sputationis.  
Coch. de bap.  
paruulorum &  
de fomite pes  
sati.

Cumque fallant & fallantur in æquiuoco & uaria significatione huius uocabuli, Peccatum, nos diligenter ex scripturis recitauimus diuersas peccati acceptiones, Rossensis quatuor, Catharinus quinque, ego ad maiorem declarationem octo. Quas sane omnes Lutherus tam fatue quam impie in unam confundit. Ait itaque Rossensis. Quis non perspicit, quantum uel inscitia uel malitia Lutherus aberrauerit, qui tam uarias acceptiones in unum confundere molitur? Et Catharinus. Per hæc igitur patere possunt stultitiæ hominis, qui in seipso confusus, & uarias istas acceptiones ignorans, eo prolapsus est, ut non intellexerit Pauli & scripturæ morem, uarie peccatum accipiendo. Et ego. Ecce (inquam) quanta esset absurditas, si peccatum uno tantum sensu in scripturis acciperetur, Quandoquidem sequeretur diuersissimarum rerum Babylonica quædam confusio, si sub eadem interpretatione diceretur peccatum, Actus malus, Reatus, macula, culpa originalis, poena, fomes, Christus, Diabolus. Nam una hæc uox peccatum in scripturæ diuersis locis hæc octo significata habere dinoscitur.

Vides itaque, Auguste, uulpinam hic Philippi huius fraudulentiam, qua sui Lutheri exemplo, simplices, peccati æquiuocatione circumuenire nititur, dum contendit à Paulo peccatum dici concupiscentiam, etiam in baptizatis. Quod nos sane ultro iam pridem concessimus & declarauimus, in ea scilicet acceptione peccati, qua peccatum dicitur, non actus

## PHILIPPICA II.

non actus malus, aut reatus, aut culpa, aut macula peccati, sed prontas & inclinatio ad peccandum, quam fomitem peccati dicimus, sed non proprie aut uere peccatum, cui culpa inest & legis præuaricatio, ut Lutherus impie contra baptizatos paruulos contendit.

Quando igitur & Lutherus in Assertionem, & Philippus hic in Apologia sua, producit Paulum Rom. 7. dicentem. Concupiscentiam nesciebam esse peccatum, nisi lex diceret, Non concupisces. Ego iam olim respondi, & peccatum & concupiscentiam in scripturis æquiuoce & uaria significatione accipi, Non omnem concupiscentiam peccatum esse, cum quædam bona & laudabilis concupiscentia sit, Quæ concupiscit anima in atria domini, concupiscit iustificationes & mandata Dei, concupiscit salutare Dei, concupiscit sapientiam & sermones eius &c. Concupiscentiam autem, quam lex prohibet, esse peccatum primo modo, quo male concupiscitur uxor, domus aut bos proximi. Eam uero concupiscentiam, quæ fomes dicitur, esse peccatum sexto modo, cui nulla inest culpa post baptismum, nisi in malum, ad quod illa stimulat, consentiat uoluntas. De quo sane stimulo carnis dictum est Paulo à Domino, Sufficit tibi gratia mea, Virtus in infirmitate perficitur. Si uero consenserit uoluntas, fit peccatum proprie dictum, ut est apud B. Iacobum. Concupiscentia cum conceperit, parit peccatum.

Non ualet igitur eorum argutia, qua dicunt, Scripturæ clare appellat concupiscentiam peccatum, ergo ipsa est uere peccatum, uere culpa, uere præuaricatio legis. Quia argutia ista peccat in æquiuoco. Perinde ac si dicerent. Scriptura clare appellat Christum peccatum 2. Cor. 5. ergo Christus uere peccatum est, cui culpa inest & præuaricatio. Clare enim ait Apostolus. Eum qui non nouerat peccatum, pro nobis peccatum fecit Deus. Quoniam uero falso gloriantur de Augustino, quod in eadem cum ipsis sit sententia, dabis mihi pro clementia tua Cæsar uentam, si aliquanto prolixius, quam coram M. T. par est, pium ac sanctum Doctorem ecclesiæ Augustinum ab impietate & calumnia ista, pie ac solide ex ipsiusmet Augustini uerbis asseruero Quod ut commodius absq; omni de falso aut suppositio suspitione fiat, uerba eius ex scheda M. T. recitanda exhibeo.

Recita.

SCRIBA. Verba B. Augustini de concupiscentia.

I Dicimus enim baptisma dare omnium indulgentiam peccatorum, & auferre crimina non radere. Nec ut omnium peccatorum

E 4 torum

13  
Concupiscētia

Psal. 83. et 113.  
Eccli. 24.  
Sap. 6.

2. Cor. 12.

Iac. 1.

14

2. Cor. 5.

15

Aug. ad Bonifacium  
Papam  
lib. 1, c. 13.



## DE PECCATO ORIGINALI

torum radices in mala carne teneantur, quasi rasorum in capite capillorum, unde crescant iterum refecanda peccata.

**II** Cum concupiscentia carnis necesse est ut etiam baptizatus, & hoc si diligentissime proficit & spiritu Dei agitur, pia mente configat, Sed hæc, etiam si uocatur peccatum, non utiq; quia peccatum est, sed quia peccato facta est sic uocatur: Sicut scriptura manus cuiusq; dicitur, quia manus eam fecerit.

**III** Et ista ipsa carnis concupiscentia in baptismo sic dimittitur, ut quanquam tracta sit a nascentibus, nihil noceat renascentibus, & insit, nihil obfutura uitæ futuræ, quoniam reatus eius, generatione tractus, regeneratione dimissus est.

**IIII** Et ideo iam non sit peccatum, sed hoc uocetur, siue quod peccato facta sit, siue quod peccandi delectatione moueatur, et si ei uincente delectatione iustitiæ non consentiatur.

**V** Nec propter ipsam, cuius iam reatus ex lauacro regenerationis absumptus est, dicunt baptizati in oratione, Dimitte nobis debita nostra, sed propter peccata quæ fiunt siue in eius confessionibus, siue cum per ignorantiam malum quasi bonum placet.

**VI** Multi quippe baptizati fideles sunt sine crimine, sine peccato autem in hac uita neminem dixerim, non quia peccati aliquid remaneat quod in baptismo non remittatur, Sed quia in nobis, in huius uitæ infirmitate manentibus, quotidie fieri non quiescunt, quæ fideliter orantibus & misericorditer operantibus quotidie remittuntur. Et alibi.

*Aug. contra Iu-  
lianum lib. 3.*

*c. 14.*

*Ibidem c. 15.*

**VII** Omnes homines iudicant lasciuie insolentiam non esse peccatum, nisi quia concupiscentiæ consentitur. Nullum ne igitur malum, cui consentiendo peccatur?

**VIII** Omnino enim in genere suo nuptiæ bonum sunt, sed ideo bonum, quia fidem thori seruant, quia prolis suscipiendæ causa sexum utrumq; commiscunt, quia impietatem separationis exhorrent.

*ib. c. 21.*

**IX** Quæ sunt autem sanctarum uirginum, sicut appellas, gloriosa certamina, nisi quod non uincuntur a malo, sed uincunt in bono non malum?

**X** Habet enim palmam de huius mali subiectione, quamuis minorem, pudicitia etiam coniugalís.

**XI** Eo malo coniuges castos dico bene uti, adulteros male. Continentiam

## PHILIPPICA II.

inentiam melius eo non uti ambo dicimus, sed ego eo malo, tu eo bono.

XII Et nuptias non dico malas, sed bene uti malo, quas tu dicis bene uti bono, bonam esse dicens concupiscentiam carnis, quam tamen in te debellando malum esse conuincis. Et iterum in alio loco.

XIII Illud præcipue attendere ac meminisse debemus, tantummodo peccatorum omnium plenam perfectamque remissionem baptismo fieri, hominis uero ipsius qualitatem non totam continuo commutari.

*Aug. de peccatorum meritis & remiss. lib. 2. c. 27. & 28.*

XIII Hæc autem lex peccati, quod etiam peccatum appellat Apostolus, non sic manet in membris eorum qui ex aqua & spiritu renati sunt, tanquam non sit eius facta remissio, ubi omnino plena & perfecta sit remissio peccatorum, omnibus inimicitiis interfectis, quibus separabamur à Deo, sed manet in uetustate carnis tanquam superatum & peremptum, si non illicitis consensionibus quodammodo reuiuiscat, & in regnum proprium dominationemque reuocetur.

XV Veruntamen sicut ipsa carne, quamuis corruptibili, bene utuntur, qui membra eius ad opera bona conuertunt, in qua carne non sunt quia non secundum eam sapiunt neque uiuunt. Sicut denique etiam morte, quæ primi peccati poena est, bene utuntur, qui eam pro fratribus, pro fide, pro quacunque uera & sancta iustitia fortiter & patienter impendunt. Sic illa etiam lege peccati, quod iam remissum in uetustate carnis manet, bene utuntur coniugati fideles, qui ex eo quod sunt in Christi nouitate, dominari sibi libidinem minime patiuntur.

Longum foret, Imperator, cuncta B. Augustini testimonia, ex reliquis eius libris & operibus commemorare, quæ recitatis supra Lutheri de concupiscentia dogmatibus ex diametro contraria sunt, sed data opera ex ijs tantum libris locos quosdam produxi, in quibus maxime contra concupiscentiam, propter Pelagianos, inuehi cogebatur, eo quod Pelagiani peccatum originale penitus negarent, & concupiscentiam, non morbum uitiumue aut poenam peccati atque defectum, ut nos dicimus, sed rem bonam & naturalem dicerent. Et tamen sic regiam mediamque uiam ueritatis inter contrarios Manicheorum ac Pelagianorum errores tenuit B. Augustinus, ut neque carnis naturam diceret malam aut à malo principio creatam, ut dicunt Manichæi,

E iij neque



## DE PECCATO ORIGINALI.

neq; peccatum originale negaret neq; concupiscentiam carnis dicere rem bonam cum Pelagianis. Sed multo adhuc magis diuertit à sociis dissimis præcipitijs Lutheri, qui sic ponit peccatum Originale, ut neq; baptismo tollatur, neq; in uita ullum deinceps opus bonum sine peccato fieri sinat, insuper & in morte animam ab ingressu cœli remoretur. Has & id genus plures funestas & barbaras Lutheri impietates audet coram M. T. Philippus iste impudentissima calumniâ adscribere B. Augustino, tanquam is idem sentiat quod Lutherus. Vt autem grauis hæc calumniâ, quæ prorsus impia est & intolerabilis, manifestior appareat, breuem utriusq; dictorum, quæ recitata sunt, collationem facere libet, ut contrarietas ex oppositione sententiarum utriusq; euidentior fiat.

17  
*Contrarietas  
inter Aug. &  
Luth.*

Etenim Augustinus ait, Baptisma dare omnium indulgentiam peccatorum, & auferre crimina, non radere: Lutherus uero ait, Baptismo quidem remitti omnia peccata, nullum uero tolli, hoc est auferri. Deinde, Augustinus negat concupiscentiam in baptizatis peccatum esse, licet peccatum uocetur. Lutherus autem sic facit eam peccatum, ut qui eam peccatum esse neget, is Paulum cum Christo simul conculcet. Tertio, Augustinus ait eam nihil nocere renascentibus, & licet insit renatis, nihil obfuturam uitæ futuræ. Lutherus autem sic eam renatis obesse asserit, ut omne bonum opus iustorum inficiat peccatumq; reddat, & in futura uita ab ingressu cœli animam remoretur. Quarto, Negat Augustinus propter ipsam à baptizatis in oratione dici, Et dimitte nobis debita nostra. Id uero Lutherus maxime affirmat, adeo, ut baptizatum etiam Diaboli ( cui tamen in baptismo abrenunciavit & omnibus pompis eius ) seruum ex parte confiteatur. Quinto, Negat Augustinus lasciuie insolentiam peccatum esse nisi concupiscentiæ consentiatur. Lutherus uero affirmat etiam repugnantem peccare, & in pueris quoq; qui neq; libidinem neq; pugnam sentiunt, uere peccatum remanere. Sexto, Augustinus nuptias ait esse bonas, quia proles suscipiendæ causâ utrunq; sexum commiscet, & malo ( id est concupiscentia ) utuntur bene. Lutherus uero nos insanire dicit, dum ponimus inuitabilem sanctorum parentum libidinem, dum generant, non esse peccatum aut culpam, sed poenam & defectum.

Possent quidem plures commemorari contrarietates, quibus circa peccatum Originale Lutherus discordat, non solum à B. Augustino alijsq; sanctis patribus, uerum etiam à seipso ( quemadmodum ego in septicipite

## PHILIPPICA II.

Septicipite Luthero, ubi de baptisimi sacramento & de baptismo paru- Septiceps ca.  
lorum agitur, luculenter ostendi) & à primis præcipuisq; complicibus 17. & 18.  
suis Carolstadio, Zuinglio, Bucero &c. Sed antilogiæ eius iam uulgo  
notiores sunt, quàm ut necessariū uideri queat, multa de eis hic dicere.  
Magis igitur expedit, ut contra Philippi mendacia, qui defendendi  
Lutheri sui gratia, in paruulis baptizatis peccatum remanere conton-  
dit, aliquot scripturæ sacræ locis, antiquam ueritatem & receptam Ec-  
clesiæ sententiam confirmemus, Quos sane pro maiore promerenda  
fide conscriptos ex scheda recitandos trado.

Recta.

SCRIBA.

Locī scripturæ de Baptismo, quo omnia peccata abluuntur.

I Reueris sunt aquæ, & operuerunt currus & equites cuncti ex- Exo. 14.  
ercitus Pharaonis, qui sequentes ingressi fuerant mare, nec unus  
quidem superfuit ex eis. Filij autem Israel perrexerunt per me-  
dium sicci maris, & aquæ eius erant quasi pro muro à dextris &  
à sinistris.

II Omnis qui tetigerit humanæ animæ morticinum, & aspersus Num. 19.  
hac commixtione non fuerit, polluet tabernaculum domini, &  
peribit ex Israel, Quia aqua expiationis non est aspersus, immu-  
nus erit, & manebit spurcitia eius super eum.

III Misitq; ad Naaman Syrum Eliseus nundum dicens. Vade & 4. Reg. 5.  
lauare septies in Iordane, & recipiet sanitatem caro tua, atq; mun-  
daberis. Et infra. Descendit & lauit septies in Iordane iuxta ser-  
monem uiri Dei, & restituta est caro eius, sicut caro pueri paruuli  
& mundatus est.

III Hæc dicit Dominus, faciens & formans te ab utero auxiliator Esa. 44.  
tuus. Noli timere serue meus Iacob, & rectissime quem elegi. Ef-  
fundam enim aquas super sitientem, & fluēta super aridam. Ef-  
fundam spiritum meum super semen tuum, & benedictionem  
meam super stirpem tuam, & germinabunt inter herbas, quasi sa-  
lices iuxta præterfluentes aquas. Iste dicet, Domini ego sum.

V Me dereliquerunt fontem aquæ uiuæ, & foderunt sibi cisternas Hier. 2.  
dissipatas quæ continere non ualent aquas.

VI Et effundam super uos aquam mundam, & mundabimini ab Ezech. 36.  
omnibus inquinamentis uestris, & ab uniuersis idolis uestris mun-  
dabo uos, & dabo uobis cor nouum, & spiritum nouum ponam  
in medio uestri, & auferam cor lapideum de carne uestra, & dabo  
uobis cor carneum, & spiritum meum ponam in medio uestri, &  
faciam



## DE PECCATO ORIGINALI

faciam ut in præceptis meis ambuletis.

- Matth. 3.** VII Ego quidem (inquit Iohannes baptista) baptizo uos in aqua in poenitentiam. Qui autem post me uenturus est, fortior me est, cuius non sum dignus calciamenta portare, Ipse uos baptizabit in spiritu sancto & igne.
- Mar. 16.** VIII Qui crediderit & baptizatus fuerit, saluus erit.
- Ioh. 13.** IX Qui lotus est non indiget nisi ut pedes lauet, sed est mundus totus.
- Paulus ad Ro. 6.** X Quicumq; baptizati sumus in Christo Iesu, in morte ipsius baptizati sumus, Consepulti enim sumus cum illo per baptismum in mortem. Et paulo post. Hoc scientes, quod uetus homo noster simul crucifixus est, ut destruat corpus peccati, ut ultra non seruiamus peccato. Qui enim mortuus est, iustificatus est à peccato.
- 1. Cor. 6.** XI Et hæc aliquando quidem fuistis, sed abluti estis, sed sanctificati estis, sed iustificati estis in nomine domini nostri Iesu Christi, & in spiritu Dei nostri. Et infra. An nescitis quoniam membra uestra templum sunt spiritus sancti qui in uobis est, quem habetis à Deo & non estis uestri, empti enim estis precio magno, Glorificate & portate Deum in corpore uestro.
- Gal. 3.** XII Omnes enim filij Dei estis per fidem in Christo Iesu. Quicumq; enim in Christo baptizati estis, Christum induistis.
- Act. 2.** XIII Quid faciemus, uiri fratres? Petrus autem ad illos, Poenitentiam, inquit, agite, & baptizetur unusquisq; uestrum in nomine Iesu Christi, in remissionem peccatorum uestrorum, & accipietis donum spiritus sancti.
- Act. 19.** XIII His auditis, baptizati sunt in nomine domini Iesu. Et cum imposuisset illis manus Paulus, uenit spiritus sanctus super eos, & loquebantur linguis & prophetabant.
- 1. Pet. 3.** XV In diebus Noë cum fabricaretur Arca, in qua pauci, id est, octo animæ saluæ factæ sunt per aquas, Quod & uos nunc similis formæ saluos facit baptisma, non carnis depositio sordium, sed conscientie bonæ interrogatio in Deum, per resurrectionem Iesu Christi à mortuis.

Ex his quinque ternis locis (quorum tres ex ueteri lege, tres ex Prophetis, tres ex Euangelij, tres ex Paulo, tres deniq; ex alijs Caonicis noui Testamenti scriptis excerpti sunt) clarum profecto & fidelibus indubitatum est, baptismo ablui ac deleri omne peccatum tam actuale quam originale. Et ij scripturæ loci non temere ex proprio sensu

sensu m  
in hanc  
etiam i  
scribere  
fomite  
A  
satis, n  
barban  
scripsit  
baptism  
bum, A  
se fiden  
Luther  
sic exor  
No  
cum or  
dicend  
Nec fid  
bent, Si  
uerba g  
poente  
& huic  
cramen  
fra. An  
impens  
priam u  
tum, ni  
omnib  
ta reru  
natural  
partem  
proclan  
euiden  
de qua  
inquam  
Deum  
obstac  
qui uen

## PHILIPPICA II.

sensu meo adducti sunt, sed ab antiquis autoribus, ipsiq; probatissimis in hanc sententiam producti, ut est uidere summam in Decretis, atq; etiam in ijs quæ ego ante annos nouem produxi, dum in Lutherum scriberem de gratia sacramentorum, de baptismo paruulorum, & de fomite peccati.

Ad quos sane libros hætenus nihil iuste responsum est ab aduersarijs, nisi quod Lutherus ridiculo quodam libello contra me inuectus barbaris ac miseris Anabaptistis, grauissimi erroris ansam dedit, ubi scripsit, Paruulos prorsus non esse baptizandos, si uerum sit, eos in baptismo non credere, ne illudatur Maiestatis sacramentum & uerbum, Atq; sophistas in hoc docere contraria, dum negant paruulo esse fidem, & tamen ut baptizari possit, exigunt ab eo fidem. Ante hæc Lutheri uerba nullus erat apud Christianos Anabaptista, Post uero sic exorti sunt, ut nullis queant supplicijs aut mortibus absterri.

Nos autem potius cum B. Augustino dicimus, & Luthero simul cum omnibus Anabaptistis ita respondemus, Si propterea poenitentes dicendi non sunt paruuli, quia sensum poenitendi nondum habent, Nec fideles dicendi sunt, quia similiter sensum credendi nondum habent, Si autem propterea recte fideles uocantur, quoniam fidem per uerba gestantium quodammodo profitentur, Cur non prius etiam poenitentes habentur, cum per eorundem uerba gestantium Diabolo & huic sæculo renunciare monstrantur? Totum hoc in spe fit, ut sacramenti & diuinæ gratiæ, quam Dominus donauit Ecclesiæ. Et infra. An uero & hoc quæsituri, & de hoc disputaturi, & tempus ad hoc impensuri sumus, ut probemus atq; doceamus, quomodo per propriam uoluntatem, sine qua nullum uitæ propriæ potest esse peccatum, nihil mali commiserint infantes, qui propter hoc uocantur ab omnibus innocentes? Nonne tanta infirmitas animi & corporis, tanta rerum ignorantia, tam nulla omnino præcepti capacitas, nullus uel naturalis uel conscriptæ legis sensus aut motus, nullus in alterutram partem rationis usus, hoc multo testatior silentio quàm sermo noster proclamat atq; indicat? Valeat aliquid ad ipsam persuadendam ipsa euidencia. Nam nusquam sic non inuenio quid dicam, quàm ubi res de qua dicitur manifestior est quàm omne quod dicitur. Et rursum. Illas inquam consideremus tenebras mentis, utiq; rationalis, in quibus & Deum prorsus ignorant, cuius sacramentis etiam cum baptizantur obsistunt. Et iterum. In paruulis certe gratia Dei per baptismum eius, qui uenit in similitudinem carnis peccati, id agitur, ut euacuetur caro

F

peccati.

1. q. 1. per totū.  
Et de cōsecre.  
dist. 4. c. Nec  
quenquam.

19  
Luth. contra  
Io. Cochleum.

20  
Aug. de pecca  
torum meritis  
ex remiss. lib.  
1. c. 19.

Ibidem c. 35.

C. sequen.

C. 39.



## DE PECCATO ORIGINALI

peccati. Euacuatur autem, non ut in ipsa uiuente carne concupiscentia  
conspersa & innata, repente absumatur & non sit, sed ne obsit mor-  
tuo quæ inerat nato. Hæc B. Augustinus.

21

Quoniam uero primus ex adductis scripturæ locis, de submersis  
Aegyptijs, literaliter & in superficie de baptismi gratia & peccatorum  
ablutione non uidetur loqui, opus est, ut ei aliquid lucis aliunde adiu-  
gamus. Certe S. Paulus tangit hoc mysterium, quando ait. Nolo  
enim uos ignorare fratres, quoniam patres nostri omnes sub nube fu-  
erunt, & omnes mare transierunt, & omnes in Moyse baptizati sunt

1. Cor. 10.

De conse. dist.

4. c. Nec quen-

quam.

Grego. in regi-

stro lib. 9. cap.

101. 39.

Iob. 13.

in nube & in mari. Clarius exponit B. Cyprianus, quem allegat Gra-  
tianus in Decretis, ubi de baptismo agitur. Clarissime probat inde B.  
Gregorius Papa, in baptismo deleri funditus omnia prorsus peccata,  
ita ut omnino nullum remaneat. Certe (inquit) maris rubri transitus  
figura sancti baptismatis fuit, in quo hostes à tergo sunt mortui, sed  
alii contra faciem in heremo inuenti. Sic quispe omnes, qui in sancto  
baptismate tinguntur, eorum peccata præterita omnia laxantur. Quia  
eis uelut Aegyptij hostes à tergo moriuntur. Qui ergo dicit, peccata in  
baptismo funditus non dimitti, dicat Aegyptios in mari rubro non  
ueraciter mortuos. Si autem fatetur Aegyptios ueraciter mortuos, fa-  
teatur necesse est, peccata in baptismate funditus mori. Quia nimirum  
plus ualet in absolutione nostra ueritas quam umbra ueritatis. In E-  
uangelio Dominus dicit. Qui lotus est, non indiget nisi ut pedes lauet,  
sed est mundus totus. Si igitur peccata in baptismate funditus minime  
dimittuntur, quomodo is qui lotus est, mundus est totus? Totus enim  
mundus dici non potest, cui de peccato aliquid remansit. Sed nemo re-  
sistit uoci ueritatis, Qui lotus est, mundus est totus. Nihil ergo de pec-  
cati sui contagione remanet, quem totum fatetur mundum ipse qui  
redemit. Hæc Gregorius.

22

Hinc facile intelligit M. T. Imperator, 21. articulos, supra recita-  
tos, quos impie & asserit Lutherus & defendit Philippus, manifeste  
resistere uoci ueritatis, dum in puero baptizato remanere peccatum  
affirmant, ne mundus sit totus, eosque per hanc impietatem concula-  
re, non solum Christum & spiritum sanctum in paruulis baptizatis,  
uerum etiam Paulum cum lege simul & prophetis, ut ex XV. locis  
iam recitatis cognoscere licet. Vbi ait scriptura. Nec unus quidem su-  
peruit ex eis. Vbi Naaman leprosi restituta est in Iordane caro, sicut  
caro pueri paruuli & mundatus est, Vbi spiritus & benedictio Dei ef-  
funditur. Vbi est fons aquæ uiuæ, Vbi est aqua munda qua mundan-  
tur paruuli

Exo. 14. O

Psal. 105.

4. Reg. 5.

Esa. 45.

tur paru-  
tu sancti  
simul  
Deum  
Et, cha-  
operit  
su & sp-  
ti fronte  
tutem  
eatum,  
- Ea  
illum L  
nifestar  
li nihil  
men ca  
centem  
nos X  
si, atq  
& impi  
sibus p  
hoc ipse  
liorem  
lios Me  
Aegyp  
hem in  
infantu  
partici  
non est  
xias, cr  
tum in  
therus  
cat in b  
eiusmo  
solutas,  
quod ex  
sandi  
strigone  
tus Mo

## PHILIPPICA II.

tur paruuli ab omnibus inquinamentis suis, Quia baptizantur in spiritu sancto & igne, in morte Ihesu Christi, cum illo consepulti per baptismum, & iustificati à peccato, facti templum spiritus sancti, portantes Deum in corpore suo, induti Christum, habentes donum spiritus sancti, charitatem, in cordibus suis per spiritum sanctum diffusam, quæ operit multitudinem peccatorum. Contra tot apertas & potentes Christi & spiritus sancti uoces contendunt adhuc cæco furore & impudenti fronte Lutherus & Philippus, ut contra Christi & spiritus sancti uirtutem & ueritatem probent in paruulis baptizatis remanere uere peccatum, quod uere sit culpa & præuicatio legis Dei.

Eat nunc Philippus iste in conspectum M. T. & dicat articulum illum Lutheri de pueris à Leone X. non iure damnatum, nosq; manifestam in hoc struere calumniam Luthero, quia de peccato originali nihil male scripserit, dicat nos rem improbare non posse, uerba tamē calumniari, ut hoc artificio innocentem opprimamus. O innocentem hominem, cuius scelera longo sane Catalogo M. T. ante annos X. publice commemorauit ac damnauit in Edicto Vuormaciensi, atq; uti de reliquis etus in patriam & religionem nostram seditiosis & impijs machinationibus, quas interim per X. annos sacrilegis ausibus parricidaliter perpetravit. Ego certe ante annos nouem in hoc ipso articulo de pueris, manifeste conuici & ostendi illum crudeliorem esse beluina ferocitate infanticidam, quàm fuit in proprios filios Medea, quàm fuit in masculos infantes Hebræorum Pharaon rex Aegypti, quàm deniq; fuit in bimulos & minores infantes Bethlehem immanissimus parricida rex Herodes. Illi enim corpora tantum infantulorum peremerunt, Lutherus uero impietate ultra omnes & parricidas & bestias ferus & efferratus, in animas innocentum sæuire non est ueritus. Quas sane nos aliena culpa originali peccato obnoxias, credimus baptismo emundari rotos, ita ut nullum prorsus peccatum in eis remaneat, sed sint sanctissima templa spiritus sancti. Lutherus uero sic alligat innocentum animas peccato, ut non solum dicat in baptizatis remanere peccatum, uerum etiam à coeli ingressu per eiusmodi peccatum conatur insontum animas per mortem à carne solutas, uelut Rhadamantus quidam inexorabilis, arcere, & in nescito quod exitum propter peccati fomitem relegare. O immanitatem nefandissimam & pluquam ferinam aut lestrigonicam. Nam neq; Lestrigones neq; feræ tam immites sunt infantibus quàm est excucullatus Monachus iste,

E II Qui &



## DE PECCATO ORIGINALI

24

Qui & Anabaptistas in odium iniuriamq; & perniciem infantum irreparabilem irreuocabili pertinacia furentes incitauit, ut non solum non baptizent infantes suos, uerum etiam adultos, qui in infantia baptizati fuerunt, rebaptizare, contra Paulum & omnem Ecclesiam, non formidant, Ex ea nimirum ratione Lutherica, quia dicunt hominem sola fide iustificari, non sacramentis. Quoniam Lutherus asserit, hæreticam esse sententiam, sacramenta nouæ legis dare gratiam his qui non ponunt obicem. Cum igitur infantes (quandoquidem usum rationis non habent) fidem propriam non habeant, sed baptizentur in fide Ecclesiæ, ideo Anabaptistæ eos baptizare non uolunt. Et hic est speciosus fructus Luthericæ doctrinæ de pueris & originali peccato, quam hic M. T. commendare ac defendere, & quidem cum graui calumnia & iniuria nostri, non erubescit Philippus, qui tamen seipsum circa hunc articulum ab impietate defendere non potest. Quod ut M. tuæ manifestius fiat, aliquot eius articulos ex scheda recitandos propono, ut si quis mihi talia de illo dicenti non crederet, ipsi saltem credat de seipso. In cuius sane libris scriptum inueniet, quicquid in scheda conscriptum uidebit.

25

Recita.

SCRIBA, Errores Philippi de peccato Originali.

Phil. in Anno, I  
Rom. 5.

I Peccatum originale est natua propensio naturæ humanæ ad peccandum, irrogata nobis per inobedientiam, atq; hæc maledictio est generis humani.

II Hinc dicimur nasci filij iræ & mortis, quia nascimur peccatores, id est, habentes uim & propensionem natuam ad peccandum.

III Sed dices. Quomodo baptismus delet Originale peccatum, cum non deleat propensionem ad peccandum? Respondeo. In Originali peccato duo sunt consideranda, Imputatio peccati quam reatum uocant, & peccatum ipsum seu ipsa propensio. Imputatio tollitur, peccatum manet.

III Ergo natura nihil potest nisi peccare, aliàs etiam Adam propagasset iustitiam.

Cap. 6.

V Porro Paulus dicit, Caro concupiscit aduersus spiritum, Ergo non potest carnis uocabulū nisi de tota hominis natura intelligi.

Cap. 7.

VI Non uidemus in nobis concupiscentiam nostram, sunt quidem intus intra nos uariæ libidines & odium Dei & legis Dei, quæ non uidemus.

Ex ista

## PHILIPPICA II.

**VII** Ex ista confutatione (scilicet carnis & spiritus) satis clare intel-  
ligi potest, omnia, sanctorum etiam, opera peccata esse.

**VIII** Iam quia aduersatur spiritui natura, sequitur quod peccet. Tan-  
tum ibi peccati est, quantum natura retrahit & moratur spiritum.  
Et in alio loco.

**IX** Scriptura non uocat hoc originale, illud actuale peccatum. Est *Phil. in Lochs*  
enim & originale peccatum plane actualis quædam praua cupi- *communibus,*  
ditas. *de peccato.*

**X** Itaq; cum tradunt sophistæ, Peccatum originale esse iustitiæ  
originalis carentiam, sic loquuntur ipsi, recte dicunt, sed cur non  
addunt, quod ubi non est originalis iustitia seu spiritus, ibi esse re-  
uera carnem, reuera impietatem, reuera contemptum rerum spi-  
ritualium.

**XI** Augustinus in hac disputatione, scilicet de peccato Originali,  
potissimum regnat, ita ut cætera fere, quæ præter Pelagianam  
causam scripsit, frigidiora uideantur.

**XII** Minore negotio Pelagiani ueteres reuelli possunt, quàm no-  
strorum temporum noui Pelagiani. Qui etsi non negent esse pec-  
catum originale, negant tamen eam esse uim peccati originalis,  
ut omnia hominum opera, omnes hominum conatus sint pec-  
cata.

**XIII** Viuax quædam energia est peccatum originale, nulla non par-  
te nostri, nullo non tempore fructum ferens, uitia.

**XIII** Quando enim hominis animus non æstuat malis cupiditati-  
bus. In quibus quæ terribilissimæ ac foedissimæ sunt, ne deprehen-  
duntur quidem.

**XV** Auaritiam, ambitionem, odium, inuidentiam, æmulationem,  
libidinum flammæ, iram, quis est qui non aliquando sentiat? ar-  
rogantiam, fastum, tumorem pharisaicum, contemptum Dei,  
diffidere Deo, blasphemiam, principes affectus rari sentiunt.

**XVI** Et sophistas nostros nondum pudet docere operum iustitiam,  
docere satisfactiones ac philosophicas uirtutes.

**XVII** Et cum hanc externam uirtutis personam ac laruam miretur  
tota humana ratio, pseudotheologi nostri, falsi cæco naturæ iu-  
dicio, commendarunt nobis philosophica studia, philosophicasq;  
uirtutes, & operum exteriorum merita.

**XVIII** Genesis viij. Sensus & cogitatio humani cordis praua, à pue-  
ritia. Hac germana lectione uti malebam, quod clarius sit, sim-  
pliciter



## DE PECCATO ORIGINALI

- placiter adfirmans hominem prauum esse. Ne quis mihi Thomista eludat Mosén, quod cum pronitas seu inclinatio non sit actus, non possit esse peccatū, sic enim philosophantur stolidi sophistæ.
- XIX** Nam impij, diuites, fortes, de quibus Esaias loquitur, plane sunt isti humanæ iustitiæ, liberi arbitrij, philosophicarum uirtutum, breuiter humanarum uirium adsertores, ignari Christi.
- XX** Hic sophistæ uocant carnem, adpetitum sensitiuum, oblitæ phraseos ac tropi scripturæ. Non enim corpus, partem hominis, sed totum hominem, tam animam quam corpus, scriptura uoce carnis signat. Et quoties cum spiritu confertur, significat optimas naturæ humanæ ac præstantissimas uires citra spiritum sanctum.
- XXI** Itaq; carnis uocabulo utere & pro optimis humanæ naturæ uiribus, & pro pulcherrimis illius conatibus.
- XXII** Carnis fructus est, tam speciosa illa Socratis aut Catonis uirtus quam Cæsaris parricidia. Tam carnis fructus sunt speciosissimæ Pauli uirtutes, quibus præditus erat, priusquam Christum agnosset, quam Clodiana adulteria.
- XXIII** Non possum hic mihi temperare, quin obiter indicem Christiano lectori fatuas, insulas, & impias Sophistarum argutias, quibus probant, posse nos per uires naturæ diligere Deum.
- XXIII** Neq; enim ex Deo ulla commoda sentiuntur, nisi per spiritum sanctum iam cor sit purificatum, & insculpta sit puro pioq; cordi Dei beneficentia.
- XXV** Atqui ubi conscientia perculit animum, iam ita auersatur & exhorret Deum, ut carnificem crudelem, & uindicem, & quod est atrociss. iniquum.
- XXVI** Metiebantur Theologastri peccatum Originale, non nisi externis operibus, interim animi maliciam, & uelut intercutem morbum non uidebant.
- Quis hic quæso defensorem istum defendat? Nolo, Cæsar, eum acerbiorē hic aggrauare dictorum reprehensione, sed opto magis ac precor, ut M. T. hos quoq; Philippi. 26 articulos (quos non anxie quæsitos ē duobus tantum libellis eius produxi) cum superius commemoratis. 21. articulis Lutheri sui examinandos ac iudicandos tradat Theologis & Vniuersitatibus quibuscumlibet quarumlibet Nationum. Ea sane lege, ut si eos approbauerint, ego improbus habear calumniator innocentium: Si uero reprobauerint, M. T. agat cum hoc Philippo, ut desinat nos procaciter calumniari ac traducere, tanquam calumniatores

## PHILIPPICA II

humiliatores & oppressores innocentis Lutheri. A cuius flagitijs & impietatibus nec ipse, qui talem defendit, immunis est.

Quinimmo iam olim reus factus multorum criminum, & ad M. suam publice accusatus à doctissimo viro Thoma Radino Todischo, atq; etiam à paruitate nica de liberi arbitrij articulo duobus libris reprehensus, tacendo tot annis se ipse reum reprehensibilemque agnouisse uidetur.

Quod si ea quoque dogmata eius producerem, quæ de baptismo alicubi scripsit, non dubito, quin & ipse particeps iudicari possit illius sceleris, quo infelicium Anabaptistarum errorem succitauit Luthers. Nam & Philippus illum simiæ instar imitatus peius negauit uim & gratiam baptismi, soli fidei (quam infantes ante baptismum non habent) iustificationem tribuens, quando ait. In usu signorum foedissime erratur. Nam scholæ cum disputant, quid intersit inter sacramenta ueteris ac noui Testamenti, in sacramentis ueteris Testamenti negant uim fuisse iustificandi, Noui sacramentis tribuunt uim iustificandi, manifesto nimirum errore, Sola enim fides iustificat. Item, Non iustificat signa, ut Apostolus ait, Circumcisio nihil est, ita Baptismus nihil est. Participatio mensæ Domini nihil est, sed testes sunt & sphragides diuinæ uoluntatis erga te. Et alibi. Baptismus (inquit) sine fide nihil est. At hæc est potissima miserationum Anabaptistarum ratio, quod pueros non baptizant, quia eiusmodi infantuli nondum credunt.

Nos autem dicimus, sufficere pueris ad baptismi gratiam fidem Ecclesiæ. Sicut enim grauantur alieno peccato, nempe præuicatione Adæ, ita & aliena iuuantur fide, quandoquidem per sese (dum usu rationis carent) neque peccare neque credere possunt. Hanc nostram sententiam supra, partim scripturis, partim B. Augustini autoritate confirmauimus, quam & B. Cyprianus simul cum plurimis Episcopis, ad Fidum scribens corroborat.

Ex his itaque uidet sacratissima M. T. Religiose Imperator, quam non solum intempestiua & inefficax, uerum etiam absurda & impia iudicari debeat hæc Philippi Apologia, quæ tam immites sacrilegosque & erroneos articulos, quos ex Lutheri ipsiusque Philippi scriptis recitatos audisti, defendere præsumit, atque etiam impudenter affirmare audet, Lutherianorum sententiam de peccato Originali, nihil continere neque noui neque à fide ecclesiæ alieni. Quis enim ueterum docuit, quod peccatum Originale sit actualis quedam praua cupiditas? Quis item docuit

26

*Phil. in Loc. communibus, de signis.*

*In Annot. Matth. 3.*

*Cypri. in epist. lib. 3. epist. 2.*



## DE PECCATO ORIGINALI

docuit, peccatum Originale in baptizatis puerulis remanere: Carnis uocabulum non posse nisi de tota hominis natura intelligi: Et ubi caro conflictat aduersus spiritum, ibi carnem significare optimas ac præstantissimas humanæ naturæ uires citra spiritum sanctum: Et quis præter eum paruulis, propter carentiam iustitiæ originalis adscripsit actua-lem impietatem & contemptum rerum spiritualium: Quis item propter originale peccatum dixit omnia hominum opera, omnes hominum conatus, etiam sanctorum, esse peccata: Quis præterea dixit, contemptum Dei, odium Dei, diffidere Deo, blasphemare Deum, auersari Deum uelut crudelem carnificem, esse principes hominum adfectus: Quis obsecro philosophorum ( quos usq; adeo infectatur ) & qui tanquam gentiles uere fuerunt in mortem usq; obnoxii peccato originali, docuit contemnere, odisse, blasphemare ac auersari Deum uelut carnificem crudelem uindicemq; iniquum: Quod si in philosophorum libris tam absurda & nefanda dogmata nusquam reperiuntur, quis credat ea reperiri in scriptis ueterum Ecclesiæ Doctorum patrumq; sanctorum?

Tanta tamen est huius defensoris ad M. T. procacitas & impudentia, ut non solum ueteres, uerum etiam recentiores, siqui cordatiores exsistant, affirmet idem de peccato originali docere, quod docet Lutherus & ipse. Et inter eos uel primo loco recenset hic S. Thomam, de quo tamen alibi scripserunt ambo, non minus calumniose quam impie. Nimis profecto longum foret, omnes & contumelias & calumnias, quas passim in complurimis libellis, præsertim dum in Regem Angliæ & in Ambrosium Catharinum scriberet, in hunc sanctum Dei hominem & solidum Ecclesiæ Doctorem euomuit Lutherus. Neq; Philippi cuncta in eum conuitia breuiter enumerari poterunt, ego hic exempli duntaxat gratia, ex una eius oratione, quam ante annos X. scripsit pro suo Luthero, paucula commemorabo.

Etenim ait ibi, Thomam Aquinatem impiæ doctrinæ Antesignanum esse, ait eum itolidum esse, à Paulo plurimis in locis discrepare, esse delirum, doctorculum, sanctulum, de quo uiderint Ro. Pontifices, quo iure sanctitatis nomen illi tribuerint. Et quanquam hæc & id genus plura tunc scripserit in eum ad M. T. conuicia & mendacia, nunc tamen simulata poenitentia commemorat eum inter cordatiores & quidem primo loco, ut sub illius saltem nomine mendacijs suis fraudulenta hypocrisis fidem emendicet. Sed scriptum est, Non inueniet fraudulentus lacrum. Et Dominus in Euangelio ait, Nihil est opertum

*Phil. in Diay-*  
*mo Faentino.*

*Prover. 12.*  
*Matth. 10.*

## PHILIPPICA II.

opertum quod non reueletur, & occultum quod non sciatur. Vt igitur M. T. quàm apertissime intelligat, S. Thomam longe alias de peccato Originali scripsisse sententias, quàm scribunt immitissimi hostes eius Lutherus & Philippus, operæ precium mihi sane uidetur, ut obiter ex scheda recenseantur M. T. quedam huius sancti Doctoris de Originali peccato sententiæ.

Recita.

SCRIBA. Sententiæ S. Thomæ de peccato Originali.

31

I Secundum fidem Catholicam tenendum est, quod primum peccatum primi hominis originaliter transit in posteros. Propter quod etiam pueri mox nati, deferuntur ad baptismum, tanquam ab aliqua infectione culpæ abluendi. S. Tho. prima 2. q. 81. art. 1.

II Peccatum originale non est peccatum huius personæ, nisi in quantum hæc persona recipit naturam à primo parente. Vnde & uocatur peccatum naturæ, secundum illud Ephe. ij. Erasmus natura filij iæ. Ibidem.

III Impossibile est, quod aliqua peccata proximorum parentum, uel etiam primi parentis, præter primum per originem traducantur. Cuius ratio est, quia homo generat sibi idem in specie, non autem secundum indiuiduum. Et iam ea quæ directe pertinent ad indiuiduum, sicut personales actus & ea quæ ad eos pertinent, non traducuntur à parentibus in filios. Ib. art. 2.

III Principium actiuum in generatione est à patre, materiam autem mater ministrat. Vnde peccatum Originale non contrahitur à matre, sed à patre. Ib. art. 5.

V Si autem aliquis formaretur uirtute diuina ex carne humana, manifestum est, quod uis actiua non deriuaretur ab Adam. Vnde non contraheret peccatum originale. Ib. art. 4.

VI Ex auersione uoluntatis à Deo, consecuta est inordinatio in omnibus alijs animæ uiribus. Sic ergo priuatio originalis iustitiæ, per quam uoluntas subdebatur Deo, est formale in peccato originali. Omnis autem alia inordinatio uirium animæ se habet in peccato originali, sicut quoddam materiale. Ib. quest. 82. art. 3.

VII Peccatum originale est unum specie, & in uno homine non potest esse nisi unum numero. In diuersis autem hominibus est unum specie. Ib. art. 2.

VIII Peccatum originale nō potest esse maius in uno quàm in alio. Contigit autem uires aliquas animæ esse fortiores in uno quàm Ib. art. 4.

G

in alio



## DE PECCATO ORIGINALI

In alio propter diuersas corporis complexiones. Quod ergo unus homo sit pronior ad concupiscendum quam alter, non est ex ratione peccati originalis, sed ex diuersa dispositione potentiarum.

*ib. quest. 83. IX  
art. 1.*

Quicquid peruenit de corruptione primi peccati ad animam, habet rationem culpæ. Quod autem peruenit ad carnem, non habet rationem culpæ sed pœnæ. Est igitur anima subiectum peccati originalis, non autem caro.

*Idem in quest. X  
de malo. mate  
ria 4. quest. 8.*

Sicut anima diuinitus infusa, pertinet ad naturam humanam, ab Adam deriuatam, propter carnem cui coniungitur. Ita & defectus prædictus pertinet ad animam propter carnem quæ ab Adam propagatur, non solum secundum corpulentam substantiam, sed etiam secundum rationem seminalem, id est, non solum materialiter, sed sicut ab actiuo principio.

*Ibidem. XI*

Huiusmodi defectus non dicitur esse peccatum personale, sed peccatum totius nature. Nec ad personam pertinet nisi in quantum natura inficit personam.

*Ibidem. XII*

Ex peccato primi parentis destituta est caro eius illa uirtute, qua ex ea possit descendere semen, per quod originalis iustitia in alios propagetur.

*ib. quest. 2. XIII*

Concupiscentia, secundum quod est aliquid peccati originalis, non nominat necessitatem consentiendi motibus concupiscentiæ inordinatis, sed nominat necessitatem sentiendi, quæ quidem manet post baptismum, sed non manet cum carentia originalis iustitiæ, ex qua est reatus pœnæ.

*ib.*

XIII Iustitia originalis restituitur in baptismo, quantum ad hoc, quod superior pars animæ coniungitur Deo, per cuius priuationem inerat reatus culpæ; sed non quantum ad hoc, quod rationi subijciantur inferiores uires. Ex huiusmodi enim defectu est concupiscentia quæ manet post baptismum.

*Ibidem materia 4. quest. 4.*

XV Absq; omni dubio, secundum fidem Catholicam tenendum est, quod mors & omnes huiusmodi defectus præsentis uitæ, sunt pœna peccati originalis.

Confer obsecro has pauculas, Imperator, sententiæ, cum proluxa Apologiæ uerbositate de peccato Originali, aut conuerendas trade quibuscumque Theologis. Dispercam, si non iudicaturi sint, multo & plura & meliora in his breuibus dictis contineri quam contineantur in nugaci illa Apologia de peccato Originali.

32

Quid enim avertit de eo Apologia, nisi crebrius repetita ista uerborum

## PHILIPPICA II.

borum portenta, Peccatum originale detrahete non solum obedientiam inferiorum uirum hominis, sed etiam notitiam Dei, fiduciam erga Deum, timorem & amorem Dei, afferre uero istos defectus, Non posse Deo credere, non posse Deum timere ac diligere, Item habere concupiscentiam quæ carnalia quærit contra uerbum Dei, hoc est, quærit non solum uoluptates corporis, sed etiam sapientiam & iustitiam carnalem, & confidit his bonis, contemnens Deum, Item Nos nascentes afferre ignorationem Dei, incredulitatem, diffidentiam, contemptum, odium Dei. Et hæc omnia adeo manifesta esse ait, ut nihil opus habeant testimonijs. Nos uero cum S. Thoma & cum tota Ecclesia dicimus plane & simpliciter, in pueris esse per generationem peccatum originale, cuius culpa tota per regenerationem in baptismo deleatur.

Cæterum portentosa signa ista, quæ tam sæpe commemorat ac repetit Philippus, paruulis nemo, præter ipsum & eos qui in uerba eius Lutheriq; sui iurant, tribuit, adscribit aut imputat, non Iudei, non Gentiles, ne Turcæ quidem, quamlibet barbari alioqui & immanes. Quis ergo inter Christianos tam absurda & immitia contra paruulos dogmata æquo animo accipiat? Etenim lex diuina testatur, paruulos boni ac mali ignorare distantiam. Et ex Augustino supra declaratum est, in paruulis ante baptismum & recens natis, nullam omnino esse præcepti capacitatem, nullum uel naturalis uel conscriptæ legis sensum aut motum, nullum in alterutram partem rationis usum, nihil per propriam uoluntatem mali, nullum propriæ uitæ peccatum. Et hæc omnia manifestiora esse & euidentiora quàm omne quod dicitur. Notus tamen iste, ex Rhetore repente factus Theologus (cui cæci, impii & stulti sunt omnes philosophi iuxta & Theologi) contra tantæ rerum euidentiam, & cōtra apertum scripturæ testimonium, toties affirmare audet, ubi peccatum originale sit, ibi esse incredulitatem, diffidentiam, contemptum, odiumq; Dei, ibi quæri carnalia contra uerbum Dei. Cumq; paruulis originale peccatum inesse dicat, non solum ante regenerationis lauacrum, uerum etiam post baptismum susceptum, nonne fatetur, in paruulis tam baptizatis quàm non baptizatis esse incredulitatem, diffidentiam, contemptum odiumq; Dei, eosq; carnalia quæ-  
rere contra uerbum Dei? Si hæc noua non sunt, Auguste, ut ipse ait, quid sic abhorret ab ijs pietas tua antiqua? quid sic offenduntur ijs religiosæ ac piæ mentes auresq; Christi fidelium?

Quid si barbari quoq; Anabaptistæ ista execrentur? Nam & ipsi

G ij      producant

33

Deut. 1.

Ionæ. 4.

Aug. de peccatorum meritis & remiss. lib. 1. c. 35.

34



## DE PECCATO ORIGINALI

producunt illud, iam dictum scripturæ testimonium, quod paruuli ignorant boni ac mali distantiam. Decipiuntur autem pessime & à Lutherò & ab isto eius defensore, qui docent, solam fidem iustificare, Baptismum sine fide nihil esse, sacramenta nouæ legis nullam dare gratiam, sed esse tantum signa sicut sacramenta ueteris legis. Quod si res diligentius expendatur, arbitror profecto, non obscurum hinc esse, quod iustius possit sumi seu multa seu supplicium de ipsis seductoribus quàm de seductis, de doctoribus quàm de discipulis, de superbientibus in eruditione & eloquentia sua hæresiarchis, quàm de simplici plebe, quæ ex illorum falsâ & impia doctrina nequiter seducta ad eiusmodi errores misere atq; etiam miserabiliter deuenit.

*Psal. 51.  
Pro. 2.*

Quoniam uero gloriantur in ista malicia sua insignes hi duo præparum duces, lætanturq; cum male fecerint, & exultant in rebus pessimis, ac Responsum illam, quæ Augustæ iussu & autoritate M. T. data est ad eorum Confessionem, improbe contemnunt, cauillantur, irrident & calumniantur, atq; etiam noctuam uespertilionemq; eam procaciter appellant, non sine iniuria & crimine læsæ M. T. operæ precium sane uidetur mihi, & M. T. in memoriam reducere, & lectio-ri pio exhibere hic eam Responsionis partem, quæ ad secundum eorum articulum Augustæ data est, & quidem sub duplici forma, quarum prior M. T. iussu mitior est & breuior, posterior à Theologis acrior extensiorq; facta, non quidem amaræ contentionis studio, sed piæ præmonitionis diligentia, ut inde M. T. simul cum cæteris Principibus Ordinibusq; sacri Ro. Imperij intelligerent, astute occultari in illorum Confessione praua eorum dogmata, de quibus ibi tacendo dissimulabant, ut in hypocrisis loquentes, M. T. alijsq; Principibus imponerent.

Recita.

57

SCRIBA, Responsionis Imperialis articulus secundus,  
de peccato Originali.

In secundo articulo Confessionis, comprobatur quidem, quod cum Ecclesia Catholica fatentur uitium originis uere esse peccatum, damnans & asserens æternam mortem ijs qui non renascuntur per baptismum & spiritum sanctum. Nam recte in hoc damnant Pelagianos & nouos & ueteres tampridem ab Ecclesia damnatos. At declaratio articuli, quod peccatum originis sit, quod nascantur homines sine metu Dei, sine fiducia erga Deum, est reijcienda, Cum sit cuilibet Christiano manifestum, esse sine metu Dei, sine fiducia erga Deum,

potius

## PHILIPPICA 11.

potius esse culpam actualement adulti, quàm noxam infantis recens nati, qui usu rationis adhuc non pollet, Velut Dominus ad Moysen ait. Paruuli uestri & filij qui hodie boni ac mali ignorant distantia Deut. 1. Sed & ea reijcitur declaratio, qua uitium originis concupiscentiam dicunt, si ita concupiscentiam uolunt esse peccatum, quod etiam post baptismum remaneat peccatum in puero. Iampridem enim damnati sunt à Sede Apostolica duo articuli Martini Lutheri, secundus & tertius, De peccato remanente in puero post baptismum, & De fomite remorante animam ab ingressu cœli. Quod si iuxta diui Augustini sententiam, uitium originis dicerent concupiscentiam, quæ in baptismo peccatum esse desinat, acceptandum esset. Quandoquidem & iuxta B. Pauli sententiam, Omnes filij iræ nascimur Ephe. 2. Et in Adam omnes peccauimus Rom. 5. Hæc ibi. Theologi uero sic, ad Cæsaream Maiestatem tuam super eo articulo Augusti responderrunt, ut sequitur.

Theologorum Responsio in articulum secundum.

Hanc quoq; Confessionem, quatenus Catholica est, gratulabundi acceptamus. Nempe, omnes homines, secundum naturam propagatos, nasci cum peccato, quod originale uocamus. De quo tam multa sunt in scripturis testimonia, præsertim in epistolis Pauli, ut merito impudentissimus iudicetur fuisse Pelagius, qui illud negare ausus fuit. Et adhuc multo impudentiores uideantur hodie pleriq; Concionatores Argentorati, Basileæ, Turegi, Constantiæ &c. discipuli paulo ante Lutheri, nunc eius aduersarij, nouarum sectarum duces, qui peccatum originale, tot sæculis ab uniuersali Ecclesia confessum, tot Concilijs assertum, tot scripturis attestatum, post damnatum ante mille annos Pelagium, adhuc negare non uerentur. Zuinglius enim ait, non esse peccatum, sed defectum naturalem, sicut balbutire. Et Bucerus, quamuis Marpurgi in gratiam Lutheranorum recantasse uidetur, paulo post tamen illam ipsam recantationem noua recantauit epistola, peruiacaciter peccatum originale negans.

Cæterum ista Condonatorum assertio, non est per omnia satis pura & Catholica. Primum, quia non recte explicant peccatum originis, quod aiunt esse sine metu Dei, sine fiducia erga Deum, & cum concupiscentia. Est enim potius carentia seu priuatio originalis iustitiæ, quam Adam protoplastus lapsu suo perdidit, ad cuius perditionem omnes nascimur filij iræ, ut ait Apostolus Ephe. 2. Cæterum sine metu Dei & sine fiducia in Deum esse, habet magis rationem culpa-

G iij bilis



## DE PECCATO ORIGINALI

bilis omissionis & actualis quàm originalis peccati. Neq; id pueris, qui usum rationis nondum habent, recte imputatur, sed adultis.

Deinde, quando dicunt, hoc vitium originis uere peccatum esse, latenter insinuare uidentur damnablem ac iampridem à Sede Apostolica damnatum errorem Lutheri sui, qui asserit concupiscentiam uere peccatum esse, & in puero post baptismum uere peccatum remanere, fomitemq; istum, etiam si nullum adsit peccatum actuale, remoueri animam ab ingressu cœli. Hic sane pessimus est error, iam olim publice damnatus, non solum à Ro. Pontifice supremo super eiusmodi causis cognitore & iudice, uerum etiam à celeberrimis Vniuersitatibus Parisiensi, Louaniensi & Colonensi. Ex quo deinceps errore, adhuc multo peiores & nocentiores pessime astu serpentino elicit, asserens, iustum in omni opere bono peccare, & opus bonum etiam optime factum esse peccatum, & quidem mortale secundum iustitiam Dei, ueniale uero secundum misericordiam Dei, eo quod iustus non est sine carnis concupiscentia, quam uere peccatum esse affirmat. Nos quidem libenter admittimus & affirmamus etiam, peccatum originis ante baptismum in puero uere peccatum esse, Quod uero in puero post baptismum uere peccatum remaneat, hoc maxime inficiamur, atq; etiam autoritate sacre scripture, sedis Apostolicæ Conciliorumq; & sanctorum patrum subnixi, damnamus.

Tertio, quando dicunt, Et cum sit uere peccatum, damnans & afferens nunc quoq; æternam mortem his qui renascuntur per baptismum & spiritum sanctum, Verba hæc maxime negamus ut iacent. Benigne tamen interpretabimur, potius hic lapsum scriptorem quàm Principes istos & Concionatores eorum ita sentire. Sic enim sentire, non aliud esset quàm consentire barbarissimo simul & impiissimo errori ueterum Patrenorum, qui dicunt furiosissime, Paruulos baptizatos non leuius puniri æternaliter quàm latrones aut homicidas. Arbitramur autem potius, hunc esse Principum sensum hic, ut peccatum originale æternam afferat mortem his qui non renascuntur per baptismum & spiritum sanctum. Quem sane sensum Catholica quoq; tenet Ecclesia, iuxta illud Christi, Nisi quis renatus fuerit ex aqua & spiritu sancto, non potest intrare in regnum cœlorum Ioh. 3.

Merito igitur & in hoc articulo admonebit Cæsarea Maiestas uestra Principes istos, ut synceriter per omnia hic cum Ecclesia Catholica & sanctis patribus de peccato originali sentire dignentur, potius quàm cum nouis sectarum autoribus & ducibus, uarijs inuolui erroribus. Errat

## PHILIPPICÆ II.

bus. Errat quippe Lutherus, dicens peccatum originale post baptismum in puero remanere & uere peccatum esse. Errat Melancthon dicens, Scripturam non distinguere inter peccatum actuale & originale, & peccatum originale esse actualem quandam prauam cupiditatem. Errat Zuinglius dicens, pueros Christianorum sine baptismo saluari. Errat Eberhardus Vuidensee, Patarenius nouus, dicens, puerum baptizatum æterna morte damnari. Errant denique Catabaptistæ, dicentes, pueris baptismum nihil prodesse, sed magis obesse. Et quis tandem erit errorum modus aut finis, si unicuique iuxta somnia sua nouam opinionem effingere, & in populum euulgare liceat? Satiùs est igitur & multo salubrius, unam certam Ecclesie sententiam sequi & amplecti, quàm per tot opinionum ambages misere in errorum Pelago fluctuare. Hæc Theologi.

Dictum est, Auguste, de peccato hic Originali, quantum per temporis breuitatem licuit, qui plura de eo nosse deſyderat, is legere poterit Theologos recentiores super Magistrum sententiarum, qui latissime ibi rem istam pertractant, multo sane & rationabilius & copiosius quàm fecerunt hactenus Lutherus & Philippus, hic in locis communibus & in Apologia sua præcipue, Lutherus uero in assertionibus suorum articulorum, maxime ſecundi & tertij. Audisti igitur quàm impij & absurdi utriusque articuli recitati ſint, Lutheri ſane 21. Philippi uero. 26. Audisti quàm acriter iam pridem eis reſponſum ſit ab Episcopo Roſſenſi & ab Ambrosio Catharino, uiris ſane ingenio, eruditione, probitate, fide & religione nulli ſecundis, & à paruitate quoque mea, pro baptismo paruulorum. Audisti non modo B. Auguſtinum, uerum etiam alios patres atque adeo totam ſcripturam, illis aduerſantes, ſententiam comprobare noſtram. Tui nunc eſt officiij, Cæſar Auguſte, cum Eccleſie, cuius aduocatum agis ) deſertoribus iſtis ita ageſc, ſecundum & legum & ſacrorum Canonum præſcripta, ſicut & debes & poteſ, ne Imperij tui auſpicatiſſimi gloria, hac impietatis macula (quum & Turcæ & Tartari, quamlibet barbari, errorem hunc de paruulis auſquam doceant, ne admittant quidem, ſed deteſtentur ac exterminent) uelut neuo quodam aſpergatur ad poſteros. Dixi.

Philippica

36

Lib. 2. Diſt. 30.  
cum ſequen.



DE SOLA FIDE  
PHILIPPICA TER-

TIA IOH. COCHLEI IN APOLOGIAM

Philippi Melanchthonis, De quarto, quinto & sexto articu-  
lis Lutheranae Confessionis, ubi disceptatur de sola fi-  
de, quam Lutherus asserit.



Vam malae fidei sit Defensor iste, fidelissime pari-  
ter ac religiosissime Imperator, ex superioribus  
perspicuum esse arbitror, ubi toties audisti, eum  
longe aliter scripsisse ad M. tuam in Confessione  
sua, quam scripsit alibi ad populum, & ad iuuentu-  
tem Germanicam, quam sane compositis uerbis  
pellexit, contra Edictum tuum, in damnatam

partem Lutheri, non sine maximo Germaniae malo, iuxta illud sapi-  
**Pro. 18.** entis, Verba bilinguis, quasi simplicia, & ipsa perueniunt usq; ad in-  
teriora uentris.

Hic uero, tibi de Iustificatione impij saepe damnatam Lutheri de  
sola fide impietatem asserit, tam uariis sane ac uersipellis est, ut Par-  
dum potius aut Polypum quam uulpeculam agere uideatur, tanta in-  
super feruet calumniandi libidine ac malignitate, super improba blan-  
diloquentiae hypocrisis tendens incautis insidias, ut hyenam etiam aut  
draconem fallendi arte superare possit. Et ijs molestijs molestissimam  
quoq; superaddit uerbositatem, qua sic exundat, ut Antagonistam  
fatigatum enecet, antequam totam eius loquacitatem uel semel per-  
legere queat. Quandoquidem XII. quaterniones integros nugacitate  
sua super una re ista compleuit, tanquam maxima illi fuerit nobiscum  
Augustae circa hos articulos Confessionis suae quartum, quintum &  
sextum controuersia.

At non ignorant Illustrissimi Principes, & Iureconsulti aliquot  
Lutherani, qui in concordiae tractatum deputati fuerunt, de ijs tribus  
articulis mox primo congressu & uno uespere tam facile concordia-  
tum fuisse, ut post longa consultationum super tractandi ac proceden-  
di modo praeludia, quae maiorem illius temporis (quod ad maximum  
sex horarum erat) partem insumebant, facto confesso concordia pro-  
cesserit illo uespere usq; ad articulum Confessionis duodecimum.  
Sponte enim abdicabant & renunciabant sibi Lutherani hanc uocu-  
lam Sola, ne ulterius dicerent, nos sola fide iustificari. Quam sane  
uocem

# PHILIPPICA III.

uocem Doctor Iohannes Eckius, intrepidus ille atq; inuictus Hæreticorum debellator, per iocum remitti iussit ad sutores, uelut soleam, quæ Teuthonice Sola dicitur. Summa igitur concordie his breuissimæ uerbis tum concepta, & nisi fallit memoria, ab ipsomet Philippo scripta fuit, Nempe, quod iustificatio seu remissio peccatorum fiat per gratiam gratum facientem & fidem formaliter, per uerbum uero & sacramenta instrumentaliter, quodq; recte damnentur Anabaptistæ qui uerbum externum contemnunt, & quod nos bona opera facere oporteat, tanquam à Deo mandata.

Hæc est, Imperator, summa trium istorum articulorum, super quibus Augustæ Philippus ille cum reliquis Lutheranis concordiam, simulanter & fidei (ut uideo) corde nobiscum inierunt, aliud habentes in corde, aliud in ore. Non hoc dixerim de omnibus, sed maxime de hac uulpecula socijsq; eius, Spalatino scilicet ( qui cum supernumerarius esset, cum rubore paulopost abire iussus fuit ) Brentio & Schnepio. Arbitror enim Illustriss. Principes, Iohannem Fridericum Saxoniæ Ducem & Georgium Marchionem Brandenburgensem, simul cum duobus Iureconsultis eorum, ex animo tunc & egisse & in eam concordiam consensisse, eo quod Theologorum non poterant ullam proferre scripturam, quæ diceret nos sola fide iustificari. Nos autem proferebamus manifeste contrariam sententiam ex epistola B. Iacobi, ubi sic habetur. Videtis quoniam ex operibus iustificatur homo, & non ex fide tantum. Cum igitur consentirent nobis Principes & Iureconsulti, & Theologi isti poetici nihil haberent, quod huic B. Iacobi sententiæ opponerent, saltem commode & honeste, consenserunt & ipsi, sed fiete, in hypocrisi & dolo.

Non enim poterant honeste, in conspectu tantorum uirorum, dicere, quod impudenti ac impia calumnia dixit prius & scripsit ad plebem Lutherus eorum, eam epistolam non esse B. Iacobi aut ullius Apostoli, cum directe contra S. Paulum omnemq; scripturam operibus iustificationem tribuat, laceretq; scripturam, & resistat Paulo ac omni scripturæ. Cumq; in seculari iudicio unus uir sit nullus uir, quomodo singularis iste uir ( inquit ) contra Paulum & omnem scripturam ualeat? In summa, ait B. Iacobi epistolam uere stramineam esse, præ cæteris noui Testamenti libris & Epistolis, cum nihil euangelicum sapiat. Hæc quidem à Luthero scripta esse non ignorabat Philippus cum socijs suis, proferre tamen ibi, nobisq; obijcere non audebat, quia sciebat, nimis impudentem & inciuile esse eiusmodi sermonem coram

H

quibuslibet

Hic Saxonie  
Dux nunc mor-  
tuo patre suo  
Princeps Elector est.

Iac. 2.

4  
Luth. in præ-  
fatione Teuth.  
nou. Test.



## DE SOLA FIDE

quibuslibet Christianis, taceo, coram tantis Principibus. Dissimulabat igitur ista, & ficto corde consentiebat nobis. Verum ubi ad Lutherum suum rediit, & ex eo intellexit, quantum illa in concordie tractatu concisione, nocuerit uniuersae causae Lutheranae, sera tandem poenitentia, ad reconciliandum sibi Lutherum suum, tam acerbam & amarulentam super isto articulo scripsit & produxit Apologiam.

<sup>5</sup>  
Phil. in Apo-  
logia sua.

Sic enim exorditur. In quarto, quinto, sexto, & infra in articulo XX. damnant nos, quod docemus homines, non propter sua merita, sed gratis propter Christum consequi remissionem peccatorum fide in Christum. Vtrunq; enim damnat, & quod negamus homines propter sua merita consequi remissionem peccatorum, & quod affirmamus homines fide consequi remissionem peccatorum, & fide in Christum iustificari. Hoc est initium & fundamentum, inelyte iustitiae Praeses, Imperator, ad omnes, quas per XII. quaterniones maligne & impudenter effutiuit, calumnias, contra nos, cum quibus se Augustae prius super ijs rebus per omnia concordare callide (ne quid grauius dicam) simulauerat. Neutrum profecto ex scriptis aut dictis nostris probare unquam poterit. Nusquam enim scribimus aut docemus, hominem propter merita sua iustificari, cum non ignoremus, sed fateamur aperte, homines non per merita sua, sed per gratiam Dei iustificari & consequi remissionem peccatorum. Ante gratiam enim Dei nobis per spiritum sanctum infusam, non possumus consequi remissionem peccatorum, nec ulla facere opera meritoria uitae aeternae. Nec negamus nos fide iustificari, sed negamus nos sola fide iustificari, quia detestamur impios illos Lutheri errores, quibus docet, haeticam esse sententiam, sacramenta nouae legis dare gratiam ijs qui non ponunt obicem, & iustum in omni opere bono peccare, & omnia opera bona, etiam bene facta, esse peccata &c.

<sup>6</sup>  
Controuersia  
ista maximi  
momenti est.

Math. 23.  
Ibidem c. 25.

Non leuis igitur est ista inter nos controuersia, Imperator, non de lana caprina contendimus, sed de toto Christianismo periculum Diabolus per hos iniquitatis suae ministros nobis intentat. Christus enim in omni doctrina sua requirit a nobis, non solam fidem, ut Lutherus docet, sed fidem simul & bona opera, non modo promittens uitam aeternam bene operantibus, uerum etiam comminans ignem aeternum, non solum male operantibus, uerum etiam non operantibus bene. Manifeste enim ait Phariseis. Haec oportuit facere, & illa non omittere. Et ijs qui a sinistris erunt inter haedos, Discedite (inquit) a me maledicti in ignem aeternum. Esuriui enim & non deditis mihi manducare,

### PHILIPPICA III.

manducare. Et cunctis dicit generaliter. Omnis arbor quæ non facit fructum bonum, excidetur & in ignem mittetur, Matth. 7.

Ergo Philippus iste hac sua friuola, contentiosa, nimisq; calumniosa Apologia non solum rescindit impudenter ac leuiter ea quæ semel placuerunt ei in concordie tractatu, de quo dictum est, uerum etiam conculcatis tot Christi per omne Euangelium de operibus tum promissionibus tum cominationibus, ut Lutheri sui sententiam de sola fide iustificante defendat, non modo amarulentis nos grauat calumnijs, uerum etiam sacrosanctæ M. T. & omnium Principum Ordinumq; sacri Ro. Imperij sententiam improbis incessit cauillis, Et quicquid conuictorum calumniarumq; in nos aperte euomit, in M. T. & in omnes, tuo obediens Imperio, Principes & Status, euomuisse conuincitur. Non enim nos soli, qui ad Confessionem eius tuo iussu respondimus, negauimus sola fide homines iustificari, uerum etiam M. T. & omnes Catholici Principes & Imperij Status tecum unanimiter in generali Recessu concluderunt, hanc falsam propositionem, quod sola fides iustificet, abolendam esse. Nonne igitur perduellionis & læsæ Maiestatis reus est, quisquis in Imperio conclusionem istam M. tuæ non modo contemnit, uerum etiam cauillatur, impugnat, reprobatur, ac uelut impiam & execrabilem detestatur ac maledicit? At faciunt hoc audaces & improbi potestatum contemptores isti, Lutherus & Philippus, hic Latine, ille Teuthonice, in scelerato illo omnium nequitiarum & impietatum suarum nido & Asylo, idq; non priuatim solum literis & colloquijs, uerum etiam publice (ut alios quoq; rebelles M. T. reddant) editis latinis Teuthonicisq; libellis.

*Conclusio Imperialis contra solam fidem.*

Hæc enim sunt in Teuthonico Lutheri uerba. Quando uideo (inquit) quod hunc principalem articulum semper Diabolus per suos porcarios doctores eraminari cogitur, nec potest quiescere aut cessare, Dico igitur ego Doctor Martinus Luther, Domini nostri Ihesu Christi indignus Euangelista, quod hunc articulum (sola fides, absq; omni opere, iustificat coram Deo) debent stantem ac manentem dimittere ac sinere Romanus Imperator, Turcius Imperator, Tartaricus Imperator, Persarum Imperator, Papa, omnes Cardinales, Episcopi, presbyteri, Monachi, Moniales, Reges, Principes, domini, omnis mundus omnesq; pariter Diaboli, & debent præterea infernalem ignem habere super capita sua, & nullam adhuc gratiam. Hic sit meus Doctoris Lutheri instinctus à spiritu sancto & uerum Euangelium. Hæc

*Luth. in glosa contra Edictum Imperiale.*

H ij ferus



## DE SOLA FIDE

**Gene. 16.** *ſeruus iſte Iſmael (cuius manus contra omnes, & manus omnium contra eum) in Teuthonica ſua Logomachia.*

Philippus uero, non ignorans hæc ab illo edita eſſe, poſtquam ſuam ediderit Apologiã, quamuis per ſeſe turbulenta ſint & ſeditioſa, ut tamen olcum (quod aiunt) adderet camino, proluxa & cauilloſa uerboſitate ſententiã iſtam tueri aggreſſus, inter alias innumeras, quas odioſe in nos eiãculatur, calumnias, his quoq; uerbis nos iniuſdioſe proſcindit.

**Atror calūnia  
Phil. in Thaeo-  
logos.**

Turpe eſt (inquit) aduerſarijs, tantopere prædicare dilectionem, cum nuſquam præſtent eam. Quid nunc agunt? diſſipant Eccleſias, ſcribunt leges ſanguine, & has proponunt Cæſari clementiſſimo Principi promulgandas, Trucidant ſacerdotes & alios bonos uiros, ſiquis leuiter ſignificauit ſe aliquem manifeſtum abuſum non omnino probare &c.

At nouit M. T. Cæſar, nos, qui iuſſu tuo Confefſioni Lutheranae reſpondimus, eſſe homines priuatos & in nulla poteſtate conſtitutos, nullas diſſipare Eccleſias, nullas ſcribere ſanguine leges, nullos trucidare ſacerdotes alioſq; uiros bonos, ſed ad mandatum tuum in omni patientia, manſuetudine & lenitate ad Confefſionem illam reſpondiſſe, nec ullam huic uulpi, immo hyenæ & Crocodilo, ad tam mordaces calumnias cauſam dediſſe, Quod ut manifeſtus fiat, ipſius reſponſionis noſtræ uerba, quæ publice iuſſu tuo recitata ſunt, hic iterum recitanda exhibeo.

Recita.

10

**SCRIBA.** Reſponſio ad quartum Confefſionis articulum.

Hic duo conſtentur Principes iſti, Primum, non iuſtificari homines coram Deo uiribus, meritis aut operibus proprijs. Alterum, iuſtificari eos gratis propter Chriſtum per fidem. Vtrunq; autem ſane intellectum, uelut piũ & Catholicum reuerenter accipimus & approbamus. Primum quidem ſic, quod ſine gratia Dei ex uiribus, meritis, aut operibus proprijs iuſtificari non poſſumus. Alterum uero ſic, quod fide quæ per dilectionem operatur, iuſtificamur. At neutrum iſtorum ſic docent aut recipiunt Lutherani, ſed aiunt, nos ſola fide iuſtificari, excluſis bonis operibus noſtris, ſed omnia hæc potius coniungimus, & in complementum adiungimus etiam ſacramenta, ut per ea uelut per carnales quaſdam gratiam nobis inſluat Deus, per quam iuſtificamur gratis, non enim ex noſtris uiribus, ſed ex gratia Dei miſerentis iuſtificatione noſtri eſt.

Etenim

# PHILIPPICA III.

Etenim à meritorijs operibus nostris nusquam secludimus fidem, nusquam gratiam Dei, Scimus enim ex Paulo Heb. xj. quod impossibile est sine fide placere Deo, Scimus nos gratia Dei id esse quod sumus. j. Cor. xv. Scimus quod nemo potest accipere quicquam nisi fuerit ei datum de cœlo Ioh. iij. Scimus, omne datum optimum & omne donum perfectum desierit descendere à patre luminum Iac. j. Scimus, quia omnis sufficientia nostra ex Deo est, ij. Cor. iij. Scimus, unicuique nostrum uere dicere Paulum. j. Corin. iij. Quid habes quod non accepisti? Scimus Christum uere dixisse, Nemo potest uenire ad me, nisi pater, qui misit me, traxerit eum. Scimus denique patres nostros, ante natum Lutherum, & nos adhuc hodie, recte & pie ad Deum orasse & orare. Actiones nostras quæsumus domine aspirando præueni & adiuvando prosequere. Item, Tua nos quæsumus domine gratia semper præueniat & sequatur, ac bonis operibus iugiter præstes esse intentos. Vnde ait B. Augustinus. Cum Deus remunerat merita nostra, coronat dona sua. Iniuste igitur calumniantur Catholicos, presertim Monachos, Lutherani, quasi ex proprijs utribus aut meritis, absque gratia Dei boni aliquid facere uelint aut presumant, quod uitam promereatur æternam. Non ista dicunt Catholici, sed Pelagiani. Nostri uero sic dicunt. Gratia Dei præuenit uoluntatem, mouet uoluntatem, perficit uoluntatem, ita ut opera, quæ alioqui nulla essent, assistente Dei gratia, aliquid sint & meritoria fiant. Non sane ex uirtute propria, sed per gratiam & misericordiam Dei promittentis, & per meritum passionis Christi, mediatoris & aduocati nostri. Huic nostræ sententiæ perquam multi consonant scripturæ loci. Ait sane Apostolus. ij. Tim. iij. Bonum certamen certavi, cursum consummaui, fidem seruaui, in reliquo reposita est mihi corona iustitiæ quam reddet mihi Dominus in illa die iustus iudex. Ita Christus bona operantibus repromisit beatitudinem Matth. v. Quos & regnum patris sui percipere iubet Matth. xxv. Et iterum Paulus. Oportet nos manifestari ante tribunal Christi, ut unusquisque referat propria corporis, pro ut gessit. ij. Cor. v. Et Deus ad Abraham. Noli (inquit) timere, Ego protector tuus sum, & merces tua magna nimis Gene. xy. Et Esaias. Face merces eius cum eo, & opus illius coram illo, Esa. xl. Et Deus ad Cain. Nonne si bene egeris, recipies, Gene. iij. Et paterfamilias. Voca operarios, & redde illis mercedem. Et rursum Paulus. j. Cor. iij. Unusquisque propriam mercedem recipiet secundum suum laborem. Hæc & id genus innumera alia scripturæ testimonia contestantur nos per bona opera

H iij mereri

*Merces bonis  
operibus promissa.*



## DE SOLA FIDE

mereri, & laboribus nostris promissam reddi mercedem, nosq; bonis operibus nostris per gratiam Dei dignos effici uita æterna, iuxta illud Iohannis. Ambulabunt mecum in albis quia digni sunt, Apoc. iij. Et illud Pauli Coloss. i. Cum gaudio gratias agentes Deo patri, qui dignos nos fecit in partem sortis sanctorum in lumine.

*Error Lutheri et Philippi.*

Cæterum, quod Lutherus plerumq; docuit, nos sola fide iustificari, & neq; baptismum neq; bona opera ad iustificationem facere, ingens profecto & nocens error est, damnatus mox ab initio nascentis Ecclesiæ, per epistolam B. Iacobi, quam ob id Lutherus alicubi stramineam uocat. Deinde rursus est per B. Augustinum confutatus in libro de fide & operibus. Et nostris modo temporibus à multis est impugnatus. Deprehensi sunt itaq; Lutherus & Melancthon, aliquot loca Pauli deprauasse, ut ea in partem traherent suam. Quippe Lutherus in translatione sua uulgari Rom. iij. ad fidem apposuit hanc uoculam Sola, quam neq; Græca neq; Lat. na exemplaria ibi habent. Et Gal. v. inuertendo uerba textus, peruertit & sensum. Ait enim, Dilectio quæ per fidem operatur. Paulus uero ait, Fides quæ per dilectionem operatur. Sic & Melancthon contra sensum Pauli ait. Caritas non iustificat, sed fides quæ charitati præfertur. At Paulus manifeste charitatem præfert fidei, dicens. j. Corin. xij. Fides, spes, caritas, tria hæc, maior autem horum caritas. Non igitur soli fidei, sed charitati potius & gratiæ attribuenda est iustificatio. Ait enim Apostolus, Si omnem fidem habuero, ira ut montes transferam, charitatem autem non habuero, nihil sum. Cumq; idem dicat Coloss. iij. Super omnia autem charitatem habere, Lutherus contra ait, fidem eleuare oportet super omnes uirtutes. Siquando uero ait Paulus, fidem iustificare, & fidem esse iustitiam nostram, intelligi debet, non de fide sola, quam populo Lutherus obtrudit, sed de fide per dilectionem operante, quam uulgo uocamus fidem formatam.

*Paulus 2. 1. 6  
in opus  
in fide*

II

Hæc est, Auguste, nostra responsio, quam tam atrocibus iniurijs & calumnijs infectatur malignum hoc inuidiæ odijq; & superbiæ mancipium. De quo non immerito dictum à sapiente intelligitur, Homo peruersus suscitatur lites, & uerbosus separat principes. Quis enim lites istas in religione nostra suscitauit quam Rhetor iste superbus, qui uerborum lenocinijs & deteres errores & nouas impietates Lutheri sui ita commendauit, ut maximam literatæ iuuentutis partem in Germania traxerit ad illum, Alioqui tam absurda & impta dogmata

*Prover. 16.*

dogmata  
magis  
ca artis  
prætexe  
sanum  
solum t  
Lutheri  
Ex  
ita neq;  
gratiæ  
tis uero  
sanctum  
ta saluta  
rum ad  
se Iohan  
nobis G  
ne cogit  
sed dicit  
Deus est  
hunc tate  
ritu sancti  
Qu  
ex odio  
tas ait M  
in regnu  
est, ipse  
iij. Filio  
iustus el  
bolus p  
sonatur  
tur iusti  
secundu  
sed fact  
ra, mort  
nam fide  
ex oper  
Hæc &  
testimon  
ant hon

## PHILIPPICA IILO

dogmata non diu sustinisset seditiosa loquacitate sua Lutherus, qui magis furere quam scribere uidebatur. Cæterum ubi accessit rhetorica artis fraudulentum patrocinium, quo absurdis illis impietatibus prætexebantur loca scripturæ sacræ, & pars Catholica traducebatur innumeris mendacijs & improprijs. Inde profecto factum est, ut non solum temeraria plebs, sed & iuuentus literis politioribus dedita post Lutherum currat.

Ex responsione igitur nostra facile intelligit M. T. nos neq; merita neq; iustificationem neq; bona opera tribuere uiribus nostris, sed gratiæ Dei, quam in iustificatione impij dicimus operantem, in meritis uero cooperantem, Et Christo, per quem & gratiam & spiritum sanctum, & charitatem & fidem, spem item & omnia sacramenta salutaria habemus, omnia bona opera nostra cum debita gratiarum actione referimus accepta, scientes, nos sine eo nihil facere posse Iohan. xv. & salutem nostram ex Deo esse, perditionem uero ex nobis Osee. xij. Et nos adeo non posse iustificari ex uiribus nostris, ut ne cogitare quidem aliquid boni possimus à nobis quasi ex nobis, sed dicamus cum Apostolo. ij. Cor. ij. Sufficientia nostra ex Deo est. Deus est enim qui operatur in nobis & uelle & perficere pro bona uoluntate, Philip. ij. Et nemo potest dicere Dominus Ihesus, nisi in spiritu sancto. j. Cor. xij.

Quod autem negamus, nos sola fide iustificari, hoc profecto non ex odio in Lutherum facimus, sed ex amore ueritatis. Ipsa enim ueritas ait Matt. vij. Non omnis qui dicit mihi, Domine domine, intrabit in regnum cælorum, sed qui facit uoluntatem patris mei qui in cælis est, ipse intrabit in regnum cælorum. Et dilectus eius discipulus. j. Ioh. ij. Filioli, nemo uos seducat. Qui facit iustitiam, iustus est, sicut & ille iustus est, Qui facit peccatum, ex Diabolo est, quoniam ab initio Diabolus peccat. Et Petrus Act. x. In ueritate comperi, quia non est personarum acceptor Deus, sed in omni gente qui timet Deum & operatur iustitiam, acceptus est illi. Et Paulus Rom. ij. Reddet Deus unicuique secundum opera eius. Item, Nō auditores legis iusti sunt apud Deum, sed factores legis iustificabuntur. Et Iacobus. Fides, si non habet opera, mortua est in semetipsa. Item. Vis autem scire ô homo inanis, quoniam fides sine operibus mortua est. Abraham pater noster, nonne ex operibus iustificatus est, offerens Isaac filium suum super altare? Hæc & id genus innumera alia scripturæ sacræ certa & irrefragabilia testimonia cogunt nos, contra Lutherum dicere, non sola fide iustificari hominem.

Quamuis

Cur negamus,  
nos sola fide  
iustificari.



## DE SOLA FIDE

Quamuis uero mitissime & in responsione & in concordia tractatu cum Lutheranis egerimus Augustæ, tanto tamen Philippus iste in nos ardet & inimicitia odio & inuidia incendio, superbiaq; ebullitione, fastu & contemptu, ut iis omnibus dissimulatis, omni calumniarum genere nos in Apologia sua impetere non uereatur. Quantumuis uero prolixa sit eius circa hunc articulum uerboſitas, quæ XII. quaterniones (ut dixi) de sola fide inaniter adimplet, necessarium tamen fuit mihi, dum respondere paro, illam semel perlegere, quamuis molestissima mihi fuerit ea lectio, inter legendum autem signavi cursim aliquot calumniarum loca, quibus nos odioſe traducit, & causam suam mendaciter commendat. Et quanquam non anxie quæſiuerim, reperi tamen supra nonaginta. Ex quibus aliquot hic breuiter, adiuncta responsione mea, recitandas M. T. propono, ut inde intelligas, quàm nulla sit frons tam impudenter mentienti, nec ulla ratio honestatis, homini peruerso & in reprobam mentem tradito, qui tam maligne calumniari ac tam aperte mentiri ad M. T. non erubescit.

Recita.

SCRIBA. Calumnia in Theologos ex Apologia Philippi.

I PHILIPPVS. Damnant nos, quod docemus homines non propter sua merita, sed gratis propter Christum consequi remissionem peccatorum fide in Christum.

COCH. Non ista damnamus, sed alia, nempe, quod docent, homines sola fide iustificari, nulla esse merita iustorum, sed omnia opera bona uere peccata esse, & iustum in omni opere bono peccare &c.

II PH. Nam aduersarij nostri, cum neq; quid remissio peccatorum, neq; quid fides, neq; quid gratia, neq; quid iustitia sit intelligant, misere contaminant hunc locum, & obscurant gratiam & beneficia Christi, & eripiunt pijs conscientijs propositas in Christo consolationes.

CO. Non iactamus, nos omnia intelligere, sed arbitramur, longe tutius esse, manere intra limites, quos posuerunt patres nostri, quàm superbe inflari scientia, iuxta illud Apostoli Rom. xij. non plus sapere quàm oportet, sed sapere ad sobrietatem, unicuiq; secundum quod Deus diuisit mensuram fidei. Sequimur igitur circa hunc locum uerba Christi & Apostolorum eius superius commemorata, sanctorumq; patrum scripta & totius Ecclesie sensum, & solam fidem non acceptamus, quæ uere obscurat gloriam & beneficia Christi, nempe bona opera

PHILIPPICA III.

opera sanctorum, quæ sunt dona & benefica Christi & eius gloria.  
Iuxta illud Pauli. j. Cor. x. Omnia in gloriam Dei facite. Et infra c. xij.  
Qui operatur omnia in omnibus.

III PHIL. Ad hunc modum docent homines mereri remissionem peccatorum, faciendo quod in se est, hoc est, si ratio dolens de peccato, eliciat actum dilectionis Dei, aut bene operetur propter Deum.

CO. Nemo nostrum sic docet, sed fatemur omnes, nos sine gratia Dei nihil mereri posse, dicimus actus nostros sine gratia meritorios uitæ æternæ non esse, & charitatem non minus quàm fidem & spem, habitum infusum ac donum Dei confitemur & agnoscimus. Non enim ex nobis sed ex Deo sunt ista dona Ephe. ij.

III PHIL. Si meremur remissionem peccatorum his nostris actibus elicitis, quid præstat Christus? Si iustificari possumus per rationem & opera rationis, quorum opus est Christo aut regeneratione?

CO. Si nos nihil talium docemus aut scribimus, cur tam improbe calumniatur Philippus? Nos Christi gratiam cunctis operibus bonis coniungimus ubiq, non separamus. Cæterum quid illi præstet Christus, dum bona opera reputat in peccata, postea uidebimus, maxime enim impiam ibi habet opinionem.

V PHIL. Et ex his opinionibus iam eo prolapsa res est, ut multi irrideant nos, qui docemus aliam iustitiam præter philosophicam quærendam esse.

CO. Qui sunt hi multi? In libris certe nostris nihil talium repperit.

VI PHIL. Et iubent mereri hunc habitum primum, quem primam gratiam uocant, per præcedentia merita, deinde iubent mereri operibus legis incrementum illius habitus & uitam æternam.

CO. Nemo nostrum sic scribit aut docet. Scimus enim Apostolum dicere Rom. xj. Si autem gratia, iam non ex operibus, Alioqui gratia iam non est gratia.

VII PHIL. Ita sepeliunt Christum, ne eo mediatore utantur homines, & propter ipsum sentiant se gratis accipere remissionem peccatorum & reconciliationem, sed somnient se propria impleratione legis mereri remissionem peccatorum.

CO. Qui tam impudenter audet mentiri ad Cæsaream Maiestatem, quid non audeat?



## D E S O L A F I D E

VIII PHIL. Securi hypocritæ semper iudicant se de condigno mereri, siue adsit habitus ille (dilectionis scilicet) siue non adsit, quia naturaliter confidunt homines propria iustitia.

CO. Hæc uanitas & impudentia conuicta est supra, ubi cum Apostolo diximus. Si habuero omnem fidem, charitatem autem non habuero, nihil sum. j. Cor. xij. Si ergo sine charitate nihil sum, quomodo sine ea merear de condigno?

IX PHIL. Ita nihil docent aduersarij, nisi iustitiam rationis, aut certe legis, in quam intuentur, sicut Iudæi in uelatam Moysi faciem.

CO. Neq; hoc uerum est. Docemus enim iustitiam fidei quæ per dilectionem operatur, Gal. v. sed iustitiam solius fidei. Dicimus esse mortuam, sicut Iacobus docet, immo nihil, sicut Paulus docet. Fides enim sine charitate informis est & mortua.

X PHIL. Et in securis hypocritis, qui putant se legi satisfacere, excitant præsumptionem & inanem fiduciam operum, & contemptum gratiæ Christi. E contra pauidas conscientias adigunt ad desperationem.

CO. Non est ita, sed dicimus cum Apostolo. ij. Cor. x. Qui autem gloriatur, in Domino gloriatur. Non enim qui seipsum commendat, ille probatus est, sed quem Deus commendat. Et Phil. ij. Cum metu & tremore uestram salutem operamini. Deus est enim qui operatur in uobis & uelle & perficere pro bona uoluntate. Ecce primum è XII. quaternionibus nondum plene percurri, & iam Decalogum calumniarum absolui, Saltu igitur deinceps opus erit, ut habeamus aliquando finem.

XI PH. Aduersarij intuentur præcepta secundæ tabulæ, quæ iustitiam civilem continent, quam intelligit ratio. Hac contenti, putant se legi Dei satisfacere. Interim primam tabulam non uident, quæ præcipit, ut diligamus Deum, ut uere statuamus, quod Deus irascatur peccato.

CO. Qui tam aperta mendacia deploratis & in æternam damnationem præscitis hominibus persuadere potest, quid non persuadeat? Quid ergo ait Christus? Sinite illos, cæci sunt & duces cecorum, ambo in foueam cadunt Matth. xv.

XII PH. Proferant unum commentarium in sententias, ex tanto scriptorum agmine, qui de modo regenerationis dixerit.

CO. Ergo ante hunc Philippum per 1500. annos nihil scuit de modo

# PHILIPPICA III.

modo regenerationis Ecclesia. O uanitatem stultam, quasi nesciamus Christum dixisse Ioh. iij. Nisi quis renatus fuerit ex aqua & spiritu sancto. Et Paulum Tit. iij. Non ex operibus iustitiæ quæ fecimus nos, sed secundum misericordiam suam saluos nos fecit per lauacrū regenerationis & renouationis spiritus sancti, quem effudit in nos abunde per Iesum Christum saluatorem nostrū, ut iustificati gratia ipsius, hæredes simus secundum spem uitæ æternæ &c. His paucis uerbis melius profecto & clarius exprimit Paulus iustificationis & regenerationis modum, quàm facit iste Philippus per omnem loquacitatem suam.

XIII PH. Cum loquuntur de habitu dilectionis, fingunt eum homines per opera mereri, non docent per uerbum accipi, sicut & hoc tempore Anabaptistæ docent.

CO. Scilicet Anabaptistæ iam sumus, quos Germaniæ peperit (ut supra demonstratum est) doctrina noua Lutheri & huius Philippi. At constat omnibus Theologis, charitatem, sicut & fidem atq; spem, habitum esse infusum & uirtutem supernaturalem, quam simul cum gratia accipimus per spiritum sanctum Rom. v.

XIII PH. Itaq; qui negant fidem iustificare, nihil nisi legem abolito Euangelio & abolito Christo docent.

COCH. Non negamus fidem iustificare, sed solam fidem. Vulpecula ista nunc exprimit, nunc omittit hanc uocem, sola, ut eo commodius decipiat incautos, nobiscq; magis inuidiosam struat calumniam.

XV PH. Aduersarij Christum ita intelligunt mediatorem & propitiatorem esse, quia meruerit habitum dilectionis. Non iubent nunc eo uti mediatore, sed prorsus sepulto Christo, fingunt nos habere accessum per propria opera, & per hæc habitum illum mereri, & postea dilectione illa accedere ad Deum. An non est hoc prorsus sepelire Christum, & totam fidei doctrinam tollere?

CO. Quasi uero nesciamus illud Christi Ioh. xv. Sine me nihil potestis facere. Quis ergo tam aperta credat mendacia nisi homo excæcatus propria iniquitate, & à Deo in sempiternum derelictus?

XVI PH. Sed aduersarij nostri sunt suaues Theologi. Intuentur secundam tabulam & politica opera, primam nihil curant, quasi nihil pertineat ad rem, aut certe tantum externos cultus requirunt.

CO. Eandem sæpe repetit calumniam, ut tanto fortius lectori odium nostri inculcet. Sed mentitur iniquitas sibi. Non enim nos, sed



## D E S O L A F I D E

**Lutherus** & iste calumniator sæpe docuerunt, hominem ad Deum non habere charitatem sed fidem, dilectionem uero ad proximum. **Luth. in Capit. Nitale Baby.** Nos cum Deo ( inquit Lutherus ) nunquam agere aliter possumus quam fide in uerbum promissionis eius, opera ille nihil curat.

**XVII PH.** Falso igitur calumniantur nos aduersarij, quod nostri non doceant bona opera, cum ea non solum requirant, sed etiam ostendant, quomodo fieri possint. Euentus coarguit hypocritas, qui suis uiribus conantur legem facere, quod non possint prestare quæ conantur.

**CO.** Est ne hoc docere bona opera, tot libris contendere, solam fidem iustificare, absq; omni opere? Omne opus bonum uel optime factum, esse peccatum? Deum nihil curare opera nostra? Et hæc sane ipsiusmet Philippi uerba sunt in Annotationibus. Nam renati tam sciunt omnia sua opera peccatum esse. Et hoc loco est cernere ( inquit ) quam nullus sit operum respectus siue bonorum siue malorum. Non igitur nos eos de bonis operibus, sed ipsi calumniantur nos de uiribus proprijs, quasi nostris uiribus legem facere conemur, cum longe aliter cum Paulo dicamus, quod non modo non facere sed ne cogitare quidem possimus aliquid à nobis quasi ex nobis. ij. Cor. iij.

**XVIII PH.** Predicant se legem implere, cū hæc gloria proprie debeatur Christo, & fiduciā priorum operū opponunt iudicio Dei. Dicunt enim se de condigno mereri gratiam & uitam æternam.

**CO.** Vbi prædicamus aut dicimus ista? At dicimus potius cum **Psal. 142.** Psalmista. Ne intres in iudicium cum seruo tuo domine, quia non iustificabitur in conspectu tuo omnis uiuens. Et cum beato **Iob. 9.** Iob. Verebar omnia opera mea. Et cum Daniele. Neq; enim in iustificationibus nostris prosternimus preces ante faciem tuam, sed in miserationibus tuis multis &c.

**XIX PH.** Verum aduersarij nostri simpliciter abolent gratuitam promissionem, cum negant, quod fides iustificet, Cum docent, quod propter dilectionem & opera nostra accipiamus remissionem peccatorum & reconciliationem.

**CO.** Ex dictis supra satis patet, meras esse ista uerba calumnias. Nihil enim horum facimus quæ falso nobis imputat. Non abolemus promissionem, non negamus fidem iustificare, sed solam fidem, non docemus, nos propter dilectionem nostram aut propter opera nostra remissionem peccatorum accipere, quia in peccatis non est uera dilectio, nec sine charitate meritoria sunt opera.

Ph. Has

# PHILIPPICA III.

XX PH. Has impias opiniones de operibus aduersarij tuentur contra scripturam. At hæc tribuere operibus nostris, quod sint propiciatio, quod mereantur remissionem peccatorum & gratiam, quod propter ea iusti coram Deo reputemur, non fide propter propiciatorem Christum. Quid hoc aliud est quàm Christo detrahare honorem mediatoris & propiciatoris?

CO. Ex responsione nostra licet clare intelligere, hæc omnia non nisi odiosas ex immodico & amaro corde calumnias esse. Nos enim operibus nostris absq; gratia Dei factis nihil meritum tribuimus. Quicquid igitur boni in operibus nostris est, Christo operanti in nobis & eius gratiæ acceptum referimus.

Longum nimis tædiosumq; foret, Imperator, omnes calumniatoris huius impudentes nugas (quas etiam singulari quadam obloquendi ac detrahendi libidine per sæpe, uel ad nauseam usq; repetit) recensere. Quoties enim repetit (apertissimum licet) mendacium istud, nos docere, quod bona opera mereantur remissionem peccatorum, quod bona opera sint propiciatio & premium, propter quod Deus nobis reconcilietur, quod bona opera non egeant misericordia & propiciatore Christo &c?

*Consuetudo ea  
calumniandi.*

At non est ars ista calumniandi ab hoc rhetore aliena aut insuetata, non noua, non incognita. Vltus est ea in omnibus fere scriptis suis, tanta feruet maledicendi libidine, turgetq; superbæ fastu ac aliorum præ se contemptu. Cui enim pepercit aut detulit? quis liber à censura eius absq; nota euasit? Audisti Cæsar supra, quid censeat alicubi de Christo in cruce, quid de Synodo Nicena, quid de alijs Concilijs, quid de Origenis omniumq; sanctorum patrum commentarijs. Ego certe, dum ante annos octo in Didymum eius responderem libris duobus, reprehendi ac confutaui, ultra mendacia (quorum non paruus est ibi numerus) & blasphemias, etiam calumnias uel procacissimas. In priore quidem libro XCII. in posteriore autem LX. has in Ro. Pontifices, illas in scholasticos Theologos petulanter deblacteratas.

16

Quanta uero paulo post & insolentia & maledicentia usus sit in Theologos Parisienses, uel in breui libello, recensere equidem coram M. T. non ausim, ne uerborum procacitas me inuerecundum uel recitando facere uideatur. Quid enim contumeliarum & exprobrationum in eos non dixit, à quibus tamen nullo unquam uerbo læsus aut laceratus fuerat. Ne mireris igitur Optime ac Pientissime Imperator, si nos, quos pro aduersarijs habet, dicat nihil intelligere, omnia de-

17  
*Maledicta Philippi in Parisienses.*

I. ij

prauare



## D E S O L A F I D E

prauare, idem scripsit olim in Parisienses, qui nullo ei uerbo fuerāt aduersari, quos Theologorū monstra, degenerem posteritatem, insulsos & bene pingues Magistros nostros & Sophistas, insanos & impios homines subinde uocitabat, & contumeliosas eū atrocibus iniurijs in eos proferebat, uelut ex censorio tribunali, sentētias, nempe, sensum communem à uulgo deſyderari in hac fictitia facultate, Cerebro carere Gallos, Eos nihil niſi Montanos eſſe, Omnes ſcholas eſſe hæreticas, Academias eſſe domus mendacijs, Pelagianis impurioreſ eſſe Theologos Scholaſticos, eos dignioreſ eſſe qui cloacas ( ſalua M. tua Cæſar ) agant quā ſacras literas tractent &c. Nihil igitur noui eſt, ſi nihilo mitiora in eos proferat, quos inimica mente pro aduerſarijs habet. Neq; tamen iniuriæ eius me ad reſpondendum excitaveſſent, ſi puram & Coſtolicam doctrinam in Apologia ſua defenderet, immo ſi eam non impugnaret, & totam Eccleſiam propter unum Lutheri erroris argueret atq; impietatiſ. Cum igitur ueteres Lutheri ſui errores hic fraudulenter diſſimulet, nouoſq; contra charitatem incauto lectori obrudat, neceſſarium ſane uidetur mihi & operæ precium, breuem hic M. T. exhibere catalogum, grauium tuum Lutheri tum Philippi errorum, quos propter ſolam fidem deſenſandam in uulguſ ediderunt uarijs in libris ſuis iam olim.

Recita.

### S C R I B A.      Errores Lutheri de ſola fide.

- |   |  |
|---|--|
| <p><sup>18</sup><br/>Luth. de Cap. I<br/>Babyla. II</p> | <p>I      Ad miſſam digne habendam aliud nō requiritur quā in fides.<br/>II      Neq; Deus aliter cum hominibus unquam egit aut agit quā uerbo promiſſionis. Rurſus nec nos cum Deo unquam agere aliter poſſumus quā fide, in uerbum promiſſionis eius. Opera ille nihil curat, nec eis indiget.</p> |
| <p>III</p>  | <p>III      Non eſt itaq; dubium, uniuerſos hodie ſacerdotes &amp; Monachos cum Episcopis &amp; omnibus ſuis maioribus eſſe Idolatras, in ſtatu periculoſiſſimo agentes, ob hanc miſſæ ſeu ſacramenti ſeu promiſſionis Dei ignorantiam, abuſionem, irriſionem.</p>                                   |
| <p>III</p>  | <p>III      Ita poſſum quotidie, immo omni hora, miſſam habere, dum quoties uoluerō, poſſum uerba Chriſti mihi proponere, &amp; fidem meam in illis alere &amp; roborare.</p>  |
| <p>V</p>  | <p>V      Verbum promiſſionis hic ſolum regnare debet, in fide pura, quæ eſt unica &amp; ſola ſufficiens præparatio.</p>   |
| <p>VI</p>   | <p>VI      Miſſa impiorum hominum doctrina, mutata eſt in opus bonū, quod ipſi uocant opus operatum, quo apud Deum ſeſe omnia præſumunt poſſe.</p>   |

Iude

# PHILIPPICA III.

- VII Inde processum est ad extremum insanæ, ut quia missam ex tui operis operati ualere mentiti sunt, adiecerunt, eam non minus utilem esse cæteris, etiam si ipsi impio sacrificio noxia sit.
- VIII Intelligis, non posse Missam esse opus ullo modo, nec quicquam in ipsa fieri, nec alio studio à quoquam tractari quàm sola fide.
- IX Concludimus ex omnibus his, quibus nam missa sit parata, & qui digne communicent. Nempe soli ij, qui tristes, afflictas, perturbatas, confusas & erroneas habent conscientias.
- X Secure accedit, quicunq; peccatorum suorum uexatur siue morsu siue titillatione. Est enim testamentum hoc Christi, medicina unica præteritorum, præsentium & futurorum peccatorum, modo indubitata fide ei adhæris.
- XI Ita uides, quàm diues sit homo Christianus siue baptizatus, *Ibidem. c. de qui etiam uolens non potest perdere salutem suam quantiscunq; baptismo, peccatis, nisi nolit credere.*
- XII Nulla enim peccata eum possunt damnare nisi sola incredulitas. Cætera omnia, si redeat uel stet fides in promissionem diuinam, baptizato factam, in momento absorbentur per eandem fidem, immo ueritatem Dei.
- XIII Contritio autem & peccatorum confessio, deinde & satisfactio, & omnia illa hominum excogitata studia, subito te deferent & infortunatorem reddent, si oblitus ueritatis huius diuinæ, in ipsis tete distenderis.
- XIII Simul uides, quàm periculosum, immo falsum sit, opinari, poenitentiam esse secundam tabulam post naufragium, & quàm periculosus sit error, putare, per peccatum excedisse uim baptismi, & nauem hanc esse illam.
- XV Vide itaq; ne te fallant operum pompæ, & humanarum traditionum fallaciæ, ut ueritati diuinæ & fidei tuæ non facias iniuriam.
- XVI Tota sacramentorum efficacia est ipsa fides, non operatio. Qui enim eis credit, is implet ea, etiam si nihil operetur.
- XVII Ita baptismus neminem iustificat, nec ulli prodest, sed fides in uerbum promissionis, cui additur baptismus.
- XVIII Ita nec uerum esse potest, sacramentis inesse uim efficacem iustificationis, seu esse ea signa efficacia gratiæ. Hæc enim omnia dicuntur in facturam fidei, ex ignorantia promissionis diuinæ.

Ita semel



## DE SOLA FIDE

**XIX** Ita semel es baptizatus sacramentaliter, sed semper baptizandus fide, semper moriendum, semperq; uiuendum.

**XX** Itaq; nunquam sine baptisimi tam signo quam re ipsa sumus, immo semper sumus baptizandi magis ac magis, donec signum perfecte impleamus in nouissimo die. Hæc Lutherus.

### ERRORES Philippi, de sola fide.

*Phil. in Anno-  
tationibus in  
Iohannem.*

**I** Suos non recepisse eum, non aliud est nisi noluisse credere, & per opera uoluisse saluari. Ita uides hoc urgere Ioannem, ut doceat, nullo operum respectu credendum esse in Christum.

**II** Et hic uides, quam nihil tribuas operibus aduersus inferos & iudicium Dei. Ibi illa ipsa bona opera erunt nobis igniti serpentes, quia immundicia bonorum operum reuelabitur.

**III** Qui credit in eum, non iudicatur. Id est, non modo non damnatur, sed ne iudicatur quidem. Id est, simpliciter ei fides impunitur pro iustitia, qualiacumq; sint opera.

**III** Hic ignorantes Euangelij, quia non credunt se sine operibus salutem consecuturos, uiuunt in perpetua quadam desperatione.

**V** Et Iudæos & Græcos omnes sub peccato esse, id est, Neminem neq; bona opera saluant, neq; damnant mala, sed saluat fides, damnat incredulitas.

**VI** Et cum Iudæos dico, intelligo omnes eos, qui non fide, sed suis meritis uolunt saluari.

**VII** Fides ficta, carnalis est opinio inconstans & incerta de Deo, uel quod non sit tam iniquus exactor, ut a nobis impossibilia postulet, uel quod non sit tam seuus, ut hominem damnet.

**VIII** Carnem Christi spectant, qui quodcumq; opus uel præceptum Christi imitantur aut faciunt, & per illud se iustificari uolunt.

**IX** Quo fit ut agnoscamus, merum maledictum esse omnes uiros & iustitias humanas.

**X** Regnum Christi est, iustificare spiritu & saluare credentes, nullo uel bonorum uel malorum operum respectu.

**XI** Sicut Euangelio sola fides iustitia est, ut scilicet si omnia omnium peccata feceris, tamen credis misereri tui patrem propter Christum, saluus sis. Ita econtra Euangelio sola incredulitas peccatum est.

*Idē in Annot.  
1. Cor. 1.*

**XII** Philosophia omnia tribuit nostris uiribus & operibus, Euangelium omnia adimit, docens, non aliud esse iustificationem nisi credere in Christum.

Paulus

### PHILIPPICA III.

XIII Paulus perspiciebat futuros, qui doctrinis operum doctrinam fidei obscurarent, qui iustificationem operibus tribuerent, non Christo.

XIII Quid absurdius est iudicio humanæ sapientiæ, quàm sine operum respectu, non iustos, sed peccatores saluos fieri.

XV Sicut Euæ proposuit serpens, Eritis sicut dii &c. Ita Satan proponit nobis Euangelij uilitatem, stulte fingi, quod sola fide remittantur peccata, quod sola cruce sanctificemur. Deinde addit nouum modum, quo dii fiamus, ostendit opera speciosa, & in operibus quæri salutem.

XVI Fidei nomen simplex est, & unius tantum significationis. Cauendus enim est Sophistarum mos discerpenti uocabula in tot modos.

XVII Ideo fides acquisita, item fides informis, & omnia illa phantasmata Sophistarum sunt insanæ falsæ & imposturæ.

XVIII Non credit humana ratio neq; esse Deum, neq; ullum Dei uerbum esse.

XIX Proinde quod antea uocaui historicam fidem, nunc uocabimus iuxta Apostolum. i. Tim. i. fidem fictam, aut si mauultis, sophisticam fidem uel acquisitam.

XX Atq; hinc intelligis, fidem principium esse & radicem omnis iustificationis, & charitatem esse fructum fidei.

Ecce tibi, Religiose & bonorum operum studiose Imperator, noui huius Euangelij speciosum fructum, nempe solam fidem, qua saluantur homines absq; omni operum & bonorum & malorum respectu. Noui inquam Euangelij, quod antea nemo docuit, nemo audiuit. Certe Christus ab operibus pœnitentiæ Euangelium suum incepit, non solum docendo uerum etiam uiuendo, Matth. iij. Et Petrus mox post acceptum spiritum sanctum, interrogatus à Iudæis conuertendis ad Christum, quid facere debeant, ait. Pœnitentiam agite & baptizetur unusquisq; uestrum, Act. ij. Et Paulus à Christo in terram prostratus, mox tremens ac stupens dixit, Domine quid uis me facere. Et Dominus ad eum. Surge (inquit) & ingredere ciuitatem, & ibi dicetur tibi quid te oporteat facere Act. ix. Qui deinde conuersus & baptizatus constantissime annunciauit Euangelium Christi publice & per domos, testificans Iudæis atq; Gentilibus in Deum pœnitentiam, & fidem in dominum nostrum Ihesum Christum, Act. xx. Nam & Christus ita præceperat Apostolis Luc. xxij. prædicare in nomine

19

*Nouum Euangelium de sola fide.*

K

cus



## D E S O L A F I D E

cuius poenitentiam & remissionem peccatorum in omnes gentes. Nusquam autem docuit solam fidem Christus, nusquam Apostoli, nusquam Apostolorum discipuli, Noui uero Euangelistae isti nihil frequentius docent, nihil contentiosius asserunt, quam solam fidem. Ego hic breuitatis gratia, ex uno aut altero eorum libello pauculos produxi locos, uelut exempli causa, Quod si omnes eorum absurditates, quas hac de re in omnibus fere libris suis disseminauerunt, commemorare uelim, totum profecto biuum (ne dicam biennium) ad enumerandum mihi necessarium foret.

Quis enim percontetur, omnem Lutheri barbariem, quam irreligiosissime in sermonibus suis populo contra bona opera de sola fide inculcauit? Vbi inter innumera id genus dogmata dicere ueritus non est, Quanto sceleratior es, tanto citius Deus gratiam infundit. Item, Coram Deo nulla re indiges nisi nuda duntaxat fide. Item, Quando ad Deum ascendere uolumus, debemus soli cum Isaac uenire, id est, cum fide: Seruos & asinos deorsum relinquere, id est, opera. Item, Via est angusta, oportet te tenuem fieri, si per eam iturus sis & pertram penetraturus. Qui operibus, perinde atque Iacobi peregrinus conchilibus, onerati sunt, non penetrare non possunt.

Cum igitur eiusmodi sermonibus populus Lutheranus usque adeo factus esset irreligiosus & totius cultus Dei negligens, ut opus fuerit Lutheranis Principibus novos instituere Visitatores, qui oppidatim ac uicatim circumeuntes, aliquid religionis tum docendo tum examinando incuterent, Egregij Euangelistae isti ambo praescripserunt formulam quandam uisitandi, Philippus latine, Lutherus Teuthonice, ubi, ut eam inuidiam a se in alios reicerent, questi sunt male praedicari a pastoribus & concionatoribus suis de sola fide, perinde ac si ipsi nihil tale unquam aut docuissent aut scripsissent. Sic enim exorsus est Philippus. Pastores (inquit) debent exemplum Christi sequi, qui quoniam poenitentiam & remissionem peccatorum docuit, debent & ista pastores tradere Ecclesijs. Nunc uulgare est uociferare de fide, & tamen intelligi quid sit fides, non potest, nisi praedicata poenitentia. Plane uinum nouum in utres ueteres infundunt, qui fidem sine poenitentia, sine doctrina timoris Dei, sine doctrina legis praedicant, & ad carnalem quandam securitatem assuefaciunt uulgus. Ea securitas est deterior quam omnes errores antea sub Papa fuerunt. Hoc genus Concionatorum describit Hieremias & uituperat eos, qui dicunt, pax pax, & non est pax. Haec Philippus. Ex quibus M. T. Caesar facile intelligit quam

# PHILIPPICA. III.

Igitur quān misere sit peruersus homo iste & proprio iudicio ( ut Apo- Tit. 3.  
stolus prædixit ) condemnatus, qui hic damnat doctrinam de sola fi-  
de, quam & sparsit ipse prius latissime, & in Apologia sua rursus de-  
fendit contentiosissime. Propter quod sane inexcusabilis est, ut ait A- Rom. 2.  
postolus. In quo enim alterum iudicat, seipsum condemnat. Et in ea-  
dem damnatione est & Lutherus suus quem defendit. Nam & ille ne-  
quissima hypocrisis dissimulat in Visitatione, se usquam de sola fide  
uel prædicasse uel scripsisse. Sic enim ait homo mendax. Docuimus  
itaq; & admonuimus Parochos, ut Euangelium integre ( quemad-  
modum tenentur ) prædicent, non particulam unam absq; altera. Qui  
autem poenitentiam non prædicant, magnam partem auferunt à scri-  
ptura &c. Quod si hoc uerum est, ut est, cur ipse rursus docet, solam fi-  
dem absq; omni opere iustificare? Nunquid sine omni opere agitur  
poenitentia? Nonne uero propter peccata commissa iniungitur poe-  
nitentia? Ait enim Dominus Luc. v. Non ueni uocare iustos, sed pec-  
catores ad poenitentiam.

Simili excusatione & hypocrisis utitur Philippus in Apologia sua,  
dum ait, Facienda sunt opera propter mandatum Dei, item ad exer- 22  
cendam fidem, item propter confessionē & gratiarum actionem &c. Cur Phil. 14-  
Subdole autem reticet hic de poenitentia. Cur ita? Quia opera poeni- cet hic opera  
tentiae ad remissionem peccatorum, id est, ad iustificationem condu- poenitentiae.  
cunt, quam ille contra scripturas soli fidei attribuit. Scriptum sane est  
Leuit. v. Agat poenitentia pro peccato, & offerat de gregibus agnum  
siue capram, orabitq; pro eo sacerdos & pro peccato eius & dimitte-  
tur ei. Et. ij. Paralip. vij. ait Dominus. Si populus meus deprecatus me  
fuerit, & exquisierit faciem meam, & egerit poenitentiam à uis suis  
peccatis, & ego exaudiam de coelo, & propicius ero peccatis eorum.  
Et Ezech. xviij. Si impius egerit poenitentiam ab omnibus peccatis  
suis, & custodierit omnia præcepta mea, & fecerit iudicium & iusti-  
ciam, uita uiuet & non morietur. Et Matth. xj. Christus coepit expro-  
bare ciuitatibus, in quibus factæ sunt plurimæ uirtutes eius, quia non  
egissent poenitentiam. Et Luc. xij. dicit comminatur, dicens. Nisi poe-  
nitentiam habueritis, omnes simul peribitis.

At nusquam ait Christus, sicut ait Lutherus, Contritio & pecca- 23  
torum confessio, deinde & satisfactio, subito te deferent & infelicio-  
rem reddent. Nec ait, ut Philippus, simpliciter fides imputatur pro ius-  
ticia, qualiacunq; sint opera. Sed ait Matth. xj. olim in cinere & cilicio  
poenitentiam egissent. Veruntamen dico uobis, Tyro & Sydoni re-

K ij missus



## D E S O L A F I D E

missus erit in die iudicii quam uobis. Et Paulus. ij. Cor. xij. Ne iterum cum uenero, humiliet me Deus apud uos & lugeam multos ex ijs qui ante peccauerunt, & non egerunt poenitentiam super immundicia & fornicatione & impudicitia quam gesserunt. Et apertius c. vij. Quae secundum Deum (inquit) tristitia est, poenitentiam in salutem stabilem operatur. Et Apostoli Act. xj. aiunt. Ergo & gentibus poenitentiam Deus dedit ad uitam. Ex his profecto & id genus innumeris scripturae testimonijs manifestum est, opera poenitentiae conducere ad salutem, ad uitam, ad remissionem peccatorum, & ad iustificationem impij. De quibus fraudulenter tacet in praconijs operum simulator iste, ut solam fidem impie defendat, & miseros peccatores a poenitentiae operibus retrahat, ut Diabolus imparatos inueniat, & Christus eos cum fatuis uirginibus, quae non habent oleum in lampadibus suis, excludat. Hoc enim quaerit Satan per ministros suos. Cui sanae maliciae hypocrisis praetexit gloriam Christi, qui iustificat gratis. Qualis autem esset gloria Christi, si nullum haberet respectum operum nec bonorum nec malorum? Quomodo posset esse iustus iudex, ut redderet unicuique secundum opera sua, si nullus sit apud eum operum respectus? Inexcusabilis est igitur ista de sola fide contentio, quantiscumque uerborum floribus exornetur & coloretur a uerboso isto rhetore. Nam & contra scripturam contendit & contra uerba sua propria, ut dictum est.

24  
*Duplex iustificatio, una per baptismum, altera per poenitentiam.*

Vtitur & alia fallendi decipula, dum multas corradit scripturae sententias de iustificatione per Christum gratis nobis exhibita in baptismo, ut per eam incautis persuadeat, similem esse iustificandi rationem & modum in poenitentia pro peccatis post baptismum perpetratis. At longe alia est ratio de pueris quam de adultis. Paruuli enim dum baptizantur, per gratiam Christi uirtute baptismi iustificantur in fide Ecclesiae, a peccato Originali, cum nullum habeant peccatum actuale. Non requiruntur igitur ab eis opera poenitentiae, tum quia per aetatem operari non possunt, tum quia nulla peccata propria perpetrarunt. Caeterum ubi baptizantur adulti, sicut fides propria, ita & poenitentiae opera ad iustificationem eorum requiruntur, iuxta illud Petri Act. ij. Agite poenitentiam & baptizetur unusquisque uestrum in nomine Iesu Christi. Qua de re insignem scripsit librum B. Augustinus de fide & operibus inscriptum.

25

Peccantibus uero post baptismum, nemo Apostolorum aut Prophetarum dicit, ut dicit Lutherus. Nulla uos peccata damnare possunt nisi sola

nisi sola  
dem pro  
dit. Ne  
cunt Pr  
ne facer  
& conu  
cogita  
Viuo e  
pius a u  
fitan igt  
Conuer  
planctu  
benedic  
reprehe  
cita & a  
etiam a  
Fuerun  
quam p  
Haec &  
dam a D  
Apostol  
vij. ad S  
nitentia  
ratur tib  
iam nos  
eum cre  
mus erg  
thios. N  
ad poen  
tuis, & i  
appropri  
corda di  
luctum  
spectu L  
Ha  
tor iste,  
opera c  
fuis non

# PHILIPPICA III.

nisi sola incredulitas. Cætera omnia absorbentur in momento per fidem promissionis in baptismo factæ. Nec dicunt ut Philippus iste dicit. Neminem neq; opera bona saluant neq; damnant mala. Sed dicunt Prophetæ. Esaias quidem sic. Quiescite agere peruerse, discite bene facere &c. Hieremias sic. Noli subtrahere uerbum, si forte audiant & conuertantur unusquisq; à uia sua mala, & poeniteat me mali quod cogitavi facere eis propter maliciam studiorum eorum. Et Ezechiel. Vt uo ego dicit Dominus, Nolo mortem impij, sed ut conuertatur impius à uia sua & uiuat. Et Daniel. Peccata tua elemosynis redime, forsitan ignoscet Deus delictis tuis. Et Iohel. Nunc ergo dicit Dominus, Conuertimini ad me in toto corde uestro, in ieiunio & in fletu, & in planctu. Quis scit, si conuertatur & ignoscat Deus & relinquat post se benedictionem. Et longe ante hos Prophetas ait Iob. Idcirco ipse me reprehendo & ago poenitentiam in fauilla & cinere. Et sane tam placita & accepta fuit Deo eius poenitentia, ut propter orationem eius etiam amicorum eius stultitiam Deus non imputauerit. Sic Dauid. Fuerunt mihi lachrymæ meæ panes die ac nocte. Item. Cinerem tantumquam panem manducabam, & poculum meum cum fletu miscebam. Hæc & id genus multa Prophetæ de operibus poenitentiae ad obtinendam à Deo iustificationem seu remissionem peccatorum. Ad quæ & Apostoli strenuissime simul & fidelissime adhortati sunt. Petrus Act. viij. ad Simonem magum. Cor tuum non est rectum coram Deo, poenitentiam itaq; age ab hac nequitia tua, & roga Deum, si forte remittatur tibi hæc cogitatio cordis tui. Et Paulus ad Romanos. Hora est iam nos de somno surgere, nunc enim propior est nostra salus quam eum credidimus. Nox præcessit, dies autem appropinquauit. Abijcimus ergo opera tenebrarum & induamur arma lucis. Et ad Corinthios. Nunc gaudeo, non quia contristati estis, sed quia contristati estis ad poenitentiam. Et ad Ephesios. Surge qui dormis & exurge à mortuis, & illuminabit te Christus. Et Iacobus. Appropinquate Deo & appropinquabit uobis. Emundate manus peccatores, & purificate corda duplices animo. Miseri estote & lugete & plorate, risus uester in luctum conuertatur, & gaudium in moerorem. Humiliamini in conspectu Domini, & exultabit uos.

Hæc & id genus multa de operibus poenitentiae dissimulat rhetoricor iste, quia amara sunt, & populo irreligiosissimo (cui magis placent opera carnis) ingrata. Multi enim hodie sunt, qui huiusmodi magisteris nouæ doctrinæ dicunt. Loquimini nobis placentia, uidete nobis

K iij

errores

Esa. 1.

Hiere. 26.

Ezech. 33.

Dan. 4.

Iohel. 2.

Iob. 42.

Psal. 41.

1. Cor. 10.

Rom. 13.

2. Cor. 7.

Ephe. 5.

Iac. 4.

Esa. 1.



## DE SOLA FIDE

errores, auferte à me usam, declinate à me semitam. Id rhetor iste (quemadmodum & Lutherus eius) non ignorans, callide scalpit aures populo tali, dicens, Sola fides iustificat, qui docent opera, obscurant gloriam Christi, qui peccata remittit gratis, qui satisfecit pro nobis omnibus, ut satisfactione nostra nihil sit opus &c. Ad hæc plaudit populus, non acquisitionis, sed perditionis, & ait, sacerdotum tyrannide iugum poenitentiae laicis impositum esse, soli Deo confitendum esse, peccata remitti gratis, ut nulla sit opus satisfactione nostra aut iniuncta per sacerdotem poenitentia. Sed audiant isti & sacerdotes & populi, quid dicat Dominus. Confidunt in nihili, & loquuntur uanitates, conceperunt dolorem & pepererunt iniquitatem, Oua aspidum rupe-runt, & telas aranæ texuerunt. Qui comederit de ouis eorum, morietur: & quod confotum est, erumpet in regulum. Telæ eorum non erunt in uestimentum, neq; operientur operibus suis, opera eorum opera inutilia, & opus iniquitatis in manibus eorum. Contra tales gra-  
uissime inuehitur Cyprianus. Hæc (inquit) doctrina, noua quædam persecutio est, per quam subtilis inimicus occulta populatione grassatur, ut lamentatio conquiescat, ut dolor fileat, ut delicti memoria uanescat, comprimatur pectorum gemitus, statuatur fletus oculorum, ne Dominum grauitè offensum, longa & plena poenitentia deprecetur, cum scriptum sit. Memento unde cecideris & age poenitentiam.

*Cypria. de lapsis, Et Aug. de fide Et operibus.*

*Apoc. 2. Deceptores populi.*

*Esai. 3.*

*Matth. 16. Ioh. 5. Esai. 59.*

At Doctores isti ne breuem quidem poenitentiam docent, sed sola fide & recordatione baptismi mox in momento cuncta peccata absorbent, & reprobant etiam Nicenam Synodum propter institutas poenitentiae formulas. In quos Propheta dicit. Popule meus qui te beatum dicunt, ipsi te decipiunt, & uiam gressuum tuorum dissipant. Stat ad iudicandum Dominus, & stat ad iudicandos populos. Noli igitur credere popule insipiens huic Philippo, dicenti, Neminem neq; bona opera saluant, neq; damnant mala, Quia Christus ipse contrarium docet, redditurus in iudicio unicuiq; secundum opera eius. Et procedent qui bona egerunt in resurrectionem uitæ. Qui uero mala egerunt, in resurrectionem iudicij. Qui & per Prophetam ait. Ecce non est abbreviata manus Domini ut saluare nequeat, neq; aggrauata est auris eius ut non exaudiet, sed iniquitates uestræ diuiserunt inter uos & Deum uestrian, & peccata uestra absconderunt faciem eius à uobis, ne exaudiret.

Quando igitur Paulus dicit, Rom. iij. Iustificati gratis per gratiam ipsius, per redemptionem quæ est in Christo Iesu, quæ proposuit

Deus

# PHILIPPICA . III.

Deus propiciatorem per fidem in sanguine ipsius ad ostensionem iustitiæ suæ &c. Per uerba ista nequaquā tribuit soli fidei iustificationem, ut mentiantur isti, quia addit gratiam, addit redemptionem & meritum passionis Christi, addit redemptionis precium, nempe preciosum eius sanguinem. Et paulopost superaddit & spiritum sanctum & dona eius spem & charitatem Rom. v. Quin etiam poenitentiae opera subiungit Rom. vi. dicens. Sicut exhibuistis membra uestra seruire immunditiæ & iniquitati ad iniquitatem, ita nunc exhibete membra uestra seruire iustitiæ in sanctificationem. Iustificatur itaq; homo non per solam fidem, sed per gratiam Dei, per redemptionem Christi, per preciosum eius sanguinem, qui non est fides, per spiritum sanctum qui & ipse nō est fides, per sacramenta baptismi & poenitentiae, quæ & ipsa fides nō sunt, per spem item & charitatem, quas certe fidem dicere non poterit Rhetor iste, quia Paulus dicit, Fides, spes, charitas, Triā hæc, maior autem horum charitas. i. Cor. xij.

*Multa sunt quibus iustificamur, & nō sola fide.*

Quod autem iste uirtutes iustificent, ex Paulo itidem patet, qui ait Rom. v. Spes autem non confundit, & Rom. viij. Spe enim salui facti sumus. Et de charitate Rom. xij. Qui diligit proximum, legem impleuit. Dilectio proximi malum non operatur. Plenitudo ergo legis est dilectio. Cui astipulatur & illud. i. Ioh. ij. Nos scimus, quoniam translati sumus de morte ad uitam, quomodo diligimus fratres. Qui non diligit, manet in morte. Cui simile est quod Paulus ait. i. Cor. xij. Et si habuero omnem fidem, ita ut montes transferam, charitatem autem non habuero, nihil sum. Et illud Salomonis Prouer. x. Vniuersa delicta operit charitas. Sicut igitur impossibile est, sine fide placere Deo, ita & impossibile est sine charitate per solam fidem iustificari, quia fides sine charitate nihil est, & sine operibus mortua est in semetipsa. Iac. ij. Inanis est igitur contentio & perniciosa deceptio, quæ de sola fide blaterat.

Nec sequitur ex Paulo, sine dilectione nos iustificari, eo quod dicit, Iustificati gratis, Quia eadem ratione nec fide iustificaremur. Nam & fidem & dilectionem ac spem gratis dono Dei accipimus, Ephe. ij. Gratia enim saluati estis per fidē, & hoc non ex uobis, Dei enim donum est, non ex operibus, ut ne quis gloriatur. Eadem item ratione nec opera poenitentiae à iustificatione excludi debent, Nam & ipsa gratis per gratiam Dei accipimus. Quid enim habemus quod non accepimus? i. Corin. iij. Ipsius enim sumus factura, creati in Christo in operibus bonis quæ preparauit Deus ut in illis ambulemus Ephe. ij, Sicut

*Iustificati gratis.*



## DE SOLA FIDE

Sicut igitur fides nostra Dei donum est, ita & bona opera nostra Dei dona sunt. Ex gratia enim eius sunt, ergo gratis à Deo accepimus, iuxta illud Apostoli, 1. Corin. xv. Abundantius illis omnibus laboraui, non ego autem, sed gratia Dei mecum.

**I** Pessime igitur excludunt noui isti Theologi à fide iustificante bona opera & dilectionem, quæ Paulus & Iacobus adeo non excludunt nec separant à fide, ut etiam necessario coniungant. Paulus enim ait Gal. v. Fides quæ per dilectionem operatur. Et, 1. Corin. xij. Fides sine charitate nihil est. Et Iacobus increpans istos ait, Ostende mihi fidem tuam sine operibus, & ego ostendam tibi ex operibus fidem meam, quoniam fides sine operibus mortua est. Paulus itaque breuissime hæc tria, fidem, dilectionem & opera simul cōplectens & in unum coniungens, ait, Fides quæ per dilectionem operatur. Procul igitur ableganda est hæc uox, Sola, ab his donis Dei, quæ Deus donat cōfunctim, uti plerisque in libris testatur ac docet S. Augustinus, nempe fidem, spem & charitatem, uirtutes infusas & theologicas, non mortuas sane aut ociosas, sed uiuas, & per gratiam fructificantes. Charitas enim legem adimplet Rom. xij. Charitas patiens est, benigna est, charitas omnia suffert, omnia credit, omnia sperat, omnia sustinet. 1. Cor. xij. Fides uero sine operibus charitatis informis est & ociosa, immo & mortua in semetipsa, id quod clarissime testatur S. Iacobus, uti sæpe dictum est.

**II** At rhetor iste uersipellis, quin hanc uocem, sola, circa fidem nusquam in scripturis coniunctam reperire queat, contendit eam per alia quædam uerba subintelligendam esse, dicens. Offendit quosdam particula, sola, Cum & Paulus dicat. Arbitramur hominem iustificari fide, non ex operibus. Item Ephe. ij. Dei donum est, non ex uobis, neque ex operibus, ne quis gloriatur. Item Rom. ij. Gratis iustificati. Si displicet exclusiua, sola, tollant etiam ex Paulo illas exclusiuas, gratis, non ex operibus, donum est &c. Nam hæc quoque sunt exclusiuæ. Quid audio? Nouam profecto in noua ista Theologia grammaticam, Nempe, quod hæc uoces, gratis, non ex operibus, donum est, idem significant quod hæc uox Sola. Deinde quod gratis iustificari significet, sola fide iustificari. Tertio, nouam quoque Dialecticam astruit rhetor iste, dum hanc intendit consequentiam, Fides Dei donum est, ergo sola fides iustificat. Quarto, quod idem sit dicere, sine operibus, & sine operibus legis.

**III** Vide obsecro, Cæsar, quam effrons sit rhetoris huius impudentia & improbitas

### PHILIPPICA III.

& improbitas. Certe non ignorat ( si modo legere non contempsit ) quid ego in Minotauro ad Lutheri consimilem excusationem responderim, Non ueretur tamen, id ipsum & argumentandi uitium & falsi crimen, cuius illum publice coargui & conuicti, ad M. T. in præclara ista Apologia usurpare. Falsi profecto crimen est hic duplex. Primò, quia ubi Paulus ait. Fide, iste ait, sola fide, addens ad uerbum scripturæ, sola. Deinde quia ubi habet Paulus, sine operibus legis, ipse ait, sine operibus, auferens ex textu hanc uocem, legis. Cum tamen præcipua ibi disputatio Pauli sit de obseruationibus seu operibus legis Moisaicæ, non de bonis operibus Christianorum quæ sub Euangelio per gratiam Dei fiunt. Quemadmodum ex Actibus Apostolorum & ex Epistola ad Galatas clarius patet. Quis ergo dedit ei potestatem ita corrumpendi textum, contra utriusq; Testamenti manifestam prohibitionem? Cur ad uerbum Dei addit? cur anfert? Tolle crimen, & nihil ualeat eius argumentatio contra nos. Vltro enim fatemur, hominem iustificari fide sine operibus legis Moisaicæ. Non concedimus autem, hominem iustificari sola fide. Id probet rhetor, si potest. Certe per supradictas expositiones & consequentias non probabit in æternum, quia ridiculæ sunt & absurdæ, quæ mox ubi proferuntur, risu omnium exceptæ, cõmuni cachinno exploduntur. Quis enim non rideat hanc expositionem, Gratis, id est, sola fide. Paulus enim manifeste dicit, Iustificati gratis per gratiam ipsius, per redemptionem &c. De dono item iam supra ostensum est, quod nō sola fides, sed & charitas & spes & bona opera sint Dei dona, gratis data nobis. Quis enim prior dedit ei & retribuetur ei? Roma. ij. Gratis accepistis, gratis date, Matth. x. Non utiq; solam fidem, sed omnia illa dona, quæ Christus ibidem & Mar. xvj. & Luc. x. Et Paulus. j. Cor. xij. & Ephe. iij. commemorant. Vanissimæ sunt igitur huius excusationis nugæ.

*Crimen fals.*

*Act. 15. & 21.*

*Gal. 3. 4. 5.*

*Deut. 4. &*

*Apos. 22.*

Pari quoq; dexteritate alteram mox de sola fide (quam scriptura nulla ponit) excusationem adiungit, dicens. Excludimus autem opinionem meriti, non excludimus uerbum aut sacramenta, ut calumniatur aduersarij. Ita ne calumniamur? At uerba Lutheri, superius recitata, manifeste sic habent. Baptismus neminem iustificat nec ulli prodest, sed fides in uerbum promissionis cui additur baptismus. Et, Ita nec uerum esse potest, sacramentis inesse uim efficacem iustificationis, seu esse ea signa efficacia gratiæ. Sed & Philippus iste publice scripsit, manifesto errore tribui sacramentis noui Testamenti uim iustificandi, eo quod sola fides iustificet. Sed & hæc impia & abominabilia uerba

*Art. 17. & 18*

*Phil. in Locis  
cõmunibus c.  
de signis.*

L

adiecit



## D. E. S O L A F I D E

adiecit. Non iustificat signa, ut Apostolus ait. Circumcisio nihil est, ita baptismus nihil est, Participatio mensæ Domini nihil est. Ita sine signo iustificari potes, modo credas, adeo non iustificat signa. Hæc ipse. Vides igitur Auguste, ab his, ubi solam fidem prædicant & iustificare affirmant, manifeste excludi Sacramenta noui Testamenti. Vnde necessarium mihi olim uisum est, duos bene longos in Lutherum, ob hanc impietatem scribere libros, unum de gratia sacramentorum, alterum de baptismo paruulorum. Ipse enim in assertionem suam, primum articulum (in quo sacramenta nouæ legis gratiam dare negat) probaturus ait. Scriptura sic dicit. Iustus ex fide sua uiuet, non dicit, iustus ex sacramentis uiuet.

**14** Nos tamen hic non modo de sacramentis, sed etiam de alijs Dei donis, quæ Paulus uocat charismata meliora. i. Cor. xij. contendimus, nempe quod ad iustificationem impij nõ requiritur sola fides, sed concurrunt & alia Dei dona, quæ non sunt fides, & quidē multa, nempe, gratia dei, dilectio, spes, redemptio & meritū passionis Christi, sanguis & mors Christi, opera pœnitentiæ, timor Domini, & quicquid boni precibus lachrymisq; & ieiunijs ac elemosynis homo præstare potest ad placandum deum quem peccando offenderat. Frituola est igitur & falsa Philippi exculatio, dum ait. Nos excludimus opinionem meriti, non excludimus uerbum aut sacramenta. Constat enim eos & sacramenta & opinionem meriti impie excludere, absq; omni necessitate & causa. Nos enim ante iustificationē nulla in homine merita bona ponimus, merita enim ex gratia cooperante proueniunt. Ante iustificationem uero ea gratia (quā gratum facientem dicimus) homini non inest, sed per iustificationem à Deo confertur, immo per eam homo iustificationem à Deo accipit. Deus est enim qui principaliter & effectiue iustificat. Vnde ait Propheta. Scio quoniam non confundar, **Esa. 50.** iuxta est qui iustificat me. Et Apostolus. Quos uocauit, hos & iustificauit. Item. Deus qui iustificat, quis est qui condemnet?

**35** Simpliciter igitur falsa, temeraria & impia est hæc rhetoris & Lutheri sui propositio, Sola fides iustificat. Sciunt enim Theologi, eam in scripturis nusquam haberi, Sciunt Grammatici, non idem significare Gratis & Sola., Sciunt Dialectici, ex ea falsum inferri, nempe istud. Ergo nihil præterquam fides iustificat. Et hoc quoq; falsum. Ergo quicquid iustificat, fides est. At iustificat Deus, iustificat gratia, iustificat charitas, iustificat sacramenta, iustificat elemosynæ, preces, lachrymæ, & alia pœnitentiæ opera, quæ non sunt fides. Quemadmodum de

**Propositio  
simpliciter  
falsa.**

dum de  
Luc. xvj.  
sola fide  
cia, Ex  
aliud &  
Solutio  
homo e  
mo. Ex  
sum est,  
sthenes,  
ac Orato  
dere aut  
nem aut  
Non eni  
eo quod  
reipsa fa  
reddi po  
Fing  
quibus ia  
dem exte  
ponit He  
cax & in  
omnem  
cit, OMN  
fides hic  
mille fide  
gamus h  
Lutheru  
Non eni  
etus Apo  
bonis op  
demoni  
bus se dic  
fidem, qu  
sine char  
mortuan  
fidem ser  
tibus bo

# PHILIPPICA III.

dum de publicano pectus suum percutiente & orante, ait Dominus Luc. xvij. quod descenderit iustificatus in domum suam. Ergo non sola fides iustificat. Ex uero enim nil nisi uerum sequitur. Verbi gratia, Ex hac uera, solus Deus creat ex nihilo, recte sequitur, ergo nihil aliud & nemo alius præterquam Deus creat ex nihilo. Sic & ex ista. Solus homo est animal rationale, bene sequitur, ergo nihil aliud quam homo est animal rationale. Et quicquid est animal rationale, est homo. Ex ista uero, Sola fides iustificat, sequuntur multa falsa, ut ostensum est, ergo & ipsa est & permanet in æternum falsa, etiam si Demosthenes, Aristoteles, Plato, Chrisippus, Cicero & tota philosophorum ac Oratorum caterua totis ingenij & eloquentiæ uiribus eam defendere aut asserere uelint, Tantum abest, ut timeamus futilem assertionem aut uerbosi huius rhetoris aut minacis ac seditionis eius Lutheri. Non enim à comptis, uersutis aut multis minacibusue uerbis, sed ab eo quod res est uel non est. Oratio uera aut falsa dicitur. Quod igitur re ipsa falsum est, nullo uerborum fuco aut artificio unquam uerum reddi potest.

Fingat igitur sibi rhetor iste qualibet fidei definitiones nouas, de quibus iactat in scholasticorum Theologorum scriptis ne unam quidem extare syllabam, nobis una sufficit fidei definitio, quam Paulus ponit Heb. xj. Et ne solam fidem iustificare credamus, cogit nos efficax & infallibile dictum eiuidem Apostoli. j. Corinth. xij. Si habuero omnem fidem, charitatem autem non habuero, nihil sum. Iam qui dicit, OMNEM, is nullam profecto excludit. Ergo si uel mille fingeret fides hic rhetor, de quibus nihil sciant nostri Theologi, tamen omnes mille fides illæ, absq; charitate nihil prodesse. Libenter autem agnoscimus hanc de eius noua fide ignorantiam, ne agnita illa cum eo post Lutherum curramus in abyssum impietatis & æternæ damnationis. Non enim turpe nobis est, ignorare quod ignorauerunt Christus & eius Apostoli. Certe Christus uel maximam fidem sine charitate & bonis operibus noluit agnoscere Matth. vij. in ijs qui prophetauerant dæmoniaq; eiecerant & uirtutes multas in nomine eius fecerant, quibus se dicturum affirmat, Nunquam noui uos. Et Paulus eam quoq; fidem, quæ montes trāsfert (de qua Christus prædixerat Matth. xvij.) sine charitate pro nihilo habet. Iacobus item fidem absq; operibus mortuam existimat. Quancunq; igitur aut quantamcunq; effinxerit fidem seu Philippus seu Lutherus, ea sola, sine charitate & sine operibus bonis adeo non iustificat, ut ne profit quidem, neq; etiam uiuat,

36

*Quæcunq; fides sine charitate nihil prodest.*

L ij sed



## DE SOLA FIDE

sed mortua sit in semetipsa. Quemadmodum iam sæpe per scripturas euicimus.

37  
*Quid fides  
Philippica.*

Et tamen ita superbit de noua fide sua Philippus, rhetoricus iste Theologus, ut etiam S. Hieronymum reprehendat & reiiciat, eo quod opinioni suæ contrarius existat. Ipse enim fidem suam sic describit. Hæc (inquit) fides specialis, qua credit unusquisque sibi remitti peccata propter Christum, & Deum placatum & propitium esse propter Christum, consequitur remissionem peccatorum, & iustificat nos, & quia in poenitentia, hoc est in terroribus, consolatur & erigit corda, regenerat nos, & affert spiritum sanctum, ut deinde legem Dei facere possimus. Et post pauca addit. Illa fides, quæ iustificat, non est tantum notitia historię, sed est assentiri promissioni Dei, in qua gratis propter Christum offertur remissio peccatorum & iustificatio. Et nequis (inquit) suspicetur, tantum notitiam esse, addemus amplius, est uelle & accipere oblatam promissionē remissionis peccatorum & iustificacionis. Et infra. Cum autē de tali fide loquamur, quæ non est ociosa cogitatio, sed quæ à morte liberat, & nouam uitam in cordibus parit, & est opus spiritus sancti, non stat cum peccato mortali, sed tantisper dum adest bonos fructus parit, ut postea dicemus. Quid potest dici de conuersione impij, seu de modo regenerationis, simplicius & clarius?

Has & id genus multas de speciali fide sua nugas decies uiciesue subinde proluxa uerbositate repetit, & tamen nusquam dicit quid sit, aut an sit ea fides, quam Paulus Heb. xj. dicit sperandarum substantiam rerum & argumentum non apparentium. An non sit ea sed alia, nisi quod sæpissime repetit, eam esse iam fiduciam, iam assensum in promissionem remissionis peccatorum propter Christum. Quid ageret homo uerbosus nisi ut in commento nouo, quod definire nescit, nugacibus & indefinitis luderet uerbis?

38  
*Questio de  
paruulis bapti-  
zatis.*

Quin dicat nobis breuiter, si hæc somniata fides sua iustificat & regenerat sola, num paruuli baptizandi, qui omnium rerum ignari per sese neque fidunt neque assentiuntur promissioni, quia nesciunt eam, uere per baptismum iustificentur & regenerentur? Si neget, Anabaptista est, Si fateatur, mendax est & destruit seipsum, quia fatetur, non solum, quod non iustificet & regeneret sola, sed etiam, quod sine ea iustificentur & regenerentur paruuli per gratiam & uirtutem spiritus sancti, quam accipiunt in baptismo per Christum, qui baptizat in spiritu sancto & igne Matth. iij. & Ioh. j. Non enim interrogantur ibi, an fidant aut assentiantur huic promissioni, aut etiam illi, Qui crediderit & baptizatus

### PHILIPPICA III.

& baptizatus fuerit, saluus erit. Sed interrogantur simpliciter, an credant in Deum patrem omnipotentem, Et in Ihesum Christum natum, passum &c. Et in spiritum sanctum, sanctam Ecclesiam &c. Vanissima sunt igitur commenta & Lutheri & Philippi de sola fide in eiusmodi promissiones, quas paruuli neque sciunt neque interrogantur. Vnde miseris Anabaptistis data est ( ut sepe dixi ) tam grauis erroris occasio. Qui stulte credentes his seductoribus de sola fide, non baptizant paruulos, & rebaptizant adultos tanquam frustra & inaniter baptizatos in infantia, eo quod infantes per sese non credunt nec fidem propriam ad baptismum afferunt, qua sola, non uirtute baptismi, contendunt ( quemadmodum & isti contendunt ) iustificari & regenerari homines.

Videt ergo M. T. Imperator, quam nihil profint, immo quantum obsint hæc nugæ de sola fide, quæ sit ( ut iste dicit ) fiducia & assensio in promissionem Dei &c. In prima enim iustificatione nostri ( quam infantes in baptismo accipiunt per infusionem gratiæ & charitatis, diffusæ in cordibus nostris per spiritum sanctum Rom. v. In quo baptizamur Ioh. i. ) de speciali illa fide Philippi nihil prorsus & nouimus aut interrogamur, ubi sic omnium rerum ignari sumus paruuli, ut omnino nesciamus quid in baptismo nobiscum agatur, tantum abest, ut fidamus aut assentiamur nugæ illi fide in prædictas promissiones. Interrogamur autem de symbolo & fide Ecclesiæ, quam per alios, utpote responsione patrinorum, profiteamur, quia infantes per nos ipsos neque credere neque profiteri in ea ætate possumus. Iustificamur nihilominus uirtute baptismi in spiritu sancto, per quem gratia & charitas diffunditur in cordibus nostris, nosque perfecte ab omni peccato abluit & sanctificat. i. Cor. vi. & Gal. iii. atque in nouum hominem regenerat, Ioh. iii. Tit. iii. Ephe. iii.

Baptismus  
paruulorum.

39

Cum autem non liceat nobis lauacro regenerationis iustificari & a peccatis emundari sepe, sed semel tantum Heb. vi. quid obsecro faciet sola fides in adultis, qui post baptismum peccantes & peccatorum onere grauati, querunt remissionem peccatorum & iustificationem a Deo? Quid ergo in talibus faciet sola fides? Erronea profecto & ridicula fides est, si publica meretrix nihil aliud faciat ut iustificetur, quam quod credat sibi a Deo propter Christum remitti peccata, sola fide, absque omni opere poenitentiae, sine contritione cordis, sine bono proposito desistendi a peccatis, sine confessione, sine absolutione & iniuncta poenitentia. Dicat igitur hic nobis Rhetor iste, quomodo sine omni

L. iii. opere



## DE SOLA FIDE

opere iustificari debeat sola fide meretrix in prostibulo. Nunquid rebaptizanda est, ut fides ipsam regeneret? Philippica enim fides ista non solum iustificat sed etiam regenerat, ut sæpe asserit Philippus. At si hoc sentiat, Anabaptistis peior est. Quid ita? quia illi semel tantum rebaptizant, hic toties rebaptizabit, quoties fide illa iustificante opus erit, hoc est, quoties homo peccauerit & peccatorum remissione opus habet.

40

Forte dicet nobis, hominem sine baptismo per solam fidem regenerari. Vnde uero id probet? Certe Christus Ioh. iij. renasci nos ait ex aqua & spiritu sancto, & Paulus Tit. iij. baptismum uocat regenerationis lauacrum, non solam fidem. Ostendat ergo Philippus nobis ullam scripturam, qua affirmet hominem sæpius regenerari, uel regenerari sola fide sine baptismo. Semel certe generatur ex utero matris, & semel regeneratur in baptismo. Sæpius autem iustificatur, nempe quotiescunque à peccatis absoluitur. Quomodo autem iustificabit aut regenerabit cum sola fides Philippica, quam Philippus cum peccato mortali stare negat? O nugacem fictitiamque fidem, quæ peccatorem aut absens iustificat, quia cum peccato non stat, aut à foris stans, peccatum prius oppugnat, & eiicit, deinde intrat ut iustificet. Quis tantam precor sapientiam de sola fide unquam audiuit?

41

*Atrox & ea  
gemina in S.  
Hier. calūnia.*

*Dan. 4.*

Et tamen sapiens hic uir, qui plus sapit quam oportet, ob hanc fidem suam, non modo nos, quos pro aduersarijs habet, uerum etiam Diuum Hieronymum, quem præceptoris loco habere merito deberet, reprehendere audet, & quidem atrocissima cum iniuria, eaque dupli-  
plici. Nam & textus deprauati crimen, & Euangelij subuersionem imputare tanto uisio non ueretur. Etenim textum Danielis ita uertit S. Hieronymus. Quamobrem Rex consilium meum placeat tibi, & peccata tua elemosynis redime, & iniquitates tuas misericordijs pauperum, forsitan ignoscet Deus delictis tuis. Hic uero textus, cum tribuat non nihil operibus ad parandam remissionem peccatorum & iustificationem, hanc interpreti notam censoria superbæ suæ uirgula & ignito inuidiæ cauterio inurit Philippus. Hieronymus (inquit) hic præter rem addidit dubitatiuam particulam, & multo imprudentius in Commentarijs contendit remissionem peccatorum incertam esse. Sed nos meminerimus (ait) Euangelium certo promittere remissionem peccatorum. Et hoc plane fuerit Euangelium tollere, negare, quod certo debeat promitti remissio peccatorum. Dimittamus igitur hoc in loco Hieronymum, Hæc audax iste sanctorum patrum censor.

Qui

### PHILIPPICA III.

Qui & Luthero suo, uelut Logodædalus, in doctiss. uirum ERAS-  
MVM Roterodamum de seruo arbitrio scribenti conscius erat, dum  
ille, isto forsitan dictante, sic scriberet. Quos igitur Origenes, quos  
Hieronymos Diatribe nobis, oblita pacti, obijcit: Cum inter Eccle-  
siasticos scriptores nulli fere sint, qui ineptius & absurdus diuinas lite-  
ras tractant quàm Origenes & Hieronymus.

At uerba S. Hieronymi, quæ Euangelio maxime contraria facit  
Philippus, sic habent. Forsitan ignoscet Deus &c. Cum beatus (ma-  
gist) Daniel, præscius futurorum, de sententia Dei dubitet, rem teme-  
rarium faciunt, qui audacter peccatoribus indulgentiam pollicentur.  
Cui sane dicto haud multum dissimile est, quod ait B. Cyprianus in  
sermone de lapsis. Homo Deo non potest esse maior, nec remittere  
aut donare indulgentia sua seruus potest, quod in Dominum delicto  
grauiore commissum est. Et infra. Noxia & uenenata persuasio perse-  
cutione ipsa penitus interficit. Illic superest poenitentia, quæ satisfaciat.  
Qui autem poenitentiam criminis tollunt, satisfactionis usam clau-  
dunt. Ita fit, ut dum temeritate quorundam uel promittitur salus falsa  
uel creditur, spes ueræ salutis adimatur. Hæc disertissimus Martyr il-  
le, Cui profecto longe securius creditur quàm Luthero, qui mox  
omnium peccatorum ueniam promittit ei peccatori, cui fides redeat  
aut stet in promissionem diuinam baptizato factam, Et quàm huic  
Philippo dicenti. Sicut Euangelio sola fides iustitia est, ut scilicet si  
omnia omnium peccata feceris, tamen credis misereri tui patrem pro-  
pter Christum, saluus sis. Ita e contra, Euangelio sola incredulitas pec-  
catum est. Item. Non possunt sperare aut fide consistere, quorum cor-  
da de uoluntate Dei erga se incerta sunt. Non est Christiana uita, ubi  
cor tali certa cognitione Dei & fide uacua est &c. In hanc senten-  
tiam & hic in Apologia sua permulta effundit uerba. Propterea dicit  
à B. Hieronymo præter rem additam esse hanc dubitationem particu-  
larem, forsitan. Quia non dubium, sed certum & indubitatum uult es-  
se, quod ignoscet Deus omnia peccata ei, qui credit propter Christum  
sibi placatum esse patrem, qualiacumq; sint opera, etiam si omnia pec-  
cata fecerit.

Contra has Philippi & Lutheri eius insanas falsas, & impias in  
Deum (iustum iudicem) presumptiones, posset profecto S. Hierony-  
mus infinita scripturæ testimonia pro sua sententia in medium produ-  
cere, si adesset, Nos breuitatis gratia & maximam M. T. occupa-  
tionum habita ratione, paucos scripturæ locos citabimus, quibus &  
Danielis

Luth. in Cap.  
Babyl.

Phil. in Anno  
in Ioh. 6, 16.



## D E S O L A F I D E

- Job. 9.** Danielis textus & Hieronymi expositio ab huius Rhetoris calumnia defenſetur. Ait ſane Job. Vere ſcio quod ita ſit, & quod non iuſtifice-  
tur homo compoſitus Deo. Si uenerit ad me, non uideo eum: ſi abie-  
rit, non intelligam. Qui etiam ſi habuero quippiam iuſtum, non re-  
ſpondebo, ſed meum iudicem deprecabor. Et cum innocentem me  
**Pſal. 142.** exaudierit, non credo quod audierit uocem meam. Et David. Ne in-  
tres in iudicium cum ſeruo tuo, quia non iuſtificabitur in conſpectu  
**Eccleſ. 9.** tuo omnis uiuens. Et Salomon. Sunt iuſti atq; ſapientes, & opera eo-  
rum in manu Dei, & tamē nescit homo, utrum amore an odio dignus  
**Eſa. 40.** ſit, ſed omnia in futurum ſeruantur incerta. Et Eſaias. Quis conſilia-  
rius eius fuit, & oſtendit illi: Cum quo inijt conſilium & inſtruxit eum,  
**Iohel. 2.** & docuit eum ſemitam iuſtitiae: Et Iohel. Conuertimini ad Domi-  
num Deum ueſtrum, quia benignus & miſericors eſt, patiens & mul-  
tae miſericordiae, & praestabilis ſuper malicia. Quis ſcit, ſi conuertatur  
**Iona. 3.** & ignoſcat, & relinquat poſt ſe benedictionem: Et Iona. Operiantur  
ſaccis homines & iumenta, & clament ad Dominum in fortitudine, &  
conuertatur uir à uia ſua mala, & ab iniquitate quae eſt in manibus eo-  
rum. Quis ſcit ſi conuertatur & ignoſcat Deus, & reuertatur à furore  
**Matth. 24.** irae ſuae, & non peribimus: Et Dominus in Euangelio. Vigilate, quia  
neſcitis qua hora Dominus ueſter uenturus ſit. Si autem dixerit ma-  
lus ſeruus in corde ſuo, moram faciet dominus meus uenire, ueniet  
dominus ſerui illius in die qua non ſperat, & hora qua ignorat, & di-  
uidet eum, partemq; eius ponet cum hypocritis, ibi erit fletus & ſtri-  
dor dentium. Et Paulus ad Romanos. Tu autem fide ſta, noli altum  
**Rom. 11.** ſapere, ſed time. Si enim Deus naturalibus ramis non pepercit, ne forte  
**1. Cor. 4.** nec tibi parcat. Et ad Corinthios. Sed neq; meipſum iudico. Nihil  
enim mihi conſcius ſum, ſed non in hoc iuſtificatus ſum. Qui autem  
iudicat me, Dominus eſt.

**44** His & quàmplurimis id genus alijs ſcripturae locis longe tutius  
creditur quàm infido huic certicatori, qui Dei iudicium ſibi ſuperbe  
per fictitiã fidem arrogat, ut certo ſciat, utrum amore an odio di-  
gnus ſit. Job ait Si uenerit ad me, non uideo eum. Philippus dicit, Ego  
uideo quia per fidem meam ſolam ad me uenit. David ait, Ne intres  
in iudicium cum ſeruo tuo. Iſte dicit. Intra in iudicium, quia certus ſum  
te mihi placatum eſſe propter Chriſtum. Eſaias ait. Cui conſiliũ ſuum  
oſtendit: Iſte dicit. Oſtendit mihi per fidem meam ſolam. Iohel & Io-  
nas dicunt, Quis ſcit ſi conuertatur & ignoſcat Deus. Iſte dicit, Ego  
ſcio certiffime per fidem meam ſolam. Chriſtus ait. Vigilate, quia  
neſcitis

### PHILIPPICA III.

nescitis qua hora Dominus uester uenturus sit. Iste ait. Quali ac neque sint opera mea, ueniente Domino sola fides iustificabit me. Paulus denique ait. Noli altum sapere sed time, ne forte Deus tibi non parcat. Iste uero ait. Quid timeam, quia certus sum per fidem meam solam, Deum propter Christum parcere mihi.

Nos certe Christo nihil detrahimus, sed credimus firmissime, per eum donari nobis remissionem peccatorum, & per nullum alium, sed ita, si nos fecerimus quæ illo digna sunt & quæ iussit. Non enim per peccata sed per opera poenitentiae promerebimur Christum ut pro nobis apud patrem interpellet. Maxime igitur derogat Christo & Euangelio eius Philippus, dum ait. Euangelio sola fides iustitia est, si omnia omnium peccata feceris, sola fides te iustificabit, si credas, patrem misereri tui propter Christum, quasi Christus sit adeo iniquus, ut nullum faciat discrimen inter bonos & malos, & adeo cæcus, ut nullum habeat operum respectum, cum tamen ipse met dicat, se unicuique reddendum esse secundum opera eius Matth. xvj. Inter Christianos certe nulla est meretrix adeo deplorata, quæ non credat, propter Christum ei parcendum esse si unquam peccatis eius parcendum sit, neque tamen ulla præsumit, ut Philippus, mox sola fide iustificari, sed quærit prius per opera poenitentiae, per preces & lachrymas sua peccata deplangere & de peccatis dolere, ut misericordiam & iustificationem, non per iustitiam operum suorum, sed per meritum passionis & mortis Christi & per uiuificum poenitentiae sacramentum consequitur.

Certissima quidem est Euangelij promissio secundum se, sed incertum nobis est singulis, an ea promissione digni simus, propterea oramus ad B. Virginem & ad alios sanctos, ut intercessionibus eorum digni efficiamur promissionibus Christi. In peccatis autem existentes, nos ipsos reddimus indignos, quia non facimus fructus dignos poenitentiae Matth. iij. Verendum est igitur nobis, ne paterfamilias Rex ille cœlestis malis nostris offensus, dicat. Nuptiæ quidem paratæ sunt, sed qui inuitati erant, non fuerunt digni, Matth. xxij. Præsumptores uero isti, qui sine poenitentiae operibus, ad promissiones indigne accurrunt, merito timere deberent seuerum illud uerbum Regis, Amice quomodo huc intraisti, non habens uestem nuptialem? Et illud Lucæ. xiiij. Da honoratiori locum & cum rubore descende in nouissimum locum. Longe igitur & melius & tutius accedent, qui per opera poenitentiae in se reuersi, dicant. Pater peccaui in cœlum & coram te, & iam non sum dignus uocari filius tuus, fac me sicut unum

M de mer-



## DE SOLA FIDE

de mercenarijs tuis Luc. xv. Quam superbi præsumptores isti, qui cum fatuis uirginibus uolūt uacuis lampadibus ad sp̄sum intrare Mat. 25. Rectius igitur & salubrius hoc in loco relinquimus & abijcimus Philippi huius nouelli Theologi, imberbis pene iuuenis, quam S. Hieronymi barbari & bene masculi (quem omnes tremebāt hæretici) Theologie Doctoris sententiam. Quandoquidē Hieronymus multo plures annos impendit sacræ Theologie studio, quam totius uitæ suæ annos habet iste Philippus. Quamuis uero molestissimum sit, Auguste, tam prolixas uerbosi hominis nugas, quæ neq; ordinem neq; pudorem seruant, retexere ac diligentius excutere, adeo ut iamdudum uercar, ne M. T. nimis prolixa uideatur hæc nostra de sola fide, hoc est de re futili & inani, immo (si Paulo & Iacobo Christi Apostolis creditur) nihili & mortua, disceptatio. Improbata tamen superbientis & calumniantis Rhetoris instantia cogit me, saltem paucis breuiter ostendere (si modo breuitatem ullam uerbosa eius prolixitas admittit) quam dextro usus Apollione responderit ad scripturas de dilectione à nobis adductas,

47

In medio itaq; uerbositatis suæ sic ait. Nunc igitur respondebimus ad illos locos, quos citant aduersarij, ut probent nos dilectione & operibus iustificari. Ex Corinthiis citant. Si omnem fidem habeam &c. Facilis (inquit) est responsio. Hic locus Pauli requirit dilectionem, hanc requirimus & nos &c. Hic primum attendat, obsecro, M. T. Imperator, quam pulchrum iste seruet ordinem in respondendo, dum primo loco respondet ad eam Pauli sententiam, quam nos ultimo pene loco in confutatione posueramus, sed leue & consuetum peccatum fit, confuse loqui uerbosos. Deinde uide quam facilis sit responsio. Hic locus Pauli requirit dilectionem, hanc requirimus & nos, inquit. Ita ne requiritis Lutherani? si uere eam requiritis, cur excluditis eam sola fide? Quid enim aliud excluditis sola fide quam dilectionem & bona opera? Supra enim dixistis (licet falso & mendaciter) Non excludimus uerbum aut sacramenta, ut calumniantur aduersarij.

48

At dixeritis, Non sic excludimus, ne sequantur, sed fiducia meriti dilectionis aut operum in iustificatione excluditur. O bona solutio. Primum, si non excluditis à iustificatione sacramenta, cur Lutherus uester, gratiam sacramentorum negans, conatur illud sacrilegium suum probare hoc dicto, Iustus ex fide uiuit? Deinde, quid excluditis fiduciam meriti quam nemo nostrum docet? Non enim possumus mereri sine gratia Dei, at ante iustificationem nostri, gratia De non habemus,

Luth. in assertione art. 1.

# PHILIPPICA III.

habemus, nihil igitur meremur nisi tam iustificati, uti supra quoque dictum est. Tercio, cur dilectionem fide posteriore facitis, quum Augustinus & omnes Theologi affirmant, hæc dona, fidem, spem & dilectionem simul cum gratia a Deo in iustificatione per spiritum sanctum infundi: Si Christum ipsum in baptismo induimus Gal. iiij. nunquid sine charitate induimus eum? Si in spiritu sancto baptizamur & igne sylvatici. Nonne per spiritum sanctum diffusa est charitas in cordibus nostris Rom. v? Si Deus proprio filio suo non pepercit, sed pro nobis omnibus tradidit illum, quomodo non etiam cum illo omnia nobis donavit, Rom. viij? Quarto, Non requiritis dilectionem sicut Paulus. Hic enim requirit eam ad iustificationem, uos ad sequelam duntaxat. Paulus sine dilectione nihil est, etiam si omnem fidem habeat, Vos estis aliquid, immo iustificati esse uultis, sine dilectione, sola fide. Non est igitur tam facile uobis, hic recte respondere, quam putatis, quia & mendacii & contradictionis compedibus constricti estis.

Addit ulterius Philippus. Diximus enim supra, oportere existere in nobis renouationem & inchoatam legis impletionem, iuxta illud. Dabo legem meam in corda eorum.

At dicite nobis uiri renouati, quando & per quid & a quo renouati estis? Nonne in baptismo per spiritum sanctum, quem a Deo uirtute sacramenti quo Christus baptizat accepistis? Vbi uero legistis, per spiritum sanctum dari solam fidem? Cæterum posteaquam per peccata iterum inueterati estis, quomodo renouamini? Nunquid sola fide? At pessima etiam scorta, quæ sine bono proposito in peccatis suis computrescunt, uelut iumenta in stercore suo, ut ait Propheta, habent solam fidem, qua credunt in Ihesum Christum dominum nostrum, in quo & baptizata fuerant, sicut nos, & tamen nemo dicit (nisi si uos dixeritis) eiusmodi scorta, quæ non pœnitent, iustificari ea fide, quam proprie & uere solam habent, utpote sine gratia & charitate ac sine omni uirtute & opere bono. Quid ergo prodest illis ad iustificationem sola fides? Ait amplius. Si quis dilectionem obiecerit, etiam si habet magnam fidem, tamen non retinet eam. Non enim retinet spiritum sanctum. Quomodo uero abiciat quis dilectionem, quam nondum habet, quam non simul cum fide infundi, sed sequi iustificationem dicitis? si non retinetur neque fides neque spiritus sanctus sine dilectione, cur eam pessime separatis? cur sequi potius quam simul dari dicitis? Dicite quæso nobis, num impio, quem Deus iustificat, ante iustificationem inest fides uestra iustificans? si prius inest, ergo per

M ij cam

49

Iohel. i.

Simul datur fides et dilectio.



## D E S O L A F I D E

eam iustificatur antequam iustificetur à Deo. Ergo & spiritum sanctum habet antequam iustificetur à Deo. Si uero fides illa iustificatio- nem non præcedat, sed sequatur, quid contenditis inaniter, quod dilectionem præcedat? Rectius ergo docet Ecclesia, simul dari fidem & dilectionem,

¶

Rursum ait. Neq; uero hoc loco tradit Paulus modum iustificatio- nis, sed scribit his qui cum fuissent iustificati, cohortandi erant, ut bo- nos fructus ferrent, ne amitterent spiritum sanctum. Vide obsecro re- ligiose Imperator, quàm secure somniet nugator iste ad M. T. perinde ac si neminem habeas uirum eruditum, qui uanissima eius somnia confutare possit uel ausit. Primum, ait, Paulum non tradere hoc loco iustificationis modum. At contra ait hic S. Ambrosius in explana- tione. Gradatim (inquit) illos ad ulteriora prouehit, ostendens illis gratiam supradicti omnis doni, quæ in hominibus uidentur, siue lo- quendi aut curandi aut prophetandi, non ad meritum hominis perti- nere, sed ad honorificentiam Dei. Ideoq; nunc uiam se dicit illis osten- dere planiorem qua itur ad coelū, quæ meritum collocat apud Deum. Hæc Ambrosius. Nunquid uero sine iustificatione itur ad coelum? nunquid iniusti meritum collocant apud Deum? Deinde somniat so- mniator iste Paulum, non iustificandis, sed iustificatis ibi scripsisse. Fu- erant quidem iustificati baptismo, facti quasi modogeniti infantes, j. Pet. ij. Sed eam innocentiam iterum peccando perdiderant ex eis quàm plurimi, qui iudicium sibi manducauerant. j. Cor. xi. Qui sic in- statierant, tanquam Paulus ad ipsos uenturus non esset, ad quos in uirga uenire minabatur, & unum ex eis tradidit Satanæ in interitum carnis, reliquos uero expurgare iussit uetus fermentum, ut essent no- ua conspersio. Quid, quod aliqui ne fidem quidem rectam habebant, dubitantes de resurrectione mortuorum, à quibus præcauere alios iu- bebat. Nolite (inquit) seduci, Corruptunt mores bonos colloquia mala, Euigilate iusti, & nolite peccare. Ignorantiam enim Dei qui- dam habent, ad reuerentiam uobis loquor &c. Nunquid uero tales erant iusti, quos moneret, ne amitterent spiritum sanctum, quem pec- cati commissis tampridem amiserant? Vana sunt igitur hæc somnia.

¶

Addit præterea dicens. Ac præpostere faciunt aduersarij, hunc unum locum citant, in quo Paulus docet de fructibus, alios locos plu- rimos omittunt, in quibus ordine disputat de modo iustificationis. Hoc, Cæsar, uaniloquium statim deprehendet, quisquis responsionem nostram uel per transennam inspexerit, ubi non citauimus hunc unum locum

Ambro. in Cō  
men. i. Cor. 12.  
in fine.

Corinthij pec-  
catores erant,  
licet baptiza-  
ti.

¶

locum,  
uero in  
Sci  
fificatio  
bent, qu  
de lege  
dunt, di  
sum, qu  
ue. Et f  
Hierc.  
omniū  
tare com  
homine  
uero cor  
quidem  
tante, C  
No  
opera, f  
Deo rec  
cramen  
ritu san  
Christus  
mission  
ditur in  
charitat  
Gal. v.  
lar  
guosi h  
tam par  
uissime  
tue iam  
faciam  
tis profi  
uictor a  
sine rec  
mæ & r  
tam flu  
consyd

### PHILIPPICA III.

locum, ut iste ait, sed præter eum adhuc alios multos ex Paulo, hunc uero in nouissimis.

Scribit quidem Paulus ad Romanos & ad Galatas de modo iustificationis, sed nequaquam erroneo isto sensu, quem Lutherani habent, qui nugad contentione omnia confundentes, ubicunq; Paulus de lege ueteri loquitur, ipsi nouam quoq; legem admiscunt & confundunt, dicta Pauli de operibus legis rapiunt ad impium istum sensum, quod homo non iustificetur operibus legis neq; ueteris neq; nouæ. Et in hanc erroris confusionem rapuit supra Philippus illud quoq; Hier. xxxj. Dabo legem meam in corda eorum. Constat autem omnium Expositorum testimonio, Paulum in utraq; Epistola disputare contra æmulatores legis Mosæ, iudaizantes, qui contendebant hominem sine operibus legis illius saluari non posse Act. xv. Paulus uero contra contendit hominem iustificari fide in Christum, non sola quidem fide, ut Lutherani contendunt, sed fide per dilectionem operante, Gal. v.

Non igitur sola fides, nec sola dilectio iustificat, nec item sola opera, sed hæc tria simul coniuncta, fides, dilectio & opera hominem Deo reconciliant & acceptum faciunt, ut per gratiam & uirtutem sacramentorum à Deo iustificetur. Non tamen sine Christo aut sine spiritu sancto id fieri dicimus, ut calumniatur Philippus, sed per utrunq;. Christus enim est omnia in omnibus Coloss. iij. & spiritus sanctus in remissionem peccatorum datus est Ioh. xx. per quem & charitas diffunditur in cordibus nostris Rom. v. Cuius fructus fides quoq; simul cum charitate alijsq; uirtutibus multis (quas Paulus commemorat) existit Gal. v.

Iam uides, opinor, Auguste, quàm molesta & improba sit lingua huius Rhetoris uerbositas. Ecce nondum commemorauì quartam partem responsionis eius ad unam Pauli sententiam à nobis breuissime ac simplicissime adductam, & uereor iam, ne aures pietatis tuæ iamdudum ista contentione sint ad tædium usq; defatigatæ. Quid faciam igitur: si non ad omnia eius uerba (quæ incessabili quacitatis profluuio fundit & inundat) respondero, canet mox encomium uictor ac triumphator mei: sin uero respondero, non poterit omnia sine tædio M. T. audire, etiam si nullæ aliæ ei forent (licet arduissimæ & maximæ semper præ foribus existant) occupationes. Sed neq; tam stultus sum, ut criminationes aut glorias eius pluri faciam quàm considerationem seruandi ad M. T. decori, neq; tam gloriosus aut

M iij ambitiosus.

52  
Confusio Lutherica de operibus legis ueteris & nouæ.

53

54



## D E S O L A F I D E

ambitiosus, ut simili prolixitate, ne illi cedere uideat, aures religiosas M. T. inaniter obtundam. Si Logodædalus in uerborum pugna uictor esse cupit, per me semper erit, ne cum uerboso uerbis contendere nitar. Cæterum si de ueritate contendat, nobis una hæc B. Iacobi ueritas (fides sine operibus mortua est) aut ista Pauli certa & irrefragabilis sententia (si oñ nem habuero fidem absq; charitate, nihil sum) sufficit ad conuincendam falsitatem Lutherani huius articuli, sola fides iustificat. Quid opus est igitur ad reliquas uerbisui huius Rhetoris nugæ, quæ maxima ex parte impudentes & amarulentæ sunt calumnias, operosius respondere.

**55**  
*Sola fide excluditur Christus & Euangelium.*  
Quando enim unquam probabit, nos à iustificatione excludere Christum, aut abolere Euangelium? Ipse uero longe iustius, quam nos, posset harum impietatum & accusari & redargui. Si enim sola fides iustificat, scient omnes Dialectici, Christum à iustificatione excludi, quia Christus non est fides, & abolendum erit Euangelium, quod nouum præbet de dilectione mandatum, Iohan. xii. & iubet seruare mandata, ut liceat ingredi in uitam æternam, Matth. xix. Magis igitur operæ precium, & ex re pietatis fuerit, hæc de quæstione, Num sola fides iustificet, consulere scripturas & sanctos patres, quam uerbosius cum uerboso nugis tædiosis contendere. Scripturas profecto haud ita paucas supra produximus, sed & hic breuiter aliquot recitandas producimus, easq; ex nouo duntaxat testamento, ne forte lubricus iste aduersarius noster dicat, quæ ex ueteri testamento proferuntur, respectere opera legis Mosaicæ, aut etiam legis philosophicæ aut legis in communi, non legis Euangelicæ, cuius iustitiam dicit esse solam fidem.

Recita.

- 56**  
*Matth. 4.* I SCRIBA. Scripturæ noui Testamenti contra solam fidem.  
Exinde cœpit Ihesus prædicare & dicere. Pœnitentiam agite, appropinquabit enim regnum cœlorum. Hoc est initium Euangelij, cui & finis Matth. xxvii. apte respondet, Docete eos seruare omnia quæcunq; mandauimus uobis.
- Matth. 5.* II Beati misericordes, quoniã ipsi misericordiam consequentur.  
III Sic luceat lux uestra coram hominibus, ut uideant opera uestra bona &c.
- III Qui autem fecerit & docuerit, hic magnus uocabitur in regno cœlorum.
- V Dico autem uobis, quia nisi abundauerit iustitia uestra plus quam scribarum & Phariseorum, non intrabitis in regnum cœlorum.

Attendite

## PHILIPPICA III.

VI Attendite, ne iustitiam uestram faciatis coram hominibus, ut *Matth. 6.*  
uideamini ab eis, alioquin mercedem non habebitis apud patrem  
uestrum qui in coelis est.

VII Te autem faciente elemosynam, nesciat sinistra tua quid faciat  
dextra tua, ut sit elemosyna tua in abscondito, & pater tuus, qui  
uidet in abscondito, reddet tibi.

VIII Tu autem, cum oraueris, intra in cubiculum tuum, & clauso  
ostio ora patrem tuum in abscondito, & pater tuus, qui uidet in  
abscondito, reddet tibi.

IX Si enim dimiseritis hominibus peccata eorum, dimittet & uos  
pater uester coelestis delicta uestra: Si autem non dimiseritis  
hominibus, nec pater uester dimittet uobis peccata uestra.

X Tu autem cum ieiunas, unge caput tuum, & faciem tuam la-  
ua, ne uidearis hominibus ieiunans, sed patri tuo qui est in ab-  
scondito, & pater tuus, qui uidet in abscondito, reddet tibi.

XI Thesaurizate autem uobis thesauros in coelo, ubi nec erugo  
nec tinea demolitur, & ubi fures non effodiunt nec furantur.

XII Quærite ergo primum regnum Dei & iustitiam eius, & hæc  
omnia adijcientur uobis.

XIII In qua mensura mensi fueritis, remetietur uobis.

XIII Petit & dabitur uobis, quærite & inuenietis, pulsate & ape- *Matth. 7.*  
rietur uobis.

XV Quanto magis pater uester, qui in coelis est, dabit bona peten-  
tibus se.

XVI Omnia ergo quæcumq; uultis ut faciant uobis homines, & uos  
facite illis. Hæc est enim lex & Prophetæ.

XVII Quàm angusta porta & arcta uia est quæ ducit ad uitam, &  
pauci sunt qui inueniunt eam.

XVIII Sic omnis arbor bona fructus bonos facit. Mala autem arbor  
malos fructus facit.

XIX Non potest autem arbor bona malos fructus facere.

XX Omnis arbor, quæ non facit fructum bonum, excidetur & in  
ignem mittetur.

Ecce tibi, Princeps, bonorum operum studiose & antiqua pietate  
uere Euangelice, XX. locos ex uno Euangelij sermone, nec anxie con-  
quisitos, nec uolenter in alienum sensum detortos, nec rhetoricis fu-  
cis errori ulli seruire coactos, sed simplicissime, ut iacent, recitados,  
quibus non ad solam fidem, sed ad opera pietatis ab ipsomet pientis-  
simo



## DE SOLA FIDE

sumo saluatore nostro exhortamur, mercedisq; certa promissione inuitamur, atq; etiam seuerissimis comminationibus, quas breuitatis gratia omitto, & ad bona agenda, & ad mala præcauenda excitamur. Quod si contra per Antithesim quandam recitentur noua Lutheri & Philippi eius de bonis operibus dogmata, nemo Catholicorum tam cæcus est, qui non statim uidere queat, eos non Euangelistas, sed longe uerius Antichristos dicendos esse. De quibus ait S. Iohannes in *1. Ioh. 2.* Canonica sua ad Parthos. Nunc Antichristi multi facti sunt. Quod ut mihi credas, Imperator, aliquot eorum dogmata breuiter pronuntianda exhibeo.

Recita.

57  
Luth. in asser-  
tione art. 31.

SCRIBA. Errores Lutheri de bonis operibus.

- I In omni opere bono iustus peccat.
- II Hunc autem articulum ego in Galatis meis, deinde in resolutionibus, atq; aduersus doctrinales damnatores & incendiarios Louanienfes, tam copiose declarauit, ut in aduersarijs incredulis nihil aliud uideam, quam aures aspidis surdæ & obturantis auditum suum.
- III Quid ergo meum articulum damnant? damnent illud Esaiæ lxiiij. Et facti sumus immundi omnes nos, & quasi pannus menstruatae uniuersæ iustitiæ nostræ.
- IIII Et illud Eccle. viij. Non est homo iustus in terra, qui faciat bonum & non peccet.
- V Si ergo omnis persona simul peccatrix est dum iusta est, quid euidentius sequi potest quam ut opus quoq; partim sit bonum, partim malum?
- VI Forte dicent & admittent, iustum in opere bono deficere quidem, sed non peccare. Verum superius abunde probauit, hunc defectum esse uere peccatum.
- VII Si enim sic elabi uolunt per nomen defectus, ne peccatum admittere cogantur, elabar & ego, & dicam, adulterium non esse peccatum sed defectum.
- VIII Qua enim ratione illud carnis concupiscere contra spiritum, non est peccatum, eadem & adulterari non erit peccatum.
- IX Quid ex ea doctrina capit auditor, quam se post acceptam gratiam mundum esse, & iam gratia ad peccati ulterioris purgationem non egere. Id quod propriissime Pelagianum est, sub uerbis Catholicis propositum.

Opus

# PHILIPPICA III.

- X Opus bonum optime factum est ueniale peccatum. *ib. art. 32.*
- XI Dixi alibi copiosius, hoc ueniale peccatum, non natura sua, sed misericordia Dei tale esse.
- XII Non iustificari certe est damnari. Ita omne opus iusti damnabile est & peccatum mortale, si iudicio Dei iudicetur.
- XIII Iam audistis, quod homo ante omnia, priusquam ipse aliquid boni faciat, iustus esse debet, licet in Luca ubiq; resonet, quod ueniat iustitia per opera. Sicut audistis, remittite & remittetur uobis. *Luth. in sermo ne de phariseo & publicano.*
- XIII Si publicanum secundum opera iudicem, mox falsum est, quia nihil prorsus in eo apparet nisi peccatum.
- XV Si pharisæum quoq; hic secundum opera iudicem, itidem falsum est, quia stat in loco sancto, & facit optimam, quæ esse potest, orationem.
- XVI S. Lucas urget uehementius super externa opera & ad speciem quàm super fidem, & sonat multo plus super externam uitam & conuersationem quàm super Euangelium & fidem intrinsecus.
- XVII Nunc ruit Deus huc, & ait, quod omnia istius Pharisei opera sint in Deum blasphemiae, Deus bone, quale est hoc iudicium.
- XVIII Hic poterunt Moniales & presbyteri trepidare usq; ad medullam interiorem, quorum nullus ne dimidia quidem parte tam probus est quàm ille fuit.
- XIX Utinam haberemus nunc eiusmodi phariseos multos.
- XX Nihil est igitur de manifestis peccatis, sed incredulitas, quæ in corde est, quam non uidemus, hæc est uerū peccatum. In quo monachi & presbyteri incedunt, perditum & corruptum pecus, quod hæret in peccato usq; ad aures. Hæc Lutherus.
- Sic & Philippus iste magistro quondam, nunc clienti suo, quem descendit, ut ubiq; astipuletur, tales plerunq; in bona opera sententias profert. Regnum (inquit) Christi est iustificare spiritu & saluare credentes, nullo uel bonorum uel malorum operū respectu. Item, Euangelium prædicat iustitiam fidei, non operum, cōdemnat omnia opera humana. Item, Lex cū Euangelio pugnare uidetur, ut uideri non possit, utrunq; esse uerbum Dei. Item, Noua doctrina est, fide iustificari, nullo bonorū aut malorum operū respectu. Item, Hoc est, in quo spes omnis Christianæ mentis sita est, quod Euangelio, non lege iudicamur, id est, quod fidei & incredulitatis, nō operum respectus est. Item, Impij nero intelligunt regnum Christi esse, honestam quandā ciuilem

N administra



## D E S O L A F I D E

administrationem & iustitias operum, ubi iusti sint qui bene operantur. Sic non modo sentiebant (inquit) olim Iudæi, sed & nunc sentiunt nostri Iudæi, hoc est, doctores iustitiæ carnis. Hæc & id genus multa passim in diuersis opusculis suis Philippus, plurima certe in locis communibus, quæ longum esset referre, & bona pars recitata est supra.

59

Nunc igitur expendat mihi Pietas tua, Cæsar, num ista sint Christiana an potius Antichristiana dogmata, Christus Euangelium ab operibus poenitentiae incipit, & in bona opera mandatorum suorum desinit. Isti uero Antichristi, solam ubiq; fidem prædicant, bona uero opera reputant in peccata. Christus ait. Qui fecerit & docuerit, magnus uocabitur in regno cælorum. Isti uero. Omne opus iusti damnabile est & peccatum mortale, si iudicio Dei iudicetur. Christus. Non potest arbor bona fructus malos facere. Isti. In omni opere bono iustus peccat. Christus. Omnis arbor quæ non facit fructum bonum excidetur & in ignem mittetur. Isti. Euangelium prædicat iustitiam fidei, non operum, Et tanquam contraria sibi inuicem sint, fides & bona opera, conqueruntur isti ubiq; doctrinis operum obscurari doctrinam fidei. Et Philippus audacissime, uelut manifestus Antichristus, contra Christi sententiam, ita pronunciat, Neminem neq; bona opera saluant, neq; damnant mala, sed saluat fides, damnat incredulitas. Christus uero sic Ioh. v. Et procedent qui bona fecerunt, in resurrectionem uitæ, qui uero mala egerunt, in resurrectionem iudicii. Et Philippus ipse alibi sic ait. Dices, Ergo opera saluant, non fides. Respondet, recte, Nam fides iustificat, non saluat. Saluat autem tum, ut cum fructificat. Ecce gemina contrarietas in tam paucis uerbis. Prior, Opera neminem saluant, & Opera saluant, Posterior. Saluat fides, & Non saluat fides, sed iustificat.

*Phil. in Anno.  
in Ioh. c. 4.*

*In Annotatio.  
2. Cor. 9.*

60

Sed in hac contradictione perpetuo laborant, quod aiunt fidem solam sine operibus iustificare, & interim nihilominus affirmant, fidem sine operibus nunquam esse solam. Quomodo igitur sine operibus iustificat? In Christum deniq; per hanc uersantiam maxime sunt blasphemi, dum dicunt, Iustum in omni opere bono peccare, & opus eius optime etiam factum esse peccatum, ueniale quidem secundum misericordiam Dei, mortale uero & damnabile secundum iudicium Dei.

61

Hinc enim sequeretur, quod Christus peccaret, & iusti peccatum recideret in Christum. Ipse namq; operatur omnia in omnibus. 1. Cor. xij. Et est omnia in omnibus Coloss. iij. Vnde Paulus ait. ij. Corin. xij.

An experis

# PHILIPPICA III.

An experimentum queritis eius qui in me loquitur Christus: Et Christus ipse. Non enim uos estis qui loquimini, sed spiritus patris uestri loquitur in uobis Matth. x.

Hi sunt fructus, Imperator, & hæc lucra nouæ de sola fide doctrinæ, qua Deum in sanctis bona operantem blasphemant, uelut peccatorem. Qua Christi sententiam nouissimumq; iudicium Iohan. v. & Matth. xxv. in quo reddet unicuiq; secundum opera eius, retractant. Qua spiritum sanctum in iustis loquentem & operantem arguunt de peccato. Qua Dei genitrici & sancto Petro, atq; adeo omnibus sanctis sua bonorum operum merita detrahunt. Dicunt enim, sumus æque sancti atq; est mater Dei, æque tanti quanta est ipsa, si maiorem habet gratiam, hoc non est ex eius meritis, sed ex Dei misericordia. Qua defunctis uiuentium pia opera inutilia pronunciant. Dicunt enim merum esse diaboli prestigiū, dum nonnulli spiritus petunt sibi opem ferri, orationibus, missis, peregrinationibus alijsue operibus, apparentes postea cum claritate & dicunt se redemptos. Qua deniq; uiuos & religiosam plebem a bonis operibus dehortantur & retrahunt, quemadmodum quotidiano experimento uidemus populos Germaniæ operum antiquæ pietatis indies negligentiores fieri. Dicunt enim, fides res breuis est, ad quam nec mandata nec opera pertinent, immo rescindit omnia mandata & opera, implet omnia mandata & opera, ideo fluit ex ea omnis iustitia. Adeo enim perfecta est fides, ut absq; omni alio mandato & opere, omne quod homo facit, Deo gratum sit & acceptum. Caueamus igitur a peccatis, multo uero magis a mandatis & a bonis operibus. Hæc Lutherus Teuthonice, in forma, de uerbo ad uerbum.

De huiusmodi tamen, quàmlibet barbaris, absurdis & scandalosis impietatibus audet Philippus iste & illum ad M. T. excusare, & nos tanquam calumniatores accusare, calumniator ipse malignissimus, atq; ut mendacijs suis fidem rhetorica persuasione pariat, multa ex ijs, quæ commemorauimus & impugnauius, ipsemet tandem post longum contentionis funem retractat, non quidem ex animo & uere poenitens, uti suspicari immo certo consicere licet, sed ut M. T. simulando pietatem, circumueniat, & nos calumniatores esse demonstret. Ait enim. Ex his iudicare candidus lector potest, nos maxime requirere bona opera, siquidem hanc fidem docemus in poenitentia existere, & debere subinde crescere in poenitentia. Et in his rebus perfectionem Christianam & spiritualem ponimus, si simul crescant poenitentia

N ij nitentia

61

*Fructus amarissimi nouæ de sola fide doctrinæ.*

*Luth. in Ser. de natiuitate Mariæ.*

*Luth. in Ser. de diuine & Lazaro.*

*Luth. in Ser. de nouo testa.*

63



## DE SOLA FIDE

nitentia & fides in poenitentia &c. Si hæc uere & ex animo sentit, Auguste, dicat nobis quæso, cur de sola fide tam conuulsiue nobiscum contendit. Si fides in poenitentia existit, ergo non existit sola, quia ad sanctam habet sibi poenitentiam. Et si in his rebus perfectio Christiana ponitur, ergo non debet poni in sola fide, quia hæc res non sunt sola fides, quandoquidem ipsemet ait, si simul crescant poenitentia & fides in poenitentia. Ecce nunc ait simul, igitur frustra & inique contendit de sola fide, Simul enim & sola, contraria sunt.

64

*Quod opera merentur à deo præmia* Desinde subiungit. Sicut autem iustificatio ad fidem pertinet, ita pertinet ad fidem uita æterna. Postea opera, quia placent Deo propter fidem, merentur alia præmia corporalia & spiritalia. Erunt enim discrimina gloriæ sanctorum. Nos Imperator de fide non contendimus (uti sæpe dictum est) sed de sola fide. Tollant à fide Philippus & Lutherus hanc uocem Sola, & remittant eam ( si liber ) ad sutores, & mox cessabit contentio. Nos enim non impugnamus fidem, sine qua Deo placere impossibile est Heb. xj. sed asserimus dilectionem & bona opera contra solam fidem, quia requirimus fidem quæ per dilectionem operatur Gal. v. Si ergo opera ( ut hic ait ) merentur præmia corporalia & spiritalia, corrigant isti priores articulos iam olim damnatos, quod iustus in omni opere bono peccet. Et quod opus bonum optime factum sit peccatum. Quid enim præmij debetur peccato? Iustis certe bona dat Deus præmia, peccato autem non debetur nisi malum præmium, hoc est poena. Nam præmium proprie pro benefactis, poena pro malefactis datur.

65

*Vbi merces, ibi & merita.* Ait rursum. Nos non rixamur de uocabulo mercedis, de hac relitigamus, utrum bona opera per se sint digna gratia & uita æterna, an uero placeant tantum propter fidem quæ apprehendit mediatorem Christum. Hic ita responderim. Primum, si bonis operibus mercedem ex animo concedit, merita quoque concedat oportet, merces enim bene merentibus datur. Deinde, Nemo nostrum dicit, bona opera per se digna esse gratia & uita æterna, nec meritoria quidem per sese, sed per gratiam fidemque & charitatem, atque adeo per Christum & spiritum sanctum, quorum uirtute à nobis fiunt. Tertio, Quando quaerit, an opera nostra placeant tantum propter fidem, Ego de Tantum idem respondeo quod de sola fide, quia non tantum propter fidem nec propter solam fidem, sed etiam propter gratiam, propter charitatem & spem & propter uirtutem sacramentorum, immo propter uirtutem Christi in nobis omnia operantis, opera nostra bona Deo placeant, quæ

### PHILIPPICA III.

cent, quæ certe sine gratia, spe & charitate propter fidem solam place-  
re non possunt, sed pro nihilo habentur. i. Cor. xiiij. Nec uerum est li-  
cet sapissime à Philippo repetitur, Christum mediatorem à nobis so-  
la fide apprehendi, nam & charitate ac spe quoq; apprehenditur, fide  
quidem in intellectu, charitate autem in uoluntate, similiter & spe,  
quæ non confundit, Rom. v. Vnde & Iob. c. xix. de uidendo in carne  
Deum ait. Reposita est hæc spes mea in sinu meo.

Hic autem prolixam in nos calumniam insidiosè adnectit, ita  
subiungens. Aduersarij nostri non solum hoc tribuunt operibus, quod  
sint digna gratia & uita æterna, sed fingunt etiam, quod merita super-  
sint sibi, quæ donare alijs & iustificare alios queant, Vt cum Monachi  
suorum ordinum merita uendunt alijs &c. At falso ita cauillatur, ope-  
ra enim nostra non per se, sed per gratiam Dei digna sunt uita æterna  
secundum Christi promissiones. Iuxta illud Matth. xix. Magister bone  
quid boni faciam, ut habeam uitam æternam. Cui Dominus respon-  
dit, serua mandata. Et infra. Omnis qui reliquerit domum &c. propter  
nomen meum, centuplum accipiet, & uitam æternam possidebit. Hæc  
autem facere non possumus sine Christo Ioh. xv. quia sufficientia no-  
stra ex Deo est. ij. Cor. iij. Non ergo fingimus, ut iste calumniatur, no-  
bis superesse merita, quæ alijs donemus aut uendamus aliosq; iustifi-  
cemus. Non ita presumimus. Neq; tamen sanctorum communionem  
negamus, neq; charitatis officia excludimus. Si enim apud Ethnicos  
uulgo dicebatur, Amicorum omnia esse communia, quanto magis id  
inter Christianos per charitatem fieri debet, quibus ad hoc datum est  
communione uenerabile sacramentum. Vnde ait Apostolus. i. Corin.  
xvj. Omnia uestra in charitate fiant. Et Coloss. iij. Omnia & in omni-  
bus Christus. Et Christus ipse ad patrem Ioh. xvij. Vt sint unum sicut  
& nos. Item. Vt omnes unum sint, sicut tu pater in me & ego in te, ut  
& ipsi in nobis unum sint.

*Sanctorum  
communio.*

Deinde post grauem calumniæ ictum rursus mitescens in hypo-  
cristi ait. Non mouemus inanem logomachiam de uocabulo merce-  
dis. Si concedent aduersarij, quod fide propter Christum iusti reputa-  
mur, & quod bona opera propter fidem placeant Deo, de nomine  
mercedis postea non ualde rixabimur &c. At concedimus ista, dum-  
modo non adijciat hanc uocem, Sola. Et sane non propter eius Apo-  
logiam, quasi illa nos cogat aut cōuincat, ista concedimus. Non enim  
nunc primum concedimus, sed & ante Apologiam eius ultro concessi-  
mus Augustæ, mox in principio quando ad quantum Confessionis

N iij articulum



## D E S O L A F I D E

articulum respondebamus. Vanitissima igitur simul & maliciofissima, immo & impiissima est ista eius rixatio & longa per XII. quaterniones logomachia, propter unicam hanc uocem, Sola, quam temere, maliciose & impie adiicit fidei, præter atq; adeo & contra omnem scripturam, atq; ex mera superbia, ne errasse uideatur, eam defendit, cum probe intelligat, eam apponi non debere.

Cæterum ne Maieitati tuæ perpetuo molestus sim, CAROLE Auguste, hac tædiosa contentione, ad quam impulit nos peruiçax huius defensoris improbitas, iucundiora quædam & certiora de iustificatione, quæ & auribus Pietatis tuæ gratiora & ad ædificationem populi Christiani aptiora magisq; utilia sint, ex duobus potissimum doctoribus B. Augustino & S. Thoma Aquinate, qui & pietate & eruditione pariter & ingenio præstantissimi habentur, recitanda propono, ut M. T. inde intelligat, & quàm inique calumnietur Apoliographus iste nos & scholasticos (quos uocat) Doctores, & quàm improbe mentiatur de B. Augustino & alijs Ecclesiæ Doctoribus, quos de sola fide sententiam Luthericam tueri falso iactitat.

Recita.

S C R I B A. Testimonia B. Augustini contra solam fidem.

67  
Aug. de fide et  
operibus. c. 14

- Quare iam illud uideamus, quod excutiendum est à cordibus religiosiis, ne mala securitate salutem suam perdant, si ad eam obtinendam sufficere solam fidem putauerint. Bene autem utucere & bonis operibus usam Dei tenere neglexerint.
- II** Nam etiam temporibus Apostolorum, non intellectis quibusdam subobscuris sententijs apostoli Pauli, hoc cum quidam arbitrati sunt dicere, Faciamus mala ut ueniant bona.
- III** Cum ergo dicit Apostolus arbitrari se, iustificari hominem per fidem sine operibus legis. Non hoc agit, ut percepta ac professæ fide opera iustitiæ contemnantur, sed ut sciat se quisq; per fidem posse iustificari etiam si legis opera non præcesserint. Sequuntur enim iustificatum, non præcedunt iustificandum.
- III** Quoniam ergo hæc opinio tunc fuerat exorta, aliæ Apostolicæ Epistolæ, Petri, Iohannis, Iacobi, Iudæ, contra eam maxime dirigunt intentionem, ut uehementer astruant, fidem sine operibus nihil prodesse.
- V** Sicut etiam ipse Paulus, non qualemlibet fidem qua in Deum creditur, sed eam salubrem plane dicit, quam Euangelicam definiuit, cuius opera ex dilectione procedunt, Et fides, inquit, quæ per dilectionem operatur.

Vnde

# PHILIPPICA III.

- VI Vnde illam fidem, quæ sufficere ad salutem quibusdam uide-  
tur, ita nihil prodesse asseuerat, ut dicat, Si habeam omnem fi-  
dem ita ut montes transferam, charitatem autem non habeam,  
nihil sum.
- VII Vnde in secunda epistola Petrus, sciens de apostoli Pauli qui-  
busdam subobscuris sententijs nonnullos iniquos accepisse occa-  
sionem, ut tanquam securi de salute quæ in fidem est, bene uiuere  
non curarent, commemorauit, quædam ad intelligendum diffi-  
cillima esse in epistola eius quæ homines peruerterent, sicut &  
alias scripturas, ad proprium suum interitum.
- VIII Iacobus autem uehementer infestus est eis, qui sapunt fidem  
sine operibus ualere ad salutem, ut illos etiam dæmonibus com-  
paret, dicens. Tu credis quoniam unus est Deus, bene facis, & dæ-  
mones credunt & contremiscunt. Quid uerius, breuius, uehe-  
mentius dici potuit?
- IX Dicit etiam, quia fides sine operibus mortua est. Quousq; igitur  
falluntur, qui fide mortua sibi uitam perpetuam pollicentur?
- X Illud quoq; non uideo, cur Dominus dixerit. Si uis uenire ad *ib. c. 15.*  
uitam, serua mandata, & commemorauit ea quæ ad bonos mo-  
res pertinent, si etiam his non seruatis, ad uitam uenire potest per  
solam fidem quæ sine operibus mortua est.
- XI Illud deinde quomodo uerum erit, quod eis, quos ad sinistram  
positurus est, dicet, Ite in ignem æternum qui paratus est Diabo-  
lo & angelis eius, nec increpat quia in eum non crediderunt, sed  
quia bona opera non fecerunt.
- XII Non enim fides illa dæmonum, cum & ipsi credant & contre- *ib. c. 16.*  
miscant & filium Dei confiteantur Ihesum, potest accipi in fun-  
damentum. Quare nisi quia non est fides quæ operatur per dile-  
ctionem, sed quæ exprimitur per timorem. Hæc ibi Augustinus.  
Et idem alibi, de iustificante gratia & charitate sic habet.
- XIII Vidi hominem (Pelagium scilicet) zelo ardentissimo accen- *Idem de natu-  
ra & gratia.  
c. 1.*  
sum aduersus eos, qui cum in suis peccatis humanam uolunta-  
tem debeant accusare, naturam potius accusantes hominum, per  
illam se excusare conantur.
- XIIII Non enim iniustus Deus, qui iustos fraudet mercede iustitiæ. *ib. c. 26.*
- XV Cum ista legerem, lætitia repente perfusus sum, quod Dei gra- *ib. c. 11.*  
tiam non negaret, per quam solam homo iustificari potest.
- XVI Ut homo in peccatum tret, sufficit ei liberum arbitrium quo se *ib. c. 23.*  
ipse



## D E S O L A F I D E

ipse uisauit. Vt autem redeat ad iustitiam, opus habet medico, quoniam sanus non est, opus habet uiuificatore, quia mortuus est.

**XVII** De qua gratia omnino nihil iste ( Pelagius scilicet ) dicit, quasi sola sua uoluntate se posset sanare, quia cum potuit sola uiuare.

**XVIII** Iste defendendo naturam, uelut sibi ad iustitiam sufficientem, si uoluntas sola assit: Gratia Christi, qua iustificamur, apertissime me contradicit.

**lb. c. 48. XIX** Si in Abel iusto charitas Dei, qua una uere iustus est quicumque iustus est, adhuc erat quo posset & deberet augeri, quicquid minus erat, ex uitio erat.

**lb. c. 42. XX** Neque illud nimis curo, utrum fuerint hic aliqui, uel sint uel esse possint, qui perfectam, cui nihil addendum esset, habuerint uel habeant uel habituri sint charitatem Dei. Ipsa est enim uerissima, plenissima perfectissimaque iustitia.

**lb. c. 63. XXI** Per spiritum sanctum diffunditur charitas in cordibus nostris, qua una iusti sunt, quicumque iusti sunt.

**lb. c. 68. XXII** Si autem iam Christiani sunt, & recte uiuere negligunt, uerberentur terroribus, & premiorum laudibus erigantur, ita sane, ut non solum ad bonas actiones, uerum etiam ad pias orationes eos exhortari memnerimus.

**lb. c. 69. XXIII** Omnia quippe fiunt facilia charitati. Cui uni Christi sarcina leuis est, aut ea una est sarcina ipsa quae leuis est.

**lb. c. fi. XXIII** Charitas ergo inchoata, inchoata iustitia est: charitas prouecta, prouecta iustitia est: Charitas magna, magna iustitia est: charitas perfecta, perfecta iustitia est.

Ecce tibi Caesar ex Augustino XII. locos contra solam fidem, & alios XII. locos pro gratia & charitate iustificante. Quibus utique unusquisque, qui in reprobum sensum datus non est, iustus credendum existimabit, quam sophisticis & hypocriticis huius Philippi nugis, quas arte rhetorica uane contexuit, & ad probandam solam fidem & ad reprobendam dilectionem iustificantem. Vtrumque contra scripturas, contra Euangelium, contra Paulum & contra Augustinum, atque adeo contra omnes Doctores totamque Ecclesiam Christi.

**68** Nobis uero & quibuscumque religiosis mentibus contra omnes eius & uerborum fucos & argutarum praestigias satis esse posset unus ille sermo B. Augustini de laudibus charitatis, licet breuissimus, cuius hoc est sane initium, Diuinarum scripturarum multiplicem abundantiam latissimamque

### PHILIPPICA III.

tiam latissimamq; doctrinam, fratres charissimi, sine ullo errore comprehendit, & sine ullo labore custodit, cuius cor plenum est charitate, dicente Apostolo. Plenitudo autem legis est charitas. Et alio loco. Filii autem præcepti est charitas &c. Ex his profecto uerbis Apostoli probat pius & acutus Doctor iste ultimum iamiam recitatum articulum, quod charitas sit iustitia. Quid est enim finis & plenitudo legis aliud quam iustitia. Perissime igitur negat Philippus, iustificare charitatem, perinde ac si negaret iustificare iustitiam. Hæc autem sententia nostra quamplurimis deinde laudibus charitatis in eodem sermone, quamuis compendioso, confirmatur, dum ait. Nec dubitare ullo modo potest, quod templum Dei sit homo in quo habitat charitas. Dilige & fac quod uis, Charitas causa est & mater omnium uirtutum. Quæ si desit, frustra habentur cætera: si autem adsit, habentur omnia. Omnia fiunt facilia charitate. Item. Qui ergo contra mortis uetustatem, attulit uitæ nouitatem: ipse contra uetus peccatum opposuit nouum mandatum. Quapropter quisquis uetus peccatum uis extingueret, mandato nouo extingue cupiditatem, & amplectere charitatem. Sicut enim radix omnium malorum est cupiditas, ita & radix omnium bonorum est charitas. Item. Ille itaq; tenet & quod patet & quod latet in diuinis sermonibus, qui charitatem tenet in moribus. Item. Charitas est salus morum, finis cœlestium præceptorum, mors criminum, uita uirtutum, uirtus pugnantium, palma uictorum, arma sanctarum mentium, causa meritorum bonorum, præmiū perfectorum, sine qua nullus Deo complacuit, fructuosa in poenitentibus, læta in proficientibus, gloriosa in perseuerantibus, uictoriosa in martyribus, operosa in omnibus omnino fidelibus. Ex qua quicquid est boni operis uiuit &c. Quid rogo simile potest iste improbus charitatis suggillator, impugnator & calumniator de sola fide proferre: Eat ergo iam & opponat nobis B. Augustinum, obijciat S. Ambrosium, iactitet sanctos patres. Ego certe M. T. Cæsar ostendi, hos patres, Ambrosium & Augustinum sentire nobiscum pro charitate contra solam fidem. Nec mihi difficile foret, id ipsum ex alijs quoq; sanctis patribus perquam lucidissime ostendere, nisi uererer tædiosam fore M. T. prolixitatem in re non dubia. Ceterum quam improbæ sint petulantis huius nugatoris in nos & scholasticos Theologos calumniæ, quantum nonnullas supra recitatas audisti, clarius intelliget M. T. ubi recitata fuerint ea, quæ S. Thomas (quem Philippus ipse inter cordatiores Doctores connumerat uel primo loco) de iustificatione impij & scripsit & docuit.

O Recita.

Rom. 13.

1. Tim. 1.

Aug. in Ser.  
de laudibus  
charitatis.

Ioh. 13.

1. Tim. 6.



# DE SOLA FIDE

Recita.

69  
S. Tho. in pri- I  
ma secunda  
quest. 109. in  
prin.

SCRIBA. Verba S. Thomæ, de iustificatione impif.

Consequenter considerandum est de exteriori principio humanorum actuum scilicet de Deo, pro ut ab ipso per gratiam adiuvamur ad recte agendum.

Manifestum est enim, quod sicut omnis motus corporalis reducit in motum celestis corporis, sicut in primum mouens corporale: Ita omnes motus tam corporales quam spirituales reducuntur in unum primum mouens simpliciter, quod est Deus.

III Non solum autem à Deo est omnis motus sicut à primo mouente, sed etiam ab ipso est omnis formalis uel rationalis perfectio sicut à primo actu.

IIII Actio igitur intellectus & cuiuscunque entis creati, dependet à Deo quantum ad duo. Vno modo, in quantum ab ipso habet perfectionem seu formam per quam agit. Alio modo, in quantum ab ipso mouetur ad agendum.

ib. art. 2. V Sic igitur uirtute gratuita, superaddita uirtuti naturæ, indiget homo in statu naturæ integræ, quantum ad unum, scilicet ad operandum & uolendum bonum spirituale: Sed in statu naturæ corruptæ, quantum ad duo, scilicet ut sanetur, & ulterius ut bonum supernaturalis uirtutis operetur quod est meritorium. Vtremque autem in utroque statu indiget homo auxilio diuino, ut ab ipso moueatur ad bene agendum.

ib. art. 5 VI Homo per sua naturalia non potest producere opera meritoria proportionata uitæ æternæ, sed ad hoc exigitur altior uirtus, quæ est uirtus gratiæ, & ideo sine gratia non potest homo mereri uitam æternam.

ib. art. 6 VII Homo non potest se præparare ad lumen gratiæ suscipiendum nisi per auxilium gratuitum Dei interioris mouentis.

VIII Nihil potest homo facere nisi à Deo moueatur, secundum illud Iohan. xv. Sine me nihil potestis facere. Et ideo, cum dicitur homo facere quod in se est, dicitur hoc esse in potestate hominis secundum quod est motus à Deo.

IX Hominis est præparare animum, Prouer. xvj. quia hoc facit per liberum arbitrium, sed tamen hoc non facit sine auxilio Dei mouentis & ad se attrahentis.

ib. art. 7 X Apostolus dicit Gal. ij. Si data est lex quæ potest iustificare, ergo Christus gratis mortuus est. Pari ergo ratione si homo habet naturam

### PHILIPPICA III.

naturam per quam iustificari potest, ergo Christus mortuus est gratis, id est, sine causa.

XI Homo nullo modo potest resurgere à peccato per seipsum sine auxilio gratiæ.

XII Cum dicitur Ephe. v. Exurge à mortuis, & illuminabit te Christus, Non est intelligendum, quod tota exurrectio à peccato præcedat illuminationem gratiæ. Sed quia cum homo per liberum arbitrium à Deo motum, surgere conatur à peccato, recipit lumen gratiæ iustificantis.

XIII Sic igitur habitualis gratia, in quantum animum sanat uel iustificat, siue gratiam Deo facit, dicitur gratia operans: in quantum uero est principium operis meritorij, quod ex libero arbitrio procedit, dicitur cooperans. *ib. quest. III. art. 2.*

XIII Quando ait Augustinus, Qui creauit te sine te, non iustificabit te sine te, Hoc intelligendum est, quod Deus non sine nobis nos iustificat, quia per motum liberi arbitrij, dum iustificamur, Dei iustitiæ consentimus. Ille tamen motus non est causa gratiæ, sed effectus. Vnde tota operatio pertinet ad gratiam.

XIII Quinq; sunt effectus gratiæ in nobis. Quorum primus est, ut anima sanetur, Secundus ut bonum uelit, Tertius ut bonum quod uult efficaciter operetur, Quartus ut in bono perseueret, Quintus, ut ad gloriam perueniat. *ib. art. 3.*

XV Nemo scit, utrum sit dignus odio uel amore, Ecclesiastes. ix. Sed gratia gratum faciens facit hominem dignum Dei amore. Ergo nullus potest scire, utrum habeat gratiam gratum facientem. *ib. art. 5. q. 12.*

XVI Effectus diuinæ dilectionis in nobis, qui per peccatum tollitur, est gratia, qua homo fit dignus uita æterna, à qua peccatum mortale excludit. Ideo non posset intelligi remissio culpæ, si non adesset infusio gratiæ, quia offensa non remittitur, nisi per hoc quod animus offensi pacatur offendenti. *ib. quest. 113. art. 2.*

XVII Deus hominem ad iustitiam mouet secundum conditionem naturæ humanæ, homo aut secundum propriam naturam habet quod sit liberi arbitrij. Et ideo in eo qui habet usum liberi arbitrij, non fit motio à Deo ad iustitiam absq; motu lib. arb. *ib. art. 3.*

XVIII Deus ita infundit donum gratiæ iustificantis, quod etiam simul cum hoc mouet liberum arbitrium ad donum gratiæ acceptandum in his qui sunt huius motionis capaces.



## D E S O L A F I D E

**XIX** Pueri non sunt capaces motus liberi arbitrij, Et ideo mouentur à Deo ad iustitiam per solam informationem animæ ipsorum. Hoc autem non fit sine sacramento baptismi.

*ib. art. 4.* **XX** Deus mouet animam hominis conuertendo eam ad seipsum, ut dicitur in Psal. secundum aliam literam. Deus tu conuertens uiuificabis nos. Et ideo ad iustificationem impij requiritur motus mentis, quo conuertitur in Deum. Prima autem conuersio in Deum fit per fidem, secundum illud ad Heb. xj. Accedentem ad Deum oportet credere quia est. Et ideo motus fidei requiritur ad iustificationem impij.

**XXI** Sicut per fidem iustificatur homo, ita etiam & per quædam alia, scilicet per timorem, de quo dicitur Eccli. i. Timor Domini expellit peccatum, nam qui sine timore est, non poterit iustificari. Et iterum, per charitatem, secundum illud Luc. vij. Dimissa sunt ei peccata multa, quoniam dilexit multum. Et iterum per humilitatem, secundum illud Iacobi. iij. Deus superbis resistit, humilibus autem dat gratiam.

**XXII** In iustificatione impij requiritur actus fidei quantum ad hoc, quod homo credat Deum iustificatorem esse hominum per mysterium Christi.

**XXIII** Motus fidei non est perfectus nisi sit charitate informatus. Vnde simul in iustificatione impij cum motu fidei est etiam motus charitatis. Mouetur autem lib. arb. in Deum ad hoc, ut se ei subijciat. Vnde etiã concurrit actus timoris filialis & humilitatis.

*ib. art. 6.* **XXIII** Quatuor enumerantur quæ requiruntur ad iustificationem impij, scilicet Gratiae infusio, motus liberi arbitrij in Deum per fidem, & motus lib. arb. in peccatum per detestationem eius, & remissio culpæ quæ est iustificationis consummatio. Dicitur enim Esa. xxvij. Iste est omnis fructus, ut auferatur peccatum eius.

*Quam multa  
de charitate  
scripsit S.  
Thomas.*

Hæc breuiter ex uno S. Thomæ libro recitata sint, ad cætera, quæ huic commoda essent disceptationi, non est modo tempus aut oportunitas. Quis enim facile uel perlegat semel, quæ uir ille pie, caste, sobrie ac solide scripsit ac disputauit de charitate & eius fructibus? Etenim ut taceam XXII. quæstiones, quibus multo plures insunt articuli, hac de re in Secunda Secundæ, XVII. capitula. In summa contra Gentiles libro tertio, & XIII. quæstiones in materia de uirtutibus, XVI. item quæstiones de gratia & iustificatione impij, in summa de ueritate, Quis non defatigetur operosis illis quæstionibus, quas de charitate scripsit

### PHILIPPICA III.

scripsit in Magistrum sententiarum per sex distinctiones libri tertij: Certe unus ille inter opuscula liber eius, quem inscripsit de dilectione Dei & proximi, magis est eruditus, pius, utilis & ædificatorius, quàm sint omnes omnium Lutheranorum quamlibet operosæ lucubrationes & opera. M. T. obsecro, Religiosè Imperator, clementer mihi permittat, saltem ex fine illius paucula pietatis uerba referre, quæ mihi sane post huius contentionis amaritudinem, inellis instar dulcia uidentur. Sic enim ait.

O charitas ordinis regula, electorum lex uniuersalis, uniuersos ligans, uirtus uirtutum, Canon Canonum, lex legum, non constitutio populi, sed principis placitum, sententia Regis regum, qua non solum edidit uel condidit iubendo, sed & edixit & promulgauit personaliter docendo, & adimpleuit seruando, Esa. xxxij. Dominus legifer noster, Dominus Rex noster. Deut. xxxij. In dextera eius ignea lex, dilexit populos &c. Quasi lex terrena mandata iudicialia, ad modum terræ graua, prementia non premiantia, obruentia non eruentia. Quasi lex aquea, mandata ceremonialia. Quasi lex aerea, cætera moralia. Sed amandi lex ignea, lucens, incendens, fursum mouens, carbo incipientibus, flamma proficientibus, lux perfectis. Hæc est lex in dextera, non tantum in corde eius, ad dictandum & diiudicandum. Et non in sinistra, sed in dextera manu, ad implendum, ad cooperandum, ad premiandum, Psal. lxxxij. Etenim benedictionem dabit Legillator. Ecce lex Domini conuertens animas, mater & origo legum diuinarum, magistra & domina humanarum rationabilium & æquarum, hostis iniquarum. Cuius obseruantia per gratiam in hac uita initiatur, & continuata usq; ad mortem in alia uita consummatur. Cum in ea de seruiente miles, de nouitia professus, de sponsa subarrata sit cõiunx consummata, per Ihesum principem summæ Maiestatis, Abbatem summæ sanctitatis, sponsum diuinæ charitatis, qui cum Deo patre & spiritu sancto uiuit & regnat Deus in sæcula sæculorum, Amen. Hæc S. Thomas.

Quis igitur tam uesanae, reprobæ ac deploratæ mentis sit, qui tam pijs eruditisq; ac solidis doctoribus, Cypriano, Ambrosio, Hieronymo, Augustino & Thomæ Aquinati, quos omnes aduersus solam fidem produximus, non magis credat & consentiat, quàm uerbofo huic nugoni, qui tantos uiros simul cum tota Ecclesia tam stulte impugnat quàm superbe iudicat, cui censoriam uirgam nemo dedit, sed temere ipse sibi sumit. In quem profecto cum pio Iob dicere possunt,

O iij

Nunc

S. Tho. in opusculis opus. 61.

70  
Laudes charitatis ex S. Tho.

71



# DE SOLA FIDE

**Iob. 30.** Nunc derident nos iuniores tempore, quorum non dignabamur patres ponere cum canibus gregis nostri. Nunc in eorum canticum uersifumus, & facti sumus eis in prouerbiū. **Phil. in Locis communibus.** Philippus enim iste superbiſſime præ ſe contemnit Origenem, quem tamen ſequi fatetur Græcos magno conſenſu, & ex Latinis eos, qui uidentur eſſe columnæ, Ambroſium ſcilicet & Hieronymum. Et hanc eius ſuperbiam fouet ſuus **Luth. in epiſtola præliminari in Anno.** Lutherus, qui ſic præfert eum omnibus, ut non uereatur ſcribere, Hieronymi & Origenis Cōmentaria, eſſe meras nugæ & ineptias, ſi Philippi ſui Annotationibus comparentur. Et ne ſactitet aliquis, Philippum Paulo quoq; ſuperiorem uel æqualem eſſe, ait Philippo, Sufficit te proximum Paulo eſſe.

72

Quantumuis autem inſlet eum ſcientia, nos tamen amore ueritatis oſtendimus & olim quā ſœde lapſus ſit tum in Didymo ſuo tum in locis communibus de libero arbitrio, & nunc non ſolum quā in epte, uerum etiam quā maligne ac fraudulentè aſſerat ſolam fidem. De qua tamen non aſſerenda ſed reiſcienda fide conſenſerat nobis Auguſtæ in concordie Tractatu. Malignitas proſecto ingens eſt, tot nos onerare calumnijs contra conſcientiam propriam. Nec minor fraudulentia in ſimulando & diſſimulando, dum in omnem partem tortuoſe uertit calamum, ut incautos decipiat. Nos autem tortuoſum hunc colubrum, quamlibet lubricum & ſæculari rhetorica uerſutum, ita tenemus medium, Deo bene iuuante, ut nullo aſtu elabi poſſit. Conſtringitur enim Saxonicæ Viſitationis proprijs uerbis, quod non ſola fides, ſed etiam poenitentia prædicanda ſit, quia carnalis illa de ſola fide ſecuritas peior ſit omni ſub Papatu errore. Conſtringitur & proprio conſenſu in concordie Tractatu, ubi conſenſit, omittendam eſſe hanc uoculam, Sola. Conſtringitur item arduſſime publica & M. T. Cæſar, & omnium ſacri Ro. Imperij Ordinum autoritate & ſententia, qua publice decretum eſt Auguſtæ, ne doceatur ulterius, nos ſola fide iuſtificari. Conſtringitur deniq; ualidiſſime inſallibili ſacræ ſeripturæ cenſura & iudicio, dum nos apertiſſime ex uerbis Prophetarum Chriſti, Pauli & aliorum Apoſtolorum, conuicimus, hominem non ſola fide iuſtificari, atq; etiam ex ſuperabundanti idipſum probauimus non ſolum autoritate B. Auguſtini & S. Thomæ, uerum etiam Dialectices præſidio, inferentes ex iſta propoſitione, Sola fides iuſſificat, multa quæ omnino falſa ſunt. Quod certe fieri non poſſet, ſi eſſet ipſa uera, iuxta tritam iſtam Dialecticorum regulam, Ex falſo uerum, Ex uero nil niſi uerum, Dixi.

Philippica

# PHILIPPICA

QVARTA IO. COCHLEI, DE SEPTIMO & octauo Confessionis Lutheranae articulis, ubi agitur de Ecclesia.



Vanquam magnæ nobis erant causæ, Inuidissimè Imperator, circa septimum Luthericæ Confessionis articulum & acrius & scrupulosius respondendi quàm fecimus: non tam propter uerba Confessionis (quæ subdolo captandæ gratiæ & beneuolentiæ lenocinio insidiosè blandiebantur in hypocrisis) quàm propter priora tum Lutheri tum Philippi huius contra Ecclesiam scripta, per quæ sane nimium constabat, quàm contemptim & inique fuerit ab eis conculcata sanctæ matris Ecclesiæ autoritas.

Mitisime tamen & publice responsum est eis in conspectu M. T. & seorsum hac de re acitatum cum eis in Concordiæ tractatu, id quod acta publica testantur, quæ Imperialibus gestorum scrinijs inserta sunt, & Augustæ in Authentica forma per publicum & iuratum Notarium, Immo plus quàm Notarium, nempe per insignem quendam Iureconsultum & Cancellarium, D. Hieronymum Veun, & M. T. & sacri Ro. Imperij Ordinibus exhibita & perlecta. Nam quum Catholici omnes uere desyderarent Ecclesiæ pacem, quam & Lutherani suppliciter ambire & à M. T. petere uiderentur, non conueniebat, acriori responsio eam expectationem labefacere. Vnde factum est, ut benignius ac simplicius ad totam eorū Confessionem responsum sit quàm uel meruerant ipsi uel causæ magnitudo exigebat. At Rhetoris huius tanta est in nos amarulentia, ut in Apologia mox sub initium criminetur nos Sycophantas, quod in responsione nostra monuimus, ab Ecclesiæ consortio non segregandos esse malos & peccatores qui in Christum credunt, cum ipsi dicerent, Ecclesiam esse congregationem sanctorum.

Huius autem benignæ admonitionis nostræ & multæ profecto & necessariæ nobis erant causæ, Imperator, quas optimo cuiq; facile probaremus. Constabat enim quàm peruersæ & perniciosæ fuerint de Ecclesiæ membris opiniones Vualdensium, Viclephistarum, Hussitarum atq; aliorum id genus hæreticorum, quorum dogmata terq; quaterq; damnata, impio ausu Germanæ populis inculcant contra M. T. Edictum Lutherani,

Etenim



## DE ECCLESIA CATHOLICA

**Vualdenses.**

**Pauperes de  
Lugduno.**

**Dulcinistæ.**

**Vuiclephistæ.**

**Husitæ.**

Etenim docebant Vualdenses, sacerdotium Apostolicum ablatum esse ab Ecclesia Romana tempore Sylvestri Papæ & Constantini Imperatoris, Romanos itaq; sacerdotes, quoniam uitis omnibus scaterent, neminem absolueri posse. Docebant Pauperes de Lugduno se solos esse Christi Ecclesiam, uerosq; Christi discipulos & Apostolorum successores, proinde se solos absolueri ligandiq; potestatem habere, Romanam uero Ecclesiam esse Babylonem & meretricem omnesq; damnari quicunq; obediunt illi. Docebant Dulcinistæ, auctoritatem Ro. Ecclesiæ omnino euacuatam esse, & iamdudum cessasse propter malitiam Prælatorum, totamq; potestatem illam spiritua-lem, quam Christus dedit Ecclesiæ, translatam esse in sectam suam, quam dicebant de ordine Apostolorum. Docebant Vuiclephistæ, Episcopos & presbyteros, qui in peccato mortali essent, non ordinare, non conficere, non baptizare, non consecrare, Ro. Ecclesiam esse synagogam Satanæ, & Papam cum omnibus Cardinalibus & Clericis, possessionem habentibus, hæreticos esse, & non modo eos, sed etiam laicos illis consentientes. Docebant Husitæ, Ecclesiam esse numerum prædestinatorum, Præcitos autem, etsi aliquando sint in gratia secundum præsentem iustitiam, nunquam tamen esse partem ecclesiæ sanctæ. Non oportere igitur credere, quod Papa sit caput Ro. Ecclesiæ, nisi reuelatum sit, eum à Deo prædestinatum esse. Nec esse Papam uerum & manifestum successorem Petri, si non imitetur mores & uitam Petri &c. Cum igitur nos non lateret, consimiles impietatis & uelanie uoces à Lutheranis quoq; passim spargi ac iactari in uulgus, necessarium sane uidebatur nobis, contra huiusmodi errores breuem admonitionem pie & absq; omni amarulentia superaddere, ne uideremur in eiusmodi errorem tacite consentire, neue alij talem sensum ex uerbis eorum conciperent.

Nullam igitur dedimus amaro huic conuictatori causam ad atroces calumnias dirasq; imprecationes suas, quas in Apologia sua in nos hostiliter eiaculatur, dum inuidiose queritur, nullum remedium esse aduersus Sycophantæ moriū, nihil tam circumspecte dici posse, ut calumniam euitare queat. Atq; ut calore aliquando rhetorico ignescere ac fulminea Iouis sui uerba intonare uideatur, ait alicubi, Deus perdat istos impios Sophistas, tam scelestæ detorquentes uerbum Dei ad sua somnia uanissima. Hic est scilicet decorus, quo decebat hunc Oratorem uti ad Cæsaream Maiestatem in modum lixæ aut lotricis conuictari ac maledicere. At tuum esto Cæsar iudicium, num iuste aut

Christiane

## PHILIPPICA IIII.

Christiane sic quiritetur aduersum nos seuus iste Gigantum fraterculus. Certe responsio, in quam sic inuehitur, tam hostilia non meruit, eaq; non tam nostra quam M. T. omniumq; sacri Ro. Imperij Ordinum fuit. Hæc enim uerba præmittebantur in prologo, Quam sane responsionem, sacra Cælareæ Maiestas, ut decet Christianum Imperatorem, accuratissime perlegit, ac cæteris Ro. Imperij Electoribus, Principibus & Statibus legendam dedit & examinandam, quam & ipsi, tanquam Orthodoxam, & cum Euangelio & sacris literis per omnia consentientem approbauerunt. Sed & in Recessu Imperiali idem affecuta est responsio illa testimonium publicum & M. T. & omnium sacri Ro. Imperij Ordinum.

Non igitur sine graui læsæ Maiestatis crimine tot maledictis & calumnijs incessitur, laceratur, atq; traducitur ea responsio à procaci ac rebellî hoc rhetorculo, cuius tanto maior est in conuitiando malignitas, quanto certius nouit (utpote qui præsens interfuit) quam benigne summa cum diligentia, maturitate & instantia p. o reparanda unitate omniq; discordia salubriter tollenda, cum Lutheranis Augustæ & à M. T. & ab alijs Imperij Ordinibus actum sit. Quicquid igitur in eam responsionem dicit, in M. T. & in alios Principes ac Status Imperij, qui eam approbauerunt, dicere conuincitur, uelut perditionis & læsæ Maiestatis reus.

Nos admonitioni illi nostræ nullum scomma, nullum conuitium adiecimus, sed causas fideliter adduximus tum ex diuersis Euangelij locis & parabolis, tum ex sententia & autoritate Concilij Constantiensis, quod dogma illud Husiticum, quo segregantur ab Ecclesia Christiani mali & peccatores, publice damnauit, & autorem illud pertinaciter asserentem, hæreticos damnauit. Et iustissime quidem. Est enim dogma illud & antea sæpissime dammatum, non modo in barbaris hypocritis, Vualdensibus, alijsq; supra commemoratis hæreticis, uerum etiam in plerisq; alijs simili pharisaismo superbientibus alijsq; præsecta sua contemnentibus & damnantibus.

Quales fuerunt fraticelli seipsos flagellantes, qui inter quinquaginta damnabiles & damnatos articulos secundo loco ponebant, ac superbe affirmabant, Deum reiecisse Papam omnesq; Episcopos & Prælatos ac presbyteros, ne deinceps populo in spiritualibus præfessent, omniq; eos absoluendi & ligandi potestate priuasse, omnia uero in Crucifratres transulisse. Et Leoniste, qui inter lxx. perfidiæ suæ articulos uanissima superbia docebant, Ecclesiam Romanam non esse

P Ecclesiam

6  
Fratres flagellatores.

Leoniste.



# DE ECCLE. CAT.

Ecclesiam Ihesu Christi, sed Ecclesiam malignantium, Papam esse caput omnium errorum, Prælatos scribas, Monachos pharisæos, non esse obediendum Prælati sed soli Deo, Romanam ecclesiam propter peccata Cleri damnatam esse.

7

*Donatistæ.* Et longe ante eos consimili superbia insaniebant Donatistæ in

Aphrica, in quos tam multos edidit libros sermonesq; & Epistolas B. Augustinus, quia damnabant omnes ecclesias totius mundi quæ non sequerentur partes Donati, nec ullum è Catholicis in suum admittebant consortium, nisi rebaptizatum, quasi nullibi essent uera sacramenta nisi in parte Donati. Contra quos sic ait B. Augustinus in quin

*Aug. in Ps. 10.* quagenis. Non confidunt in Domino, qui tunc esse dicunt sancta Sacramenta, si per sanctos homines dentur. Cogunt itaq; eos, qui accipiunt sacramenta, spem suam in hominem ponere, cuius cor uidere non possunt. Et maledictus omnis, qui spem suam ponit in homine.

*Hiere. 17. Idē in Psal. 85* Et iterum. Christo (inquit) tales maledicunt, qui dicunt, quia perijt ecclesia de toto orbe terrarum, & remansit in sola Aphrica. Si diceres illi, perdes uillam tuam, forte non à te temperaret manum. Et dicis, Christum perdidisse hæreditatem suam, redemptam sanguine suo? Quam autem faciat iniuriam, uidete fratres. Scriptura dicit, In lara gente gloria regis, in diminutione populi contritio principis. Ergo hæc iniuriam facis Christo, ut dicas, populum eius ad istam exiguitatem diminutum. Ideo natus es, ideo Christianum te dicis, ut inuideas gloria Christi? cuius signum te in fronte portare asseris, & de corde perdidisti? Hæc & id genus plurima B. Augustinus uarijs in locis & libris contra Donatistas, prædamnatos Lutheranorum proauos, quos illi reipsa sequuntur, licet uerbis in Confessione sua damnent.

8

Quemadmodum enim Donatistæ separarunt se à Catholica Ecclesia propter unum hominem factosum, nempe Donatum, qui per inuidiam, dolens sibi in Episcopatu Carthaginesi prælatum fuisse Cecilianum, diuisit plebem, & factione sua in odiū Cecilianum alium constituit Episcopum Maiorinum, atq; ut factioni suæ robur adderet, Cecilianum traxit in iudicium, multa ei crimina calumniose obijciens non solum Romæ apud Melchiadem Papam, & Arclati apud Galliarum Episcopos, uerum etiam coram Imperatore Constantino N° agno. Et quanquam ubiq; succubuit uictus, nihilominus plebem interum & nouarum rerū cupidos falsis in electum Episcopum criminacionibus ita traxit in partem suam, ut creuerit ea factio intra breue tempus in tantam sanæ multitudinem, ut in Aphrica numerum Catholicorum superare

## PHILIPPICA IIII.

superare uideretur, nam supra CCC. Episcopos in parte sua numerabat, adeoque inualefcebat, ut Romæ quoque Episcopum sibi in parte sua ordinaret, ita & Lutherani nunc separant se perniciosissime non solum à Papa & ab Ecclesia catholica, uerum etiam à M. T. Imperator & ab omnibus catholicis Principibus ac Statibus sacri Ro. Imperij, propter unum factiosissimum hominem, nempe Lutherum, cui sic adhaerent, ut non uereantur propter eum schisma excitare, ut hac audacia sua multos Imperij populos & Papæ & M. T. rebelles efficiant, atque in factionem trahant suam.

Verum Donatistæ multo plus in malitia sua gloriari poterant quam possunt Lutherani. Primum, quia multos habebant in parte sua Episcopos. Quamuis enim Maximianistæ (pars factionis eorum) rapuissent in partem suam centum Episcopos, reliqua tamen multitudo retinuit multo plures, nempe CCC. & X. Episcopos. At Lutherani hactenus per annos XIII. ne tres quidem Episcopos in partem suam trahere potuerunt, quamuis barbara, instar Pighardorum, temeritate passim in oppidulis suis ex plebanis & apostaticis Monachis sine omni ordine Episcopos uoce tantum instituerint, quos Cerdonibus similiores dicas quam sacerdotibus. Deinde, longe maior Donatistarum erat multitudo quam Lutheranorum. Hi enim in una tantum prouincia, nempe in sola Germania, suas habent in manifesto Ecclesias: illi uero ultra CCCC. Episcoporum populos Africæ etiam in transmarinis regionibus, atque adeo in ipso capite mundi ROMA & populos habuerunt & Episcopos.

Tertio, multo plures maioresque & doctiores habebant defensores Donatistæ quam Lutherani habent. Illi enim permultos habebant Episcopos eosque ita & eruditione & eloquentia ingenijque acrimonia decoratos, ut cum ipso Augustino, fulgidissimo illo Ecclesiæ catholicæ lumine & præsidio, congregari atque contendere & auderent & possent, non solum in priuatis seu literis seu colloquijs, uerum etiam in publicis plurimorum Episcoporum conuentibus & collationibus, licet causa & æquitate semper inferiores essent. Quem uero dabunt nobis ex omnibus defensoribus suis Lutherani, qui Augustino comparari aut in arenam cum eo honeste committi potuisset? Superbissimi quidem sunt Lutherus & Philippus iste, duo eorum luminaria, qui stulta confidentia seipsum maximi faciunt, & supra omnes factitant, sed quales aut quanti forent, obiecto, ad Augustinum comparati? si nos paruuli & priuati homines, possumus, Deo dante, eos tum scripturis tum

P h

proprijs

9  
In multis excel-  
lebant Luthe-  
ranos Dona-  
tistæ.



## DE ECCLESIA CATHOLICA

proprijs eorum libris, & hæreseos convincere, & de innumeris redarguere mendacijs, quid non posset in eos inuictissimus ille Catholicorum propugnator omnisq; generis hæreticorum debellator Augustinus? Nemo (arbitror) eousq; desipiet, ut censeat eos dignos qui Augustino conferantur. Quid enim ad talem tantumq; Episcopum uideantur infamis & periurus Apostata, uxoriusq; & pene imberbis adhuc pædotriba?

*Aug. Epi. 50.* Quarto. Longe pauciores habebant errores Donatistæ quàm Lutherani. Illi enim præter uitium schismatis, non alium docebant errorem, nisi quod Catholicos ad se transeuntes, rebaptizabant, tanquam extra eorum sectam nemo uere baptizari possit. Lutherani uero cunctis propemodum hæreticis errore aliquo participant, quemadmodum diserte attestata est iam olim sacratissima M. T. in Edicto Vuormaciensi.

Quinto. Errorem suum Donatistæ argute & copiose probare uidebantur ex plurimis sacræ scripturæ locis, atq; etiam autoritate S. Cypriani, gloriosi Doctoris & Martyris Christi. Quantis enim rationibus & scripturis contendit uir ille sanctissimus, extra Ecclesiam apud hæreticos non uerum esse baptisma, proinde rebaptizandos esse eos qui ab hæreticis ad Ecclesiam ueniunt? quem non moueat in epistola ad lubatanum? in epistola ad Pompeium? in epistola ad Stephanum Ro. Pontificem? maxime uero in Concilio Carthaginensi, ubi tot præclari Episcopi ei consenserunt? Ea itaq; omnia Donatistæ in partem & sententiam rapiebant suam, licet inique, quia Catholicos pro hæreticis habebant, & se solos ecclesiam Dei dicebant, quod certe S. Cyprianus nunquam fecit, ne cogitauit quidem. Quid uero pro innumeris erroribus suis comprobandis afferunt Lutherani: multa quidem uerba, sed sine ratione, sine pondere, sine æquitate. Maxima librorum suorum pars conuitia habet & calumnias factantiasq; impudentes, Si quando uero afferunt scripturas, eas ita deprauant ac detorquent, ut credas nunquam fuisse crudeliores aut maligniores ueritatis & uerbi Dei carnifices & caupones quàm isti sunt.

*10 Rom. 2.* Placet igitur nobis, Imperator, à Lutheranis in Confessione sua damnari Donatistas, at nihilominus dicimus eis ex Paulo apostolo, quod inexcusabiles sint. In quo enim alios iudicant, seipsos condemnant, eadem enim agunt quæ iudicant, immo & multo peiora perpetrant, uti iam dictum est. Quot enim errores docent, quos illi non docuerunt; rebaptizabant illi Catholicos, isti miseris rebaptizati sunt nostris

# PHILIPPICA IIII.

nostris anſam & originem dederunt, ut oſenſum eſt ſupra, & ultra hunc errorem multo plures circa baptiſmum addiderunt. Non docuerunt Donatiſtæ, Baptiſmum neminem iuſtificare nec ulli prodeſſe, ſed ſolam fidem, uti Lutherus docet, Nec deſtruxerunt baptiſteria Donatiſtæ, nec irriſerunt benedictionem fontis baptiſmalis, nec omiſerunt ſolemne exorcizandi ritum, nec mutauerunt conſuetas circa baptiſmum ceremonias, ut faciunt barbarice Lutherani. Neq; alios multos Lutheri de baptiſmo errores, quos ego alibi commemorauī, aſſeruerunt Donatiſtæ. Hic breuitatis gratia ſufficiat, M. T. oſtendere, Donatiſtas multo minus reprehendiſſes fuiſſe etiā circa baptiſmum (in quo uno male reperito errabant) quā reprehendiſſibilis eſt Luthericus iſte deſenſor, qui Donatiſtas damnat, qui certe nihil eorum docuerunt, quæ ex libris Philippi huius recitanda nunc exhibeo.

Recita.

## SCRIBA. Errores Philippi de Baptiſmo.

- I Duo ſunt omnino ſigna ſacramentalia, Baptiſmus & Euchariftia: Reliqua ſacramenta quæ connumerantur, commenta ſunt hominum. Phil. in Anno. 1. Cor. ii.
- II Eſtq; baptiſmus propriæ poenitentię ſignum, ſicut Iohannes dixit, ſe baptizare in poenitentiam.
- III Nec ſacramentum poenitentię diſtinguendum eſt à baptiſmo, quia ipſe baptiſmus eſt ſacramentale ſignum poenitentię.
- IIII Non iuſtificant ſigna, ut Apoſtolus ait, Circumciſio nihil eſt, ita baptiſmus nihil eſt, participatio menſæ Domini nihil eſt, ſed teſtes ſunt & ſphragides diuinæ uoluntatis erga te. Idem in Locis communibus. Sphragides, id eſt, ſigilla uel ſignacula.
- V Vel ſine ſigno Gedeon uicturus erat, ſi credidiſſet: ita ſine ſigno iuſtificari poteſ, modo credas, adeo non iuſtificant ſigna.
- VI Fidei excitandæ gratia ſigna ſunt propoſita: Nunc & fidem & ſignorum uſum extinxerunt, qui ea in quæſtu habent.
- VII Hæc de ſignorum natura ideo monui, ne quis ſcholasticos ſequatur, qui iuſtificationem horrendo errore ſignis tribuerunt.
- VIII Atq; hinc adparet, quā nihil ſigna ſint, niſi fidei exercendæ mnemoſyna.
- IX Vterq; baptiſmus idem ſignificat, ſed hoc diſcrimine, quod adhuc prædicandæ gratiæ Iohannis baptiſmus teſtimonium erat, Chriſti baptiſmus iam collatæ.
- X Non iuſtificabant neq; Iohannis neq; Chriſti baptiſmus, de ſigno loquor, ſed certificabant, Iohannis lauacrum de prædicandæ

P ij

adhuc



## DE ECCLESIA CATH.

adhuc gratia, Christi baptismus testabatur iam collatam esse gratiam, & promulgatam promissionem gratiæ. In utroq; iustificabat fides.

XI Sacramentum poenitentiae uel signum non aliud nisi baptismus est.

XII Neq; aliud est uita Christiana, nisi hæc ipsa poenitentia, hoc est, regeneratio nostri.

XIII Sicut Euangelium non amissimus alicubi lapsi, ita nec Euangelij sphaeragida baptismum.

XIII Certum est autem, Euangelium non semel tantum, sed iterum atq; iterum remittere peccatum. Quare non minus ad secundam condonationem quam ad primam baptismus pertinet.

12

**Rebaptizantium tria genera.** Nihil horum docuerunt, Imperator, Donatistæ, qui hac una re grauissime & peccabant & errabant, quod rebaptizabant Catholicos qui ad sectam eorum transibant, & affirmabant extra sectam suam non esse usquam uerum baptismum. Luthericos uero & Philippicos de baptismo errores nusquam docuerunt. Minus igitur & in ea parte, in qua sola grauissime peccauerunt, reprehensibiles uidentur, quam sunt irreligiosi & impij doctores isti nouelli. Quid ita? Quia Donatistæ semel tantum rebaptizabant, idq; faciebant, non ut intenderent rebaptizare, sed ut semel uere baptizarent eum, qui alibi falso (ut ipsi putabant) baptismate inaniter baptizatus fuisset. Quemadmodum nunc infelices Anabaptistæ nostrates, rebaptizant semel tantum adultos, tanquam inaniter baptizatos in infantia sine propria fide. Lutherus uero & Philippus toties repetunt baptismum, quoties absolutio nem & Euangelium, nullum aliud permittens poenitentiae signum seu sacramentum quam baptismum. Quem tamen ita euacuant, ut nullam in eo iustificandi uirtutem relinquunt. Hoc autem Donatistæ fecerunt minime, grauius igitur etiam circa baptismum errant & peccant Lutherani quam Donatistæ fecerunt, non solum quod barbarice reijciunt priscas circa baptismum ceremonias, uerum etiam quia tollunt ab eo iustificationem, & repetunt eum quotiescunq; à peccatis absoluunt, signum poenitentiae ex eo facientes, ut duo tantum Ecclesiæ sacramenta relinquunt, reiectis alijs quinq;. At hæc Donatistæ non fecerunt.

13

**Errores Lutheri innumeri.** Quantula uero est hæc, ô Auguste, Luthericarum impietatum portio, licet in ea uel pessimis hæreticis peiores esse cōuincantur. Tanta profecto est reliquorum Luthericæ doctrinæ errorum & multitudo

iuxta

# PHILIPPICA IIII.

iuxta & magnitudo, ut omnes eorum circa baptismum errores (qui certe neq; pauci neq; parui sunt, si accuratius conquirantur & expendantur) uelut leuis ac minima portiuncula, pro nihilo præ illis multis & magnis haberi queant. Quis enim absq; tædio percontetur, quot & quantos errores circa unum Eucharistiæ sacramentum male conceperunt, peius pepeterunt, pessime dilatauerunt? Si tua Cæsar Maiestas iusserit, aut Lutherani à me postulauerint, non granabor equidem uel mille propositiones erroneas circa istud sacramentum ex unius Lutheri libris in unum cumulum extrahere, quarum nullam uel sedes Apostolica uel ulla Vniuersitas sit admissura. Deinde si plures quis requisierit à me, ubi operæpretium uidebitur, dabo certe sexcentos Lutheri articulos reprobabiles circa sacramentum poenitentiae, ac totidem circa sacramentum Ordinis, atq; etiam plures (si opus fuerit) circa sacramentum Matrimonij. Excedit enim Saxonicus iste Apostata omnes omnium ætatum hæreticos non solum superbia, iactantia, temeritate, furore & audacia, uerum etiam barbatica impietatum immanitate & damnatorum damnabiliumq; errorum numero. Id quod M. T. Cæsar iam olim præsensit, ac diuinitus attestata est in Edicto Vuormaciensi. Quantos uero interim per X. annos continuos superaddidisse illum putemus, tot editis Teuthonice libris sermonibusq; & utriusq; Testamenti translationibus dicam an deprauationibus?

Hæc sane sunt M. T. uerba, ex Teuthonico translata, in Edicto Vuormaciensi. Et mente sua in eam cecidit insaniam, ut gloriatur, si memoratus Huls semel hæreticus fuerit, ipse decies hæreticus existat. Atq; ut omnes aliæ innumere Lutheri iniquitates, breuitatis gratia, omittantur, unicus iste, non homo, sed uelut Diabolus in specie hominis cum assumpta Monachatus cuculla, plurimorum hæreticorum maxime damnatas hæreses, quæ diu latuerunt, in unam fetidam paludem in simul congregauit, & quasdam à nouo excogitauit ipse. Hæc & id genus grandia multa in Edicto Auguste tuo, quæ tunc Vuormaciæ comprobauerunt publice reliqui Principes ac Status Imperij, sed & Augustæ anno superiore ab eis (demptis paucis) repetito consensu & approbatione sunt publice confirmata.

Tanta tamen est impudentis huius Rhetoris audacia, & infrunita temeritas, ut reum hunc suum, tot præiudicijs iudicijsq; & sententijs constrictum, grauatum ac reaggrauatum, ita ad M. T. defendere eiusq; doctrinam impiam ac sceleratam commendare præsumat, ut

14  
Damnatio Lu  
theri in Edi  
cto.

non



## DE ECCLESIA CAT.

non uereatur etiam accusatoris partes contra nos, qui iussu M. T. benigne ad omnia respondimus, agere, perinde ac si nihil unquam aduersus Lutherum eiusq; doctrinam pronunciatum sit. Cum non ignoret, libros eius iam olim & damnatos & exustos esse non solum à Papa & à M. T. à supremis inquam Ecclesiæ Christi potestatibus, quibus Christianos sub animæ suæ salute obedire docet Apostolus, uerum etiam ab alijs Regibus & Principibus totius Christianitatis, in Angliâ, Scotia, Francia, Polonia, & ubi non? Quos & Turcas detestari ferunt, magis tamen propter seditionis incendia, quæ passim in hæc libris inserta sunt, quàm propter eius errores in fide & religione. Nam & M. T. in supra memorato Edicto affirmat, illum nihil propemodum aliud scribere, nisi quod ad seditionem, schisma, bellum, cædem, rapinam & incendium, atq; ad totam Christianæ fidei defectionem tendat ac deseruiat.

Rom. 13.

15 Eat nunc Philippus, & in conspectu M. T. dicat nos Sycophantas, calumniatores, crudeles & impios Sophistas, quos scit longe mitiora in Luthericam doctrinam dixisse Augustæ tum in responsione publica, tum in Concordiæ tractatu, quàm ante X. annos prius dixerunt & fecerunt summa Ecclesiæ capita Ro. Pontifex & Ro. Imperator, & post eos, summi Reges & Principes, Rex Franciæ, Rex Angliæ, Rex Poloniæ, Dux Lotharingiæ, Dux Sabaudia, Dux Geliæ, Duces Bauariæ, Saxoniam item Dux Georgius, & Elector Imperij Marchio Brandenburgensis, aliq; nec pauci nec contemnendi Principes, qui sic damnarunt Lutheri doctrinam, ut nonnulli eorum morte affecerint non modo impios assertores & doctores, uerum etiam Bibliopolas & cursores, qui pestilentes ac uetitos libros attulerant.

16

Nos autem, qui Sycophantæ & impij Sophistæ à Philippo dicimur, quid fecimus? Longam (inquit) declarationem addiderunt, quod mali non sint ab Ecclesia segregandi. Est ne additio ista usq; adeo uel iniqua uel impia? At audisti supra, Imperator, quàm necessarium fuerit nobis, contra diuersos multorum hæreticorum errores eam declarationem adijcere. Quid uero dicturus erat Philippus, si nos atroces & impias in sanctam Ecclesiam iniurias, quas ipse & Lutherus alibi scripserunt ac in uulgus disseminauerunt, contra M. T. leges & Edicta, in responsione nostra, immo publica & Imperiali recitandas exhibuissemus? nunquid nullas noueramus? At satis constat etiam Laicis tum Catholicis tum Lutheranis, quàm graues multasq; & uarias in Rom. Ecclesiam contumelias & calumnias scripserint, dixerint, pinxerint,

# PHILIPPICA IIII.

pinxerint, cantauerint Lutherani tum publice tum priuatim, propter quas profecto uel solas & temporali & æterno supplicio digni forent.

Quantas deinde scripserunt ac prædicauerunt in sacrosancta Concilia Oecumenica: quantas in omnem ordinem Ecclesiasticum: quantas in septem Sacramenta: in publica sacra: in solennes ceremonias: in receptas religionis nostræ obseruationes: in dies festos: in ieiunia: in peregrinationes: in fraternitates: in uestimenta & uasa consecrata: in quosdam noui Testamenti libros: in approbatas Ecclesiæ consuetudines: in sanctos Ecclesiæ Doctores: in sacros Canones: Breuiter in omnia sacra & mysteria fidei nostræ: Quid non contaminauerunt: quid saluum & intactum reliquerunt in tota Ecclesiæ Hierarchia: Nos tamen pacis & concordie studio de ijs omnibus dissimulantes, unum, quod necessarium erat, adieciimus, ne ab Ecclesia segregarent malos aut peccatores in Christum credentes, & propter unum istud uerbum mox dicimur Sycophantæ. Scilicet hæc est Lutheranorum patientia, in qua suas possideant animas.

At cur damnant ipsi Donatistas, qui nequaquam tot uel errores uel iniurias & blasphemias in Ecclesiam, quot ipsi, euomuerunt: Tolle enim seprationis crimen & unum de baptismo errorem, & inuenies Donatistas sexcentuplo meliores magisque pios quam Lutherani sunt. Cur ergo damnati sunt: quia schisma in hæresim uerterunt, & extra sectam suam nusquam uera putabant esse sacramenta. Magna quidem per se sunt ista, & damnatione dignissima, sed parua admodum & leuia uidentur, si ad Lutheranorum errores & furores conferantur, & in ijs Lutherani quoque rei comperiantur, licet illos damnent. Quantum enim schisma excitarunt: & id quantis cum tumultibus: quantis item erroribus antiquarum hæresum contaminatum: Donatistæ suam tantum sectam commendabant, Lutherani uero dicunt beatos Græcos, beatos Bohemos, beatos omnes quicunque sese à Ro. Ecclesia separarunt. Vnde & barbaram Vualdensium colluiem longe supra Ro. Ecclesiam laudibus extollunt, licet in hoc eam reprehendant, quod septem asserunt sacramenta sicut Ro. Ecclesia, cum ipsi duo tantum superesse affirmant.

Luth. in Episto  
men Syluestri.

Lut. ad fratres  
Vualdenses.

Quantumuis uero causetur & conuittetur in nos Philippus, ream tamen euidentia uictus, in eandem nobiscum sententiam post longas & inanes ambages & logomachias reuertitur. Concedit enim impios & hypocritas in hac uita, qua nondum reuelatum est regnum Christi, esse admixtos Ecclesiæ, & gerere officia in Ecclesia, atque etiam

Q

membra



## DE ECCLESIA CATH.

membra Ecclesie, secundum externam societatem signorum Ecclesie, hoc est, uerbi promissionis & sacramentorum, existere, præsertim si non sint excommunicati. Nec sacramenta ideo non esse efficacia, quia per malos tractantur, imo recte nos uti posse sacramentis, quæ per malos administrantur. Hæc, Imperator, ipsemet affirmat Philippus. Quid uero amplius tribuit impijs & hypocritis responsio nostra? Nunquid dicimus eos habere gratiam Dei, aut charitatem diffusam in cordibus per spiritum sanctum? nunquid sanctorum in cœlis consortium aut societatem angelorum? nūquid impios dicimus regnum aut hæreditatem Christi? Absit, sed dicimus malos & peccatores in Ecclesia huius uitæ admixtos esse bonis & sanctis, usq; ad consummationem sæculi, iuxta parabolas Domini Matth. xij. & xxv. Eam proinde ponimus differentiam inter Ecclesiam triumphantem & militantem, quod in hac reperiuntur boni & mali, in illa boni tantum.

19  
Ecclesia san-  
cta est & dici-  
tur, licet in ea  
aliqui sint ma-  
li.

Philippicæ. 3.

1. Cor. 15.

Dicimus nihilominus Ecclesiam sanctam, licet mali quoq; in ea consistant. Est enim trita Dialecticorum regula, à digniori denomi- nationem fieri. Iustius est igitur, ut Ecclesia militans à bonis dicatur sancta quam à malis execrabilis aut prophana. Et huius regulæ pul- chra habemus in scripturis exempla. Nam Paulus ad Corinthios scri- bens ait. Paulus Ecclesie Dei quæ est Corinthi, sanctificatis in Chri- sto Ihesu, uocatis sanctis, cum omnibus qui inuocant nomen Domini nostri Ihesu Christi. Et post pauca. Quia in omnibus diuites facti estis in illo, ita ut nihil uobis desit in ulla gratia. Et infra. Nescitis quia tem- plum Dei estis, & spiritus Dei habitat in uobis. Siquis autem tem- plum Dei uiolauerit, disperdet illum Deus. Templum enim Dei san- ctum est, quod estis uos. Item. Omnia enim uestra sunt, uos autem Christi, Christus autem Dei. Et rursus. Nescitis quoniam corpora ue- stra membra sunt Christi? Tollens ergo membra Christi, faciã mem- bra meretricis? Absit. Item. An nescitis, quoniam membra uestra templum sunt spiritus sancti, qui in uobis est &c. Nos autem supra ostendimus M. T. Cæsar, non omnes, qui Corinthi erant, ad quos Paulus scripsit, fuisse sanctos & iustos, sed permultos in ijs fuisse pecca- tores & malos, è quibus unum tradidit Satanæ, alijs minabatur futurum aduentum in uirga, alios dicebat corripi à Domino, multos item dor- mire, quosdam etiam errare in fide, qui dubitabant etiam de necessa- rio quodam fidei articulo, nempe de carnis resurrectione. Sic & ad E- phesios, ad Pphilippeuses & ad Colossenses scribens, uocabat eos san- ctos.

# PHILIPPICA IIII.

Aos, Non sane quod nemo inter eos esset malus aut peccator, sed à dignioribus in commune sancti dicebantur.

Sic & Petrus ait. j. Pet. ij. Vos autem genus electum, regale sacerdotium, gens sancta, populus acquisitionis. Et in ueteri Testamento ait Dominus ad filios Israel, Exo. xix. Vos eritis mihi in regnum sacerdotale & gens sancta. Et Moyses Deut. vij. Sculptilia comburite, quia populus es sanctus Domino Deo tuo. Et tamen constat plurimos ex ijs fuisse malos & peccatores, adeo ut ex sexcentis millibus duo tantum peruenerint in terram sanctam, eis à Deo promissam. Num. 14. Multos, qui uirulum adorauerant aureum, occiderunt Leuitæ Exo. xxxij. Multos deuorauerunt sepulchra concupiscentiæ Num. xj. Multos absorbit terra uiuos in schismate, nec pauci perierunt murmure Nume. xvj. Deniq; pars magna occubuit gladio hostili Iosue. vij. Quamuis igitur in ea gente multi essent mali & peccatores, dicta est tamen gens sancta à dignioribus qui in ea gente sancti erant. Quandoquidem & Sodomis parciturus fuerat Dominus si uel decem boni in quinque illis Ciuitatibus reperti fuissent Gen. xviij. Sic & Ecclesia recte dicitur sancta, licet plerique in ea sint mali & peccatores.

Dicuntur præterea sancti alicubi, non à sanctitate uitæ aut à probitate morum, sed ab officij dignitate, quomodo sanctissimus dicitur Ro. Pontifex. Aut à sacrorum communione, dum in Ecclesia participant eadem sacramenta boni & mali, quidam digne, ad uitam, quidam uero indigne, ad mortem & in iudicium, sicut testatur Apostolus. j. Cor. xj. Vnde & in legibus Imperialibus reperiuntur tituli De sanctissimis Episcopis & reuerendissimis presbyteris. Et in epistolis sanctorum Patrum consueti erant & usitati honoris & sanctitatis tituli, quibus honore se inuicem præueniebant antiqui patres, iuxta doctrinam Apostoli Rom. xij. Sic ait ad Augustinum Hieronymus, Domino uere sancto & beatissimo Papæ Augustino Hieronymus in Domino salutem. Et uicissim ad Hieronymum Augustinus. Domino uenerabili ac desyderabili, sancto fratri & compresbytero Hieronymo Augustinus in Domino salutem. Et ad alium minus notæ sanctitatis sic ait. Domino beatissimo & merito uenerando fratri & consacerdoti Præsidio Augustinus in Domino salutem. Quinimmo & ad hæreticos, propter sacramentorum eorundem communionem, fraternæ charitatis titulos perscripsit, ut est uidere in quàmplurimis ad Donatistas libris & epistolis. Sic enim ait. Dominis dilectissimis & merito prædicandis fratribus Glorio, Eusebio, Fœlici &c. Item. Desyderabili & dilecto



## DE ECCLESIA CATHOLICA

& dilecto fratri Emerito Augustinus. Item. Domino eximio, meritoq; suscipiendo & dilectissimo fratri Eusebio Augustinus.

22

*Nemo sine peccato.*

1. Ioh. 1.

Iob. 4.

Iob. 9.

Iob. 15.

Iob. 25.

23

24

Si ergo B. Augustinus non dedignatus est fratres uocare hæreticos manifestos & ab Ecclesia præcisos, cur nos timeamus uocare fratres nostros & eiusdem matris Ecclesiæ membra Christianos peccatores? Quis enim nostrum à peccato immunis est? Ait enim prædilectus Christi discipulus. Si dixerimus, quoniam peccatum non habemus, ipsi nos seducimus, & ueritas in nobis non est. Et Iob uir simplex & rectus, Ecce (inquit) qui seruiunt ei, non sunt stabiles, & in angelis suis repperit prauitatem, quanto magis hi qui habitant domos luteas? Et infra. Vere scio quod ita sit, & quod non iustificetur homo, compositus Deo. Item. Quid est homo, ut immaculatus sit, & ut iustus appareat natus de muliere, Ecce inter sanctos eius nemo immutabilis, & coeli non sunt mundi in conspectu eius, quanto magis abominabilis & inutilis homo, qui bibit quasi aquam iniquitatem? Item. Ecce luna & non splendet, & stellæ non sunt mundæ in conspectu eius, quanto magis homo putredo, & filius hominis uermis.

Quemadmodum igitur Ecclesia catholica recte & pie dicitur sancta, quamuis in ea multi sint non sancti sed peccatores & mali ac prophani, impij, scelerati: Ita etiam dicitur ipsa recte & pie corpus Christi, regnum Christi, hæreditas Christi. Quamuis enim peccatores aut impij secundum se non sint corpus, regnum aut hæreditas Christi, ipsi tamen iustis & pijs in Ecclesia uel officiorum administratione uel sacramentorum communione sociati & admixti, non impediunt nec prohibent, Ecclesiam propter iustos & pios dici sanctam, dici corpus, regnum, hæreditatem, sponsamq; Christi. Non oportet igitur peccatores ab Ecclesia excludi, propter hoc quod dicitur regnum & corpus Christi, sicut uane ac hypocritice contendit Philippus, alioquin prorsus incerta fieret nobis Ecclesia. Non enim scimus corda hominum, ut Deus, nec scimus quisnam hic uere iustus aut sanctus sit.

Vana est igitur hæc Vualdensium Hulsitarumq; & Lutheranorum superbia, impudensq; præsumptio, qua Ecclesiam in hac uita ex solis sanctis congregant, de occulta sanctitate sua impie & pharisaice, contra fraternam charitatem, superbientes apud semetipsos, in corde suo dicentes, Nos Ecclesiæ Dei membra sumus, non Papistæ, non Romani, non Galli, non Hispani, non alij deniq; nisi qui tales sunt quales nos sumus. Et instar Pharisei gratias Deo agunt, quod non sunt sicut ceteri homines, præsertim uelut Papistæ, qui in tenebris

ambulant,

# PHILIPPICA IIII.

ambulant, & antiquo iure ac consuetudine, more patrum suorum, Papæ obediunt, & Ro. Ecclesiæ adhærent, uerbo Dei nondum illuminati, sicut ipsi illuminatos se putant. Si non est hæc, Imperator, omnium Lutheranorum communis sententia occulte in cordibus eorum, uanus sim & mendax. Quoties enim ingratitude ob hoc Germanis exprobrat, ac dira etiam atq; interitum minatur eis Lutherus, quod tantam Euangelij sui lucem non cum debita reuerentia & gratiarum actione suscipiunt, quando nunc clarius à Lutheranis prædicetur Euangelium quàm etiam Apostolorum temporibus prædicatum fuerit. Quanquam uero Philippus astutus in hypocrisis sua hanc superbiam nostrisq; damnationem & contemptum occultet, longa uerborum ambage modestiam præferens, reipsa tamen idem sentit quod Lutherus & alij eius complices. Id quod uerba ipsius tacite insinuant. Sic enim ait.

Quare etiam si uindicant sibi aduersarij nomen Ecclesiæ, tamen nos sciamus Ecclesiam Christi apud hos esse, qui Euangelium Christi docent, non qui prauas opiniones contra Euangelium defendunt. Et infra. Ecclesia (inquit) non est tantum societas externarum rerum ac rituum, sicut aliæ politice, sed principaliter est societas fidei, & spiritus sancti in cordibus. Quæ tamen habet externas notas, ut agnosci possit, uidelicet puram Euangelij doctrinam, & administrationem sacramentorum consentaneam Euangelio Christi. Et hæc Ecclesia sola dicitur corpus Christi. Item. Et in hanc (inquit) sententiam multa leguntur apud patres. Hieronymus enim ait, Qui ergo peccator est aliqua forde maculatus, de Ecclesia Christi non potest appellari, nec Christo subiectus dici &c.

Hic audis, Imperator, Ecclesiam Christi apud hos esse qui Euangelium Christi docent. Si hic interrogas, qui nam sint isti, procul dubio Lutheranos indicabit, qui se hac ratione Euangelicos uocant, quos Lutherus docet sic nobis insultare, Euangelium Euangelium, si forte audiant nos dicere, Ecclesia Ecclesia. Etenim dum secta ista recens adhuc esset & modica, nimis ridiculum uidebatur, si eam dicerent Ecclesiam Christi quæ per orbem terrarum dilatata est. Vt igitur Ecclesiæ autoritatem eluderent, opponebant ei Euangelium, quod de subtus scammo in lucem se produxisse iactitant, adeo ut clarius nunc prædicetur ab ipsis quàm temporibus Apostolorum prædicatum fuerit. Et contra Ecclesiam dicebant. Certum est, in manu Ecclesiæ aut Papæ prorsus non esse, statuere articulos fidei, imo nec leges morum

Q. iij

seu bonos

Luth. in Ser.  
de destructione  
Ierusalem.

Verba Phil. in  
Apologia.

25

Luth. de abro  
gan. missa pri.



# DE ECCLE. CAT.

*Luth. in assertione art. 27. 29.* seu bonorum operum. Item. Via nobis facta est, eneruandi autoritatem Conciliorum, & libere contradicendi eorum gestis, & iudicandi eorum decreta, & confidenter confitendi quicquid uerum uidetur, siue probatum siue reprobatum fuerit à quocunq; Concilio.

*Idem de abroganda missa.* Posteaquam uero secta hæc magis inualuit in plerisq; Germaniæ oppidis, arrogantior inde facta, Ecclesiæ nomen Catholicis nobis eripere sibiq; arrogare coepit, & dixit. Ideo signum, quo cognoscitur certissimum, ubi Ecclesia sit, est uerbum Dei. Non enim uerbum Dei est, quia Ecclesia dicit, sed quia uerbum dicitur, ideo Ecclesia est. Ipsa non facit uerbum, sed fit uerbo. Vnde ergo sciemus, ubi sit ecclesia, nisi audierimus prophetiam eius & testimonium spiritus? Hinc iam tacite concludunt, apud se, non apud Papistas (ut nos uocant) Ecclesiam esse. Spiritum enim & prophetiam sibi maxime arrogant. Lutherus enim de spiritu ita iactitat sese & ad Senatores ciuitatum & contra Suermeros suos, ut dicat se ultra omnes in spiritu fuisse, idq; reipia demonstrasse. Et in Teuthonica assertionem ait, si nō sit propheta, Papistis tamen timendus sit ut propheta, quia certius sit, apud sese, non apud illos, uerbum Dei esse. Sic & Philippus eius hic ait, Ecclesiam Christi esse apud hos qui Euangelium Christi docent, tacite subinferens, non apud Papistas, sed apud suos, & Ecclesiam Christi esse & Euangelium doceri.

*26 Tertul. de præscrip. hereti.* Iam satis constat uel ex antiquissimo autore Tertulliano, omnes retro hæreticos suam de Euangelio & sacris literis commendasse ac iactitasse doctrinam. Vnde enim sua probarent aut populo suaderent nisi ex Euangelio & scriptura sacra? At pulchre docet illis omnibus & singulis dicendum esse. Qui estis? Quando & unde uenistis? Quid in meo agitis non mei? Mea est (inquit ecclesia Catholica) olim possessio, habeo origines firmas & ipsis autoribus, quorum fuit res. Ego sum heres Apostolorum, Sicut cauerunt testamento suo, sicut fidei commiserunt, sicut adiurauerunt, ita teneo. Vos certe exhæredauerunt semper & abdicauerunt, ut extraneos, ut inimicos &c.

*27 Omnes heretici de Euangelio sese iactitant. Psal. 36.* Sicut igitur Lutherani nunc, & post eos Suermeri & Anabaptistæ, de Euangelio sese iactitant, seq; hinc ueram ecclesiam esse gloriantur. Ita fecerunt ante eos Hussitæ, Vuiclephistæ, Vualdeniæ, Doanistæ, Apostolici, Angelici & omnes omnium ætatum heretici, infœlicia de grege hircorum pecora, quæ computruerunt in stercore suo, & euauerunt in uanitatibus suis. De quibus dicit Propheta. Vidit impium superexaltatum & eleuatum sicut cedros Libani, Et transiuit, & ecce

& ecce  
enim nu  
gians?  
Tabori  
nunc I  
post br  
phetan  
mam p  
Q  
fi M. T  
cant, Ch  
M. T. u  
ecclesia  
eadem  
gnitum  
ni facti  
in Chri  
te dirur  
Euange  
quam a  
succesi  
Vnde  
cum ill  
igitur  
cui per  
non ha  
certa, &  
A  
one &  
Christ  
testat  
certi

## PHILIPPICA IIII.

& ecce non erat, Quæsiui eum & non est inuentus locus eius. Quis enim nunc locus est in ecclesia Donatistis? quis Arrianis? quis Pelagianis? quis Vuiclephistis? quis armatis & bellicosis Albigenis & Taboritis? quis alijs hæreticis? Exultant quidem & insultant etiam nunc Lutherani, & soboles eorum Zuingliani & Anabaptistæ, sed post breue tempus dicet uictrix mater ecclesia de eis, quod per Prophetam de alijs iam supra dixit hæreticis, Fundata est enim super firmam petram, cui portæ inferi præualere non poterunt.

Quid enim respondere queant istæ inferorum portæ, Lutherani, si M. T. interroget eos, Qui estis? Quando & unde uenistis? Si dicant, Christiani sumus, annos nati XIII. & uenimus è Vuittenberga. M. T. ulterius interroget, Vbi facti estis Christiani? num in Lutheri ecclesia nouella? Ipsi uero ante annos XXX aut XL renati sunt in eadem nobiscum ecclesia, quando Lutheri nomen orbi prorsus innotuitum erat. Non igitur à Luthero sed à Papistis baptizati & Christiani facti sunt. Quomodo igitur in matrem suam, quæ eos regenerauit in Christo, conuertunt dentes suos, instar uiperarum, ut eam schismate dirumpant? Vnde habent hæreditatem Christi? unde possessionem Euangelij? nonne à Papistis? Cur igitur ea possessione reiecta, aliam, quam à parentibus non habent, inuadunt & usurpant? Qua autem successionem Ecclesiæ corpus & Christi hæreditatem sibi arripiunt? Vnde eam habet Lutherus? ab Husso? at non conuenit ei per omnia cum illo. A Vuiclepho? & hunc quoque damnat hic Philippus. Vnde igitur usurpatæ hæreditatis probat successionem? Neminem habet, cui per omnia consentiat, nouus homo est, sectæ suæ parentes certos non habet, spurius nothus & uulgo conceptus, sine patre, sine origine certa, & in matrem suam maxime impius & ingratus.

## DE ECCLESIA ROMANA.

**A**T si quæras ex Papa, quo iure habeat successionem & possessionem suam in hæreditate Christi? pulcherrime sane & uerissime respondere poterit, quod nullus hæresiarcha, nulla secta, nulla gens uere dicere queat, se legitima electione & iure approbato uocatum esse in sedem B. Petri Apostoli, cui Christus oues suas commisit & clauēs regni cœlorum cum plena potestate tradidit. Et ius suum demonstrare potest ex longissima serie ac certissima successionem suorum antecessorū, non sane unius duorumue

25

Ius Papæ certissimum.



## DE ECCLESIA CAT.

aut trium duntaxat sed ducentorum & triginta. Lutherus uero nouus Germaniæ Papa ne tres quidem continua serie antecessores suos posset indicare, immo nullum penitus, sed mera uiolentia & inuasio est, quicquid furis rebellionē suā & nouarum rerum cupidæ multitudinis temeraria adhæsiōe sibi usurpat.

30 Papa autem ius hæreditatis suæ habet & comprobatur ex certa & legitima successione, qualem profecto nulli alij Prælati, nulli Duces, nulli Reges, ne Imperatores quidem assignare possunt. Quæ est enim alia seu naturalis seu electiua successio, in toto orbe terrarum, adeo certa & diuturna, quæ absq; status & Iurisdictionis uarietate, per M.D. annos uno perpetuoq; tenore connumerare possit antecessores legitimos CC. & XXX: Talis profecto successio antea nunquam fuit uel ab initio mundi, nec alia deinceps ulla erit. Omnia enim corruptibilia sunt super terram in hoc mundo, & omnium rerum uicissitudo est, ut Ethnici quoq; docuerunt. Et Salomon. Generatio (inquit) præterit, & generatio aduenit, Terra autem in æternum stat. Et Apostolus. Tempus enim breue est, & præterit figura huius mundi.

Ecclesi. 1.  
1. Cor. 7.

31 Vnde est igitur una ista Ro. Pontificum tam certa, diuturna & immutabilis ac incorrupta successio: cum alij patriarchatus iam pridem defecerint sub Saracenis & Turcis, hæresibusq; persæpe contaminati fuerint: non aliunde profecto quàm ex institutione diuina, quia Deus fundauit eam usq; ad consummationem sæculi, usq; in finem, quia dixit Petro Christus Matth. xxi. Tu es Petrus, & super hæc petram ædificabo ecclesiam meam, & portæ inferi non præualebunt aduersus eam. Et Luc. xxij. Ego pro te rogaui Petre, ut non deficiat fides tua. Et Ioh. xxi. Pascere oues meas. Hæc sunt, Imperator, solida Papatus fundamenta, quæ nullæ pluuiæ loquacitatis hæreticæ, nulla schismatum flumina, nulli tyrannicarum persecutionum uenti, hætenus nec dimouere nec subruere potuerunt, nec unquam poterunt in futurum. Vnde hoc: Respondet Christus, quia fundata est domus ista super petram, Matth. vii. super uerbum Domini quod manet in æternum, Esa. xl. super ueritatem infallibilem quæ ait Matth. xxiiij. Cælum & terra transibunt, uerba autem mea non præteribunt.

32

Hæc Dei ueritate fretus B. Anacletus S. Clementis in sede B. Petri successor, beatissimus Martyr & Pontifex, in tertia suarum Epistolarum sic ait. Anacletus seruus Christi Ihesu, in Apostolica sede à Domino constitutus & à sancto Petro Apostolorum principe Presbyter ordinatus, omnibus Episcopis & reliquis Christi sacerdotibus,  
in Domino

*Sedes Petri in corrupta & diuinitus fundata.*

# PHILIPPICA IIII.

In Domino salutem. Et post pauca. De primatibus charissimi, super quibus me quidam uestrum consuluerunt, si esse debeant an non, quantum hactenus de his à B. Petro Apostolo & reliquis Apostolis, & à Clemente nostro sancto Prædecessore & Martyre, nouimus statum, denegare uobis minime possumus. Et infra. Hæc uero sacrosancta Romana & Apostolica ecclesia, non ab Apostolis, sed ab ipso Domino saluatore nostro primatum obtinuit, sicut ipse beato Petro Apostolo dixit. Tu es Petrus, & super hanc petram &c. Adhibita est etiam societas in eadem Ro. urbe beatissimi Pauli Apostoli, uasis electionis, Qui uno die unoq; tempore gloriosa morte cum Petro, sub Principe Nerone agonizans, coronatus, & ambo sanctam Ro. ecclesiam consecrauerunt, alijsq; omnibus urbibus in uniuerso mundo, tam sua præsentia, quam uenerando triumpho prætulerunt. Et licet pro omnibus assidua apud Deum omnium sanctorum fundatur oratio, his tamen uerbis Paulus beatissimus Apostolus Romanis proprio chirographo pollicetur, dicens. Testis est mihi Deus, cui seruo in spiritu meo, in Euangelio filij eius, quod sine intermissione memoriam uestri facio semper in orationibus meis. Prima ergo sedes est celestis beneficio Ro. ecclesia, quam (ut memoratum est) beatissimi Petrus & Paulus suo martyrio consecrarunt. Hæc Anacletus Papa.

Sic & B. Ignatius, huic contemporaneus, ad Romanos scribens ait. Ignatius, qui & Theophorus, misericordiam consecutæ in magnitudine Dei altissimi patris Ihesu Christi unigeniti eius filij Ecclesiæ, sanctificatæ & illuminatæ in uoluntate Dei, quæ & præsidet in loco regionis Romanorum, Deo dignæ, eminentia dignæ, beatitudine dignæ, laude dignæ, fide dignæ, fundatæ in dilectione & fide Christi, paternum nomen habenti, spiritiferæ, quam & saluto &c.

Sic proxime post istos, eorum & nostram sententiam grauissimo & pulcherrimo confirmat testimonio B. Irenæus, Martyr & Pontifex Lugdunensis, dum sic ait. Sed quoniam ualde longum est, in hoc tali uolumine, omnium ecclesiarum enumerare successiones, maximæ & antiquissimæ, & ab omnibus cognitæ, à gloriosissimis duobus Apostolis Petro & Paulo Romæ fundatæ & constitutæ ecclesiæ, eam, quam habet ab Apostolis, traditionem, & annunciatam hominibus fidem, per successiones Episcoporum peruenientem usq; ad nos, indicantes, confundimus omnes eos, qui quoquo modo uel per sui placentiam malam uel uanam gloriam, uel per cæcitatem & malam sententiam, præterquam oportet, colligunt, Ad hanc enim Ecclesiam, propter

R

potentior

Dist. 22. c. 54  
crosancta.

Rom. 1.

37  
Ignatius epist.  
II. que ad Ro.  
est.

Irenæus lib. 3.  
c. 3.



# DE ECCLE. ROM.

potentiores principalitatem, necesse est omnem conuenire ecclesiam, hoc est, eos qui sunt undique fideles, in qua semper ab istis qui sunt undique conseruata est ea quæ est ab Apostolis traditio &c.

34  
Aug. in Episto  
lib. epist. 165.

Sic & B. Augustinus à certa illa successione Ro. Pontificum haud leue affert argumentum contra Donatistas. Euangelizatum tibi est (inquit ad Generosum Donatistam) quod Propheticas & Apostolicas literas, quod Abraham dicte sunt promissiones, & semini eius quod est Christus, cum ei diceret Deus. In semine tuo benedicentur omnes gentes. Has ergo promissiones tenenti, si tibi Angelus de coelo diceret, Dimitte Christianitatem orbis terræ, & tene partem Donati, Anathema esse deberet, quia te à toto præcidere, & in partem contrudere conaretur, & alienare à promissis Dei. Si enim ordo Episcoporum sibi succedentium considerandus est, quanto certius & uere salubriter ab ipso Petro numeramus, cui totius Ecclesiæ figuram gerenti Dominus ait, Super hanc petram ædificabo ecclesiam meam, & portæ inferorum non uincunt eam. Petro enim successit Linus, Lino Clementis, Clementi Anacletus &c. In hoc (inquit) ordine successionis nullus Donatista Episcopus inuenitur.

35  
Non licet à  
Ro. Ecclesia  
deficere.

Iam expende nobiscum, Imperator, num dignum aut iustum sit aut æquum & salutare, deficere à Ro. ecclesia, quæ mater nostra in fide est, quæ nos per Euangelium regenerauit, quæ tot Christi & summorum Apostolorum eius Petri & Pauli totque martyrum & apostolicorum uiro rum probatissima habet ueritatis testimonia, quæ denique tam certa & gloriosa tot Pontificum catholicorum successione supra omnes Episcopatus & cathedras eminet, ac omne totius mundi regimen & imperium longe superat. Et hac tam sancta & gloriosa matre relicta & reiecta, transfugere ad colluiem quandam adulteram, quæ temere ex perfidis Apostatis & rebellibus seditiosisque rusticis & ex ultima plebis fecerit primum collecta, per Prelatorum negligentiam potestatumque connuentiam ad eas sensim uires excreuit, ut optimis quibusque certum illatura fuisset exitium ante sex annos, si confusam multitudinem dux ullus militiæ peritus in aciem eduxisset, quæ omni calcata uirtute & disciplina, uerbis Euangelica, factis diabolica est, quæ pro nihilo, immo pro peccatis habet bona opera, & operum doctrinam fidei doctrinæ contrariam facit, tanquam aduersus fidem doceat quisquis bona opera docet.

Ab sit igitur procul ab omnibus pijs cordatisque hominibus, neglecta aut reiecta patrum certa & tot sæculis tot sanctorum uirtutibus & miraculis

# PHILIPPICA IIII.

miraculis approbata fide & religione, quam ab Ecclesia Ro. certis traditionibus uelut per manus accepimus, nouam à noua & confusa hac secta fidem aut religionem recipere, in qua impudentia uerecundia est, improbitas uirtus, rebellio disciplina, Apostasia fides, uerbositas Euangelium, bona opera peccata, mala opera baptismi recordatione statim absorpta & remissa. Absit inquam à nobis & à cunctis alijs fidelibus Christi, dimittere Ecclesiam Ro. matrem nostram, quæ in Christo Ihesu per Euangelium nos genuit, & alienigenam sequi meretricem, quæ pedes suos omni transeunti diuidit, ut ait quidam ex Prophetis. Quin dicimus confidenter cum Naboth Iezraelita, Propitius sit nobis Dominus, ne demus hæreditatem patrum nostrorum **3. Reg. 21.** **Ezech. 16.** Lutheri aut cuiuscunque hæretico alteri.

Nos hanc Lutheranorum cæcam iactantiam, qua Ecclesiam & Euangelium uindicant sibi nobisque adimunt, qui Ro. ecclesiam sequimur, retundemus facile, non solum supradictis Christi Apostolorumque & Apostolicorum uirorum testimonijs, uerum etiam omnium ap- **Dist. 19. 21. 22.** **Eccl. 24. q. 1.** **per totum C. de summa Tri,** **per totum.** probatorum Conciliorum decretis, & omnium sanctorum patrum regulis & confessionibus, quæ per totum corpus Iuris Canonici latissime me patent, atque etiam sacris Christianorum Imperatorum legibus quamplurimis. Hic tamen breuitatis gratia istis omnibus omisis, proprio eos gladio, nempe Lutheri sui uerbis, apertissime conuincemus & iugulabimus. Sic enim ait.

Quod Ro. Ecclesia sit à Deo præ omnibus alijs honorata, non est dubium. Ibi enim Sancti Petrus & Paulus, Pontifices Ro. **XLVI.** **36** **Luth. in declaratione quorundam articulorum.** ac tot centena milia Martyrum, sanguinem suum fuderunt, infernum & mundum uicerunt, ut uel palpari queat, quam singularem habeat ad eam Ecclesiam respectum Deus. Quod si nunc prohdolor ita res habet Romæ, ut expediret habere melius. Attamen neque hæc neque ulla alia causa tam grandis est, nec esse potest, ut ab Ecclesia illa separatio aut discessio ulla fieri debeat. Imo quanto peius res ibi habet, tanto magis accurrendum & adherendum est. Per separationem enim & contemptum non fit melius. Nec dimittendus est Deus propter diabolum, nec uitandi reliqui boni propter turbam prauorum, Imo propter nullum peccatum aut malum, quodcunque excogitari aut nominari potest, debet rescindi charitas, nec spiritualis unitas diuidi. Charitas enim omnia potest, & unitati nihil nimium graue est. Modica enim charitas & unitas est, quæ finit sese propter aliena peccata diuidi. Hæc ille Lutheranorum Papa & Propheta ante annos plus minus



## DE ECCLESIA ROMANA

XII. Quod si hæc nimis antiqua uideantur in nouo hoc Christianismo, Ecce tibi Cæsar alia eius uerba multo recentiora, quæ ante triennium edidit in Anabaptistas, reiectuam sobolem suam.

**17**  
*Luth. contra Anabaptistas.* Audio (inquit) & uideo, rebaptizationem eiusmodi à quibusdam usurpari ex eo fundamento, ut in despectum Papæ faciant, tanquam si qui nihil ab Antichristo habere uelint. Quemadmodum & Sacramentarij propterea merum panem & uinum credere uolunt, in despectum Papæ, arbitantes se hoc pacto recte subuersuros esse Papatum. Profecto friuolum est hoc fundamentum, super quod nihil boni ædificaturi sunt. Hoc enim pacto negare eos oporteret totam quoque scripturam sacram & prædicandi officium. Hoc enim totum à Papa nimirum habemus. Et nouam quoque scripturam sacram nos facere oporteret. Sic & uetus testamentum nos dimittere oporteret, ne quid ab infidelibus haberemus Iudæis. Stultitia est hoc totum. Nam & Christus in gente Iudaica inuenit pharisæorum & scribarum abusus, non tamen propterea totum reiecit quod illi habuerunt & docuerunt, Matth. xxij. Nos autem fatemur, sub Papatu plurimum esse boni Christiani, immo omne bonum Christianum, atque etiam illinc ad nos deuenisse, Quippe fatemur, in Papatu ueram esse scripturam sacram, uerum baptismum, uerum sacramentum altaris, ueras clauas ad remissionem peccatorum, uerum prædicandi officium, uerum Catechismus, ut sunt Oratio dominica, X. præcepta, articuli fidei. Dico insuper, sub Papa ueram Christianitatem, immo uerum nucleum Christianitatis esse. Hæc ibi Lutherus Papæ & Ro. Ecclesiæ hostis.

**18**  
 Vides itaque Imperator, quam inique agat & temerarie Philippus iste, dum conatur à nobis (quos Papistas & Papæ asinos Lutherus uocat) Ecclesiam Euangeliumque tollere, suæque nouellæ sectæ antiquissimum illud ius ac præscriptam longissimam Ro. Pontificum successione possessionem nullo iure, sed mera loquacitate, uindicare. Quandoquidem Lutherus ipse fatetur, Ro. Ecclesiam præ omnibus alijs curæ esse Deo, & propter nullam causam ab ea discedendum esse, suosque habere ab illa & sacram scripturam & prædicandi officium. In ea item esse plurimum boni, immo omne bonum Christianum, sub Papa denique ueram esse Christianitatem, atque adeo uerum nucleum Christianitatis. Quid hinc sequitur, obsecro, Auguste? Sequitur profecto, omnes sectas, quæcumque à Ro. Ecclesia discedunt & deficiunt sectas esse perditionis, & neque nucleum neque partem ullam esse ueræ Christianitatis, proinde nec Ecclesiam Christi nec eius partem. Sequitur item, nihil boni

# PHILIPPICA IIII.

boni Christiani apud tales sectas esse, quandoquidem omne bonum Christianum sub Papatu esse affirmat ipse Lutherus. Sequitur præterea, Lutheranos omnes esse iniustos, nequid grauius hic dicam, qui contra Lutheri sui leges, ab Ecclesia Ro. se diuidunt, etiam si uel maximas haberent discedendi ab ea causas. Atq; ut ipsius Lutheri ore clarius exprimam, quam graue sit peccatum schisma istud Luthericum, referam hic M. T. ipsius in Bohemos Hulsiticos sententiam, qui confirmati ausu à Ro. Ecclesia recesserunt.

Hi sane peruertunt (inquit) hanc doctrinam, qui uolunt onera sua portari, & solum commodis aliorum frui & ueluti, ut qui indoctos, inuitiles, iracundos, ineptos, difficiles, morosos, dedignantur habere socios uitæ: sed querunt humanos, suauis, benignos, quietos & sanctos homines. Hoc est, uolunt non in terra, sed in Paradiso, non inter peccatores, sed inter angelos, non in mundo, sed in cælo uiuere. Quibus quoq; timendum est, ne & hic recipiant mercedem suam, & in hac uitâ suum regnum cælorum possederint. Nam cum sponsa nolunt esse lilium inter spinas, nec cum Hierusalem in medio gentium posita, nec cum Christo dominari in medio inimicorum. Euacuant enim crucem Christi in seipsis, & ociosam ac stertentem alijsq; humeris uestitam habent charitatem. Proinde qui fugiunt talium societatem, ut boni fiant, nihil aliud faciunt, quam ut pessimi omnium fiant. Quod tamen non credunt, quia propter charitatem fugiunt germanum officium charitatis, propter salutem fugiunt uerum compendium salutis. Ecclesia enim tunc semper fuit optima, quando agebat inter pessimos. Horum enim onerum tolerantia mire rutilauit eius charitas, sicut Psal. lxxvij. dicit. Posterora dorsi in pallore suo auri, Hoc est, tolerantia columbæ Christianæ (quæ per dorsi posterora significatur) tota est rutilantissima in aurea charitate. Alioquin cur non Moyses quoq; reliquit duræ ceruicis populum: Cur non Heliseus & Prophetæ reges Israel Idolatras?

*Luth. in commentarijs in Epistolâ ad Gal. cap. 6.*

Consequens est (inquit) quod Bohemorum discidium à Ro. Ecclesia nulla possit excusatione defendi, quin sit impium, & Christi omnibus legibus contrarium, quia contra charitatem, in qua omnes leges summantur, perstat. Nam hoc quod unice allegant, sese timore Dei & conscientie defecisse, ne inter malos sacerdotes & Pontifices uiuerent, hoc eos maxime omnium accusat. Si enim sunt mali Pontifices, sacerdotes, aut quicumq;, & tu uera charitate seruieres, non dis fugeres, sed etiam si in extremis maris esses, accurreres, flores, mone-

R. iij res, argueres,



## DE ECCLESIA RO.

tes, argueres, prorsus omnia faceres, & hanc Apostoli doctrinam secutus, non commoda sed onera ferenda tibi esse scires. Itaque claret, totam Bohemicæ istius charitatis gloriâ esse merâ speciem & lucem, in quam se angelus Satanæ transfigurat. Nunquid & nos, qui ferimus onera & fere importabilia monstra Ro. Curiae, ideo fugimus & discedimus? Absit absit. Reprehendimus quidem, detestamur, oramus, monemus, sed non scindimus ob hoc unitatem spiritus, non inflamur aduersus eam, scientes, quod charitas super omnia eminet, non tantum super rerum corporalium damna, sed etiam super omnia monstra peccatorum, ficta charitas est, quæ non nisi commoda alterius ferre potest. Hæc Lutherus ipse in Galatis suis.

**[39]** Quid ad hæc modo dicent Lutherani, qui Papam angue peius *Damatio Lu* oderunt, & Ro. Ecclesiam uelut Satanæ Synagogam detestantur & *theri ex ore* fugiunt? Ipsi uiderint, quando in nouissimo die Iudex de hac eorum *eius proprio.* discessione rationem exacturus est. Nos interim auctori schismatis huius dicemus. De ore tuo iudicamus te serue nequam, quod sis impius desertor & transfuga, quod sis factiosus & seditiosus Apostata, quod tua discessio grauissima sit perfidia, & Christi omnibus legibus contraria, proinde prorsus inexcusabilis, quod denique charitatis tuæ gloria mera species & lux sit, in quam se angelus Satanæ transfigurat. Hoc interim iudicium de ore tuo accipe, Quale in extremo iudicio accepturus sis, Deo committimus. Hic certe libenter coram ex Philippo hoc eius defensore laudare uelim, Cæsar, quidnam contra hoc proprium Lutheri iudicium coram M. T. dicere queat. Quantumuis enim uerbosus sit & callidus, tam manifestum tamen iudicium eludere non poterit,

**[40]** Id quod Augustæ quoque in Concordiæ tractatu sibi accidisse recordatur, credo, & negare non potest, quia multis conuinci posset ac magnis testibus si negaret. Etenim posteaquam XI. articuli Confessionis eorum essent ad concordiam redacti mox primo confesso, circa duodecesimum uero articulum longa nos de satisfactione moraretur contentio, urgente uespere ita discessum est, ut Philippo & mihi id negotij altero die uentilandum daretur, licet à parte Catholicorum primas inter Theologos in eo tractatu teneret D. Iohannes Eckius. Ego itaque altero die mane attuli quædam Lutheri uerba, quæ manifeste nostræ sententiæ aspiulabantur, nempe quod satisfactiones necessariæ essent ad remissionem peccati quo ad poenam.

Ita enim ait in assertionem quinti Articuli sui, Ecclesia mater, pio affectu

# PHILIPPICA . IIII.

affectu praeuentura manum Dei, castigat filios suos satisfactionibus quibusdam, ne incurrant flagella Dei, Sicut Niniuite operibus suis spontaneis praeuenerunt iudicium Dei. Hæc poena (inquit) est arbitraria, non in totum, ut illi uolunt, sed tamen necessaria. At nostri Indulgentiarij, etiam contra Ecclesiam, asserunt remitti penitus omnem satisfactionem, etiam à iustitia diuina requisitam, quod est erroneum & impium. Nam aut nos aut homines aut Deus punit peccata, quod illi per indulgentias tollunt omnino &c. Sic & antea in resolutione eiusdem articuli dixerat, quod illæ tres partes satisfactionis, ieiunium, oratio, elemosyna, non pertinent ad sacramentalem poenitentiam, quo ad substantiam factorum, quia sunt de præcepto Christi, sed pertinent ad eam, quo ad certum modum & tempus, secundum quod Ecclesia ordinauerit. Videlicet, quàm diu sit orandum, ieiunandum, dandum, Item quantum & quid orandum, quantum & quid non comedendum, quantum & quid dandum &c.

Hæc uerba, cum à D. Io. Eckio coram omnibus ex scheda recitarentur, Lutherani alius alium inspexit, Philippus rubore suffusus, demissis oculis fatebatur esse uerba Lutheri. Cumq; reijcere illa præ rubore non auderet, nec quid contra diceret haberet, eius pudori subueniens Illustrissimus Dux Saxoniae Iohannes Fridericus, dicebat, Lutherum olim quidem ita scripsisse, nunc uero aliter sentire, tum Brentius & Schneppius, qui assistebant Philippo, animosiores facti, dicebant. Quid nobis de uerbis aut scriptis Lutheri hoc in tractatu? non enim hic sumus ut omnia eius uerba defendamus, sed ut de Confessione fidei nostræ uobiscum agamus. His uerbis dimissa fuit ea contentio, & ad ulteriora in Confessione processum.

Nos ergo longe tutius iustiusq; credimus de Ro. Ecclesia & de Ro. Pontificis potestate, Christo, Apostolis Apostolicisq; uiris & sanctis patribus, quàm contentioso huic Rhetori eiusq; socijs, quorum os maledictione plenum est & amaritudine & dolo. Quandoquidem & Euangelista eorum condemnauit in plerisq; libris suis talem ab Ecclesia Ro. defectionem & schisma, ut maxime de ipso dixisse credatur Apostolus, Hæreticum hominem post unam & secundam correptionem deuita, sciens quia subuersus est qui eiusmodi est, & delinquit, cum sit proprio iudicio condemnatus. Tit. 3.

Inexcusabiles sunt igitur omnes Lutherani cum omnibus alijs sectis à Ro. Ecclesia discedentibus. In quos B. Cyprianus hanc fert sententiam, Nemo æstimet bonos de Ecclesia posse discedere. Triticum non capit

Tit. 3.  
Cyp. de simpli  
citae Prale  
torum.



## DE ECCLESIA ROMANA

**I. Ioh. 2.** non rapit uentus, nec arborem solida radice fundatam procella subuertit. Inanes paleæ tempestate iactantur, inualidæ arbores turbinis incursione euertuntur. Hos execratur & percutit Iohannes Apostolus dicens. Ex nobis exierunt, sed non fuerunt ex nobis. Si enim fuissent ex nobis, mansissent nobiscum. Hinc hæreses & factæ sunt frequenter & fiunt, dum peruersa mens non habet pacem, dum perfidia discordans non tenet unitatem. Fieri uero hæc Dominus permittit & patitur, manente propriæ libertatis arbitrio, ut dum corda & mentes nostras ueritatis discrimen examinat, probatorum fides integra, manifesta luce clarescat. Per Apostolum præmonet spiritus sanctus & dicit. Oportet & hæreses esse, ut probati manifesti sint in nobis. Sic probantur fideles, sic perfidi deteguntur.

**Lutheranorū descriptio ex Cypriano.** Sic & ante iudicii diem hic quoq; iam iustorum atq; iniustorum animæ diuiduntur, & à frumento paleæ separantur. Hi sunt qui se ultro apud temerarios conuenas, sine diuina dispositione præficiunt, qui se præpositos, sine ulla ordinationis lege constituunt, qui nemine Episcopatum dante, Episcopi sibi nomē assument. Quos designat in Psalmis spiritus sanctus, Sedentes in pestilentie cathedra, pestes & lues fidei, serpentes ore fallentes, & corrumpendæ ueritatis artifices, uenena loethalia linguis pestiferis euomentes, quorū sermo ut cancer serpit, quorum tactus pectoribus & cordibus singulorū mortale uirus infundit. Et infra. Ideo & cum orandi legem daret dominus, addidit dicens. Et cum steteritis ad orationem, remittite siquid habetis aduersus aliquem, ut & pater uester qui in coelis est, remittet uobis peccata. Et ad sacrificiū cum dissensione uenientem reuocat ab altari, & iubet prius concordare cum fratre, Tunc cum pace redeuntem Domino munus offerre. Quia nec ad Cain munera respexit Deus, neq; enim habere pacatum Deum poterat, qui cum fratre pacem, per zeli discordiam, non habebat. Quam sibi igitur pacem promittunt inimici fratrum & quæ sacrificia celebrare se credunt æmuli sacerdotum? An secum esse Christum, cum collecti fuerint, opinantur, qui extra Christi ecclesiam colliguntur? Tales etiam si occisi in confessione nominis fuerint, macula ista nec sanguine abluitur. Inexpiabilis & grauis culpa discordiæ nec passione purgatur. Esse martyr non potest qui in Ecclesia non est. Ad regnum peruenire non poterit, qui eam quæ regeneratura est derelinquit. Et iterum.

**¶** An esse sibi (inquit) cum Christo uidetur, qui aduersus sacerdotes Christi facti, qui se à Cleri eius uel plebis societate secerant? Arma ille

contra

# PHILIPPICA IIII.

contra Ecclesiam portat, contra Dei dispositionem repugnat, hostis altaris, aduersus sacrificium Christi rebellis, pro fide perfidus, pro religione sacrilegus, inobsequens seruus, filius impius, frater inimicus, contemptis Episcopis, & Dei sacerdotibus derelictis, constituere audet aliud altare, precem alteram illicitis uocibus facere, dominicæ hostiæ ueritatem per falsa sacrificia prophanare, Nec scire, quoniam qui contra ordinationem Dei nititur, ob temeritatis audaciam diuina animaduersione punitur. Sic Chore & Dathan & Abyron, qui sibi Num. 16. contra Moysen & Aaron sacerdotem sacrificantes, licentiam uendicare conati sunt, poenas statim pro suis conatibus penderunt. Hæc & id genus multa & terribilia Cyprianus contra hæreticos & schismaticos.

Et tamen audet Philippus iste iactitare, in sententiam suam multa legi apud Patres, & nominatim citat Hieronymum, sed ita maligne, ut neq; in textu neq; in margine locum assignet, ubinam sic loquatur Hieronymus, perinde ac si Hieronymus unicum duntaxat librum scripserit. Hac nequitia (qua non docendi sed uexandi animo scribit) utitur in tota hac Apologia, atq; etiam Græcam interdum uoculam, eamq; nec tritam nec uulgo notam, absq; omni interpretatione inserit, ut Theologi seniores, quibus forte minus nota est lingua Græcæ nica, integram uerborum sententiam intelligere non possint, ignorata uoce græca, sine qua sensus non est integer. Quasi eo doctior existimari debeat quo à paucioribus intelligatur, Cum tamen facillimum esset, uel in margine breuem adiungere interpretationem, præsertim dum accommodatissimum habeamus Chalcographiæ præsidium & facilitatem. Sed libet ei hac in causa magis uexare & irridere, quàm docere aut publico inseruire commodo. Ideo tam accurate rhetorizatur, ut nos, qui malam fidem Lutheranorum in citandis autoribus sæpe sumus experti, multo inquirendi labore magis defatigemur (dum scire uolumus, num ita habeat autor, quem citat, an secus) quàm ipsa responsione ad obiecta.

Falsum est igitur, quod ait, in hanc sententiam suam multa legi apud patres. Contrarium enim ostendimus ex multis patribus, ipsq; sanctissimis & uetustissimis. Quod autem Hieronymus ait, Qui peccator est, aliqua sorde maculatus, de Ecclesia Christi non potest appellari, nec Christo subiectus dici. Hoc sane intelligi debet de Ecclesia triumphante, non de militante. Quemadmodum & uerba ipsius Pauli Ephæ. v. Super quibus hanc in commentarijs expressit sententiam

S ipse

44  
Malignitas  
Phil. in Apo-  
logia.

45  
Responsio ad  
uerba B. Hiero-  
nymii.



## DE ECCLESIA RO.

Ipse Hieronymus. Et hanc esse Pauli sententiam, de Ecclesia trium-  
phante, Augustinus in plerisque contra Donatistas libris & Epistolis  
evidenter ostendit. De Ecclesia enim militante longe aliam protulit  
sententiam ipsemet Hieronymus, cum alibi, tum apertissime in Dia-  
logo contra Luciferianos, ubi inter multa alia, hanc sententiam no-  
stram confirmantia, sic ait.

*Hiero. in dia-  
logo cōtra Lu-  
ciferianos.*

Hilarius cum Diaconus de Ecclesia recesserit, solusq; ut putat, tur-  
ba sit mundi, neq; Eucharistiam conficere potest, Episcopos & pres-  
byteros non habens, Neq; baptisma sine Eucharistia tradere. Et cum  
iam homo mortuus sit, cum homine pariter interiit & secta, quia post  
se nullum clericum Diaconus potuit ordinare. Ecclesia autem non est,  
quæ non habet sacerdotem, sed amissis paucis homunculis, qui ipsi si-  
bi & laici sunt & Episcopi, ausculta, quid de omni Ecclesia sentiendum  
sit. Iste enim scrupulus multos titillat, & longus fortasse ero in enar-  
rando, Verum tanti est lucrum ueritatis.

46

*Arca Noe, ty-  
pus Ecclesie.*

*1. Pet. 3.*

Arca Noë Ecclesiæ typus fuit, Dicente Petro Apostolo. In arca  
Noë pauci, id est, octo animæ saluæ factæ sunt per aquam, quod &  
nos nunc similis formæ baptisma saluos facit, Vt in illa omnium ani-  
malium genera, ita & in hac uniuersarum & gentium & morum ho-  
mines sunt, Vt ibi Pardus & hoedi, lupus & agni, ita & hic iusti & pec-  
catores, id est, uasa aurea & argentea cum ligneis & fictilibus com-  
morantur. Et post pauca.

47

*Matth. 13.*

Non solum in Ecclesia (inquit) morantur oues, nec mundæ tan-  
tum aues uolitant, sed frumentum in agro seritur, & inter nitentia  
cultæ lappæq; & tribuli & steriles dominantur auenæ. Quid faciat  
agricola? euellat lolium? sed tota pariter messis euerritur. Quotidie  
industria rusticana aues sonitu abigit, imaginibus exterret, hinc flagel-  
lo crepitat, hinc formidines tendit, attramen aut ueloces capræ aut la-  
sciuius onager incurrit, hinc in effossa horrea mures frumenta compor-  
tant, hinc feruenti agmine segetem formica populatur. Ita res se ha-  
bet. Nemo securus agrum possidet. Dormiente patrefamilias, inimi-  
cus homo zizaniam superseminauit, Ad quam eradicandam cum  
serui ire proponerent, dominus prohibuit, sibi seruans palearum &  
frumenti discretionem. Hæc sunt uasa iræ & misericordiæ, quæ in do-  
mo Dei ab Apostolo prædicantur. Veniet ergo dies, quando thesau-  
ro Ecclesiæ aperto, proferet Dominus uasa iræ suæ, quibus exeunti-  
bus sancti dicent. Ex nobis exierunt, sed non erant ex nobis. Si enim  
fuissent ex nobis, mansissent utiq; nobiscum. Nemo potest Christi  
palmam

# PHILIPPICA IIII.

palmam sibi assumere, nemo ante diem iudicii de hominibus iudicare. Si iam mundata est Ecclesia, quid Domino reseruamus? Est uia quæ uidetur esse apud homines recta, nouissima autem eius ueniunt in profundum inferni. In hoc errore iudicii quæ potest esse certa sententia? Hæc & id genus multa Hieronymus pro sententia nostra de Ecclesia militante.

Vnde & in hæc ibi uerba concludit. Breuem tibi (inquit) aper- tamq; animi mei sententiam proferam. In illa esse ecclesia permanen- dum, quæ ab Apostolis fundata, usq; ad diem hanc durat. Sicubi au- dieris eos qui dicuntur Christi, non à Domino Ihesu Christo, sed à quoquam alio nuncupari, utputa Martionitas, Valentinianos, Mon- tenses siue Campates, scito, non Ecclesiam Christi sed Antichristi esse synagogam. Ex hoc enim ipso quod postea instituti sunt, eos se esse indicant, quos futuros Apostolus prænucliauit. Nec sibi blandiantur, si de scripturarum Capitulis uidentur sibi affirmare quod dicunt, cum & Diabolus de scripturis aliqua sit locutus. Et scripturæ non in legen- do consiliunt, sed in intelligendo. Alioqui si literam sequimur, possu- mus & nos quoq; nouum nobis dogma componere, ut asseramus in Ecclesiam non recipiendos, qui calciati sint, & duas tunicas habeant. Hæc ibi.

Et in Epistola ad Damasum multo adhuc apertius Ro. Ecclesiæ autoritatem asserit, dicens. Quoniam uetusto Oriens inter se populo- rum furore collisus, in discissam Domini tunicam, & desuper textam, minutatim per frustra discerpit, & Christi uineam exterminant uulpes, ut inter lacus contritos, qui aquam non habent, difficile, ubi fons si- gnatus & hortus ille cõclusus sit, possit intelligi. Ideo mihi cathedram Petri, & fidem Apostolico ore laudatam, censui consulendam. Inde nunc animæ meæ postulans cibum, unde olim Christi uestimenta su- scepi. Neq; uero tanta uastitas elementi liquentis & intratacens longi- tudo terrarum, me à preciosæ margaritæ potuit inquisitione prohibe- re. Vbiuncq; fuerit corpus, illuc congregentur aquilæ. Profligato à sobole mala patrimonio, apud uos solos incorrupta patrum seruatur hæreditas. Ibi cespitæ terra fecundo, dominici seminis puritatem, cen- teno fructu refert: Hic obruta sulcis frumenta in lolium auenasq; de- generant. Nunc in Occidente sol iustitiæ oritur, in Oriente autem Lu- cifer ille qui ceciderat, supra sydera posuit thronum suum. Vos estis lux mundi, uos sal terræ, uos uasa aurea & argentea: hic testacea uasa uel lignea, uirgam ferream & æternum operiuntur incendium.

S ij Quamquam

41

*Campas locum  
apud sinum  
isicum.*

42

*Incorrupta pa-  
trum heredi-  
tas Rome.*



## DE ECCLESIA ROMANA

Quamquam igitur tui me terreat magnitudo, inuitat tamen humanitas. A sacerdote uictimā salutis, à pastore præsidium salutis ouis flagito. Faceſſat inuidia, Romani culminis recedat ambitio, cum ſucceſſore: piſcatoris & diſcipulo crucis loquor. Ego nullum primum niſi Chriſtum ſequens, beatitudini tuæ, id eſt, Cathedræ Petri communione conſocior. Super illam petram ædificatam Eccleſiam ſcio. Quicumq; extra hanc domum agnum comederit, prophanus eſt. Siquis in Arca Noë non fuerit, peribit, regnante diluuiſio. Hæc & id genus præclara: plurima ſunt B. Hieronymi de Ro. Eccleſia teſtimonia, quæ procul dubio maioris ſunt & fidei & ueritatis quàm conuitioſa & ſuperba blateramenta Lutheranorum, qui ſibi nomen, non à Chriſto ſed à Luthero imponunt.

50

**Autoritas Ro.  
Eccleſiæ.**

Eat nunc Philippus, & obijciat nobis uerba Hieronymi, quem uidet tot modis conſentire Ro. Eccleſiæ, & ad eam confugere, uelut ad Cathedram Petri, ad fidem Apoſtolico ore laudatam, uelut ad petram refugij, ad incorruptam patrum hæreditatem, uelut ad lucem mundi, ad ſal terræ, ad aurea & argentea uafa in domo Dei. Id quod maximè & optimè quicq; Doctores Eccleſiæ tum Græci tum Latini ſemper fecerunt, ſcientes probe, in ſummis & maximis Concilijs, Nicæno, Epheſino, Chalcedonenſi &c. decretum fuiſſe, ut ad Eccleſiam Ro. tanquam ad caput & matrem omnium eccleſiarum primamq; ſedem ardus quæuiſ cauſæ tum fidei tum Epiſcoporum, referri & ab ea diiudicari debeant. Ita fecerunt Græci in Oriente & Aegypto Athanaſius, Cyrillus, Flauianus &c. Ita Latini in Africâ & Italia, in Gallijs & Hiſpanijs Aurelius, Ambroſius, Auguſtinus &c.

Qua de re extant ſane quàm ampliſſima & inuictiſſima teſtimonia hoc tempore noſtro conſcripta contra hanc Lutheranorum diſceſſionem apud Epiſcopos Roſſenſem in Anglia, Vienenſem in Germania, Item apud eruditiffimum Card. Caietanum & apud Iohannem Eckium, in tribus præſertim libris quos de primatu Petri contra Lutherum edidit. Et longe ante eos, contra Græcos & Armenos ſchiſmaticos, adduxerunt irrefragabiles teſtes S. Thomas Aquinas & Richardus Armacanus Hiberniæ Archiepiſcopus.

51

**Obedientiæ Græcorū erga Ro. eccleſiam.**

Et conſtat illos in Concilio Florentino ante annos centum ſub Eugenio IIII. unanimiter cum Latinis, in hæc uerba concluſiſſe. Diſceſſimus ſanctam Apoſtolicam ſedem & Ro. Pontificem in uniuerſum orbem tenere primatum, & ipſum Ro. Pontificem ſucceſſorem eſſe beati Petri principis Apoſtolorum, & uerum uicarium Iheſu Chriſti,

totiuſq;

# PHILIPPICA III.

totiusq; Ecclesiæ caput, & omnium Christianorum patrem & doctorem existere, & ipsi in beato Petro pascendi, regendi & gubernandi uniuersalem Ecclesiam à Domino Ihesu Christo plenam potestatem traditam esse. Quemadmodum & in gestis Oecumenicorum & in sacris Canonibus continetur. Hæc ibi. Et in hanc sententiam multi magniq; Græcorum doctores & sancti Patres adducuntur testes, tum à supradictis uiris, tum à plerisq; alijs.

Certe contra omnia Lutheranorum in Ro. Pontificem conuitia uel unus Chalcedonenſis Concilij Canon satis ualidum præbet præſidium, qui sic habet. Si quis Episcopus prædicatur infamis, liberam habeat sententiam appellandi ad beatissimum Episcopum antiquæ Romæ, quia habemus Petrum petram refugij, ut ipsi soli libera potestate loco Dei sit ius discernendi Episcopi criminati infamiam, secundum clauis à Domino sibi datas, Et omnia ab eo diffinita teneantur, tanquam à uicario Apostolici throni. Aut illud B. Lucij Papæ & Martyris testimonium, dicentis. Hæc sancta & Apostolica mater omnium ecclesiarum Christi Ecclesia, per Dei omnipotentis gratiam, à tramite Apostolicæ traditionis nunquam errasse probatur, nec hæreticis nouitatibus deprauanda succubuit, sed ut in exordio normam Christianæ fidei percepit, ab autoribus suis Apostolorum Christi principibus, illibata fide tenus manet.

Hæc Cæsar prolixiora fortasse sunt quàm M. T. audire libeat, Veruntamen neq; sine causa neq; absq; necessitate dicuntur, Scio enim quantum periculi sit, ab Ecclesia Ro. deficere aut discedere. Etenim S. Thomas contra Græcos & Armenos probat ex B. Cyrillo, quod subesse Ro. Pontifici sit de necessitate salutis. Ait enim Cyrillus in libro Thesaurorum. Itaq; fratres si Christum imitamur, ut ipsius oues uocem eius audiamus, manentes in Ecclesia Petri, & non inflemur uento superbie, ne forte tortuosus serpens propter nostram contumeliam nos eiciat, ut Euam olim de Paradiso. Et Maximus in Epistola Orientalibus directâ, dicit. Coadunatam & fundatam super petram confessionis Petri dicimus uniuersalem Ecclesiam, secundum diffinitionem Saluatoris, in qua necessario salutis animarum nostrarum est remanere, & ei obedire, suam seruantes fidem & confessionem. Et in eandem sententiam multa superius recitata sunt ex Anacleto, ex Irenæo, ex Cypriano, ex Hieronymo &c. qui spiritu sancto inspirati locuti sunt ( ut ait S. Petrus ) sancti Dei homines. Quos utiq; libentius ac securius audit, & multo potius quàm Lutheranorum in

S iij

Papam

Vide. 2. q. 6. c. Ideo. c. Qui se c. Siquis Epus. Vide ite epistolas Athanasij ad Iulium, Liberium, Felixcem &c. In Decretis. 24. q. 1. c. a recta.

52 Sub necessitate salutis tenemur obedire Ro. ecclesiæ.

2. Pet. I.



# DE ECCLE. ROM.

Papam & Ro. Ecclesiam calumnias & conuitia, quisquis non est ad æternum gehennæ incendium à Deo præscitus nec in reprobum sensum traditus.

De hoc igitur summo & maximo atq; etiam latissimo animatum periculo longe maior nobis est, Imperator, cum Lutheranis contentio quàm de septimo Confessionis eorum articulo, de quo tam multa profundit inaniter uerba Philippus in Apologia sua, cum non ignoret, quàm facile super eo cesserit & consenserit nobis Augustæ in concordia tractatu. De hoc autem animarum periculo, quod ex impio & scelerato hoc Lutheranorum schismate tot milibus hominum certissime imminet, ne unum quidem uerbum in Confessione sua protulit.

**53**  
**Calumnie.** In Apologia uero nequiter calumniatur & nos & Ro. Pontifices: hos sane, quod eis magis curæ sit dominatio sua quàm Euangelium Christi, quod pleriq; sint palam Epicurei, quod multi etiam palam irrideant religiones omnes, Quotusquisq; (inquit) curat Euangelium, aut iudicat dignum esse lectione? Aut siquid probant, probant illa quæ humanæ rationi consentanea sunt, cætera fabulosa esse arbitratur, & similia Tragœdijs Poetarum. Nos uero ait definire, quod Papa sit dominus totius orbis terrarum, omnium regnorum mundi, omnium rerum priuatarum & publicarum, quod habeat plenitudinem potestatis in temporalibus & spiritualibus, quod habeat utrumq; gladium, spirituale & temporale &c. Quæ sane omnia malicioso astu mendaciter ad M. T. commemorat, ut nos odibiles, suos uero acceptabiles hac nequitia sua reddat, tanquam nos Imperatori ius suum adimamus, & Ro. Pontifici cuncta tribuamus, Lutherani uero Imperatoris & regum iura contra Papam asserant. Nos uero scimus Auguste, quanto sublimior sit mens tua cunctis rebus & honoribus terrentis, ut huiusmodi fraudulentis palpationibus minime possit uel moueri uel circumueniri. Scimus quàm continentes habeamus manus à rapiendis aut inuadendis alienis & rebus & iuribus.

**54**  
**In Decretis**  
**dist. 8. c. 1.**

Nec adeo sumus ignari sacrorum Canonum, ut contra eorum sanctiones per adulationem tribuamus Ro. Pontifici quod Ro. Imperatoris est aut Regum. Scimus enim à S. Augustino dictum esse, iure humano defendi uillas Ecclesiæ, ius autem humanum haberi in legibus regum, & iura humana esse iura Imperatorum. Quare? quia ipsa iura humana per Imperatores & rectores sæculi Deus distribuit generi humano. Item, Tolle iura Imperatorum, & quis audet dicere, hæc uilla

# PHILIPPICA IIIL.

Nulla est mea, meus est iste seruus, mea est hæc domus : Nec latet nos insignis ille Decretorum Canon ex B. Ambrosio recitatus. Noli gra-  
uare te Imperator (inquit) ut putes te in ea quæ diuina sunt Imperiale  
ius aliquod habere. Noli te extollere, sed si uis diutius imperare, esto  
Deo subiectus. Scriptum est, Quæ Dei, Deo, quæ Cæsaris, Cæsari. Ad  
Imperatores palatia pertinent, ad sacerdotes Ecclesiæ. Publicorum ti-  
bi moenium ius commissum est, non sacrorum. Et infra. Tributum Cæ-  
saris est, non negatur. Ecclesia Dei est, Cæsari utiq; non debetur, quia  
ius Cæsaris esse non potest templum Dei. At præterea Urbanus Pa-  
pa. Quod in ore piscis inuenitur, pro Petro & Domino dari iubetur,  
quia de exterioribus ecclesiæ, quod constitutum antiquitus est, pro  
pace & quiete, qua nos tueri & defendere debent, Imperatoribus per-  
soluendum est. Et Nicolaus Papa I. ad Michaellem Imperatorē. Cum  
ad uerum uentum est, ultra sibi nec Imperator iura Pontificatus attri-  
puit, nec Pontifex nomen Imperatorium usurpauit. Quoniam idem  
mediator Dei & hominum homo Christus Ihesus, actibus proprijs &  
dignitatibus distinctis officia potestatis utriusq; discernit. Item Inno-  
centius III. uir sanctus & eruditus, ad Imperatorem Constantinopo-  
litanum, in Decretalibus. Nosse (inquit) debuerat Imperialis sublimi-  
tas, quod fecit Deus duo magna luminaria in firmamento : luminare  
maius, ut præesset diei, & luminare minus ut præesset nocti. Vtrunq;  
magnum, sed alterum maius. Ad firmamentum igitur cœli, hoc est  
uniuersalis Ecclesiæ, fecit duo magna luminaria, id est, duas instituit  
dignitates, quæ sunt, Pontificalis autoritas, & regalis potestas. Sed illa  
quæ præest diebus, id est spiritualibus, maior est: quæ uero carnalibus,  
minor &c.

23. q. 8. Con-  
uenior.

16. c. Tributū.

Dist. 96. c. Cū  
ad uerum.

Ex. de maiori  
tate & obed.  
c. Solita.

Rom. 13.

Nos igitur regiæ & Imperiali potestati nihil detrahimus, Neq; ta-  
men seditiosis & impijs Lutheranorum scriptis (quibus Ro. Pontifici  
alijsq; Episcopis & Prælati ius suum totamq; Iurisdictionem in to-  
tum adimunt, & secularibus, quibus contra Clerum maliciose adu-  
lantur, omnia tribuunt) aut tui Cæsar ullius aut Regum aut Principum  
metu consentimus, sed uia cupimus incedere regia, non ad dextram  
neq; ad sinistram declinantes, sed absq; respectu personarum libere  
quod uerum est confitentes, nempe in spiritualibus & Ecclesiasticis  
rebus summam esse potestatem Ro. Pontificis. In secularibus uero &  
prophanis summam esse potestatem Ro. Imperatoris, ut iuxta doctri-  
nam Apostoli, Reddamus omnibus debita, cui tributum, tributum:  
cui uectigal, uectigal; cui timorem, timorem; cui honorem, honorem.

Philippus



## DE ECCLESIA ROMANA

55

Philippus uero seditiose spoliare nititur Ro. Pontificem suprema in terris potestate, quam Græco uerbo Anypenthynon uocat, hoc est, (licet ipse non interpretetur) non subditam seu obnoxiam ulli iudicio. Et regni eius ait habere illum autores, non solum Canonistas, sed etiam Danielem cap. xj. Hic uult ingeniosus uideri, dum facete per autorem ex Papa Antichristum, & ex Papatu regnum Antichristi facere conatur, ut Philippica scilicet interpretatione Papa sit ille rex, apud Danielem, qui faciet iuxta uoluntatem suam, & leuabitur & magnificabitur aduersus omnem deum, & aduersus deum deorum, loquetur magnifica, & dirigetur, donec compleatur iracundia.

56

Luthe. contra  
Catharinum.  
Idem ad nobil.  
Germa.  
Idem contra  
Epitomen syl.

Sic cliens eius Lutherus, ex Daniele colligit XII. facies Antichristi Romani, & sedem eius execratur & detrudit ad ima Tartara, & quamuis plerumque iactitet, se melius scripsisse de seculari potestate quam ullus unquam scripserit, eo quod gladio eius etiam Papam & omnem Clerum subijcit, & gestit alicubi lauare manus suas in sanguine eorum: reuera tamen seditiosissime in utranque potestatem inuectus, utranque sustulit, non solum in sua Babylone, ubi omnes omnium hominum leges lege noua tollit & abrogat, uerum etiam in eo libello, quem uult esse optimum, de seculari potestate, ubi sic habet. Ad regnum mundi aut subtus legem pertinent omnes qui non sunt Christiani. Inter Christianos uero neque debet neque potest ulla esse maioritas, sed unusquisque alteri æqualiter subditus est, sicut ait Paulus Rom. xij. Unusquisque alterum pro suo superiore teneat. Item, Inter Christianos non potest esse gladius. Eo igitur super & inter Christianos uti non potes &c. Sed & Ro. Imperij à Græcis ad Germanos translationem inter opera connumerat Antichristi, uelut portentum principale & maximum.

Luthe. contra  
Catharinum.

57

*Uoluit Roma  
non esse in se  
sua sed  
in se*

Non parua est igitur quæstio, Cæsar, de Ecclesia, siue Romanam siue Catholicam intelligas ecclesiam, Nam de utra exieris, animæ tuæ detrimentum facis. Inseparabiles enim sunt, perinde atque caput & corpus. Non uiuit sine capite corpus, nec sine corpore caput. Nemo igitur de catholica est Ecclesia, qui à Ro. ecclesia separatur aut exit. Nulla ergo salus, nulla spes regni cœlestis esse potest ijs, qui Ro. ecclesiam dimittunt, reijciunt, contemnunt, impugnant, blasphemant. Ipsa est enim inseparabile ac maxime uenerabile membrum Ecclesiæ catholice. Ad quod sane præsidium & caput uelut ad petram refugij omnes sancti, exoriente aliqua hæresi, confugerunt, & fidei causas, ad eam retulerunt. Petro enim primo Ro. ecclesiæ Episcopo Christus commisit oues suas pascendas, fratresque confirmandos, & dixit, Tu es Petrus & super

# PHILIPPICA. IIIL.

& super hanc petram ædificabo Ecclesiam meam. Quisquis igitur non  
uult pasci à Petro aut eius successore, is non est ouis Christi, nec perti-  
net ad ouile Christi, quod unum est & indiuisum, quemadmodum &  
unus pastor Iohan. x. Et una est Ecclesia, una columba Cant. vj. una  
Christi sponsa Ioh. iij. Principatum uero Petri X. scripturæ locis pro-  
bat Episcopus Roffensis, ac totidem exemplis, ubi Petrus factis & re  
ipsa suo principatu est usus.

Eundem deinceps in successoribus eius principatum agnouit ha-  
ctenus per M. D. annos uniuersa Ecclesia Christi, non solum tacito  
consensu omnium Christi fidelium, nemine reclamante, uerumetiam  
expressis decretis & constitutionibus tum sacratissimorum Concilio-  
rum Niceni, Chalcedonensis, Constantinopolitani &c. tum orthodo-

xorum Imperatorum. Hoc est enim initium legum Impe-

rialium in Codice Iustiniani. Imperatores Gratianus,

Valentinianus & Theodosius AAA. ad po-

pulum urbis Constantinopoleos. Cun-

ctos populos, quos Clementiæ no-

strum regit Imperium, in tali

uolumus religione uer-

sari, quam diui-

num Petrum

Apo-

sto-

lum tra-

didisse Romanis,

religio usq; adhuc ab

ipso insinuata declarat,

quamq; Pontificem Damasum

sequi claret.

Epūs Roffen.  
contra 25. ar-  
ticulum asser.

58

C. de summa  
trini. L. I.

T

De Ecclesia



# DE ECCLESIA

## LUTHERANA.

59  
Quales sunt,  
qui Ro. Eccles  
siam deserunt.



Vid hinc sequitur, obsecro, Religiosissime Imperator CAROLE? sequitur profecto, cunctos populos, qui in Ro. Ecclesiæ fide & religione non uersantur, esse sine omni spe salutis, esse in statu æternæ damnationis, esse non oues Christi sed hircos Diaboli, esse impios in Deum, in Christum, in Ecclesiam, in supremas Ecclesiæ potestates Ro. Pontificem & Ro. Imperatorem, esse rebelles & seditiosos subditos, esse perfidos castrorum Ecclesiæ desertores, esse periuros Christianæ militiæ transfugas, breuiter filios perditionis & titiones æterni incendij. Causas omnium istorum supra ad longum tectitatas audisti ex uerbis Christi, Anacleti, Irenæi, Cypriani, Hieronymi, Augustini &c. Quibus utiq; magis credent filij regni quàm impijs his Ecclesiæ spurrijs & amarulentis fratrum accusatoribus, qui mentiri non erubescunt.

60 In hac tot animarum perditione maxime reus comperitur iste Philippus, qui plurimos à Romana Ecclesia abalienauit & seduxit, tum alijs libris & prælectionibus suis, tum uero præcipue in petulantissimo suo Didymo, ubi de causa Pontificia conuulsiatur uerius quàm orat.

61 Post argumenti enim propositionem tanta scurrilitate usus est in tota illa oratione, ut etiam Victorem Papam & Martyrem sanctissimum ausit reprehendere, & Antichristi præludia imputare. Retudit hanc eius improbitatem Radinus Todilchus insigni quadã oratione, & ego particulatim respondi hac de re & reprehendi mendacia eius lxxvij. calumnias lx. blasphemias xl. ut minime opus existimem, hic ad impietates illas denuo confutationem aliam exhibere. Id modo dixerim, hunc humanarum literarum professorem, non modo contra humanitatem, uerum etiam contra honestatem omnemq; pietatem & religionem Christianam barbarissime in ea oratione sua aduersus Papam, summum Pontificem & ouem Christi pastorem debacchatum esse, atq; etiam seditiose in sanguinem eius fundendum inuitasse Principes, ad exemplum Iehu regis Israel, qui occidit sacerdotes Baal.

Libet

# PHILIPPICA IIII.

Libet itaq; hic pauca quædam Radini uerba ad M. T. Cæsarem  
citare, quæ sententiam nostram confirmant, & damnationem omni-  
um Lutheranorum æternam certius declarant. Et tamen uidebatts  
(inquit) Principes, quo ille uultu diceret, In quo sicut nulla uirilis spe-  
cies, nullus probitatis pilus cernitur: ita religio nulla, nulla pietas elu-  
ceret. Qua confidentia? Gigantea, Diabolica, & ut omnia uno uerbo  
scelera comprehendam, Lutherana. Sed iterum audite quid diceret.  
At nos, inquit, de iure quærimus, num diuino iure oporteat Ro-  
mano Pontifici seruiamus, Quo cum non cogamur, quid obstat, quo  
minus Papæ quod dedimus ius adimamus? Hæc ille, inscianter qui-  
dem & plane stolide. Nam si de iure quærent, de iure responsum est.  
Num diuino iure oporteat? omnino oportet eo ipso diuino iure Chri-  
stianos omnes Pontifici maximo parere, si spiritus sanctus in Niceno  
Concilio, in Chalcedonensi, in Lugdunensi, in Florentino, in sexcen-  
tis alijs, spiritus extitit ueritatis. Quo cum non cogamur, immo diui-  
nis legibus cogimur, Sed Lutherani non legibus sed cathenis con-  
stringendi sunt. Quid obstat? ineluctabile diuinæ uoluntatis pondus.  
Quoniam non est sapientia, non est prudentia, non est consilium con-  
tra Dominum. Quo minus Papæ quod dedimus ius adimamus. En  
uobis Principes maximum ex furiosis his uerbis argumentum, non  
ex hominibus hunc principatum pontificium pendere, propterea  
quod Lutherani hoc tempore non possunt, neq; aliquando tot hære-  
tici ac uiolentijsimi Tyranni potuerunt, neq; unquam, etsi totus con-  
furaret orbis, homines poterunt potestatem hanc euertere. Ea profe-  
cto ratione, quoniam non homines sed illam Deus instituit. Hæc  
Radinus.

Maxima est igitur nobis Germanis Imperator & iustissima aduer-  
sus Lutheranos querela, tum propter maximam & sanctissimam Eccle-  
siam Ro. matrem nostram, quæ per Euangelium in Christo Ihesu nos  
genuit, & à qua Christianissimum, Euangelium, sacramenta & omnia  
bona (ipsomet faciente Luthero) habemus, quam illi spurco & impio  
ore Satanz synagogam uocant: tum propter Ecclesiam catholicam,  
quam summa cum iniuria spoliant quinq; sacramentis & hæreditate  
Christi, quæ est ab ortu solis usq; ad occasum & usq; ad terminos ter-  
ræ, ipsi autem eam contrahunt ad quosdam Germaniæ angulos, in  
quibus ipsi prædominantur.

Sed & Mathematicam quandam ex ea faciunt Ecclesiam, abstra-

T ij

ctam scilicet



## DE ECCLESIA LVTH.

**Ecclesia Mathematica.** Etiam scilicet à loco & persona, ut sit solummodo in spiritu, neq; uidens neq; audiens, quam & nos neq; uidere neq; audire sed credere tantum possimus. Hæc enim sunt uerba Lutheri. Quis Ecclesiam illam nobis monstrabit, cum sit occulta in spiritu, & solum credatur.

**Luth. de abro. missa.** Hinc ergo inferunt, in manu Ecclesiæ aut Papæ prorsus non esse, statuere articulos fidei, immo nec leges morum seu bonorum operum.

**Idem in asser. art. 27.** Cum tamen constet, rectius dicere Christum, Dic ecclesiæ, si ecclesiam non audit, sit tibi sicut Ethnicus & publicanus. Et Paulum, qui uocat eam domum Dei, columnam & firmamentum ueritatis.

**Ecclesia Platonica.** Mere Platoniam insuper ( licet id neget Philippus ) ex Ecclesia ciuitatem faciunt, quæ sanctorum tantum congregatio sit. Sicut enim nusquam reperitur in terris ciuitas ulla secundum formam Reipub. à Platone traditam, licet optima uideretur, si qua esset aut esse possit. Ita & nulla reperitur in terris Ecclesia, quæ sanctorum tantum congregatio sit, sed in omni Ecclesia reperiuntur sancti & peccatores, boni & mali, sicut Christi parabolæ clare indicant de tritico & zizania in eodem agro. De piscibus item bonis & malis in eadem sagena. Licet enim optima esset Ecclesia, in qua tantum sancti & boni sint, Qualis profecto est Ecclesia triumphans in cœlis, quæ neq; maculam neq; rugam habet ullam. In terris tamen nulla talis Ecclesia reperiri potest. Frustra igitur de tali, quæ nusquam est in terris, contenditur, quemadmodum & de Platonis ciuitate, quæ nusquam est, frustra disputatur.

**Ecclesia ficta.** Sed & Chimeram, hoc est, rem mere fictam tum ex Romana tum ex catholica faciunt Ecclesia. Dum Lutherus ait, Papam esse rem fictam in mundo, & bestię sedem negat. Et de Ecclesia, quæ citra scripturas aliquid præcipit aut prohibet, dicit, quod talis non sit Ecclesia, sed fingat se Ecclesiam esse.

64

**Ioh. Cochleus de autoritate Ecclesiæ lib. 1. c. 6.** Memini uero, Imperator, me ante octo annos, Luthero hunc in modum de Ecclesia inter multa alia, quæ hic breuitatis gratia omitto, respondisse. Non est Ecclesia, sicut cryptica uestra synagoga, occulta. Monstratur tibi in Concilijs legitimis, quæ uniuersalem Ecclesiam representant. Monstratur in Sede Apostolica, ut in uertice eius. Monstratur & in Episcopis atq; Præpositis singularum Ecclesiarum particularium. Nisi forte & Lucæ Euangelium eadem fatuitate dicas occultum ob id, quod scribit ad Corinthios Paulus. Misimus etiam cum illo

# PHILIPPICA IIII.

illo fratrem nostrum, cuius laus est in Euangelio per omnes Ecclesias. Define igitur os fatuum tam fatue ponere in cœlum. Non est enim Ecclesia Dei occulta, quia non potest ciuitas abicondi supra montem Matth. 5. posita. Si occultæ sunt cryptæ uestre, quid ad nos? Non sunt Ecclesia Dei, sed speluncæ abominationum &c. Longum foret, Auguste, commemorare hic omnes libros tractatusq; & sermones, quos nostri contra Lutheranos pro Ecclesia scripserunt. Non enim pauca nec parua aut leues sunt eorum contra sanctam Ecclesiam iniuriæ, calumniæ, fraudes, machinationes & blasphemie, quæ ne recenseantur quidem sine tædio queant, tantum abest ut hic omnes particulatim reprobare intendam, Satis itaq; fuerit, hic summatim de ijs pauca dixisse.

Maxima profecto & nobis omnibus, in primis M. tuæ intolerabilis ista eorum iniuria, qua summum Pontificem Antichristum & Romanam Ecclesiam ( cuius tu Cæsar aduocatus es & protector sumus ) Satanæ synagogam dicunt. Deinde quod schisma & seditionem contra eam excitant, & beatos dicunt omnes qui se ab ea separauerint. Tertio, quod instar latronum & rebellium Barrabarum omnem eius Iurisdictionem contemnunt, execrantur & abrogare conantur. Quarto, quod etiam catholicæ per orbem Ecclesiæ adimere præsumunt ius decernendi in Concilijs generalibus, siue de quæstionibus fidei siue de moribus & operibus agatur. Quinto, quod Concilijs uniuersalibus procaciter contradicunt & ius statuendi tollunt, quantum in ipsis est. Sic enim ait Lutherus. Hoc Euangelium ( scilicet Attendite à falsis Prophetis ) subuertit funditus & radicitus Papatum & omnia Concilia, Quia non tenemur seruare quod Papa præcipit & homines constituunt. Sexto, quod scripturis sanctis uim afferunt, & sanam earum intelligentiam, non ab Ecclesia, cui spiritum ueritatis promisit & dedit Christus, sed à se ipsis aut à damnatis hæreticis accipiendam putant, & gloriantur, apud se, non apud nos esse uerbum Dei.

65  
Decem insignes cōtra Ecclesiā iniuriæ.

Septimo, quod Ecclesiam pro Ciphra & somnio habent, dum somniant eam in spiritu tantum esse, & nihil posse decernere aut statuere, nisi quod in scripturis iam decretum ac statutum est prius. Ait enim Lutherus, Pia conscientia nouit nec dubitat, Ecclesiam nihil statuere aut ordinare citra aut ultra uerbum Dei. Quæ autem hoc tentat, Ecclesia non est, sed fingit se Ecclesiam esse.

Octauo, quod pastorem Ecclesiæ, Papam, cui Christus in Petro



# DE ECCLE. LVII.

*Luth. in asser. art. 30.* pascendas oves suas commisit, habent nunc pro Antichristo & Bestia, nunc pro re nihili & ficta. Ait enim Lutherus. Ego uero, etiam si S. Petrus hodie præsideret Romæ, negabo Romanum Episcopum esse Papam. Papa enim res ficta est in mundo, neq; fuit, neq; est, neq; erit, sed fingitur esse. Quare ipsam sedem Bestiæ nego, nihil moratus, sit ne bonus an malus qui in ea sedet. At longe rectius ait S. Ambrosius, quod cum totus mundus Dei sit, Ecclesia tamen domus eius dicatur, cuius hodie (inquit) rector est Damasius. Quisquis ergo rectorem domus Dei non agnoscit, ad domum Dei non pertinet. Et Augustinus contra Gaudentium Donatistam. Adhuc addis furori uestro uerba blasphemiarum, & audes dicere, Ecclesiam catholicam, humanum esse figmentum, cui dicit Deus. Ego sum Dominus, qui facio te. Nos ergo cum sequimur, qui dixit Abraham. In semine tuo benedicentur omnes gentes. Propterea tenentes Ecclesiam, quæ dilatatur & crescit per omnes gentes, & per uniuersam terram. Non utiq; figmentum sequimur humanum, sed promissum factumq; diuinum.

*Luth. contra regē Angliæ.* Nono, quod Ecclesiam & Euangelium sibi falso arrogant, nobisq; auferre conantur. Sic enim ait Lutherus. Dei uerbum est super omnia, diuina Maiestas mecum facit, ut nihil curem, si mille Augustini, mille Cypriani, mille Ecclesiæ Henticianæ contra me starent. Et Philippus eius. Cum pro Luthero dicimus, pro sacris uestris, pro Christi doctrina dicimus. Item, Quid Papæ cum Euangelio? Quid Belial cum Christo? quid tenebris cum luce?

*Ibidem.* Decimo, quod ritus & ceremonias Ecclesiæ maxime contemnunt & abrogant, nouasq; in despectum Papæ & Ecclesiæ introducunt. Sic enim ait idem qui supra Philippus. Cum in Christianismo cuiusuis arbitrio permitti debeant ceremoniæ, Asiam Episcopus Victor adigere conatus est ad ritus Romani Paschatis, primum, contra Euangelicam sententiam, quæ cuiq; suas ceremonias permittit. Deinde, contra ueterem Asiæ consuetudinem, cuius autores habuerunt Apostolos. Neq; uero simpliciter Asiam adoriebatur Victor, sed nouo & inaudito exemplo, diris & Anathemate. An non uidentur hæc præludia fuisse illius Antichristi, qui Romanam sedem paulo post erat occupaturus? An non erat hoc iniquitatis mysterium, quod etiam Pauli temporibus rem Christianam infestabat? Agebatur de ceremoniis, & agebatur isto Ro, fulmine, deuotionibus seu execrationibus. Quibus

pestibus  
enim iat  
& frigida  
Philippi

Co  
pam, u  
probass  
solueba  
fuisse &  
mus. N  
demptus  
more lu  
solent  
constitu  
ludæos

Et  
Petro, n  
lebrecur  
lebræci  
animas  
nos Jan  
scha D  
apostol  
& nos l  
Pius.

Et  
Pont. f  
us sanx  
sentieb  
ce cont  
gram  
impius  
dmon  
tum est  
nio cor  
rimæ

# PHILIPPICA IIII.

pestibus paulo post Antichristus erat in orbem grassaturus. Quid enim iam à Carolorum temporibus reliquum est præter ceremonias & frigidum illud fulmen? Hæc & id genus multa petulanter & impie Philippus, contra publicas ceremonias.

Constat autem ex historia Ecclesiastica, non solum uictorem Pam, uerum etiam alios quàm plurimos Episcopos & Synodos reprobasse Asianos, qui Iudaico more Pascha celebrantes, ieiunium soluebant eo die, in quem Iudaicum Pascha inciderat. At meliorem fuisse & causam & sententiam Victoris, re ipsa compertissimum habemus. Nam & ante & post Victorem ita seruauit uniuersa Ecclesia, demptis paucis minoris Asiæ Episcopis, qui tamen post cesserunt & more Iudaico dimisso, semper dominico die (sicut aliæ Ecclesiæ facere solent) pascha celebrarunt. Refert enim Platyna, in Niceno Concilio constitutum fuisse postea, ut Pascha post XIII. lunam celebraretur, ne Iudæos imitari uideremur.

66  
Histo. eccles.  
lib. 5. c. 22.

Platyna in uita Victoris Pa  
pe.  
In decretis. De  
consecra. dist.  
3. c. Nosse.

Et multo ante Victorem idem statuit S. Pius Papa, nonus à B. Petro, nempe ut die dominico pascha Domini annuis temporibus celebraretur, addens & hæc uerba. Licet nos idem pascha prædicto die celebraremus, quia tamen inde quidam dubitabant, ad corroborandas animas eorum. Hermeti (qui doctor fidei & scripturæ effulsit inter nos) angelus Domini apparuit in habitu pastoris, & præcepit ei, ut pascha Domini die dominico ab omnibus celebraretur. Vnde & nos apostolica autoritate instituimus, omnes eadem seruare debere, quia & nos seruamus, nec debetis à Capite quoquo modo discedere. Hæc Pius.

Et in Philippum hunc ait Radinus. Quod si diuus Pius itidem Pont. Max. suasu Hermetis, uiri utiq; diuino spiritu afflatus, idem prius sanxerat, Si Theophilus Palestinæ urbis Episcopus Victori consentiebat, Si demum Nicæna Synodus decretum hoc, legi Euangelicæ consonum, damnatis Asiaticorum ritibus, confirmauit. Cur martyrum gesta, quæ per sese alioqui plenissimam deberent fidem facere, impius iste contemnit? Quicquid enim ab istis ipsis in tanta uitæ sanctimonia, pro gubernanda Christiana Repub. aut gestum aut decretum est, totum ad Christi sensum pertinere, sanguinis proprii testimonio comprobarunt. Quod si ambitionis (ut ausus es) maculis, integritatæ illorum uitæ & gloriose mortis splendorem aspergas, quo te

Verba Radini  
in Philippum.

nomine



## DE ECCLESIA LVThERANA

nomine appellabimus : Sceleratum : at in ista contaminatissima oratione sceleratissimus reperiris. Num schismaticum & hæreticum : occaluisse te ad ista distitas. Hussitam & Vuiclephensem : iam ea quidem præclara putas. Temerarium : stultum : furem : beluam : leuiora omnino sunt quam causa postulat. Hæc & id genus multa respondit huic petulanti Rhetori Radinus, quæ ipse tacendo hæcenus, pro ueris agnoscere uidetur.

67

*Luth. contra  
Catharinum.*

Quid uero dicamus, Cæsar, digne pro demeritis, in ducem factio-  
nis huius Lutherum, qui etiam sanctissimos & antiquissimos Eccle-  
siæ ritus, inter XII. factes Antichristi connumerare audet : Etenim  
sub sexta eius facie comprehendit facierum ( ut ait ) quandam syluam,  
scilicet eorum quæ in templis sunt & geruntur. Qualia sunt Horæ ca-  
nonicæ, quas uocat tumultus carminum, cantus & organa, calices,  
imagines, uasa consecrata, uela, pallæ ornamenta ( quæ sine modo &  
numero esse queritur ) lumina, lampades, denique sacramenta ( quæ  
aucta à nobis dicit ) Confirmatio, Ordo, Matrimonium, extrema un-  
ctio, Atque ut inuidiosius hæc omnia irideat & contemnat, exclamat  
in hæc uerba. Deus bone, quanta est hæc una uorago pecuniarum,  
immo & animarum. Quis hic iura illa edificat, quæ his rebus religiose  
administrandis posita sunt : De septima deinde facie sic habet. Septi-  
mam faciem appellare licet, uniuersum illum abusum Missæ cum so-  
lennibus suis, cum Vigiljs, cum anniuersarijs, fundationibus, sepultu-  
ris, & totum negocium pro defunctis celebratum. Octaua est delectus  
ille ciborum & ieiuniorum. Nonam illam sceleratam faciem ( inquit ) se-  
storum dierum multiplicationem & iniquitatem. Decima est insignis  
ille Celibatus & Monasticæ castitatis multitudo. Vndecima est Reli-  
quiarum ueneratio. Duodecima & ultima ( nam alijs alias commemo-  
randas relinquit ) est Chaos illud & ianua patens inferni, incredibili  
facie spectabilis, Vniuersitates scilicet. Hæc & id genus complura scri-  
psit Rapsaces iste ante annos decem.

68

*Irrisor ceren-  
moniarum Lu-  
therus.*

Et anno superiore, quando M. T. Augustæ agebat, adhuc mul-  
to plura nominatim commemorando derisit in Teuthonica quadam  
exhortatione ad Episcopos, ubi post xxxvij. particulas rituum & ob-  
seruationum nostrarum ( quas fictæ & simulatæ seu apparentis & pha-  
risæicæ dicit esse Ecclesiæ ) nominatim rursus quam breuissime adnu-  
merat Ra-

# PHILIPPICA IIII.

merat Rasuras, Casulas, Albas, Suppellicia, Cappas, Tempia, Sacella, Altaria, Miappas altarium, lumina, candelabra, imagines, tabulas, imagines Crucifixi, candelas, uexilla, thuribula, baptisteria, monstrantias, ciboria, calices, organa, campanas, aquam benedictam, sal benedictum, herbas & omnis generis escas benedictas. Hæc omnia irridet & à sua rejicit Ecclesia. Deinde adhuc plura superaddit & irridenda & rejicienda, quæ in quadragesima & in diebus festis à Catholicis fieri solent. Qualia sunt, dies cinerum, uelum templi, imaginum uelatio, quadragesimale ieiunium, Letania, Salve regina, confessio, poenitentia & satisfactio, longæ preces, asinus in die palmarum, eiaculatio (ut ipse uocat) palmarum, cruce è palmis, cogere ad confessionem, cogere ad Sacramentum, Crucem osculari & adorare &c. Cumq; enumerasset huiusmodi obseruationes 50. subiunxit, in hæc uerba. Cessare hic uolo, quis enim possit omnia enumerare tam breuiter?

Hæc Religiosissime Imperator audet sacrilegus iste Apostata tuis temporibus (quæ uictoriosis alioqui triumphis & successibus tuis gloriosissima sunt) in lucem edere, & nominatim tam multa irridere, Quasi non sit M. T. potestas à Deo data in sceleratos Ecclesiæ hostes & desertores animaduertendi, aut quasi gladium frustra portent potestates, aut quasi non teneatur Imperator Ecclesiæ iura, ritus & ceremonias contra hæreticos, qui gladium spiritualem contemnunt, sæculari gladio uindicare. Miratus sum plerumq; Cæsar, Leonistas habuisse lxx. articulos, propter quos etiam publicis legibus in Codice condemnati uidentur. Nunc profecto multo magis & mirari & zelo domus Dei dolere egor uni huic Apostatæ tam multa tuis temporibus contra omnem religionem nostram tamdiu licere impune, cum tamen constet, nullis retro hereticis tam multa impune licuisse unquam, etiam sub decies minus fortunatis & potentibus quàm Dei dono M. tua est, Imperatoribus. Certe seuerissimæ habentur Christianorum quorundam Imperatorum leges contra hæreticos promulgatæ, partim in Codice legum, partim in Historijs. Et in eandem seueritatem ducunt sacri quoq; Canones & multa benignissimi alioqui & mansuetissimi patris B. Augustini scripta, præsertim quædam ad Bonifacium comitem & ad Marcellinum epistolæ. Et M. T. tanto maior incumbit necessitas uindicandi à tot iniurijs & blasphemijs Ecclesiam (cuius omnia sacra prophanat, omnia speciosa dehonestat spiritus iste

69

*C. de hæreticis  
L. Gazares.*

*23. q. 4. per totum.  
Aug. epist. 50.*

V cum



## DE ECCLESIA LVTH.

cum affectis suis) quàm cæteris incumbat uel Regibus uel Principibus, quanto differentius ab illis habes nomen, & eminentiorem in Ecclesia locum & dignitatem. Hæc enim sunt uerba mitissimi patris Augustini in sermonibus super Iohannem.

170  
23. q. 4. c. quã  
do uult.

Quando uult (inquit) Deus concitare potestatem aduersus hæreticos, aduersus schismaticos, aduersus dissipatores Ecclesiæ, aduersus exufflatores Christi, aduersus blasphematores Christi, blasphemum non mirentur, quia Deus concitat, ut à Sara uerberetur Agar. Cognoscat se Agar, supponat cernicem, quæ cum humiliata discederet à domina sua, occurrit ei angelus & dixit. Quid tibi est Agar ancilla Saræ? Cum conquesta esset de domina, quid audiuit ab angelo? reuerrere ad dominam tuam. Ad hoc ergo affligitur ut reuertatur. Mirantur autem, quod commouentur potestates Christianæ contra dissipatores Ecclesiæ detestandos. Si non commouerentur, quomodo redderent rationem de imperio suo Deo? Intendat charitas uestra quid dicam, Quia hoc pertinet ad reges sæculi, scilicet Christianos, ut temporibus suis pacatam uelint matrem suam Ecclesiam habere, unde spiritualiter nati sunt. Et paulopost, Nabuchodonosor rex decreuit dicens. Quicumque dixerint blasphemiam in deum Sidrac, Misac & Abdenago, in interitu erunt, & domus eorum in dispersione. Ecce quomodo Rex alienigena sæuit, ne blasphemetur Deus Israel, qui potuit tres pueros de igne liberare. Et nolunt, ut sæuiant reges Christiani, quia Christus exufflatur, à quo non tres pueri, sed totus orbis terrarum cum ipsis Regibus à gehennarum igne liberantur. Hæc Augustinus.

71

Quum igitur manifestissima sint Lutheri & complicitum eius facinora, unum è duobus, Imperator, suspicabitur (ut uereor) religiosa posteritas, nempe aut noluisse aut non potuisse te ipsi obuiare. Noluisse te nemo dicet, quisquis tuam in Lutherum sententiam Vuormaciæ manu propria scriptam uel uidit uel audiuit, sed & Edictum Imperiale illic promulgatum, & plerumque ex Hispaniis ad Germaniæ Principes M. T. rescripta, & dñu desideratus in Germaniam reditus, uxore liberisque ac tot florentissimis regnis à tergo relictis, & Augustensium Comitiorum gesta publica, denique diuturna hæc permanfio, qua nobiscum patientissime perseueras, hæc inquam omnia manifestissime indicant & conuincunt, te non nolle sed uelle religiosa seueritate his malis

# PHILIPPICA IIII.

malis obuiare & mederi. Cæterum non potuisse te obuiare, quis obsecro suspicetur aut credat? Quando enim unquam potentiorum Imperatorem habuit Germania? quando magis Deo hominibusque dilectum? quando magis rerum gestarum gloria & uictoriarum felicitate inclutum? Nonne etiam rebelles isti & à M. T. publice damnati inimici & hostes Ecclesiæ, uirtutes tuas prædicant & ad lydera tollunt? forte tantas habent uires ex seditiosorum & nouas res quærentium colluue, ut sine graui multorum periculo coerceri non possint. Nescio equidem quantum possit in occulto conspiratio ista, sed scio, multo plures in aperto consentire fidei & religioni tuæ, etiam in Germania, ut de latissimis tuis regnis & prouincijs Catholicis taceam, quam consentiant confuratorum sectæ: scio item optimos quosque in Lutheranis ciuitatibus desiderare unitatem Ecclesiæ, scio quantum displiceat Magistratibus cordatis ista Lutherana plebis insolentia. Nec dubito continuus in occulto moribus Lutheranorum uexari conscientias, quæ eis dictant ex Paulo, ut omnis anima potestatibus sublimioribus subdita sit, quia non est potestas nisi à Deo. Quæ autem sunt à Deo, ordinata sunt. Itaque qui resistit potestati, Dei ordinationi resistit. Qui autem resistunt, ipsi sibi damnationem acquirunt. Qualis igitur potest animus, quæ fortitudo esse in ijs quos eiusmodi suggestionibus terret mens sibi mali conscientia?

Rom. 13.

72

Non ista dico, Imperator, ut ad cædes & bella M. T. adhorter, absit. Quid enim proficitur bello & credibus? nōne maius inde lucrum diabolo accedit, dum interfectis hæreticis nulla restat amplius spes salutis, nullus reditus, nulla conuersio? Et ea est belli malitia, ut multos undique admisceat & inuoluat innocentes. Alia igitur petimus à M. T. remedia, quæ iuris sunt & æquitatis, habes leges, habes iudicia, habes exequendi potestatem. Siste capita factionis iudicio, iudica secundum leges, secundum Canones, secundum scripturas, secundum Euangelium, fac prolatam sententiam in rem transire iudicatam, corripe paucos, ut parcas multitudini. Si uerba non audiunt, audiant stridorem cathenarum & uerberum, gustent squalorem carceris, donec reuertantur ad cor. Iuxta pulcherrimam illam B. Augustini petitionem, quam scripsit ad Donatum Proconsulem Aphricæ. Ex occasione (inquit) terribilium iudicium & legum, ne æterni iudicii poenas luant, corrigi eos cupimus, non necari. Nec disciplinam circa eos negligi

Aug. in epistolis epist. 127.

V

uolumus,



## DE ECCLESIA LVThERANA

uolumus, nec supplicij ( quibus digni sunt ) coerceri. Sic ergo eorum peccata compesce, ut sint quos poeniteat peccasse.

**Epistola. 159.**

Et ad Marcellinum Comitem. Non quod scelestis ( inquit ) hominibus licentiam facinorum prohibeamus auferri, sed hoc magis sufficere uolumus, ut uiui & nulla parte corporis truncati, uel ab inquietudine insana ad sanitatis orium legum coercione dirigantur, uel a malignis operibus alicui utili operi deputentur. Vocatur quidem & ista damnatio, sed quis non intelligit magis beneficium quam supplicium nuncupandum, ubi nec scruendi relaxatur audacia, nec poenitendi salutaris medicina subtrahitur? Imple Christiane Iudex pij patris officium, sic succensere iniquitati memineris, ut non in peccatorum atrocitatibus exerceas ulciscendi libidinem, sed peccatorum uulneribus curandi adhibeas uoluntatem. Hæc Augustinus, qui & ad Bonifacium Comitem ait. Quomodo reges Domino seruiunt in timore, nisi ea quæ contra Domini iussa fiunt, religiosa seueritate prohibendo atq; plectendo?

73

**Psal. 2.**

Si ergo seruis Domino, Pississime Imperator, in timore ( ut omnes credimus ) necessarium tibi est, Apprehendere disciplinam, nequando transgredieris Dominum, & pereas ( quod absit ) a uia iusta, si rebelles & in-disciplinatos istos Ecclesiæ dissipatores & transfugas non corripueris iuxta legum publicarum tenorem & secundum diuini uerbi celestia oracula quæ habentur Deut. xij. & xvij. ac Matth. v. & xvij. & in plerisque alijs locis, quos alibi commemorauimus. Ad hanc enim necessitatem obligat te Deus, obligat Sedes Apostolica, obligat Imperiale officium, obligat Apostolus, ne gladium frustra portes, obligant leges & Canones, tum etiam propria Edicta tua, obligat denique mater Ecclesiæ, quæ te Christi cohæredem fecit, & fraterna charitas quæ omnia sustinere iubet, ut lucrifacias tot animas quæ hoc schismate percutunt.

**Rom. 13.**

**C. de hæreticis per totum. 23. q. 4. per totum.**

**Aug. in Psal. 2**

Tunc ergo apprehendis disciplinam, quando præbes te præsidium ( ut inquit Augustinus ) ac munimentum quoddam aduersus omnia quæ obesse possunt, quando corripis inquietos & consolaris pusillanimes, quorum plerique gementes nunc dicunt, Sperabamus Cæsarem suo aduentu tandem desiderato redempturum esse Israel. Quos ego sane adhuc semper bene sperare iubeo, de tua pietate erga Ecclesiam nihil omnino dubitans. Credo enim firmissime, te optima intentione hanc facere

# PHILIPPICA IIII.

hanc facere moram, ut hos motus qudm prudentissime simul ac saberrime componas, ut omnes intelligant, cor regis in manu Dei esse. Pro. 21.

Et de M. T. recte dici olim possit, quod de fortissimo & nobilissimo Rege Asa legitur. Fecit (inquit textus) Asa quod bonum & placitum erat in conspectu Dei sui, & subuertit altaria peregrini cultus, & excelsa, & confregit statuas lucosq; succidit, & precepit Iudæ, ut quæreret Dominum Deum patrum suorum, & faceret legem & uniuersa mandata. Et abstulit de cunctis urbibus Iuda aras & phana, & regnauit in pace, mortuus autem est anno quadragesimo primo regni sui. Sic & de filio eius Iosaphat legitur, quod cor eius sumpsit audaciam propter uias domini, ut etiam excelsa & lucos de Iuda abstulerit, Ideoq; dominus confirmauit regnum in manu eius. Sic etiam longe post illud fuit in manu Dei cor Ezechie regis quando destruxit lucos & templa Idolorum & excelsa immolationum. Sic cor Iosie, quando combussit omnia uasa quæ fuerant facta Baal, quando deleuit aruspices qui sacrificabant in excelsis, quando destruxit ædículas effœminatorem, quando occidit uniuersos sacerdotes excelsorum, & restituit Phasæ & cæteras legis ceremonias, quas reges idolatræ (nouis subintroductis) aboluerant. Sic etiam cor Regis Niniuitarum in manu Dei erat, quando indixit ieiunium & saccum poenitentiae ad placandam iram Dei minantis euerfionem ciuitatis. Sic & Assyriorum regis Nabuchodonosor cor à Deo agebatur, quando statuit legem terribilem, ne quis blasphemaret Deum Sidrac &c. Sic deniq; & Darij regis Persarum cor in manu Dei erat, quando occidit sacerdotes Beli, & tradidit Idolum eius Danieli, qui ipsum & templum eius subuertit. Sic ergo & cor tuum, Cæsar, in manu Dei esse speramus, ut destruas aliquid quando (ubi Deus nobis irasci desierit) hos rebellium motus, separationes & hæreses uniuersas, & manu forti reducas ad Ecclesiæ unitatem, ad pacem Christi, ad ouile Petro commissum omnes oues aberrantes, ut dicat tandem rebellium unusquisq; Erraui sicut ouis quæ periit, requisiiuit me pastor, renui uenire, compulit intrare Cæsar, & reuixi. Tu perge obsecro Cæsar in Domino confidens, ut hætenus, & ipse cor tuum diriget in salutem etiam rebellium & inimicorum tuorum.

Qualis est enim apud eos Ecclesia? qualis cultus? qualis conuersationis disciplina? Talis est profecto eorum Ecclesia, de qua dicere

X

queas

74

2. Para. 14.

1b. c. 17.

4. Reg. 18.

2. Para. 34.

4. Re. 24.

Ione. 3.

Dan. 3.

Dan. 14.

Psal. 118.

75



## DE ECCLESIA LVThERANA

*Qualis ecclesia Lutherana.* *Pfal. 25.* queas. Odiui ecclesiam malignantium, & cum impijs non sedebo. Nul-  
lus in ea ordo est sacer, Temerariæ quædam sunt apud eos ordinatio-  
nes sine ritu solenni, sine unctione sacra, quo quisq; loquacior est & in  
Papam & omnem Clerum malignantior, eo gravior est seditiosæ ple-  
bi, quæ illum Episcopum sibi creat, etiam si oppidulum sit aut pagus.  
Nec refert, qualis antea sit uita eius, dummodo loquax sit & mali-  
gnus in Catholicos. Sunt itaq; apud eos Episcopi leuissimi quicq; trans  
fugæ, sacerdotes contra uotum & legem uxorati, Apostatæ scelerati,  
fures, fornicatores, sacrilegi, poctæ & rhetoreuli qui gloriantur se pu-  
trido oleo non esse unctos, sicut uncti sunt sacerdotes Papistici (sic  
enim nos, quicunq; Ro. Ecclesiæ obedienter adhæremus, uocant) Et  
uxores eorum maxima ex parte sunt Moniales apostaticæ, aut ne-  
quissima scorta, quæ procacitate, superbia & uestium ostentatione o-  
mnia superant lupanaria. Auditores eorum sunt truces Centauri, qui  
prædam meditantur ex Ecclesijs nostris, seditiosa plebs & inquieta  
turba, quæ prætextu libertatis Christianæ omne fugum excutere, o-  
mnes leges calcare, omnia facere æqualia desyderat.

Iuuentus item dissolutissima, effrenis & omnis disciplinæ uel im-  
memor uel impatiens, quæ in diem uiuit sine timore Dei, sine reue-  
rentia maiorum, sine morum disciplina, uentri & Veneri citra uere-  
cundiam indulgens, tota hebdomada domi operans aut ocio uacans  
si opibus abundat, die dominica in templum quidem semel uenit, ali-  
quando, sed non nisi ad conuitiosum in Clerum sui Episcopi fictitijs  
sermonem, & ad cantilenas nouas, quas in despectum Ecclesiæ secta-  
rum duces excogitant, Missarum solennia & horas canonicas uix no-  
minari sustinet. Virgines eorum à Lutherò persuasæ, quod nemo cæs-  
te uiuere queat, nisi per raram & paucis concessam gratiam Dei, dis-  
sputant inter se alicubi adeo impudice, ut ne uiri quidem sine pudo-  
re uerba eorum referre queant.

Pueri deniq; eorum ita discunt & Cleri & religionis nostræ à paren-  
tibus & eorum familijs contempti, ut quàm paucissimi uel ad litera-  
rum studia uel ad morum disciplinā propensi uideantur. Vnde fit, ut  
scholæ eorum tantum nō sint uacue, in quibus uix X aut XX pueros  
nunc reperias, ubi prius reperisses C. CC. aut CCC. In plateis uero ui-  
deas miseranda puerorum agmina, in quibus nihil sit uel timoris Dei  
uel reuerentiæ & disciplinæ, sed ora omnium euomunt maledicta in  
Papam

# PHILIPPICA . IIII.

Papam & Clerum quęcunq; à parentibus aut alijs audierunt. Viso autem tem Monacho mox inclamant, lupus lupus. Et iam multi sunt apud eos pueri, quibus monstri loco est, uidere Monachum in habitu suo, quia nulli sunt amplius apud eos Monachi. Talis est Imperator eorum Ecclesia nouella, in qua nulla est ab Apostolis successio, nulla Ordinum sacrorum distinctio, nulla obedientię aut reuerentię erga prępositos cura, quos mira puerisitate quanto uilius habent uelut compotores & contabernarios, eos magis amant & laudant.

Quid dicam de nouę huius religionis cultu? Nulla ibi extruuntur templa aut altaria noua, uetera uero aut diruuntur funditus aut neglecta sic squalent, ut apud nobiles eorum mundiora uideas eorum stabula quàm diuorum templa: sacra uasa uel direpta sunt uel in clam ab Apostatis sublata & confata: uestes sacrę uersę sunt uel in diploides & tunicas sacrilegorum uel in thoralia & collaria aut dextralia meretricum aut perfidarum Monialium. Nulla sunt apud eos sacrificia, nullę missarum oblationes, nullę horę canonicę, nulla ieiunia, nullę sanctorum celebritates annuę, nullę ecclesiarum dedicationes, nullę imaginum & reliquiarum uenerationes, nullę supplicantium processiones, nulla Crucis uexilla, nulla in templis luminaria aut candelabra. Breuiter nihil eorum, quę ego ex Luthero supra recitauit triplici distinctione, quarum prima continebat particulas xxxvij, secunda xxvij, tertia I, quę in unam summam redactę faciunt. cxliij. ut etiam Leonistarum numerum, qui. lxx. habent damnatos articulos, excedant. Et tamen longe plura connumeraturus fuerat Lutherus, nisi breuitatis gratia omisisset. Ait enim ea se duntaxat commemorasse, quę in ecclesijs Parochialibus sunt & geruntur, longe autem plura fore, si connumerentur ea quę in Cathedralibus & Collegiatis ecclesijs, & quę in Monasterijs & fratrum mendicantium Conuentibus, in Curijs item Officialium & in Vniuersitatibus habentur & fiunt.

Nunc expende Imperator, quid Deus, quid Papa, quid alijs Reges ac Principes, quid posterit deniq; de nobis Germanis sentire queant, si tam multa tamq; pia, casta, sancta & antiqua sanctorum patrum & maiorum nostrorum instituta Ecclesiastica sinatur per teterrimas ex leuissimis hominibus conflatas sectas istas in Germania subuerti, mutari, tolli, abrogari tanquam impia & Enangelio contraria, quasi omnes

X ij

maiores

76

Qualis religionis cultus apud Luther.

Luth. in exhortatione ad Episcopos.

77



# DE ECCLE. LVII.

maiores nostri in talibus Ecclesiæ institutis errauerint ac imple contra Deum & Christum eius egerint, proinde nunquam uere Christiani fuerint. Quid dicet (obsecro) posteritas, ubi senserit, tuo sub Imperio sic defecisse scholas & studia literarum? Nisi enim huic malo in tempore prospexeris, post paucos nimirum annos non habebunt Germani neque Theologos & Philosophos in Vniuersitatibus, neque pastores & Concionatores in ecclesijs, neque Rectores & Pædотribas in scholis, neque in aulis & palatijs Principum Consiliarios, quia literarum scholæ nullos pene habent discipulos.

78

*Tertul. de præscrip. hæret.*

De conuersatione autem istorum Euangelicorum hominum, qui factis diaboli potius quam Euangelici reperiuntur, uerissimum sane uidetur, quod Tertullianus de hæreticis in genere scripsit. Quam futillis (inquit) quam terrena, quam humana est hæretica conuersatio, sine grauitate, sine autoritate, sine disciplina, ac fidei suæ congruens. Ordinationes eorum temerariæ, leues, inconstantes, nunc Neophytos conlocant, nunc sæculo obstrictos, nunc apostatas nostros, ut gloria eos obligent, quia ueritate non possunt. Nunquam facilius proficitur quam in castris rebellium, ubi ipsum esse illic promereri est. Et infra. Adeo & de genere conuersationis qualitas fidei æstimari potest &c. At multo breuius clariusque uitam eorum explicat propheticus sermo Psal. xij. Qualis enim ea est conuersatio, in qua laudantur manifesta sacrilegia, nuptiarum nomine cohonestantur flagitiosissima Monialium supra, contemnitur sacra uirginitas, & sponsis Christi præferuntur raptus Monasticarum, ubi placet ebrietas, displicet sobrietas, exhibetur ieiunium, exufflatur sacra unctio, quæritur sola fides, suggillantur bona opera, negantur merita iustorum, ficta prædicatur charitas, falsa spes, uana præsumptio, licita rescinduntur matrimonia, admittuntur illicita, ubi denique ius fasque despicitur, rapiuntur & possidentur aliena.

79

*Luth. in Cap. Babyl.*

Talis est Imperator noua nouarum sectarum Ecclesiæ, quam Philippus iste Luthericus ueram Ecclesiam esse contendit, & congregationem sanctorum dicendam putat. In qua quicquid libet licet, & omnia sunt libera. Eiusmodi enim Christiani ab omnibus omnium hominum legibus exempti & liberi esse uolunt, Nec mortale esse peccatum sinunt, si quis uel Ecclesiæ uel maiorum præcepta transgrediatur. Quasi non queant uel Prælati nostri uel Ecclesiæ mater nostra, nobis aliquid sub obedientiæ debito præcipere. Quasi peccatum non sit inobedientia.

# PHILIPPICA . IIIL.

obedientia. Quasi non dicat Paulus Rom. xij. Qui autem resistunt, ipsi sibi damnationem acquirunt. At nemo damnatur nisi propter peccatum mortale. Hic igitur error, quo ius præcipiendi tollitur & abrogatur Prælati, Concilij & Ecclesiæ, fons & origo est omnium pene rebellionum & transgressionum, quæ ab hæreticis contra Ecclesiæ ritus & ceremonias fiunt. Cum tamen sint quàm manifestissimæ uerba & Christi Matth. xvij. & Pauli. ij. Thessa. iij. Hic enim ait. Denunciamus uobis fratres in nomine domini nostri Ihesu Christi, ut subtrahatis uos ab omni fratre, ambulante inordinate & non secundum traditionem quam acceperunt à nobis. Ille uero sic. Si Ecclesiam non audierit, sit tibi sicut Ethnicus & publicanus. Iam satis constat, quod talis subtractio & excommunicatio non debet fieri pro leui & ueniali, sed pro graui & mortali peccato.

Hæc sunt CAROLE Auguste, quæ contra tergiuersantis & malignantis huius calumniatoris Apologiam de Ecclesia dicere uolui, non recriminandi quidem libidine, sed pro admonendi studio, ne credas fraudulentæ huic deceptoris & uirulento Ecclesiæ dissipatori, qui falsis suasionibus probare nititur, apud suos non esse (quæ Ro. Ecclesiam & maiorum nostrorum ac sanctorum instituta sequimur & amplexamur) ueram & Catholicam esse Ecclesiam. Nec existimet obsecro M. T. hanc inter nos contentionem, ceu rem futilem & parui momenti, iudicio tuo indignam. Hæc enim controuersia est de uniuerfa fide & salute nostra. Si enim recte sentit Philippus, necessarium profecto est, & nos & omnes patres nostros (quod absit) in æternam abire damnationem, quia ueram Christi fidem & Ecclesiā, quam Lutherani sibi arrogant, non tenemus, sed uelut impiam & hæreticam damnamus & anathematizamus, & sequimur Ecclesiam Romanam, sicut fecerunt tot sæculis maiores nostri, quam Lutherani Antichristi synagogam dicunt.

Si uero nos recte sentimus, & ipsi potius credendum est quos supra in testimoniū ueritatis adduximus, quàm huic Philippo, necessarium profecto est, ut non modo omnes Lutherani, uerumetiam omnes Anabaptistæ, omnes Sacramentarij, omnes Suermeri, omnes omnium sectarum (quæ cum Ro. ecclesia non conueniunt) homines, ne uno quidem excepto, fiant rei mortis æternæ, eantq; post hanc uitam mox reiecta in ignem æternum, iuxta illud Job. xxi. Ducunt in bonis dies suos, & in puncto ad inferna descendunt. Quid ita? quia errant in fide, de-

X iij serunt &

80  
Epilogus.



# DE ECCLESIA LVTH.

serunt & scindunt Ecclesiam, relinquunt charitatem, maledicunt summo Pontifici, uero & legitimo pastori ouium Christi. Hæ maculæ, ne sanguine quidem (teste Cypriano) dilui possunt. Quisquis enim charitatem in unitate Ecclesiæ non habet, nihil est. j. Cor. xiiij. quia multitudinis credentium erat cor unum & anima una Act. iij. Hæc unitas & adunatio præfulget in coelo ( ut ait Albertus Magnus, quem Rhetor iste ita stolidum facit, ut nulla sit in toto corpore mica salis ) in naturis ostenditur, in operibus Christi exemplificatur, in diuinis legibus præcipitur, & in toto Christi corpore mystico obseruatur.

*Cyp. de simpl. Prelatorum.* Certe Christus dominus & saluator noster ait. Et fiet unum ouile & unus pastor. Ouile est Ecclesia, Pastor ouium B. Petrus, non Lutherus, non Melanchthon, non Zuinglius, non alij sectarum duces, Ioh. xxj. Petre amas me plus his, pascue oues meas. Petri igitur oues eadem sunt quæ Christi, qui ergo sedem & Ecclesiam Petri non sequitur, nec cum eo colligit, is nec Christum sequitur, sed dispergit Matth. xij. Christus autem mortuus est non solum pro gente, sed ut filios Dei qui erant dispersi, congregaret in unum Ioh. xj. Huius Imperator sequere obsecro exemplum, & da operam, ut secundum uirtutem & potentiam ac potestatem tuam, à Deo Opt. Max. in ædificationem & in salutem generis humani tibi concessam, disperdas Christi oues congreges foeliciter in unum, ut uigore potentie & M. T. opitulante diuina gratia, ad nos redeant, qui à nobis exiuerunt, uno eodemq. baptismo Ecclesiæ nobiscum in Christo regenerati, qui nunc damnabili dissidio foris baptizant paruulos suos, non ad uitam ( ut anxie metuo ) sed ad mortem sempiternam, nisi ad Ecclesiæ gremium, unde exierunt, reuertantur. Moueat igitur M. tuam saltem paruulorum ac tot milium puerorum infœlicitas, qui nescientes foris perituri sunt simul cum parentibus suis, nisi Pietas tua eos uel inuitos in Christi ouile reducat. Dixi.

LIPSIAE EXCVDEBAT NICOLAUS FABER,  
MENSE IUNIO ANNO  
M. D. XXXIIII,

et sum:  
ulae, ne  
char:  
ultitu:  
itas &  
rhetor  
naturis  
s prae:

ouile  
urthe:  
loh.  
s ca:  
nitur,  
h. xij.  
ei qui  
quere  
oten:  
n fa:  
gre:  
una  
imo  
icio  
dad  
re:



E


SCO  
ta

SOPH  
tal


PAR.  
nar  
scri

D. H  
per  
& C

GEN  
cog















Steuchi

Adversus Epistolam

707.

S

ST